

太平天国史事日誌

上 册

郭 廷 以 著

商 務 印 書 館 發 行

太平天国史事日誌


上册

郭廷以著

上海图书馆藏书



A541 212 0016 0017B



商務印書館發行

627.74
0412

序

短促的十四年朝代，滅亡後其史蹟史料復經將近五十年的毀滅與禁忌，於是太平天國遂成爲恐怖的象徽，或是神祕的淵藪。

滿清覆亡以後，『長毛』的傳說中又加入了許多浪漫的革命情緒。太平天國乃從民間祖母嚇孫兒啼哭的故事，成爲志士文人茶餘酒後的談資。然而太平天國始終是神祕的，浪漫的。

從客觀的史實，以嚴整的史學方法，來研究這一代成敗興亡的，究有何人？

前十五年到二十五年之間，有幾位朋友，在國外圖書館中，發現了許多太平天國的書籍和文告，或抄或影，帶回國來。如劉半農，俞大維，許地山諸先生都是做過這類工作的，我也是其中的一箇，但是除半農因發現在最初而略有刊印外，其餘的人，都因爲有心做一點考訂的工作，附帶發表，而不會將這類抄影的文獻，刊行於世。其實這項抄影的工作，不過是爲太平天國保存文獻而已，並不足以稱研究太平天國。

然而我們在當年卻鼓起了一般談太平天國的風氣。

從我們談太平天國的風氣中，不意竟喚起了郭廷以先生研究太平天國的興趣；使他在這問題上，沒沒無聞的費了上十年以上的功夫。這是何等意外的收穫！

他治史是很審慎的。他認爲要寫太平天國史，必先把太平天國的史實，用比較的方法，考訂其準確性；再按其時間的順序，列舉下來；以時間來統帥綜錯複雜的事實，俾便發現其因

果或前置 (Antecedent) 與後隨 (Consequence) 的關係——然後可以着筆。結果就成爲這部一千四百餘頁的鉅製，太平天國史事日誌。

他參考過二百多種中西書籍，其中有許多是卷帙繁重的。他用了交互校正的方法，來斷定一件事發生時日的先後，其中不免也有將來尚可修正之處，但是到現在他的工作，也够審慎麻煩了。

還有可寶貴的是他所附的各表，和十幾幅有關軍事的地圖，表示太平天國在不同時代的疆域。列表的方法是中國以前史家用過的。附地圖的方法，是出於近代的觀念，是得近代技術的幫助才能成功的。

我相信這部書是截至現在止，研究太平天國的第一部大書，是將來寫太平天國信史不可少的一部根據書。將來那部大的太平天國史郭先生自己來寫嗎？若然，則這是一隊雄壯而密集的前進號音。

我本來答應郭先生把我對於太平天國一代興亡的觀察爲他寫一長篇導言；現在常處於火光彈聲之中，竟不能着手。但是我覺得寫這篇短序，還是我的義務。

羅家倫 中華民國二十九年八月二十九日重慶行都

凡 例

(一) 太平天国革命或變亂，爲近代中國史上之一大波瀾。論其性質，初不限於政治種族，實兼有宗教經濟社會諸因素。溯其淵源，內則受正統思想祕密會社之影響激動，外則受耶教外患之薰染暗示。究其後果，孫中山先生之革命運動，曾左李諸公之維新事業，又均直接間接，與有關係。

(二) 捻衆先起於河淮，洪楊繼發於粵西，兩者原無聯繫。迨至天京建都，彼此實常相爲用，終則漸成一體。及後金陵不守，捻反大熾，縱橫六七省，歷時四五載，主其事者，仍多太平舊人。

* * * * *

(三) 本書專記太平天国及捻亂史事，同時於此大變亂之背景，亦於可能範圍之內，盡量記述，如十九世紀前半期，卽嘉道兩朝之騷動；而與之直接間接有關之事，一併酌量及之，如各地民變及天地會（三合會，三點會）之活動。

(四) 本書紀事，係各方並顧，並不限於兵戰；惟以材料關係，軍事記載，實居大半，此則無可如何者。

(五) 本書紀事，以時間先後爲序，逐日編排，如是日無可記者，則付闕如。

(六) 本書月日，係中西曆並舉，以便檢查對照。西曆以阿拉伯數字記之，中曆則以中國數字附於括弧之中，如 1,1（一一，二九），卽西曆一月一日，相當於中曆十一月二十九日；2,1（一，一），卽西曆二月一日，相當於中曆正月初一。

日，餘可類推。如所據以記事之資料，記有太平天曆者，則亦爲附註。

(七) 本書既爲史事誌，凡日事實，無不力求正確。草創之始，原擬每事註明所自，用備取證，後以事多彰著，各書互見，逐一標列，實太冗繁。今僅於其有疑難者，予以註釋，其不能決者，則兩存之。

(八) 太平天國一代史事，其中須待考訂者頗多，如洪秀全之身世及早年活動，舉事時間，天王登極，新曆創行，永安占領，太平軍與天地會之關係，洪大全問題，錢江上書問題，西王之死，天京政變，爵職封授，李秀成事蹟……均一一爲之考釋，附於有關事項之後，並於目錄中註明，以備檢查。

(九) 太平天國新曆與中西曆對照，編者推算，與衆稍有出入，請閱者注意。詳見拙著“太平天國曆法考訂”。

* * * * *

(一〇) 天地會一稱三合會（三點會），書中兩名互見，所指則一。

(一一) 本書於各府州廳，均書其全名，如潯州府，鬱林州，百色廳是；但縣名如爲兩字者，均省去縣字，如桂平，平南，如一省之中，府縣同名，則仍加縣字，如安徽太平縣，寧國縣，江西建昌縣，南康縣，以別於太平府，寧國府，建昌府，南康府。

(一二) 本書材資去取，均經審慎考慮，但各人觀點不同，所見各異，在甲或謂失於繁瑣，於乙亦容謂尙欠詳盡。茲將編者認爲重要之條，以較大字體排印，用醒眉目。

(一三) 爲便於讀者檢閱，卷首編附目錄二種，一依事之

性質，略加分排，一按時之次序，予以註明。

* * * * *

(一四) 本書草始於民國十五年秋，原爲“近代中國大事誌”之一部分，後以材料增多，決定單獨成書，自十九年至二十二年，稿凡五易，二十三年春始由國立中央大學將正文排印，聊供學者參考，此次付印，復經四次修正。

(一五) 太平軍之消滅，距今不過六十餘年，而事實真象，已不易明。編者常爲一事件，一月日，各方參證，隨時留意，以求其正確，或經年而始獲解決，或竟終不克作最後論定者。

(一六) 本書所用之參考書籍，大都借自清華大學圖書館，中央大學圖書館，燕京大學圖書館，金陵大學圖書館，中央政治學校圖書館，北平圖書館，南京國學圖書館，杭州省立圖書館，及羅志希，朱邊先兩先生。

(一七) 地方志中所保存之材料，常有爲他處所不能見者，如“潯州府志”，“平南縣志”中關於洪楊早年之情況，“浦江縣志”，“黃巖縣志”，“宜荆縣志”，“都昌縣志”……關於太平軍占領地域之設施及其首領，均爲有價值之記載，惜編者限於事實，不克遍見。

* * * * *

(一八) 本書性質爲屬於工具一類之史事記，編者個人只求爲他人作預備工作，期能節省具有才識德學之史家之精力時間，於願已足。至於能否符合此種希望，則非所知。

(一九) 編者限於見聞，關於此一代事跡，十年以來，雖多方蒐集，絕不敢謂已盡於此。近年公私文書，時有發現，未

獲盡觀，待補正處尚多，至希海內外人士，不吝指正爲幸。

(二〇) 本書之作，羅志希先生實予以極大之指導與助力。即“太平天國史事日誌”一名，亦爲羅先生所擬定。

民國二十六年五月十三日編者識於南京。

目 錄

1796 至 1820——仁宗嘉慶元年丙辰至二五年庚辰	1
1821 至 1830——宣宗道光元年辛巳至一〇年庚寅	6
1831——道光一一年辛卯	8
1832——道光一二年壬辰	8
1833——道光一三年癸巳	10
1834——道光一四年甲午	11
1835——道光一五年乙未	11
1836——道光一六年丙申	11
1837——道光一七年丁酉	14
1838——道光一八年戊戌	27
1839——道光一九年己亥	28
1840——道光二〇年庚子	29
1841——道光二一年辛丑	29
1842——道光二二年壬寅	29
1843——道光二三年癸卯	31
1844——道光二四年甲辰	37
1845——道光二五年乙巳	45
1846——道光二六年丙午	47
1847——道光二七年丁未	49
1848——道光二八年戊申	59
1849——道光二九年己酉	67
1850——道光三〇年庚戌	71

1851——文宗咸豐元年辛亥，太平天国辛開元年	97
1852——咸豐二年壬子，太平天国壬子二年	147
1853——咸豐三年癸丑，太平天国癸好三年	200
1854——咸豐四年甲寅，太平天国甲寅四年	293
1855——咸豐五年乙卯，太平天国乙榮五年	365
1856——咸豐六年丙辰，太平天国丙辰六年	431
1857——咸豐七年丁巳，太平天国丁巳柒年	515
1858——咸豐八年戊午，太平天国戊午八年	555
1859——咸豐九年己未，太平天国己未玖年	603
1860——咸豐一〇年庚申，太平天国庚申拾年	651
1861——咸豐十一年辛酉，太平天国辛酉拾壹年	737
1862——穆宗同治元年壬戌，太平天国壬戌拾貳年	843
1863——同治二年癸亥，太平天国癸開拾叁年	953
1864——同治三年甲子，太平天国甲子拾肆年	1043
1865——同治四年乙丑	1115
1866——同治五年丙寅	1147
1867——同治六年丁卯	1165
1868——同治七年戊辰	1181

附 錄 目 錄

一 天曆與陰陽曆對照及日曜簡表	1
二 太平天国人物表	10
附 爵職解說	10
(一)王表	19

甲類	乙類	丙類	丁類	戊類	己類	
庚類	辛類	壬類	癸類			
附 天地會諸王						37
(二) 國宗王宗表						38
(甲) 國宗	(乙) 王宗					
(三) 侯表						41
(四) 丞相表						42
(甲) 六官丞相	(乙) 恩賞丞相					
附 尙書						47
(五) 將表						48
(甲) 主將	(乙) 佐將	(丙) 天將	(丁)			
朝將	(戊) 神將					
(六) 檢點指揮表						57
(甲) 檢點	(乙) 指揮					
(七) 六等爵表						63
(甲) 天義	(乙) 天安	(丙) 天福	(丁)			
天燕	(戊) 天豫	(己) 天侯				
(八) 翼王部屬						80
三 主要戰役及將帥表						83
(一) 太平軍						83
(1) 永安之役(1851—1852)	(2) 北伐——自永安至					
南京(1852—1853)	(3) 北伐——自南京至天津					
(1853—1855)	(4) 西征(1853—1856)	(5) 經營江				
西(1855—1856)	(6) 天京初次解圍(1856,6)	(7) 江				

浦興三河之役(1858,9—11) (8)翼王遠征(1857—1863) (9)天京二次解圍(1860,4—5) (10)陳李西征·失守安慶與占領杭州(1860—1862) (11)攻擊上海(1862,1—8) (12)救援天京:忠王西征(1862—1863) (13)江南攻守(1863—1864) (14)浙江攻守(1862—1864) (15)西趨江西(1864,2—10) (16)南入閩粵(1864,9—1866.2) (17)西北遠征(1862—1865) (18)捻衆分合(1864—1868)

(二) 清軍 124

(19)湘軍東征上——底定湘楚(1854—1856) (20)湘軍東征中——經營贛皖(1856—1861) (21)湘軍東征下——進窺金陵(1862,3—5) (22)李軍平吳(1862—1864) (23)左軍平浙(1862—1864) (24)駱軍平川及進援陝甘(1861—1865) (25)三圍金陵(1853—1864)

四 洪清兩軍戰爭地圖 148

五 清督師大臣表 149

六 剿捻統帥表 153

七 洪清兩方洋將簡表 159

(I) 清方洋將 159

甲 中外混合軍 (1)常勝軍 (2)常安軍,定勝軍(綠勇) (3)上海中法混合軍 (4)常捷軍(花勇,黃勇,信義軍) 乙 洋教習 (1)上海洋教習 (2)天津洋教習 丙 協助清軍之外國軍官 (1)上海方

面 a.英軍 b.法軍 (2)寧波方面 a.英軍
b.法軍

(II) 洪方洋將 174

(1)忠王李秀成部 (2)慕王譚紹光部 (3)侍王李世賢部 (4)其他各王

八 引用書目 179

(I) 中文之部 179

(1)甲類(原料一,太平官書與總集) (附)太平天国官書考訂 (2)乙類(原料二,專集) (3)丙類(原料三,當事人記述及其他) (4)丁類(次料,系統記述) (5)戊類(雜刊) (6)己類(傳記與年譜) (7)庚類(地方志) (8)辛類(期刊)

(II) 西文之部 260

(註)此書係於民國二十六年春間付印,除年月目錄外,另製有引得式目錄,擬將書中要事,略加編排,分別鉤出,註明頁次,用便檢查。滬戰發生,印刷延擱,二十八年春,重行排版,以滬淪郵遞困難,編者不克覆校,初時計畫,無法實現,至爲憾愧。今仍將原草要目弁附,備供閱者自註,兼示書中概略。事非得已,尙祈諒之。將來事實許可,當再設法補入也。民國二十八年四月十二日郭廷以識於重慶中央大學石門村。

要 目

一 大亂之前夕與金田舉事

- 一 嘉道間之騷亂(1796—1842)
- (1)白蓮教亂 (2)天地(三合)會亂 (3)艇匪
(4)回亂與夷亂 (5)其他變亂(附捻)
- 二 道光末年之騷亂(1843—1850)
- (1)天地會亂 (2)回亂 (3)民衆抗糧 (4)雷再
浩之亂 (5)李沅發之亂 (6)粵西之亂
- 三 外教與外患(1807—1849)
- (1)新教徒之活動 (2)外患(中西之衝突)
- 四 洪秀全與上帝會之組織(1813—1848)
- (1)洪秀全之身世 (2)洪秀全之幻象 (3)廣西佈教
與上帝會 (4)馮雲山之活動 (5)天父天兄初下凡
- 五 金田舉事(1850,7—1851,9)
- (1)舉事經過 (2)舉事月日 (3)清廷應付
(4)洪清兩軍之角逐

二 太平天國之建立及其軍事進展

- 一 太平軍勢力之擴大：建國之始(1851,9—1852,4)
- (1)建號稱王 (2)天地會與太平軍 (3)占領永安
(4)封王 (5)洪大全問題
- 二 北出長江(1852,4—1853,2)
- (1)圍攻桂林 (2)攻略湖南 (附)南王與西王之死
(3)占領武漢 (附)太平軍在武昌之設施 (4)清軍
之統帥
- 三 定都南京(1853,2—3)
- (1)錢江獻策問題 (2)沿江東下 (3)攻取南京一

一定都 (4) 占領鎮揚 (5) 江南與江北大營

四 北伐 (1853,5—1855,5)

(1) 北伐軍之統帥 (2) 江北與河南 (3) 懷慶之戰
(4) 深入晉燕 (5) 天津之戰 (6) 援軍之續派及其
消滅 (7) 北伐之失敗

五 西征 (1853,5—1856,8)

(1) 安慶與廬州 (2) 圍攻南昌 (3) 再占武漢
(4) 重入湖南 (5) 三占武漢 (6) 翼王援鄂 (7)
經略江西

六 天地會之活動 (1853,9—1861,8)

(1) 上海之劉麗川 (2) 漳州之黃威 (3) 圍攻廣州
(4) 陳開建國：西入廣西 (5) 北入湘贛

三 湘軍之起與天京政變

一 湘軍之組成及其東征 (1853,1—1858,9)

(1) 曾國藩與湘軍 (2) 赴援南昌 (3) 肅清湖南
甲 討粵匪檄 乙 靖港與湘潭 丙 岳州之役
(4) 初克武漢 (5) 半壁山與九江之戰 (6) 再克武
漢 (7) 江西援守 (附) 胡以晃之封王與失王

二 天京解圍與政變 (1853,4—1856,12)

(1) 鎮揚之戰 (2) 翼王東援 (3) 天京解圍 (4)
初次政變——東王之死 (5) 二度政變——北王之死

三 長江中游之戰——陳玉成與李秀成 (1855,11—1859,11)

(1) 廬州之戰 (2) 桐城之戰 (3) 鄂東之戰 (4)

陳韋〔俊〕西征 (5) 江西之戰——湘軍克九江 (6)
三河之役

四 蘇杭占領與安慶失守

一 天京二次解圍 (1856,9—1860,5)

(1) 江南大營之復振：鎮江失守 (2) 江浦之攻奪
(3) 寧國之攻奪 (4) 襲取杭州 (5) 天京城外之大
會戰 (6) 占領蘇常——忠王東征

二 曾胡進窺皖省 (1857,5—1860,8)

(1) 初窺安慶 (2) 曾國藩之再起 (3) 再窺安慶
(4) 英王與曾胡之對峙 (5) 祁門督師——經營皖南

三 陳李力爭武漢 (1860,9—1861,9)

(1) 干王洪仁玕及其戰略 (2) 英王陳玉成——北岸
主力 (3) 忠王李秀成——南岸主力 (4) 侍王李世
賢 (5) 輔王楊輔清與主將黃文金 (6) 襄王劉官芳

四 安慶失守與英王之結局 (1861,4—1862,5)

(1) 初援安慶 (2) 再援安慶 (3) 三援安慶 (4)
四援安慶 (5) 安慶失守 (6) 英王之結局 (附) 陳
仕榮與英王叔

五 經略浙江 (186,8—1862,1)

(1) 侍王之活動 (2) 占領寧波 (3) 再下杭州

五 英法與清軍之合作

一 太平天國初期之對外關係 (1853,3—1855,1)

(1) 英 (2) 美 (3) 法

二 英法態度之轉變 (1858,6—1862,10)

- (1) 額爾金之長江視察 (2) 初次上海之戰 (3) 英國之干涉政策與中外會防 (4) 二次上海之戰 (附) 黃曉上書 (5) 英法軍肅清上海附近 (6) 三次上海之戰

三 常勝軍及其他 (1860,6—1863,12)

- (1) 華爾與常勝軍之成立 (2) 白齊文與奧倫 (3) 戈登與常勝軍之改組 (4) 蘇州殺降與常勝軍之解散 (5) 購置兵輪事件 (6) 洋將練兵

四 李鴻章平吳 (1861,11—1864,8)

- (1) 蘇紳乞師 (2) 李鴻章與湘淮軍援滬 (3) 上海附近之戰 (4) 肅清松太 甲 白鶴港之戰 乙 常熟之戰 丙 太倉之戰 (5) 克復蘇州 甲 崑山與吳江 乙 白齊文及太平軍中之洋將 丙 蘇州之下 丁 江陰與無錫 (6) 克復常州 (7) 協攻嘉湖

五 左宗棠平浙：常捷軍與常安軍(1860,6—1864,8)

- (1) 左宗棠及其軍隊 (2) 贛東與皖南之戰 (3) 浙江上游之戰 (4) 寧波事件 (5) 常捷軍與常安軍 (花綠勇) (6) 克復杭州 (7) 閩蘇軍之協助 (8) 克復湖州

六 太平天國之傾覆

- 一 翼王與太平軍之分裂——深入西南之太平軍(1857,5—1863,6)

(1) 避出天京與湘南大戰 甲 避出天京 乙 江西 丙 浙江 丁 福建與贛南 戊 湘南大戰 (2) 廣西屯留 (3) 部衆之離散 (4) 駱秉章援川 (5) 翼王入蜀及其敗亡 (6) 餘部入陝

二 扶王與啓王——深入西北之太平軍 (1862, 2—1865, 6)

(1) 初進陝西 (附) 多隆阿平藍大順 (2) 折入豫鄂 (3) 占據漢中 (4) 東援天京——消滅 (5) 啓王入甘

三 天京陷落 (1861, 10—1864, 7)

(1) 曾國荃圍困天京 (2) 忠王解圍之失敗 甲 忠王與侍王——主力 乙 護王陳坤書 丙 輔王與堵王黃文金 (3) 忠王西征 甲 皖北 乙 皖南 (4) 天京附近要地之不守 (5) 天王自盡 (6) 天京陷落 (7) 忠王之死

四 幼主及餘衆之南走

(1) 西趨江西 (2) 幼主被俘 (3) 侍王李世賢之據漳州 (4) 曾左宗棠南征 (5) 康王汪海洋之據嘉應

七 捻亂之擴大與平定

一 捻之初起及其與太平軍之聯合 (1851—1863 12)

(1) 以皖北爲中心之捻亂 (2) 捻與太平軍之合作——李秀成之招撫捻衆 (3) 苗沛霖之坐大 (4) 縱橫五省之捻衆 (5) 張洛行之被擒與苗練之消滅

二 捻亂之擴大 (1864, 1—1866, 10)

(1)陳玉成部之合捻 (2)僧格林沁之敗沒 (3)曾國藩之四鎮堵剿布置 (4)防河戰略

三 東捻 (1866,10—1868,1)

(1)捻以大分 (2)李鴻章代曾 (3)東捻之屢破湘淮軍：湖北諸役 (4)東走膠東 (5)東捻之消滅

四 西捻 (1866,10—1868,8)

(1)張宗禹之入陝 (2)左宗棠剿捻 (3)西捻之東入山西 (4)逼近京津 (5)西捻之消滅

太平天國史事日誌

附檢亂誌

1796——仁宗嘉慶元年丙辰

高宗傳位，稱太上皇。

白蓮教亂起於湖北（蔓延河南四川陝西甘肅）。

教亂

1798——嘉慶三年戊午

貴州湖南苗亂平（起於1795）。

1799——嘉慶四年己未

太上皇崩。奪大學士和珅職，賜自盡。

1800——嘉慶五年庚申

艇匪擾浙江台州。

艇匪

1802——嘉慶七年壬戌

廣東博羅天地（添弟）會（即三合會，三點會，洪門）

黨亂。總督吉慶畏罪自殺（明年亂平）。

天地會

安徽宿州匪亂。

白蓮教亂平。

1803——嘉慶八年癸亥

有人謀刺帝，被捕。

1796—1803（嘉慶元年—八年）

1804——嘉慶九年甲子

白蓮教亂全平，凡九年。

1807——嘉慶一二年丁卯

4, 15 (三, 八) 張亮基生於江蘇銅山。

外教

倫敦佈道會教士馬禮遜 (Robert Morrison) 到廣

州 (新教傳入中國之始。)

浙江提督李長庚追剿艇匪蔡牽，陣亡 (十二月二十五日，即1808, 1, 22)。

1808——嘉慶一三年戊辰

1, 19 (一二, 一二, 二二) 羅澤南生於湖南湘鄉。

1809——嘉慶一四年己巳

艇匪蔡牽亂平。

1810——嘉慶一五年庚午

粵洋艇匪平。

1811——嘉慶一六年辛未

11, 26 (一〇, 一一) 曾國藩生於湖南湘鄉。

1812——嘉慶一七年壬申

7, 14 (六, 六) 胡林翼生於湖南益陽。

11, 10 (一〇, 七)

左宗棠生於湖南湘陰。

1813——嘉慶一八年癸酉

1,11(一七,一二,九) 洪秀全生於廣東花縣官祿埗(一作光祿埗。或云秀全生於獅嶺,或軍田村,誤)。

洪秀全生

(註)洪秀全爲客家,其先世自嘉應州遷來,祖名國游,父名鏡揚,一作覲揚,母王氏,兄弟三人,長仁發,次仁達,秀全最幼,此外尙有一姊一妹,繼母李氏,無所出。世業農,家計不豐,惟其父則公正有才能,頗負鄉里望。

據簡又文先生調查(見“逸經”第二期)云:“秀全之小名爲火秀,因其本名八字五行缺火,故以火字爲名。據‘起義記’(按即韓山明 Hamberg 書)英文以其原名作‘Brilliant Fire’義與此符,亦可信也。及長,秀全自取別號,留秀字而另取全字,蓋以全字分析爲‘人中之王’之義(原註:亦父老言)。其在族中仁字派輩之名,乃爲仁坤(原註:見族譜)。

一八四八年初編,一八六二年印行之“太平天日記一八三七年洪秀全昇天事,中有云:“天父上主皇上帝十分歡喜,乃封主爲‘太平天王大道君王全’。天父上主皇上帝命主曰:‘爾名爲全’矣,爾經前凡間名,頭一字犯朕本名,當除去。爾下去凡間時,或稱洪秀時,或稱洪全時,或稱洪秀全,爾細弟之名,與爾名有意義焉”。可與簡先生調查相參證。上

帝之中文譯爲耶火華，所謂“犯朕本名”，即指“火”字，是洪秀全原名之頭一字爲“火”字，確屬可信，而“洪秀全”一名之由來，亦可明瞭。至其改名時間，即在一八三七年昇天之後。

又 Mackie, *Life of Tai-Ping-Wang* (太平王傳)，秀全初名 Phuh (頁八)，即火字譯音。結婚後改名爲 Hung-Kung-Phuch-Siu-Tshuen (頁五一)。Siu-Tshuen 即秀全，Kung-Phuh 之對音似爲光火，與“Brilliant Fire”義正合。否則爲“坤發”之對音 (Mackie 說何所據，尙待考)。

秀全生日，各書所記，頗不一致。杜文瀾“平定粵匪紀略”及“蕩平髮逆圖記”附記一，僅云生於嘉慶十七年壬申，張德堅“賊情彙纂”卷一謂其現年四十三歲，“彙纂”成於咸豐五年，上溯四十三年，正係嘉慶十七年。沈懋良“江南春夢庵筆記”謂秀全生於是年九月初九日，但據東王楊秀清誥諭（彙纂卷七），則爲十二月初九日（天曆未創製以前之月日，均爲陰曆），簡又文所得洪氏後裔呈文作十二月初十日，彼此僅相差一日，沈說當誤。汪堃“盾鼻隨聞錄”卷五作嘉慶十六年八月十六日，更不可信。嘉慶十七年十二月初九日，合西曆爲1813, 1, 11, 與 Hamberg 書謂秀全生於1813年說相合（一說秀全生於十二月十八日，即1813, 1, 20, 恐係計算之誤）。

關於秀全之早年歷史，以 Hamberg (韓山明簡

又文譯作韓山文)，The Vision of Hung Siu Tshuen(即太平天國起義記)所述爲最詳，以下所記 1848 前秀全活動，大都以此書及“太平天日”爲據，並參以 Mackie 之“太平王傳”，簡先生之調查，亦有其價值。

天理教林清李文成亂。

1814——嘉慶十九年甲戌

陝西岐山三才峽木商夫役亂(尋平)。

河南南汝光一帶捻亂。

江西朱毛里亂，託稱明裔，建年號(尋平)。

新教士馬禮遜翻譯之新約全書出版。

捻亂

新約

1815——嘉慶二〇年乙亥

四川中瞻對番亂(尋平)。

湖北，江西，安徽，江蘇等省發現揭帖，“字體怪異，語句悖逆，上印九龍朱戳”。旋於安徽巢縣起獲九龍木戳，時憲書，經卷字蹟四箱。

1817——嘉慶二二年丁丑

廣州捕獲三合會(天地會，洪門)黨人二千餘。

雲南臨安邊夷高羅衣亂(尋平)。

天地會

1818——嘉慶二三年戊寅

英教士米憐(W. Milne)設華英書院(Anglo-Chinese

華英書院

1814—1818(嘉慶一九年一二三年)

College) 於滿刺加 (Malacca)。

12,16(一一,一九) 劉長佑生於湖南新寧。

1819——嘉慶二四年己卯

洪秀全七歲，入塾讀書，聰明異常。

馬禮遜米憐譯舊約全書畢。

1820——嘉慶二五年庚辰

新疆回人張格爾亂，寇邊。

1821——宣宗道光元年辛巳

雲南永北廳夷亂(尋平，凡三閱月)。

1822——道光二年壬午

2,18(一,二七) 洪仁玕(即洪仁，爲秀全族弟)

生於廣東花縣。

申諭廣東閩浙嚴緝海盜。

青海野番蘊依等二十三族亂，凡數月。

河南新蔡白蓮教朱麻子亂，擾及安徽潁州。

四川果洛克番亂。

臺灣林永春(天地會?)亂。

新約舊約全書出版。

1823——道光三年癸未

2,14(一,五) 李鴻章生於安徽合肥。

洪秀全入學

洪仁玕生

新舊約

李鴻章生

1819—1823 (嘉慶二四年—道光三年)

山東臨清白蓮教（乾卦）馬進忠亂（尋平）。

1824——道光四年甲申

10,12(八,二〇) 曾國荃生於湖南湘鄉。

1825——道光五年乙酉

洪秀全年十三歲，通經史詩文。

1826——道光六年丙戌

臺灣粵民黃文潤李通亂（凡五閱月始平）。

張格爾亂，陷喀什噶爾，繼陷英吉爾沙，葉爾羌，
和闐。

1827——道光七年丁亥

洪秀全年十五歲，始赴廣州府應童子
試，不第。

洪秀全應試

1828——道光八年戊子

張格爾亂平，回疆定。

洪秀全年十六歲，以家貧輟學。

洪秀全輟學

（註）Mackie, "Life of Tai-Ping Wang" (PP. 22—23) 謂洪秀全於十五歲學成出師。韓山明書謂秀全約於十六歲時以家貧輟學，又云其於十六歲赴廣州應試，似係於落第後即輟學。“洪秀全來歷則云秀全於“十四五歲考試”。按 Mackie 所謂學成

1824—1828（道光四年—八年）

出師，似即指其參加考試而言。大約秀全於十四五歲時開始應考，十六歲輟學。

1829——道光九年己丑

浩罕入寇，擾喀什噶爾。

1830——道光一〇年庚寅

洪秀全年十八，在本村開館授徒。
張格爾之兄玉素普入寇。

1831——道光一一年辛卯

回疆再平。

貴州開泰捕獲天地會黨頗多。

4,18 (三,七) 廣東崖州黎亂 (始於上年春), 命
總督李鴻賓等勦之。

5,1 (三,二〇) 兩江總督陶澍奏捕獲盜匪侂梟,
分別懲辦。

6,8 (四,二八) 李鴻賓奏, 崖州黎亂平。

9,6 (八,一) 諭各督撫慎選州縣, 查辦災賑, 並
緝拏會匪。

1832——道光一二年壬辰

1,31 (一二,二九) 湖南江華錦田鄉搖人趙金龍亂
起, 衆千餘, 以紅布裹首。

3,1 (一,二九) 定白陽, 白蓮, 八卦, 紅陽等教

洪秀全爲塾師

黎亂

緝拏會匪

搖亂

- 首犯，遇赦不赦，從犯亦不准援減例。
- 3, (二, 初) 廣東連山八排獠亂起，響應趙金龍。
- 3, 15 (二, 一四) 湖南提督海凌阿及副將馬韜進勦趙金龍，陣亡於寧遠藍山間。
- 5, 8 (四, 九) 趙金龍死於湖南常寧洋泉。
- 5, 25 (四, 二六) 湖廣總督盧坤，湖北提督羅思舉等蕩平趙金龍獠亂。
- 6, 7 (五, 九) 命將直隸教首尹資源（即尹老須）凌遲處死（此案發生於上年冬間，先拏獲會匪王法中，因究出尹資源姬三白。資源接管劉功離卦教，自稱南陽佛，創立朝考等場，黑風等劫名目，神奇其說，煽惑數千人，勾結直魯豫省）。
- 6, 11 (五, 一三) 兩廣總督李鴻賓到連州，剿辦八排獠亂。
- 6, 20 (五, 二二) 廣東陽江鎮總兵余德彪進勦連山獠匪，中伏敗挫，兵勇自相踐踏，傷亡頗多（粵省兵丁，多吸食鴉片，作戰不能得力。）
- 8, 16 (七, 二一) 廣西賀縣獠盤均華亂，巡撫祁墳平之。
- 9, 4 (八, 一〇) 英教士馬禮遜報告，梁學善（阿發）之“勸世良言”出版。

“勸世良言”

（註）“勸世良言”為梁學善（阿發）所編著。學善原在滿刺加教會中任排字工人，後為米憐（W. Mil-

ne) 所感動信奉耶教，曾受洗禮，旋被任爲牧師。1832編印“勸世良言”(一稱“初學便用勸世良言”)，凡九篇，每篇約五十頁，並插引聖經原文，由馬禮遜(R. Morrison)爲之修改潤色(所引聖經原文，卽出於馬禮遜譯本)。惟學善所受教育有限，因之此書文字頗欠明暢，意義不甚清楚。

9,14(八，二〇)廣東獠亂久未平，兩廣總督李鴻賓畏葸遷延，命革職治罪，調盧坤繼任。

9,21(八，二七)廣州將軍禧恩招降連山各排冲獠，賂以洋銀鹽布，獠山肅清。

11,16(閏九，二四)飭河南湖北等省會拏擒匪。

11,17(閏九，二五)飭江西巡撫嚴拏會匪。

11,23(一〇，二)臺灣嘉義天地會(三合會)陳辦黃鳳張丙等亂，戕害府縣，建立年號。

11,24(一〇，三)廣東曲江乳源土盜勾結獠匪作亂，總督盧坤平之。

12,27(一一，六)命署福州將軍瑚松額爲欽差大臣，馳往臺灣剿賊。

廣東香山天地會張斗亂。

1833——道光一三年癸巳

1,22(一二，三)福建提督馬濟勝平臺灣嘉義天地會亂。

4,7(二，一八)四川越嶲廳等處夷亂，命總督那彥

天地會

1833(道光一三年)

寶等勦辦。

8,26 (七,一二) 基督教徒梁學善(即梁阿發)在廣州向考生散發其所編之“勸世良言”小冊(共發出五千冊,以巡捕干涉,餘書盡失)。

10,20 (九,八) 四川夷亂平,提督楊芳晉封一等果勇侯。

12,1 (一〇,二〇) 命湖廣總督訥爾經額等飭緝湖北濱江等處盜匪。

1834——道光一四年甲午

2,22 (一,一四) 廣東儋州黎人亂,總督盧坤飭屬查辦綏靖。

8,15 (七,一一) 四川峨邊廳十三支赤夷亂,命成都將軍瑚松額提督楊芳查辦。

夷亂

1835——道光一五年乙未

1,1 (一二,三) 四川峨邊夷亂久未平,命提督楊芳來京,聽候部議。

4,1 (三,四) 山西趙城教黨曹順焚燒衙署監獄。戕殺知縣(尋平。6,8曹順伏法)。

4,16 (三,一九) 四川提督馬騰龍等平峨邊夷亂。

1836——道光一六年丙申

3,22 (二,六) 湖南新寧獠藍正尊(沅曠)倡龍華會(屬坎卦教),稱衛王,攻武岡州城(尋平)。

藍正尊亂

1834—1836 (道光一四年—一六年)

4,25 (三, 一〇) 申諭各省, 稽查會匪。

5,25 (四, 一一) 以梁章鉅代惠吉爲廣西巡撫。

是年洪秀全年二十四歲, 再赴廣州應試, 仍不第, 得基督教徒梁學善(阿發)之“勸世良言”小冊。

(註)洪秀全二次赴廣州應試, 據韓山明“太平天國起義記”, 在一八三六年或一八三六年之前。秀全在布政司衙門前遇二人, 爲羣衆講道, 並爲秀全卜前程。翌日復於龍藏街遇二人, 贈以“勸世良言”。原註云: “秀全以爲此二人卽其昨日所見, 並爲卜前程者; 但其記憶恐有錯誤, 惟頗可原諒, 以其自初得此書至詳加閱讀, 中間已相去七年”。按秀全之詳讀“勸世良言”在一八四三年, 上溯七年, 卽一八三六年。Meadows, “The Chinese and their Rebellion” (P. 73), Mackie, “Life of Tai-Ping Wang” (P. 61), 則均謂應在一八三三年, 以是年(一八三三)八月二十六日梁阿發曾親在廣州向考生散發“勸世良言”, 韓山明書亦明言秀全二次應試或在一八三六年以前也。編者初亦從之, 近見洪仁玕供辭, 中有云:

“我主天王長予九齡, 予只知其天竄聖聰, 目不再誦, 十二三歲經史詩文無不博覽。自此時至三十

一歲，每場榜名高列，惟道試不售，多有抱恨。丁酉年（一八三七），聖壽二十五歲，在廣州領卷考試，由學院前街轉至龍藏街，偶遇一長髮道袍者，另有一人隨侍，手持書一部九卷，未號書名，敬費遞獻，面囑云：‘功名二字，爾應大受，切勿憂，憂必病’。言罷飄然而去，我主持回試館，喜與衆友談論場內詩文，無暇規覽。殊此科揭榜不售（逸經第二十期）。

是秀全之獲得“勸世良言”，事在一八三七年。旋又見“洪秀全來歷”，則又云事在一八三六年：

“其人自少讀書，聰明無比，無書不讀。十四五歲考試，常居十名內。祖父耕讀傳家。丙申年（一八三六）在廣府考試，逢一異人着大，袖衣，梳髻，傳書一部，名曰‘勸世良言’。書中所言，教人信實上帝，耶穌，遵守十誡，不可拜魔鬼”（“經世第一期，又“逸經 第二十五期）。

參互比較，應以一八三六年爲可信。（一）韓山明書，洪仁玕供，及“洪秀全來歷”均不作一八三三年，梁阿發雖曾於是年散發“勸世良言”，而洪秀全不必定要直接從阿發手始能獲得此書。（二）韓山明書原係依據洪仁玕口述纂成，其價值實與仁玕供辭等，或尙過之，以口述在前，供辭在後，相差十有二年。今再證以“洪秀全來歷”，愈覺一八三六說之無疑。（三）洪仁玕供辭之所以後移於一八三七

年，如非誤記，即係有心，意在表明是年（一八三七）秀全之昇天異夢，並不曾受“勸世良言”之暗示，特別表明“無暇規覽”。

1837——道光一七年丁酉

洪秀全病

3,8(二,二) 洪秀全年二十五歲，第三次在廣州應試被黜，悲憤成疾，即回花縣。

（註）韓山明（Hamborg）“太平天國起義記”謂秀全於是年落第得病，雇轎還鄉（據洪仁玕供辭，係坐船回家），陰曆三月初一日到家，臥床不起，連得奇夢，天使接其昇天云云。又據太平天國典籍，三月初一日，即秀全昇天之日。是其得病，當在二月。太平天國九年十月十四日天王詔中有云：“二月初二報爺節，謝爺差朕斬妖蛇”。似即指此。但二月初二與三月初一中間相去幾三十日，如二月初二已病，不當遲至三月初一始到家。大約秀全得病，實在二月，然不必即在二月初二，所謂“報爺節”不過就是月內沿民間習俗所選定之日子，一如三月三日之“爺降節”，九月九日之“哥降節”。

Mackie“太平王傳”（P. 96）謂秀全病後赴廣州應試，又失敗，恐不可信。據洪仁玕供狀，秀全最後一次應試，當在 1843。

4,5(三,一) 是日子刻，天使接洪秀全昇天，天父上主皇上帝，指示以妖魔迷惑世人情形，命戰逐妖魔（時在花縣家中）。

4,6(三,二) 洪秀全下凡，語其父鏡揚，兄仁發仁達，自謂係天父上帝眞命天子，統管天下萬國人民。

4,7-8(三,三—四) 洪秀全又轉高天，將闖上高天之妖魔逐一誅落地獄。天父賜“天王大道君王全”七字。

4,8(三,四) 洪秀全起床，病即消去。尋更今名（原名火秀）。

（註）太平天國文獻中記此次洪秀全轉天事，以“太平天日”及“王長次兄親目親耳共證福音書”爲最詳。“太平天日”成於一八四八年，其記事即始於此次秀全轉天。一八六二年刷印頒行，曾經刪改。韓山明書（太平天國起義記）之一部，即本於此書初稿。以下所錄，乃以改正本爲據，與韓山明所記，微有出入。

（一）“太平天日”云：主（秀全）年二十五，歲在天酉三月初一日子刻，見無數天使，自天降下，說接昇天，又見穿黃袍小孩至面前，見有像似雄雞，高數尺，立於其前。君王（秀全）父，君王母李，

1837（道光一七年）

王長次兄仁發仁達，嫂黃，信王娘，賴又正月宮等咸在，對父尤悲，曰：“有負父兄功勞矣！”又命其妻賴正月宮云：“爾爲朕妻，爾不可嫁。爾身懷妊，未知男女，男歟，當依兄勿嫁，女歟，亦然。舉家之悲，妻尤悲甚。俄而天使扶真主坐轎，迤邐從東方大路而昇，主在轎甚不過意。到天門兩旁，無數嬌娥美女迎接，主目不邪視。到天堂，光彩射人，迥異塵凡。見無數穿龍袍角帽者，咸來見主。繼傳旨剖主腹，出舊換新。又將文字排列，旋繞主前，一一讀過後，有天母迎而謂曰：“我子，爾下凡身穢，待爲母潔爾於河，然後去見爾爺爺”。朕身潔淨，天母乃引見天父上主皇上帝，頭戴高邊帽，身穿黑龍袍，滿口金鬚，拖在腹尚，像貌魁梧，身體最高大，坐裝最嚴肅，衣袍最端正，兩手覆在膝尚^上。主到前跪拜畢，立於旁。天父上主皇上帝悲詔曰：“爾昇來麼？朕說爾知；甚矣凡間人多無本心也！凡間人誰非朕所生所養？誰非食朕食，衣朕衣？誰非享朕福？天地萬物皆朕造成，一切衣食皆朕賜降，如何凡間人享朕福，多嗜味本心，竟無半點心畏敬朕？甚爲妖魔迷惑，耗費朕所賜之物，以之敬妖魔，好似妖魔生他養他。殊不知妖魔害死他，纏捉他，反不知，朕甚恨焉憫焉”。主聞此詔，心甚不平，欲卽去勸醒他們，使各人識得妖魔詭計，回心敬轉天父上主皇上帝。天父上主

皇上帝曰：“難，難”！天父上主皇上帝常教主坐，裝衣袍要齊整，頭要軒昂，身要挺直，兩手要覆在膝，兩脚要八字排開。天父上主皇上帝又攜主在高天，指點凡間妖魔迷害人情狀，一一指主看湖（明），又將其手降賜凡間，妖魔即冒功勞，亦一一指主看湖。指畢，主見皇上帝回頭不看，有時天父上主皇上帝見妖魔十分作怪，怒甚，立差天使下凡，誅滅妖魔，條上來矣。斯時天父上主皇上帝所指看一切妖魔，總無非冒天父上主皇上帝功勞，迷壞世人，行邪事，犯天條，不必敬畏天父上主皇上帝，而敬畏他之意。間有不敬畏他者，他則擾害之，苦磨之。主怒甚，因請天父上主皇上帝曰：“爺爺，他們如此作怪，如何不誅滅他”？天父上主皇上帝詔主曰：“不但凡間有妖魔，即高天三十三天亦闖有妖魔矣”。主曰：“爺爺有這樣大權能，要他生即生，要他死即死，緣何容他們闖來”？天父上主皇上帝曰：“暫容他們作怪一陣，然後收他，難道他們還走得朕手段”？主曰：“但容他一陣，既難爲我兄弟姊妹受氣矣”。天父上主皇上帝曰：“爾且看他們如何，若果容不得，便一概驅逐矣”。天父上主皇上帝又指主看出這四方頭，紅眼睛之妖魔，主時時關顧他，看見他總是古古怪怪，迷惑人，纏捉人。主因請天父上主皇上帝逐他，天父上主皇上帝曰：“他們果如此作怪，爾奉朕命斥

逐他走”。主奉天父皇上帝命，斥逐妖魔頭曰：“朕天父皇上帝吩咐朕來，諭爾速速好走矣”。這妖魔頭，凡間人所稱閻羅妖，又稱東海龍妖者，想走又不想走。主迫他走曰：“爾速走，此處所在甚好，但爾無福氣，又爾腥腥臭臭身，何得居此處住？妖魔頭無奈何，乃走。天堂間有被迷壞心腸者，亦欲跟隨他走。斯時救世主天兄基督統衆天使咸集，天父皇上帝大發聖旨，凡高天人，有跟隨妖魔頭走者，個個要捉回，凡有奸心幫妖者，及一切偷闖之妖魔仔，個個要逐下去。

又推勘妖魔作怪之由，總追究孔丘教人之書多錯。天父皇上帝命擺列三等書，指主看曰：“此一等書，是朕當前下凡顯蹟設誠所遺傳之書，此書是真，無有差錯。又此一等書，是朕當前差爾兄基督下凡顯神蹟，捐命贖罪及行爲所遺傳之書，此書是真，無有差錯。彼一等書，這是孔丘所遺傳之書，即是爾在凡間所讀之書，此書甚多差謬，連爾讀之，亦被其書教壞了”。天父皇上帝因責孔丘曰：“爾因何這樣教人糊塗了事，致凡人不識朕，爾聲名反大過於朕乎？孔丘始則強辯，終則默想無辭。天兄基督亦責備孔丘曰：“爾造出這樣書教人，連朕胞弟讀爾書，亦被爾教壞了。衆天使亦盡歸咎他，他便私逃下天，欲與妖魔頭偕走。天父皇上帝即差主同天使追孔丘，將孔丘捆綁，解

見天父上主皇上帝。天父上主皇上帝怒甚，命天使鞭撻他。孔丘跪在天兄基督前，再三討饒，鞭撻甚多，孔丘哀求不已。天父上主皇上帝乃念他功可補過，准他在天享福，永不准他下凡。

當時天父上主皇上帝命主戰逐妖魔，賜金鑿一，雲中雪（劍或刀）一，命同衆天使逐妖魔，三十三天，逐層戰下，其跟隨妖魔頭走之兄弟姊妹，逐一捉回高天，其有奸心幫妖魔頭及偷闖之妖魔仔，逐一驅趕驅趕。甚妖魔頭同這妖魔仔回頭同主戰，但勢不能抗。主那時有天父上主皇上帝作主，妖魔雖詭計百出，總一一被主破盡。主與妖魔戰時，天父上主皇上帝在其後，天兄基督亦在其後，執金鑿照妖，妖不能害主，且妖不敢見金鑿，見金鑿即走。其妖頭甚作怪多變，有時打倒他，倏變爲大蛇矣，又將大蛇打倒，倏又變爲別樣矣，能變得十七八變，雖狗虱之小，亦能變焉。主戰到憤怒時，欲遽收他，天父上主皇上帝大呼曰：“不可，不可！只斷服他就罷”。主不解其故，天父上主皇上帝諭曰：“這妖是老蛇，能迷人食人靈魂（魂），若即收他，許多被他食之靈魂無救矣。況污穢聖所，故暫容他命”。即這妖魔仔，天父上主皇上帝亦吩咐主不可遽收他，待到凡間這一重天，然後砍他也。主有時戰困而睡，衆天使重重圍護，妖不能害，睡醒又戰。其三十三天所闖偷之妖魔仔，及有

奸心幫妖魔頭者，俱一一逐下凡間。逐下凡間這重天時，主怒甚，大呼衆天使曰：“斬，斬！衆天使乃奉天父上主皇上帝命，救世主天兄基督命，又奉主命，將天父上主皇上帝所賜主雲中雪砍了妖魔無數，而妖魔頭已先遁去矣。於是妖攝服，其遵命落十八重地獄，不敢作怪者，三分居二焉。主有時戰餓，其天母及衆小妹摘高天甘菓畀主食，其色甚黃，其味甚香。主與妖戰，其天母及衆小妹亦皆出力助主，故所戰無不勝矣。

戰勝回歸高天，天父上主皇上帝十分歡喜，乃封主爲“太平天王大道君王全”。天父上主皇上帝命主曰：“爾名爲全矣，爾經前凡間名，頭一字（按卽火字）犯朕本名，當除去。爾下去凡間時，或稱洪秀時，或稱洪全時，或稱洪秀全。爾細弟之名與爾名有意義焉”。

其時主在高天，有殿在東郭（國），……其高天衆小妹亦時或陪主讀詩書，琴簫鼓樂，快活無窮，主此時不願下凡矣。但天父上主皇上帝常命主曰：“爲爺教爾多讀些詩書，後作憑據，爾仍要下凡也。爾若不下凡，凡間人何能得醒，得昇天堂乎？”主曰：“唯唯”。但主心不願下凡矣。有時天父上主皇上帝催促甚，主不得已，既下幾重天，仍然退回。天父上主皇上帝烈怒，主乃吩咐其正月宮曰：“爾且帶子回，爺爺，媽媽，哥哥，嫂嫂，

及衆小姑同居住，待朕下凡理爺爺事畢，然後昇天，同爾享安樂焉。於是天父上主皇上帝同其天兄基督及衆天使送主下凡。……天父上主皇上帝又命主曰：“爾今名爲全。……爾下去凡間，還有幾年不醒，但不醒亦不怕，後有一部書畀爾對湖此情，爾卽照這一部書行，則無差矣。但爾照此書行，凡間人多毀謗爾，侮笑爾，看小爾。……”主別天父上主皇上帝及天兄基督，臨下凡時，有難色，天父上主皇上帝曰：“爾勿懼，爾放膽爲之。凡有煩難，有朕作主，左來左頂，右來右頂，隨便來隨便頂，爾何懼焉”。天父上主皇上帝命寫“天王大道君王全”七字，差其兵權放在主宮門首作憑據。主三月初一日昇天，至送下凡時，約四十餘日。天父上主皇上帝雖吩咐時甚悉，既在凡間時，則未能盡醒然於心也。

後君王母李在宮門首覓見此七字，君王父持與主看，主曰：“天果是更朕名爲全也”。主遂對其父兄曰：“朕是天差來真命天子，斬邪留正”。其族人或親戚來見，主手放在胸前，比人要正，曰：“爾們要速速鍊正天話，爾們變妖矣。今天差朕來收妖怪，朕下天時，既落了天羅地網，網盡妖怪矣”。其姊洪辛英來見，主曰：“姊，朕是太平天子。以手畫寫“太平天子”四字與姊看，有時唱高天之聲與他們聽，人以爲顛。又有不論男婦，其

好人來見，主卽施禮請坐，極好講話；其邪人來見，主則大聲叱曰：“爾速速走，朕是何人，爾敢大膽來見朕？朕乃真命天子，斬邪留正，爾識得朕麼？”其父兄及旁人俱不測其故，總以爲顛。君王父且罵之。主曰：“朕不是爾之子，爾罵得朕麼？”人愈以爲顛。不知此正是高天妙算，正天所以遮護主也。主自是志度恢宏，與前迥不相同。

(二)“王長次兄親目親耳共證福音書”成於一八六〇年，內云：憶自天酉年三月初一日子時，荷蒙天父天兄，大開天恩，恩差天將天兵，接真聖主天王轉天。主今自證，“此時見天上琴簫鼓樂來接，雷亦到面前，似雄雞樣，天將天兵扶朕上輿，由東方這條大路擡上天，到天門兩傍，無數美女迎接。”越有兩日，下凡說與君王父暨愚兄等得知：“天下萬郭人民歸朕管，天下錢糧歸朕食，朕乃天父上帝真命〔天〕子。有時講雜話，是上帝教朕橋水，使世人同聽而不聞也”等詔。復於初三四我主又轉高天，大戰妖魔，誅妖時連喊亞哥幫手，此時喊亞哥，是太兄也。有時喊楊家將，有時唱趙玄郎，唱趙玄郎，借前侯（帝）作比也。並蒙天父賜“天王大道君王全”七字，遂將闖尙高天妖魔，逐一誅落地獄矣。主今自證，“那時戰妖，爺在哥後，哥在朕後，三子爺親統兩傍天將天兵，趕逐妖魔。爺賜璽與朕，朕戰妖手不得閒，哥手執璽照妖，妖卽走。

此靈是上帝造天造地之靈，有時爺執的，有時哥執的，有時朕執的，故今三子爺同靈，靈頒到之處，妖魔遠遁”。主見有正大叔姪到來則喜之，見有邪人到來則惡之，即大聲罵也。主今自證，“此時朕罵，‘朕乃真命天子，斬邪留正，爾識得麼？快走，爾敢來見朕’？又有時罵妖魔云：‘朕一下天，天羅地網，網盡爾妖怪，那個妖怪，走得朕手過’？有時所唱十全大吉詩章曰：‘三星共照日出天，禾王作主救人善，爾們認得禾救饑，乃念日頭好上天’。有時唱曰：‘人字脚下一二三，一直不出在中間，玉清不好起歪心，全敬上帝不愁難’。有時唱曰，……”。

(三)洪仁玕供辭則與以上所述略有出入，洪秀全之昇天，實在三月初一日之前，是日爲對其家人述說昇天經過之日，似頗近情理，但“太平天日”“福音錄”等則明言秀全於三月初一日昇天。供辭云：丁酉年，……揭榜不售，心中憂憤，在舟吟詩云：“龍潛海角恐驚天，暫且偷閒躍在淵。等待風雲齊聚會，飛騰六合定乾坤”。回家果得一病，不省人事。三月初一日病篤，乃召父母伯叔及王長兄王次兄到伊御榻，垂淚云：“今予必不久人事，有負父母兄長教育大恩矣。蓋予魂遊天堂，目見無數天使，身穿龍袍角帽，在路旁陳設禮物迎接。予魂到一所，見是金磚金瓦，輝煌無比，張挂文字，盡是規

銘寶訓。予親讀後，卽有二三天使剖換衷腸。又有老婦攜予到天河洗浴，囑云：‘不要與衆人頑弄，致污己身’云云。有頃，見一位金鬚墨袍高大老人，賜一劍，垂淚對予云，……。既所見如此，必不生矣”。述畢此情，忽生驚恐之狀，而王長兄次兄以爲其神困憊，乃放倒御榻上。此時我主又見一龍一虎一雄雞來至榻前，遂又翻身起坐榻上。……及曉，鳥語喧嘩，乃吟七絕一首：“鳥向曉兮必如我，太平天子事事可，身照金烏災盡消，龍虎將軍都輔佐”（按“英傑歸真”作“天將天兵都輔佐”，置此事於三月初四日）。吟後忽東窗紅日射入御牀，遂一身麻木，毛骨悚然，卽昨夜臥不能起之病，亦不知消歸何處矣。應驗‘身照金烏’一句詩也。此時匍匐起來臥室，見父親及鄉鄰族老人等俱云：“我是太平天子，天下錢糧歸我食，天下百姓歸我管”並述天父如何教導諸語，衆人不知所謂，咸以爲癡狂也。一連四十多日，所言所行都言打江山，殺妖魔的話，衆尤不知所指耳。此時吟詩云：“手握乾坤殺伐權，斬邪留正解民懸，眼通西北江山外，聲振東南日月邊。展爪似嫌雲路小，騰身何怕漢程偏。風雷鼓舞三千浪，易象龍飛定在天”。又吟劍詩云：“手提三尺定山河，四海爲家共飲和。擒盡妖邪歸地網，收盡姦宄落天羅。東南西北效皇極，日月星辰奏凱歌。虎嘯龍吟光世界，太平一統樂如何”。

至四十餘日，性靈復元，默然靜思，慨然大志，以爲上帝必不我欺。所到結交，以誠以信，坐立行止，肅然以身正大人，戒盡烟花酒僻等事。凡舉監縉紳人等，各皆嘆其威儀品概，故所至皆以身率教（見“逸經”第二十期）。

（四）此外太平文書中亦多有提及此事者，如其檄諭中常云：“丁酉歲，皇上帝遣天使接天王昇天，命誅妖，復差天王作主救人”。又云：“天父上主皇上帝恩憐凡人，中魔鬼毒計，丁酉歲，差天使接天王昇天，上帝親命天王誅妖，復差天王降凡，作主救人”。一八五四年初刻一八五九年改正之“天情道理書”亦有云：“無如世人陷溺愈深，不知醒悟，故天父又大怒。丁酉歲，天父大開天恩，遣天使接天王昇天，指明妖魔作怪，迷惑世間情形，並賜鑿賜劍，命救世主天兄耶穌統帶天兵天將，助天王在天上逐層戰下，戰服無數妖魔。戰勝回天，天父不勝歡喜，復差天王下凡，爲天下萬郭太平真主，援救天下人民，囑諭勿慌，放膽爲之。凡有煩難，有天父作主，天兄擔當。此又天父第四次大怒，開恩救人之大權能大憑據也”。“三字經”敘述此事亦頗詳：“皇上帝，海底量，魔害人，不成樣。上帝怒，遣己子，命下凡，先讀史。丁酉歲，接上天，天情事，指明先。皇上帝，親教導，授詩章，賦真道。帝賜印，並賜劍，交權能，咸難犯。命同

兄，是耶穌，逐魔妖，神使扶。紅眼睛，即閻羅，最作怪，此蛇魔。皇上帝，手段高，教其子，制服妖。戰服他，不放寬，紅眼睛，心膽寒。戰勝妖，後還天，皇上帝，託大權。天母慈，最恩愛，嬌貴極，不可賽。天嫂賢，最思量，時勸兄，且悠揚。皇上帝，愛世人，仍命子，下凡塵。送下凡，囑莫慌，有我在，作主張。至上引“共證福音書”，則又係專記此次奇遇。

(五)韓山明書謂此次秀全臥病昇天連續約四十日，“太平天日”亦云：“三月初一日昇天，至送下凡時，約四十餘日”。據“英傑歸真”：“三月初四將曉，烏語諠譁，遂吟七律云…‘烏向曉兮必如我，太平天子事事可，身照金烏災盡消，天將天兵都輔佐’。是時連日陰雨，未見太陽，及吟後即見日入東窗，而吾主聖目一見，即匍匐而起，離御榻而出燕殿，遂覺昨晚臥不能起之病，不知消歸於何處矣。夫吾主病在陰雨旬中，一接太陽，即復原體，以暢其光明，以驗‘身照金烏災盡消’之句也”。是自初一日昇天，初四日病消下凡，中間實只四日，並非四十餘日（“福音書”記事月日，即自三月初一至初四日）。如自二月初二日算起，首尾亦僅三十二日。李秀成供狀謂：“一日天王忽病，此是丁酉年也，死去七日，還魂之後，俱講天話”。所謂七日亦不能即認為恰好七日也。但就洪仁玕供

辭來看，又似係指三月初一日以後之四十餘日。

秀全病愈之後，一日其母與父在門首發見一紅色紙，上書“天王大道君王全”，遂更今名。

至於此次幻象或異夢，理應有其由來。韓山明書云，1836年或其前，秀全已獲得“勸世良言”一書，(Meadows 云應在 1833 年)，曾略加披覽，並曾聽教士演講，是在 1837 年以前秀全於基督教已有若干印象，略知其教義，其病中異夢，實原於此。不過秀全不肯明言或承認耳。“太平天日”及韓山明書，謂秀全性格狀貌，言行識見，均大改變，與前判若兩人。此則因其已心蓄異志，陰謀大舉，故自矜持。況青年人大病或大失望之後，身心方面常生劇烈變化，似無足奇(可參看 Meadows, *The Chinese and their Rebellion*, PP. 78-79)。

7,28 (六,二六) 四川馬邊廳及涼山夷亂，命總督鄂山等勦辦(官兵在溜馬槽敗挫)。

廣東香山縣及福建三合會亂。

9,29 (八,三〇) 命查拏廣東添弟會(天地會)三合會。

天地會

1838——道光一八年戊戌

2,7 (一,一二) 成都將軍凱音布，四川總督鄂山奏報勦辦夷務完竣。

1838 (道光一八年)

夷亂

- 8,14 (七,二五) 凱音布等奏,四川雷波馬邊廳夷復行滋擾。
- 12,30 (一一,一四) 四川邊夷久未勦平,總督蘇廷玉降補按察使。
- 12,31 (一一,一五) 以林則徐爲欽差大臣赴粵查辦海口。

1839——道光十九年己亥

- 1,15 (一二,一) 貴州仁懷縣謝法真,穆繼賢亂,命雲貴總督伊里布剿之(法真“假託降神,捏造天書,聚衆謀逆,僞封名號,穆繼賢先爲困山大王,嗣封川主,統領衆目,抗拒官兵”)。
- 2,11 (一二,二八) 雲貴總督伊里布奏報貴州仁懷亂平。
- 5,9 (三,二六) 閩浙總督鍾祥奏,臺灣胡布洪保等謀反滋事,命即日肅清。
- 5,13 (四,一) 四川總督寶興奏,雷波馬邊越嶺夷衆屢出擾害,允酌添兵丁防剿。
- 6,18 (五,八) 臺灣總兵達洪阿等奏,逆匪肅清。
- 7,12 (六,二) 閩浙總督鍾祥在泉州府閱伍,關防被竊,命革職。
- 11,3 (九,二八) 廣東中英戰爭開始。
- 12,5 (一〇,三〇) 頒欽定黜異端以崇正學四言文。

中英戰爭

1839 (道光十九年)

1840——道光二〇年庚子

7,5 (六,七) 英軍占領浙江定海。

9,15 (八,二二) 以琦善代林則徐爲欽差大臣，赴廣東。

1841——道光二一年辛丑

1,7 (一二,一五) 英軍陷廣東大角沙角礮臺。

2,26 (二,六) 英軍陷廣東虎門礮臺，提督關天培死之。

以祁煇代琦善爲兩廣總督。

5,3 (閏三,一三) 以周之琦爲廣西巡撫。

5,27 (四,七) 英軍占領廣州城外礮臺，靖逆將軍奕山等乞和。

5,30 (四,一〇) 廣州三元里鄉民抗英。

7, 黃河在河南下南廳祥符汛漫溢。

8,26 (七,一〇) 英軍占領廈門。

9,21 (八,七) 命廣東當局認真訓練激勸團練。

10,1 (八,一七) 英軍再占浙江定海，三總兵死之。

廣東廣西盜匪會匪漸熾，越南貢使船次桂平被劫。

灌陽泡江有鄔均萬等結盟拜會（天地會），事發被流。

粵民抗英

兩粵盜匪

1842——道光二二年壬寅

1840—1842 (道光二〇年—二二年)

湖北亂事

- 1,22 (一二, 一二) 湖北崇陽鍾人杰占據縣城，戕殺知縣，並陷通城，設立鍾勤王號，豎都督大元帥紅旗，分設官職。
- 8,3 (一, 二二) 湖北提督劉允孝，前署咸寧縣知縣夏廷樾等擒鍾人杰，復崇陽，亂平。
- 6, 廣州石井紳民建立學社，團練自衛。
- 6,16 (五, 八) 英軍占吳淞，江南提督陳化成死之。
- 7,21 (六, 一四) 英軍占鎮江。
- 8,29 (七, 二四) 中英南京條約簽字。
- 11,6 (一〇, 四) 安徽巡撫程楙采奏，捻匪擾江豫皖交界，命三省督撫嚴拏。
- 12,8 (一一, 七) 漕運總督周天爵奏擒捻首馬宗禹。
- 12,20 (一一, 一九) 西寧青海番亂，命設法剿捕。

1843——道光二三年癸卯

2, 兩江總督耆英奏，民情渙散，吏治敗壞，民生日困，請慎選守令，革除積弊。

3, 11 (二, 一一) 雲南騰越廳南甸土人亂，提督汪道誠派兵剿辦，本日攻破猛喇寨。

5 (?) , 洪秀全夢日落身前，欲拾之，忽一人來爭，秀全以一指指住此人，以一手拾日拋之（見“英傑歸真”）。

6, (五月) 洪秀全年三十一歲，詳讀“勸世良言”（即所謂“天書”），覺其中所述與其 1837 年病中昇天時所見完全相符，恍然大悟，知高坐之老者即天父上帝，中年者即救世主基督，魔鬼即偶像。即自行洗禮，撤去塾中孔子木主（時在花縣蓮花塘設館）。

洪秀全詳讀
“勸世良言”

（註）據韓山明及 Mackie 書，1837 年洪秀全大病之後，又曾赴廣州應試，仍失敗，後即在離本村（官祿埗）二十里之某鄉設館，凡數年。按 1837 年後，秀全已有“作主救人”之大志，以“真命天子”自居，似不至再應科考。但洪仁玕供辭亦云秀

全自十餘歲趕考，至三十一歲，屢試不售。是本年（1843）秀全尙作最後之嘗試。約計其時間，當在其詳讀“勸世良言”之前，即1843年六月以前。

至其詳讀“勸世良言”之經過，據云1843年秀全設館於蓮花塘李姓家，陰曆五月（‘太平天日’作六月）間，一日其中表李敬芳於其書櫥中得見此書，假歸讀之，覺其內容頗爲奇異，秀全因亦細加閱覽，大爲驚訝，其六年前之奇夢幻象，遂得其解。於是乃知夢中所見高坐之老人爲天父皇上帝，教已誅妖之中年人即救世主耶穌，妖魔即偶像，兄弟姊妹即世間衆生，深喜已真正尋得上天堂之路。秀全敬芳遂依照書中所言，自行洗禮，毀偶像，撤塾中孔子木主（以上參看韓山明書）。

“太平天日”記此事云：“年三十一，歲在癸榮（卯）六月，有一天將曉時，主聞有老人在牀前呼喊曰：‘爾還這樣好睡乎？’爾還不醒乎？主即起身，自思曰，‘奇矣’。時主適看‘勸世良言’一書，看見其書有位造天造地造萬物大主宰之上帝，人人皆當敬畏他，崇拜他。至於世間所立一切邪魔該殺，皆是凡間人中了蛇魔鬼蜮之計，至爲其所捉，陷入地獄，沉淪世人，一切不可跪拜他，要回心敬轉上帝，方能脫魔鬼之手，得尙（上）天堂。又說有一位救世主基督，是上帝太子，前一千八百餘年，上帝因世人信邪魔，行邪事，背逆罪大，欲盡滅世人，

則不忍於心，欲盡救世人，則有礙於義，因於無可如何中，乃差太子基督降世，替人贖罪，代世人受苦難。臨降世時，天使讚揚空中曰：‘今日有生救世主矣，天上榮歸上帝，地下太平，人間恩和矣’。基督年三十，施教傳徒，勸人要在上帝面前悔罪，丟棄一切邪魔，遵守天條，方得昇天。年三十三，贖罪至期，被世人陷害，釘死十字架，完成上帝遣降旨意。死後三日復醒，仍與門徒講溯天情四十日之久，然後昇天。吩咐門徒曰：‘天地之間，朕操萬權矣。爾們且往普天下萬郭廣傳福音與衆人聽，信者則得救，不信者則被定罪矣’。又說：‘現今基督在高天爲萬郭救世主，天父皇上帝交權與他，統衆天使，救世人，脫魔鬼之手’等語。將此書所說，反覆細勘，因想起天酉年（1837）昇天及下凡所見所爲之情，一一與此書所說，互相印證，若合符節。主乃悟當日臨下凡時，天父皇上帝曾吩咐曰：‘爾下去凡間，還有幾年不醒，但不醒亦不怕，後有一部書畀爾，對溯此情，既對溯此情，爾卽照這一部書行，則無差矣’。卽此一部書也。主此時如夢初覺，……首與蓮花塘李敬芳在天父皇上帝面前悔罪。

前已言秀全之初讀“勸世良言”，當在1837年之前，不過彼時或僅略加流覽，印象不深，1843年潛心閱讀，頓然醒悟，信心愈堅，完全成一上帝

信徒。蓋此次考試落第之後，知由科舉取得功名爲不可能，失望憤恚之餘，決心另改途徑，重溫其1837年之舊夢。復次，1842年鴉片戰爭結束，一方證明耶教英國之勝利，一方暴露滿洲政府之弱點，此種時勢，自給予秀全以強有力之暗示。彼於1843年六月詳讀“勸世良言”，自證其六年前幻象，不必由於其中表李敬芳之提示，實有深意存焉。此後卽利用此書及其幻象，向人宣傳，以相印證。

6,30(六,三) 湖南巡撫吳其濬奏，武岡州高沙市曾如炷等阻米出境，戕殺知州徐光弼等(尋平)。

7,7(六,一〇) 洪秀全自花縣蓮花塘回抵官祿坵，宣傳教義，馮雲山及其從弟洪仁玕信之，卽於雲山塾中爲二人行洗禮，撤孔子木主(此後三人卽詳細研究“勸世良言”，確信秀全係天父皇上帝次子降世，以救中國)，不久秀全之父母兄嫂及姪輩均受洗禮。

(註)“太平天日”云：“主(秀全)勸其家人要在天父上主皇上帝面前悔罪，丟棄一切邪魔。主家

人初不信，乃將昇天時叱其父兄等語曉其家人曰：‘朕昇天時所話老亞公，即是天父上主皇上帝，所話有些食同別人飲了食了，就是敬邪魔，所話爾們無本心丟卻老亞公，同別人較好，就是不敬天父上主皇上帝，反敬邪魔’。歷歷互證一番，其家人方醒，舉家在天父上主皇上帝面前悔罪，丟卻一切邪魔，遵守天條。主有族弟干王洪仁玕，頗有信德見識，主將此情對他說，他即醒悟。主又將此情說知南王馮雲山，南王馮雲山亦有見識信德，一聞即醒悟，三人同在天父上主皇上帝面前悔罪，同往石角潭浸洗”。

馮雲山（一說雲山一名渙，又名達）亦花縣人，（一說連山人，或桂平人，均誤），與秀全同屬書家，“粗知文義，爲村塾師，兼通星卜”（賊情彙纂卷一），爲上帝會之中堅分子，亦可謂爲創始者。李秀成供狀云：“南王馮雲山在家讀書，其人才幹明白，六人（楊，蕭，馮，韋，石，秦）之中，謀立創國者，出南王之謀，前做事者，皆南王也”。“天情道理書”云：“南王籍隸廣東，家道殷實，前隨天王（洪秀全）遨遊天下，宣傳真道，援救天下兄弟姊妹，日侍天王左右。歷山河之險阻，嘗風雨之艱難，去國離鄉，拋妻棄子，數年之間，僕僕風塵，幾經勞瘁”（頁十六。）

馮雲山

洪仁玕，即洪仁（Hung-Jin），與秀全同一高

洪仁玕

祖，少於秀全九歲，亦爲塾師。自受秀全感化後，信教之心頗爲堅定，雖遭受其胞兄之毆打虐待，終不變其志。但其對於上帝會或太平天國早年之貢獻，則不及雲山（1859年後成爲南京政府之首要人物）。

二人皈依洪秀全之耶教後，秀全與之再詳細研究“勸世良言”，書中所述，與其幻象適相符合，以爲此書乃上帝所特賜，用以證實其病中經歷者，自認親受上帝之囑，作世間真主。此書文字晦澀，彼等均依己意，自作解釋，總使其於己有利，例如書中“全”字，即謂係指洪秀全而言。

7,12（六，一五）洪秀全復自官祿埔返蓮花塘，繼續教館，並與李敬芳再研究“勸世良言”。

7,25（六，二八）雲南南甸亂平。

7, 河南中牟河決。

8,9（七，一四）洪秀全到花縣五馬嶺布教，彭參平，彭昌珩，彭壽伯等信之，即向上帝悔罪（據韓山明書，先是秀全曾向一彭 P'hang 某說教，彭某不信。此處據‘太平天日’）。

8,15（七，二〇）陝甘總督富呢揚阿奏，青海番亂平。

8, 廣東香山三合會高明遠等亂又起(1832曾舉事)。

9,2（閏七，一〇）諭浙江福建會拏洋匪。

1844——道光二四年甲辰

3,3 (一,一五) 陰曆燈節，花縣官祿埔父老命洪秀全及洪仁玕書寫詩文對聯，以頌禮神偶，二人拒之。

3,19 (二,一) 以耆英代祁墳爲兩廣總督。

4,2 (二,一五) 洪秀全偕馮雲山，馮瑞嵩，馮瑞珍離花縣出遊，先後到廣東省城及順德，宣傳教義，教導世人。

洪馮出遊

(註)韓山明書，謂洪馮因不敬偶象，撤去塾中孔子牌位，學生因之退散，失去教席，無以爲生，因決心遠遊，宣傳真道。沿途販賣筆硯，以充用費。按秀全等此行，不必完全爲故鄉生活困難，其目的似在結識同志，其所經歷之廣州，順德，增城，從化，清遠，英德等地，天地會黨徒固頗不少也。是以吾人正不妨認洪馮之革命運動，於是時實際開始。又洪仁玕以家人不許，未與同行，尋往清遠任塾師數年，乘機布教，受洗禮者約五六百人。

5,5 (三,一八) 洪秀全馮雲山等自順德轉回，歷遊南海，番禺，增城，從化，清遠，英德，函江（曲江？），陽珊

洪馮別連山

(山)，連珊(山)等處，本日到白虎圩。秀全雲山即往八排，至南江排(均在連山)，勸化瑤人，(馮瑞嵩，馮瑞珍於是時回花縣)。留此數日，到蔡江，決定前往廣西。

(註)韓山明書云，洪馮在苗區(按即南江排瑤)停四日，一江姓，(Kiang)塾師，受其勸化。因與苗人言語不通，傳教困難，因即離去，前赴廣西，留手寫宗教小冊數卷與江某，江某贈以旅費。

5,8(三,二一)閩浙總督劉韻珂奏，臺灣嘉義洪協(天地會)等豎旗起事，衆二千餘，已被獲。

5,21(四,五) 洪秀全馮雲山自廣東連山蔡江經珊(山)逕，石田，荔枝鋪，金莊(屬開建)，南豐，魚撈(屬封川)，封川，容圩(即戎圩，屬蒼梧)，藤縣，大武(屬平南)，木落，蒙圩(屬桂平)到廣西貴縣賜谷村，寓表兄黃盛均，黃盛潮黃盛乾，黃盛坤，黃盛爵家，並遇秀全族弟洪仁球，洪仁正。即留此勸人

洪馮到廣西
貴縣

拜上帝，並作詩斥六窠廟神。

(註)韓山明書云，秀全雲山離苗區後，行二十日，始至賜谷村黃家，時爲陰曆五月。據“太平天日”二人約於陰曆三月二十日後離連山，“四月初五日，由蒙圩到廣西潯州貴縣賜谷村黃盛均表兄家下”，中間實只十二日左右。“太平天日”又云：“主寓其家時，主勸人拜天父上主皇上帝，詔傳送人。主與南王常寓黃盛均家，其二表兄黃盛潮，三表兄黃盛乾，四表兄黃盛坤，五表兄黃盛爵等則接至其家焉。主聞土人說此處有六窠妖廟，一男一女甚靈。主問曰，‘是夫婦乎’？土人曰，‘非也。當初二人在此山和歌，苟合而死，後人傳聞得道，故立像祭祀’。主曰，‘有是哉，何凡間人愚且甚，他淫奔苟合，天所必誅，而得道，且聞得何道乎’？乃悟廣西淫亂，男女和歌，禽獸不如，皆由此等妖倡焉。故作詩以斥云：‘舉筆題詩斥六窠，該誅該滅兩妖魔。滿珊人類歸禽類，到處男歌和女歌。壞道竟然傳得道，龜婆無怪作家婆。一朝霹靂遭雷打，天不容時可若何’。

關於洪馮初到廣西年代，有道光十六年（“平定粵匪紀略”卷一），十九年（民國“貴縣志”卷十七及卷十六石達開傳，又光緒“貴縣志”卷六亦可參考），甚至有十四五年（龍啓瑞“經德堂文集”）

諸說。據“太平天日”及韓山明書可證明其誤。民國“貴縣志”謂道光十九年石達開與洪馮倡上帝會於貴縣龍山。按達開於一八六三年在成都被殺，據云年三十三歲，上推至道光十九年，即一八三九年，彼時達開約為八九歲之幼童，焉能與洪馮倡上帝會。況是時（一八三九）秀全尙未詳讀“勸世良言”，根本無所謂上帝會。

光緒“貴縣志”云：“道光年間，縣令楊曾惠不以盜賊爲事，逆匪馮雲山遂由大墟入北山里龍山中，潛到開礦之處，糾串匪徒拜會。時有里中武生赴縣稟報，縣官竟將原稟擲回不收”又云：“石達開邑之北山里來人，其家世業農，道光間會匪馮雲山誘其入夥”（卷六，紀事）。按楊曾惠先後三任貴縣知縣，光緒“貴縣志”“紀官”篇及民國“貴縣志”“職官表”均未註明年分。光緒志云：“王令（濟）卸事，楊令曾惠復任，隨來京帳之客，三五成羣，祇知催糧填債，盜賊置若罔聞，……而大盜張嘉祥即從此而起矣。嘉祥本廣東高要縣人，初至縣城，在水源街全昌鹹貨鋪內雇工，後緣耽於賭博，辭出，遂與其黨往石罅墟擄榮利牛皮鋪之幼子勒贖，榮利赴縣訴，僅循例出票。……楊令既縱容賊匪，又久於其任，所有縣儲倉穀，變賣一空，此實由治入亂之一大轉機也。道光二十年，聞令寶桂接任”（卷六，“盜賊始末”，即“潛齋見聞隨筆

錄”。民國志云：“是年（道光十九年）知縣楊曾惠盜賣倉穀。曾惠前知縣事，以庸劣著，迨復任，隨來京客，招搖過市；京客者，蓋貸金牟利之流也。曾惠盜賣歷年倉穀以償私債”（卷一七，前事）。是道光十九年爲曾惠二次任知縣時。惟光緒志謂張嘉祥之亂始於是時，則不可信。故民國志則如下記述：“二十八年戊申，東賊張嘉祥劫木梓墟大源沽源典庫。嘉祥一作家祥，廣東高要人，初至貴縣，傭於水源街全昌鹹貨肆，性情，喜游博，尋辭出，與其黨往石罅墟，擄牛皮店楊榮利六歲兒。楊以百金贖歸，訴之縣。知縣楊曾惠因循縱容，不嚴拘捕，嘉祥得漏網。……是年嘉祥劫木梓墟大源沽源二典”（卷一七）。蓋嘉祥之亂，確起於楊曾惠任知縣時，不過不在其二任，實在其三任，卽道光二十七八年間（據光緒志卷三，民國志卷十五，蕭煊於二十五年任知縣，張汝瀛於三十年任知縣，曾惠之三任，卽在蕭張之間。但細審光緒志卷六，二十九年縣令仍爲蕭煊，未知是否誤記。曾惠何時三任，兩志均未明言，所可知者，其二任止於道光二十年，三任當在道光末年也。參以“太平天日”所記馮雲山事，愈可信）。石達開之結識馮雲山，卽在是時。

6,14（四，二九）四川總督寶興奏，馬邊夷匪出擾，

1844（道光二四年）

人民抗糧

經官兵擊退。

7,20 (六,六) 湖南巡撫陸費瓌奏，未陽陽大鵬等抗不完糧，並設局斂費，阻截糧戶，糾衆攻城。

9,1 (七,一九) 湖南未陽首逆陽大鵬就擒，檻送京師，伏法。

9,5 (七,二三) 洪秀全以其表兄黃盛均家中貧苦，供給維艱，擬回花縣。盛均因其子黃維正繫獄未釋，堅留秀全營救。秀全乃於本日先遣馮雲山，洪仁球，洪仁正東回。

9,7 (七,二五) 馮雲山，洪仁球，洪仁正約於今日自貴縣到桂平，留候洪秀全同行。

9,13 (八,二) 馮雲山留桂平六七日，候洪秀全不至，適遇故人張永綉，決獨留桂平，遣洪仁球，洪仁正回粵（雲山留桂平月餘，後至古林張家）。

9,26 (八,一五) 洪秀全表兄黃盛均之子維正，因秀全之力，出獄，遵秀全勸即拜上帝。

(註)先是秀全勸盛均等拜上帝，爲正即可釋出。及維正釋放，亦拜上帝，遵天條。同時貴縣尙有他人信從秀全教者。據韓山明書，前此十餘日，秀全會上稟知縣，維正因而得釋。大約貴縣人之信從秀全教，與黃維正之出獄。必有重大關係。

馮留桂平

9,28 (八,一七) 命四川總督寶興拏辦該省嘯(嘯)匪。

10,31 (九,二〇) 馮雲山張永綉商議自桂平回廣東(未成行)。

11,18 (一〇,九) 洪秀全自貴縣到桂平,訪馮雲山。於南門掌塘張考水(永綉之叔)處聞知雲山回粵,即登舡東去。

11,30(一〇,二一) 洪秀全回抵廣東花縣,知馮雲山仍在桂平。

洪回廣東

12,14 (一一,五) 詔釋天主教禁(法國使臣要求。本月二十八日兩廣總督耆英正式宣布)。

12, 廣州附近一帶匪衆焚掠無忌。

此
页
空
白

1845——道光二五年乙巳

是年洪秀全年三十三，復在廣東花縣開館授徒，並作“原道救世訓”，“原道覺世訓”，“原道醒世訓”“百正歌”“改邪歸正”（均成於 1845—1846）時向洪仁玕發表其排滿理論。

是年馮雲山在廣西桂平紫荊山布教，信從者頗多，寓南坑冲張家。

是年廣西藤縣鄧立奇稱平地王，鍾敏和稱高山王，在赤水墟起事，劫掠船隻（1850, 11 平）。

4, 27（三，二一）再命四川總督寶興嚴緝該省教匪。

5, 18（四，一三）諭直隸山東河南各督撫飭拏教匪盜匪。

7, 10（六，六）直隸總督訥爾額奏，山東曹州府屬捻匪夥黨衆多，蟻聚拒捕。命巡撫崇恩協力剿辦。

7, 13（六，一二）甘肅西寧番亂，總兵慶和敗死。

8, 1（六，二八）廣州府屬盜劫日滋，結黨聚會，數萬餘人，千百爲羣，肆行無忌，持械戕官，擄宮勒贖，命耆英等緝捕究辦（其中以香山，新會，順德，新安，新寧，南海，番禺，東莞，三

捻亂

廣州會黨

水等處之三合會，臥龍會爲最著，自上年冬間至今年春夏之交，報劫者不下數千案）。

雲南回亂

10,2(九,二)雲南永昌府漢回互鬪，城內回民被殺死者四千餘口。

10,13(九,一三)永昌府回敗官兵，遊擊朱日恭等陣亡。

10,22(九,二二)浙江巡撫梁寶常奏，奉化縣張名淵等聚衆阻考，挾制完糧減價，調兵剿辦。

11,18(一〇,一九)浙江巡撫梁寶常奏，奉化亂事已平。

12,11(一一,一三)雲貴總督賀長齡奏，永昌府回匪擊散。

1846——道光二六年丙午

是年馮雲山仍在桂平紫荊山布教，寓黃泥沖曾玉珍家。玉珍子雲正信道最篤，不獨不拜偶像，且時常侮弄偶像。洪秀全則仍在花縣設館，繼續編纂各種歌訓，並發揮其排滿主張。

1,15 (一二,一八) 廣州人民拒英人入城，搗毀府署。

2, 雲南永昌府回亂又起。

8,21 (六,三〇) 陝甘總督布彥泰等奏，西寧番亂平。

9,21 (八,二) 廣西藤縣吳英康亞鏡亂。

9, (八月) 馮雲山曾雲正自桂平紫荊山到貴縣賜谷村，訪黃盛均等(尋復回紫荊山)。

10,12 (八,二三) 雲南永昌府回亂久未平，雲貴總督賀長齡降調，以李星沅繼。

10, (九月) 雲南順寧府緬寧回聲稱復讎，燒殺擄掠。

11,22 (一〇,四) 以徐繼畲代周之琦為廣西巡撫。

12,17 (一〇,二九) 廣東盜劫頻聞，派委督糧道

廣東盜劫

黃宗漢會同藩臬兩司各巡道議辦保甲，並於水陸交界添設巡船。

12, 廣西北流李二劫大崙墟。

12,30 (一一,一三) 雲南順寧雲州回亂，搶掠漢人，拒敵官兵。

1847——道光二七年丁未

1,16 (一一, 三〇) 山東嶧縣蘭山等盜賊公行, 擄人勒贖, 命巡撫崇恩飭拏嚴辦。

1,18 (一二, 二) 以徐廣綰代黃恩彤爲廣東巡撫。

2,10 (一二, 二五) 調鄭祖琛爲廣西巡撫, 徐繼畲爲福建巡撫。

鄭祖琛

2,11 (一二, 二六) 雲南順寧府右甸街漢民劫殺回民, 進擾永昌府 (四月間亂平)。

3,14 (一, 二八) 雲南東川府湯丹廠漢回互鬪, 致斃回民數十, 並燒屍燬房。

3,11—26 (二月初) 洪秀全與洪仁玕到廣州, 晤美國浸禮會教士羅孝全 (即羅孝或羅孝銓, I. J. Roberts)。仁玕先歸, 秀全獨留羅孝全處數月, 歷將“舊遺詔聖書” (舊約), “前遺詔聖書” (新約) 繙覽。

洪秀全晤羅孝全

(註) 羅孝全係 1837 年到粵。據韓山明書, 1846 後半年, 秀全知廣州有羅孝全其人。後羅之助手亦函約秀全前來, 秀全仁玕到廣州後, 在羅處研究約有一月, 即奉派赴鄉布教。仁玕一去未返, 秀全復歸, 留數月, 但終未獲受洗禮, 生活又無法維持,

1847 (道光二七年)

因決意離去。

4,3 (二,一八) 英海軍襲擊廣州。

4,18 (三,四) 雲貴總督李星沅奏，緬寧雲州回匪首要擒獲，餘匪漸就肅清。

7,11 (五,二九) 以曾國藩爲內閣學士兼禮部侍郎銜。

江西長寧謝嗣封，潘蛇，羅二(天地會?)起事，稱平光王。

7,21 (六,一〇) 洪秀全離廣州，再遊廣西。

(註) 秀全自廣州經官窰(屬番禺)，西南(屬三水)，廣利(屬肇慶)，肇慶，祿步(屬肇慶)到梅子汛地，遇盜劫，又自悅城，九官(均屬德慶)到德慶，無盤費，由同舟旅客給贈，復自梧州經容圩，山寮，藤縣，山村，大烏(屬平南)，馬皮，蒙圩(屬桂平)到貴縣賜谷村。

8,20 (七,一〇) (?) 洪秀全約於是日到廣西貴縣賜谷村黃盛均家，得知馮雲山消息。

8,25 (七,一五) 洪秀全偕黃爲正(維正)自廣西貴縣賜谷村到武宣勒馬，擬赴紫荊山訪馮雲山。

8,26 (七,一六) 洪秀全黃維正到武宣東鄉。

8,27 (七,一七) 洪秀全黃維正自武宣東

洪再赴廣西

洪到紫荊山

鄉到桂平紫荊山，寓黃泥沖曾玉珍家，晤馮雲山。路過逢九廟，秀全題詩斥之。此後積極布道，並作軍事準備。

(註)韓山明書云，洪秀全到紫荊山後，不特得遇馮雲山，且獲晤許多新信徒，楊秀清，蕭朝貴，韋正(昌輝，桂平金田人，爲富厚之家)，石達開(貴縣北里人，世業農，家亦富有)，秦日綱(即日昌，貴縣人)，胡以晃(平南花洲人)，盧六(桂平人)等均加入。紫荊山之拜上帝者，尋即數逾二千人，平南、武宣、象州、貴縣、鬱林、博白、陸川、藤縣、岑溪均各有信從，此皆雲山兩年來努力之結果。秀全到後，尤爲積極，“太平天日”云：“主每天同南王(馮)寫書送人，時將此情教導世人，多有信從真道焉。幸得曾雲正四處代傳此情，大有功力，故人多溯(明)醒也。主居月餘，主與南王馮雲山，曾灑正，曾玉景，曾觀瀾等寫奏章，求天父上主皇上帝選擇險固所在棲身焉”。是秀全等此時已作軍事上之布置。

8,28(七，一八)雲南回民丁燦廷，杜文秀等控告香匪萬重劉書等藉端誣告從逆，致被搜殺，被害至一萬餘名(指1845,10,2事)。命總督林則徐

等嚴查重辦。

8,29(七,一九)洪秀全命黃維正白紫荊山回貴縣。

9,6(七,二七)喀什噶爾回亂(七和卓木之亂),
本日圍攻英吉沙爾。

9,21(八,一三)雲南姚白鹽井漢回互鬪,漢民傷斃三百餘人。

9,26(八,一八)授布彥泰爲定西將軍,奕山爲參贊大臣,剿辦新疆回亂。

10,4(八,二六)江西長寧謝嗣封等亂平。

10,16(九,八)諭直隸山東河南官吏會拏擒匪。

10,18(九,一〇)湖南新寧廣西全州交界之黃坡崗教黨(內分青家紅家黑家,似係天地會,但通稱之爲白蓮教), 瑤雷再浩合全州五排梅溪口瑤蕭立山, 及民人李輝, 李世德, 陳名機起事。10, 廣西鬱林州天地會劫平樂墟。

雷再浩亂

天地會

(註)據“鬱林州志”卷十八,頁二:天地會又名添弟會,乃哥老會(?)之變名。聚百人或百數人,定期拜會結盟,推一人爲首,稱曰大哥,次一人曰老晚,其餘羣相稱兄弟。凡入會者,必自言明無父母妻子,惟結盟之兄弟是親,惟大哥之令是聽。奉五祖和尚爲師,五祖法名洪,故自稱洪相。迨後起作賊匪,放火殺人,則自稱洪家,亦曰紅家,逼脅

鄉村入會曰轉紅，交納租石謂之交紅租，其不從者曰白家。道光間，州中此會最多，至甲辰 [1844] 乙巳 [1855] 尤盛，幾無村不有大哥云”。

10, (九月初) 洪秀全自桂平紫荊山黃泥沖曾玉珍家轉寓高坑沖盧六家。

10, 24 (九, 一六) 洪秀全聞知象州有一甘王爺廟，屢次顯靈，並迫州官爲製龍袍，因率馮雲山，曾漢正，盧六，陳利自紫荊山往破其廟。
(按係甘陸及甘佃叔姪廟)。

10, 25 (九, 一七) 洪秀全等到象州。

10, 26 (九, 一八) 洪秀全，馮雲山，曾漢正，盧六，陳利到象州甘王廟，時州官製袍禮獻已畢，秀全等褫裂之，毀偶像，布其十罪，題詩於壁，觀者如堵，州官不敢與較。自是後，秀全名聲傳聞愈遠，信徒愈衆。

洪馮毀甘王廟

(註)李濱“中興別記”謂事在道光二十五年，誤。據 Mackie “太平王傳”及韓山明書，應在陰曆九月間。近見“太平天日”記述此事最詳，中云：“九月初，主由黃泥沖轉寓高坑沖殿王盧六家。聞土人說象州有一甘妖廟甚靈。主問有何靈，

土人曰，‘象州州官朱某驗屍經過其廟，他敢拖州官朱某（據“象州志”道光年間任知州者有一朱有萊）下轎，要這州官朱某送隆（龍）袍纔放他。卽廟祝燒香點燈，要打鑼，恐或撞見。該處不敢亂講他，若有人亂講他，他便作古怪，害此人家中不安，要此人將豬牛祭他，然後無事’。主又問其當初如何出身，土人奏說，‘當初打死母親’。主歎曰，‘此正是妖魔也，朕先救此一方民’。九月十六日，主率南王馮雲山，曾漢正，殿王盧六，陳利往象州破此妖廟，十七日始到，十八日主親到其廟，以大竹敲此妖魔罵曰：‘朕是真命天子，爾識得朕麼？天西年(1837)朕昇高天，朕天父皇上帝命朕同衆天使戰逐你們一切妖魔，那個妖魔不被朕戰到服處？爾今還認得朕麼？若認得朕，爾今好速速落地獄矣。打死母親，爾大罪一。敢冒天父皇上帝功勞，爾大罪二。天地萬物天父皇上帝造成，人人是天父皇上帝生養，故人人跪拜天父皇上帝，爾有何功德？人不是爾生，又不是爾養，不關爾事，爾有何面目冒天父皇上帝功勞，竟覩然受人跪拜，爾大罪爲何如乎？迷惑天父皇上帝子女心腸，爾大罪三。誘賺天父皇上帝子女肉食，爾大罪四。纏捉天父皇上帝子女靈竄，爾大罪五。爾細妹與同年坐，爾大罪六。權悅婦女唱邪歌，爾大罪七。纏捉天父皇上帝子

女行淫樂，爾大罪八。誘惑天父皇上帝子女行邪事，爾大罪九。種種作怪作妖，迷壞害累世人，爾大罪十。犯了十款大罪，天理難容，爾速下地獄，永不准爾在世迷惑，害累世人’。命其四人將妖眼挖出，鬚割去，帽踏爛，隆袍扯碎，身放倒，手放斷。主題詩在壁云：‘題詩行檄斥甘妖，該滅該誅罪不饒。打死母親干國法，欺瞞上帝犯天條。迷纏男婦雷當劈，害累世人燒（火）當燒。作速潛藏歸地獄，腥身豈得掛龍袍’。後寫‘太平天王題’。又寫天條及王詔貼壁，詔諭該處人民。其詔云：‘奉天父皇上帝真命太平天王大造君王全，詔諭該處人民：爾等知此妖怪既犯了天條大罪乎？打死母親，大罪一；敢犯冒天父皇上帝功勞，大罪二；迷惑天父皇上帝子女心腸，大罪三；誘賺天父皇上帝子女肉食，大罪四；纏捉天父皇上帝子女靈魂，大罪五；細妹與同年共坐，大罪六；歡悅婦女唱邪歌，大罪七；纏捉天父皇上帝子女行淫樂，大罪八；誘壞天父皇上帝子女行邪事，大罪九；種種作妖作怪，迷惑害累世人，大罪十；犯了十款大罪，天理難容。朕奉天父皇上帝命，親身到此，毀破此妖，繼自今，其令此妖永不准在世作妖作怪，迷惑害累世人，并令該處人等永不准復立此妖廟，仍拜此邪魔，倘敢抗命，定與此妖一同治罪，欽此’。南王馮

雲山亦題詩在壁云：‘奉天討伐此廿妖，惡孽昭彰罪莫逃。迫我弟妹誠敬拜，誘吾弟妹樂歌謠。生身父母誰人打，敵首邪屍自我拋。該處人民如害怕，請從土壁讀天條’。十九日，回歸紫荊珊。自打破此妖，傳聞甚遠，信徒愈衆”（按‘太平天王題，及詔諭’云云，恐非當時原文。）

10,27（九，一九）洪秀全馮雲山等自象州回桂平紫荊山。

11,3（九，二六）雷再浩敗廣西官軍於小池，斬千總劉長林，外委陳國熊等。

11,9（一〇，二）御史張寶璫奏，州縣吏役，縱匪殃民，請飭查辦。命各省督撫嚴飭偵緝，並嚴定章程，以除莠安良（原奏謂各省有會匪捻匪掖匪，聚集橫行，魚肉良懦，及事發控告，又爲吏役蒙蔽，概置不問）。

湖南新寧舉人江忠源督鄉勇攻破湘桂交界之苦竹坪，全州教黨首領李世德自殺。

11,10（一〇，三）諭京師及各省編查保甲。

11,12（一〇，五）山東盜案層出，州縣諱匿縱容，命欽差侍郎柏葰等確查。

11,18（一〇，一一）雷再浩再敗廣西官軍。

11,27（一〇，二〇）雷再浩自廣西折回湖南新寧。

12,3 (一〇, 二六) 舉人江忠源等擒雷再浩於新寧武岡間之毛安，亂平。

參贊大臣奕山奏，喀什噶爾賊匪分竄，城垣解圍，並收復回城（七和卓木亂平）。

12,4 (一〇, 二七) 廣西平樂府知府蘇勒方阿，同知張敬修等偵知天地會范連德，李二，張八等密謀起事，響應雷再浩，即擒李二等。

12,8 (一一, 一) 廣西天地會范連德，張八攻平樂府（明日爲同知張敬修擊敗）。

12,18 (一一, 一一) 洪秀全曾玉璟自桂平紫荊山赴貴縣賜谷村，路經武平，是日宿黃四家，布教傳道，頗多信者。

12,23 (一一, 一六) 以山東盜賊公行，捕務廢弛，巡撫崇恩革職，以張澧中繼任。

12,28 (一一, 二一) 廣西桂平生員王作新以馮雲山等迷惑鄉民，結盟拜會，踐踏社稷神明，起團捕之，交保正曾祖光領下解官。上帝會黨曾亞孫盧六等集衆搶脫（時拜會者已數千人）。

12,31 (一一, 二四) 湖南道州地方匪徒聚集，命廣西巡撫鄭祖琛於灌陽嚴防。

馮雲山
團練

此
页
空
白

1848——道光二八年戊申

1, (一二月) 廣西桂平生員王作新等具狀於縣，乞嚴拏馮雲山曾玉珍究辦。狀云：“爲結盟藉拜上帝妖書，踐踏社稷神明，乞恩嚴拏究辦事。緣曾玉珍窩接妖匪，至家教習，業經兩載，迷惑鄉民，結盟聚會，約有數千人，要從西番‘舊遺詔書’，不從清朝法律；膽敢將左右兩水社稷神明踐踏，香爐破碎。生等聞此異事，邀集鄉民耆老，四處觀查，委實不差。至十一月二十一日，齊集鄉民，捉獲妖匪馮雲山，同至廟中，交保正曾祖光領下解官。詎料妖匪黨曾亞孫盧六等搶去，冤屈無伸，只得聯名稟叩，伏乞嚴拏正辦，俾神明洩憤，士民安居，則沾恩無旣”。

署桂平知縣王烈批辭云：“閱呈殊屬昏謬。該生等身列膠庠，應知條教，如果

王作新控馮

事有實蹟，則當密爲呈稟，何得輒以踐踏社壇之故，捏飾大題架控？是否挾嫌滋累，亟應澈底根究。候卽嚴提兩造人證，質訊確情辦理，以遏刁風，而肅功令”。

馮雲山呈訴桂平縣云：“爲遵旨敬天，不犯不法，乞究索詐誣控事”中有云：“一切上帝當拜，古今大典，觀廣東禮拜堂懸掛兩廣大憲奏章，並皇上御批，移文可查，教人敬天，不意被人誣控。”又援詩書稱上帝者二十餘條，以證無罪（以上見“中興別紀 卷一，頁六”）。

（註）光緒“貴縣志”云：“道光年間，縣令楊會惠不以盜賊爲事，逆匪馮雲山遂由大墟入北山里龍山中，潛到開礦之處，糾串匪徒拜會。時有里中武生赴縣稟報，縣官竟將原稟擲回不收”（卷六，紀事，頁一）。貴縣似爲桂平之誤，武生似卽生員王作新。

1,6（一二，一）雲南永昌府保山哨匪（漢人）打奪京控人證，捕殺回人，燒燬縣署，釋放盜囚，

鎮道府縣皆被困窘。

1,12 (一二,七) 廣西巡撫鄭祖琛奏，湖南道州匪徒(李魔王)竄入灌陽，已被擊退。平樂陽朔均有匪徒滋事。

1,17 (一二,一二) 廣西桂平生員王作新再捕馮雲山及洪秀全，曾玉珍，盧六，送大湟(黃)江巡檢司王基，該司止解馮盧過縣。作新將洪馮傳教‘妖書’呈繳，謂其陽爲拜教，陰圖謀叛(據“武宣縣志”。惟就前錄王烈批辭，及馮雲山呈訴，馮盧此次過縣，應係被捉質訊，似非被捕。Hamburg所記 與此微有出入)。

1,18 (一二,一三) 湖南乾州廳苗抗租滋事，命湖廣總督裕泰等剿辦(尋平)。

2,3 (一二,二九) 召耆英來京，命徐廣縉署兩廣總督，葉名琛署廣東巡撫。

2,24 (一,二〇) 川滇回漢沙金龍，麻汝淮，古明發等結盟拜會，焚掠雲南大理府彌渡，拒敵官兵(3,7日亂平)。

3,26 (二,二二) 洪秀全自廣西桂平回抵

團練再捕馮

洪到廣州

廣州，擬根據 1844, 12, 14 釋天主教禁詔，向兩廣總督耆英申訴，營救馮雲山等，旋復返廣西。

(註)韓山明 (Hamberg) 書云，秀全到粵，耆英已於十日前北上。按耆英係於 3, 16 (二，一二) 離廣州。又密迪樂 (Meadows) 書，頁九七，謂秀全大約係 3, 20 (二，一六) 到廣州。

4, 6 (三，三) 天父上主皇上帝初次下凡 (時在桂平平在山，一作平寨山)，降託楊秀清之身，教導上帝會衆。並差秀清代世人贖病。

(註)“天情道理書”云：“且說平在山，戊申歲三月，天父大開天恩，親身下凡，出頭作主，託東王金口，教導兄弟姊妹，乃食天下萬郭(國)人民。此乃天父義怒，固已差天王降生，爲天下萬郭真主，救世人之陷溺。世人尙不知敬拜天父，並不知真主所在，仍然叛逆天父，理宜大降瘟疫，病死天下之人，而天父又大發仁慈，不忍凡間人民，盡遭病死，故特差東王下凡，代世人贖之。東王贖病之時，寢不安枕，食不甘味，不辭勞瘁，艱苦備嘗，

天父初次下凡

甚至口啞耳聾，以一己之身，贖衆人之病，以一身之苦，代世人之命，總欲救得天下萬郭人民，永遠得生。故我們兄弟姐妹，今日之得救得生，得享天福者，皆賴東王贖病之大功勞也。當其時真道兄弟姐妹多被妖人恐嚇，若非天父下凡，教導作主，恐伊等心無定見，安得不忘卻真道，差入鬼路乎？此可見天父下凡之權能憑據也”（頁十至十一）。又己未九年十月初七日天王詔旨云：“自戊申年三月，天父上帝下凡，降託東王，乃食世人”。又云：“三月初三日是爺降節。同年十月十四日天王詔旨中亦有：“三月初三日是爺降節”。是此次天父下凡應在三月初三日，但恐未必即如此正確，今姑從之。

按楊秀清原名嗣龍，桂平平隘（在）山人，原籍廣東嘉應州，屬客家。爲人“奸譎異常”（賊情彙纂卷一），“自拜上帝後，件件可悉”（李秀成供狀）。此時洪秀全在廣東或回廣西途中，馮雲山在桂平獄或回廣東途中。秀清於是時託天父下凡，大約不外兩種作用：其一，秀清在上帝會中爲後進資望在洪馮下，因乘此機會，託天父自重，取得會中領導權。其二，是時雲山被困，秀全在粵，地方士紳與上帝會黨爲難，黨衆信心動搖，因借天父下凡，以鎮攝之。“天情道理書”謂“當其時真道兄弟姐妹多被妖人恐嚇，若非天父下凡，教導作主，恐

伊等心無定見云云，頗可作第二種解釋之證明。自此之後，秀清遂成爲上帝在世間之發言者，天曆卽以是日爲“爺降節”。

馮雲山向潯州府上控生員王作新恃衿橫嚼，架題尋害，請飭桂平縣提訊雪冤。知府顧元愷批檄解縣查訊。桂平知縣以其書內載敬天地，戒淫慾諸款，類於勸善，無叛逆情，遣解雲山回廣東花縣原籍。中途二解差爲雲山所感動，釋之，亦入上帝會，折回紫荊山。雲山旋赴廣東，追尋洪秀全，適秀全西返，彼此途中相左。盧六則死於桂平獄中。

(註)桂平知縣移文花縣知縣云：“案據繳縣大黃江巡檢查獲無業遊民馮雲山一名到縣，當經訊供，係廣東花縣人，並無爲匪不法情事等供。據此，查該民既無籍(？業)游蕩，應卽遞籍管束。又“中興別紀云：“具獄後，作新家族八十餘人皆被害”，是此時上帝會黨已開始與地方官民衝突。

4, 廣東欽州天地會秦興晚糾廣西賓州黃啓珍赴武宣，合陳亞(阿)貴，劫掠修仁荔浦。

馮出獄

廣西鎮安府天地會黃維業，黃天宋亂，知縣沈毓寅敗死。

5,14 (四,一二) 申諭兩廣湖南江西各督撫飭拏會匪。

6, 廣西亂事愈熾，橫州南鄉墟商船二十餘隻被劫（此枝盜應係張家祥等）。

6,2 (五,二) 福建游搶劫結會，命巡撫徐繼畬妥辦保甲，嚴密稽查。

9, 廣西賓州秦興晚，黃啓珍亂平。

9,16 (八,一八) 廣西盜亂日甚，命巡撫鄭祖琛嚴飭州縣，認真緝捕，毋爲不肖屬吏欺蒙。

10,5 (九,九) 天兄救世主耶穌初次下凡，降託蕭朝貴之身，教導上帝會衆。

廣西亂熾

天兄初次下凡

（註）蕭朝貴廣西武宣盧陸洞人，“勇敢剛強”（李秀成供狀），在上帝會中較洪馮亦後進。此舉亦可作兩種解釋：其一，此時馮已回抵廣東花縣，洪則在返粵覓馮途中。朝貴與楊秀清似較近，或係出自秀清授意。即朝貴之娶洪妹宣嬌，恐亦係秀清主動。其二，是時會衆以毀桂平貴縣神像，與官府衝突，天兄下凡，意在示以鼓勵。“頒行詔書”云：“戊申歲，皇上帝恩憐世人之陷溺，被妖魔之迷纏，三月上主皇上帝降凡，九月救世主耶穌降凡，顯出無數權能，誅盡幾多魔鬼，場場大戰，妖魔何能鬪

得天過。又己未九年十月初七日及十四日天王詔旨有云：“九月初九日是哥降節”。是後朝貴即爲耶穌在世間之發言者。天曆定是日爲“哥降節”。據云，此外尙有他人借託天父天兄，明年洪回桂平，由其判定真偽，結果認楊蕭爲真。此似有彼此相互爲用之意。蓋洪可利用天父天兄下凡以爲己說張目，楊蕭亦可假此以增高自身地位。

10, 上帝會黨毀廣西桂平貴縣神像，官府派兵拘捕，會衆抗拒。

11, 洪秀全自廣西桂平回抵廣東花縣(秀全回廣西，知雲山東返，即追蹤尋之)，遇馮雲山(時秀全之父甫死，已留鬚蓄髮)。

11,12(一〇，一七) 申諭海疆各督撫提鎮督飭水師，堵擊洋盜。

11,27(一一，二) 廣西巡撫鄭祖琛奏報，北流等處劫案已獲，地方安堵。得旨，不可一奏了事，務要嚴密訪緝。

12, 廣西盜張家祥(即張亞詳，廣東高要人)敗官兵於賓州，遊擊鄧宗恆死之(一說敗宗恆者爲桂平盜孫家祥，與橫州之謝江殿，欽州之李自昌，靈山之蘇三相，貴縣之徐亞雲等相結)。

盜魁張家祥

1849——道光二九年己酉

1,8 (一二, 一四) 廣西橫州匪馬成龍, 馬成虎攻貴縣懷西等地。

2,8 (一, 一六) 桂林大火, 燒七千家。

2,14 (一, 二二) 以曾國藩爲禮部右侍郎。

2—3 粵民堅拒英人進廣州省城。

3, (二月) 廣東陽山英德匪陷城戕官。

3,11 (二, 一七) 四川中瞻對野番作亂, 擬占裏塘, 命總督琦善等迅速剿滅。

3,12 (二, 一八) 廣西匪馬成龍等劫貴縣雙橋蘇村。

3,17 (二, 二三) 江蘇松江府勒限完稅, 人民憤毀府署, 巡捕制止, 殺傷人民百餘 (時江南荒災)。

人民抗糧

3,19 (二, 二五) 葡萄牙划艇在廣東急水門爲海盜所劫。

4,8 (三, 一六) 天父上主皇上帝在廣西貴縣下凡, 務各遵所出令 (仍爲楊秀清所託借, 下同。時洪秀全馮雲山均在廣東。Medhurst 譯文: 三月十六日爲太平天曆, 當西曆四月二十一日。按如爲太平天曆, 實當西曆四月十八日)。

天父下凡

(註) “天命詔旨書” 頁一, “己酉三月十六

天曆

日，時在貴縣。天父上主皇上帝曰，‘高老山山令，遵正十字有一筆祈祈’。麥都思(W. H. Medhurst)依太平新曆推合，當西曆四月二十一日，見 Meadows 書 P. 100。如依中國陰曆推合，則當西曆四月八日。按太平新曆係在永安製定，前此月日，仍係陰曆，詳見拙著“太平天國曆法考訂”。

粵民抗英

4, 11 (三, 一九) 以廣東官民堅拒，英人罷廣州進城議。

藍靛大頭羊

4, 廣東艇匪(水寇)大頭羊張釗，大鯉魚田芳，捲嘴狗侯成，豆皮滿王庸等(均三合會)掠廣西梧州。

4, 22 (三, 三〇) 命兩廣總督徐廣縉等剿辦廣東陽山英德等縣匪徒。

5, 7 (四, 一五) 以廣東英人罷議進城，賞總督徐廣縉子爵，巡撫葉名琛男爵。

5, 8 (四, 一六) 艇匪大頭羊，張釗等攻廣西平南武林堡。

張家祥

5——6 (四月至五月) 盜魁張家祥(張亞詳)楊撈家等劫廣西南寧府左江，柳州府右江及桂林府灘江一帶(所部皆用紅布包頭，豎“替天行道”旗幟。居民先後被劫者有數萬餘家)。

6, 27 (五, 八) 英船在海南島附近為海盜所襲擊。

7, 3 (五, 一四) 四川總督琦善奏報，中瞻對番亂平。

- 6-7, (五月) 洪秀全馮雲山自廣東花縣回廣西桂平 (Meadows 書, P. 105, 作八月)。
- 7, 29 (六, 一〇) 兩廣總督徐廣縉, 廣東巡撫葉名琛奏報, 陽山英德等縣匪亂剿平。
- 9, 廣西武宣陳亞貴亂愈熾, 劉山豬箭, 黃糯米四等應之。
- 廣西上思州遷隆土境亂, 敗官兵。
- 9, 6 (七, 二〇) 盜魁張家祥率衆千餘擾廣西貴縣覃塘, 張貼告示, 糾衆入夥。
- 9, 11 (七, 二五) 英海軍在廣東放鷄蓮頭外洋, 連破海盜。
- 9, 18 (八, 二) 以禮部右侍郎曾國藩兼署兵部左侍郎。
- 9, 28 (八, 一二) 艇匪 (大約係大頭羊張釗黨) 自廣西平南進掠永安州。
- 10, 10 (八, 二四) 廣西巡撫鄭祖琛, 提督閔正鳳奏, 盜匪滋擾兩粵毗連一帶地方 (上思州), 命兩省合力兜剿。
- 10, 23 (九, 八) 英海軍大破海盜於安南花封洋面, 毀盜艇五十八隻 (海盜中除廣東招降者外, 逃入廣西南部者頗多)。
- 11, 3 (九, 一九) 盜魁張家祥自廣西貴縣覃塘入賓州甘塘, 敗知府顧元凱, 副將李殿元, 斃遊擊段

洪馮回廣西

盜魁陳亞貴

炳南。

11,23(一〇,九) 洪秀全子天貴(福瑱)生。

11,27(一〇,一三) 湖南新寧教黨李沅發(雷再浩餘黨)占領縣城,殺知縣萬鼎恩,廣西全州靈川教黨應之。

12,1(一〇,一七) 新寧人劉長佑,劉坤一起鄉勇討李沅發,圍攻縣城(提督英俊尋亦到)。

12,5(一〇,二一) 廣西貴縣盜王錫彬等劫蒲塘墟。

12,8(一〇,二四) 廣西巡撫鄭祖琛奏劾署左江道南寧府知府張熙宇等捕拏匪徒未能淨盡,均摘去頂戴。

12,(十一月) 廣西左江鎮總兵盛筠,潯州府知府顧元凱,招撫橫州匪首張家祥(即張亞祥),更名國樑(是時南寧府宣化縣劫殺案疊出)。

李沅發亂

1850——道光三〇年庚戌

- 1,11 (一一,二九) 湖南官軍及劉長佑鄉勇克新寧縣城，李沅發西走。
- 1,12 (一一,三〇) 廣西巡撫鄭祖琛奏報，上思州遷隆土境盜匪已被擊散，命廣東省堵截，並賜卹陣亡之遊擊段炳南等。
- 1,16 (一二·四) 李沅發敗湖南提督英俊於湘桂邊境之大絹筒附近了口嶺，守備熊釗等死之。
- 1,19 (一二,七) 湖南匪首黃三等盤踞道州寧遠間之癩子山，鑄造軍械，編造歌謠，徧貼煽惑，命總督裕泰，巡撫馮德馨等剿辦。
- 1,26 (一二,一四) 湖南巡撫馮德馨等奏報，新寧克復，地方一律肅清。
- 1, 廣西鎮安府義勝堂唐春晚，得勝堂寧正剛（均屬洪門，卽三合會）劫尙武墟。
- 廣西盜劉山豬箭自桂平大黃江上擾遷江良塘墟。
- 2,2 (一二,二一) 命湖廣總督裕泰馳赴湖南，督剿李沅發。
- 2,5 (一二,二四) 廣西巡撫鄭祖琛奏報，李沅發擾及粵西，命厚集兵力，不分畛域，痛加剿辦。
- 2, 李沅發經廣西興安靈川永福走懷遠，敗江忠源部練勇，訓導鄧樹堃死之。
- 廣西盜劉山豬箭黃糯米四擾象州。

1850 (道光三〇年)

- 廣東靈山李士奎方晚劉八（大約屬三合會）起事。
- 2,25（一，一四）道光帝崩，四子奕訢立爲皇太子。
- 2,26（一，一五）艇匪羅亞旺（卽羅大綱，屬天地會，廣東揭陽人，曾在伶仃洋販運鴉片。一八四七年曾與胡有福攻陽朔）自廣西平南攻永安州，劫長壽墟。
- 3,9（一，二七）皇太子奕訢卽位，以明年爲咸豐元年。
- 3,32（二，九）下詔求直言。
- 3,23（二，一〇）李沅發竄擾湘桂，廣西參將瑪隆阿陣亡，湖南官兵圍捕不力，嚴責兩廣總督裕泰，命廣西提督閔正鳳赴龍勝堵勦，貴州巡撫喬用遷派兵扼守邊隘。革湖南提督英俊，永州鎮總兵雙德職，調向榮爲湖南提督，蘇布通阿繼四川提督。
- 3,26（二，一三）李沅發入湖南靖州，貴州提督孫應照連敗之，西走黔邊。
- 3,30（二，一七）御史王本梧奏，浙省水師廢弛，諭沿海各督撫認真整飭。
- 3,31（二，一八）以剿匪不力，湖南巡撫馮德馨革職，以布政使萬貢珍署理。
- 4,14（三，三）御史金兆麟奏急籌三事，命各省督撫實心辦理保甲，廣設社倉，整飭營伍。

- 4,16 (三,五) 御史陳枚,奏陳病民積弊,命各省督撫痛戒屬員,催科不得浮收勒折,鹽法須整肅鹺綱,並實力懲辦貪劣玩忽,縱蠹縱盜吏役。
- 4,20 (三,九) 貴州鎮遠府各寨苗劫殺,命巡撫喬用遷嚴行拏辦,
- 4,22 (三,一一) 禮部侍郎曾國藩奏陳用人三策。
- 4, (三月中旬) 廣西女盜李新妹二千餘人劫遷江北泗。
- 5, (三月下旬) 湖南廣西軍敗李沅發於廣西修仁,擒斬李照恭等。
- 5,5 (三,二四) 以雲南布政使駱秉章爲湖南巡撫。
- 5,8 (三,二七) 兵部右侍郎趙光,奏陳時務四條:吏治日壞,武備不修,緝捕廢弛,虧空累積。命各直省督撫提鎮破除積習,認真講求。
- 5, (四月) 廣東信宜凌十八兄弟拜上帝會於大寮,有衆數百人,知縣宮步霄飭查,並諭悔悟免究。

廣西女盜

信宜上帝會

(註)“信宜縣志 云:“時洪秀全逆黨散布廣西,以拜上帝會煽惑愚民爲亂。十八弟凌二十八備岑溪(屬廣西),傳其術,歸擁十八爲首,謂劫運將興,惟拜上帝會可免,設像朝夕喃喃跪拜而後食,……病疫者飲以符水,多愈,小民感信之,大寮諸近村皆入教,遂潛造紅衣赤幟,揚言往踞廣西”(卷八,頁四)。凌十八亂平後,廣東巡撫葉名琛奏中有

云：“查凌十八自道光二十九年即在廣西金田地方拜上帝會，往來信宜，蹤跡靡定，係著名會匪，與洪秀全等同惡相濟”（卷一五，頁一五）。韓山明“起義記”亦明言凌爲秀全部，“天情道理書中所舉之高州羅鏡墟一班兄弟，即係指凌等（頁三二，參看1851,5,5註）。今再證以“信宜縣志”，凌十八之爲洪秀全黨從，愈爲可信。

5,15（四，四）內閣侍讀學士董瀛時（山）奏，江蘇，直隸，山東教匪以盜賊爲生業，廣西，貴州均有大夥劫搶拒捕之案，請嚴定交界協緝章程。

5,16（四，五）御史李維翰奏，剔弊須責實效，列舉海防，河工，漕務三端（海防透漏日甚，河工劣員借報險爲開銷，以冒支恣浮糜，漕糧官吏浮收，幫丁需索），命海疆並漕河各督撫實心整頓。

5,25（四，一四）大理寺卿邵燦，奏請舉錯並行，命各督撫力振因循，各於所屬官員秉公考覈，劣者嚴參，平庸疲玩者甄別。

5,31（四，二〇）直隸景州，饒陽，獻縣，武強盜賊盤踞搶掠，捕役包庇，命總督訥爾經額嚴密查拏。

5,（四月）楊秀清“忽又口啞耳聾，耳孔出膿，眼內流水，幾成病廢”。

6,4 (四,二四) 貴州巡撫喬用遷奏,苗匪聚衆搶劫,已飭委候補知府胡林翼等勦平。

6, (四月杪) 湖南提督向榮及鄉勇擒獲李沅發於新寧金紫峯,亂平。

李沅發亂平

6,11 (五,二) 廣東英德匪李永酬(元寶壳)敗官兵於該縣浚洸,斬守備葉恩詔,西入廣西懷集。

6,13 (五,四) 廣東靈山匪李士奎被擒,方曉劉八代領其衆。

6,14 (五,五) 給事中黃兆麟奏,廣西會匪猖獗,命巡撫鄭祖琛實力嚴緝。

6,28 (五,一九) 候補四品京堂李純先奏,廣西自去年張家祥招安,餘黨四散勾結,慶遠有張家福,鍾亞春,柳州有陳東興,陳亞貴,陳亞分,陳山豬羊,武宣有梁亞九,劉官生(方),象州有區振祖,潯州有謝江殿,平樂有紫金(荆?)山一夥,皆分股肆擾。提督駐劄柳州,卽爲賊蹤出沒之區。命巡撫鄭祖琛實力查拏,上緊會緝。

6,30 (五,二一) 江蘇盜風日熾,劫案纍纍,命巡

撫傅繩助認真緝拏。

6, 廣西盜陳亞貴等四路焚掠，提督閔正鳳駐柳州，不敢出城。

6, (五月) 洪秀全遣黃盛爵，侯昌伯往廣東花縣接其眷屬赴廣西。

7,4 (五, 二五) 廣西巡撫鄭祖琛奏，上年以來，時有土匪搶劫，近因李沅發亂，官兵不敷派撥，盜匪乘機竊發，四出搶掠。命實力捕拏，並出示曉諭，解散脅從。

7,11 (六, 三) 廣東英德匪李永酬擾粵桂湘三省交界。

7,12 (六, 四) 以禮部右侍郎曾國藩兼署工部左侍郎。

7,14 (六, 六) 廣東巡撫葉名琛到清遠剿匪。

7,16 (六, 八) 命各省督撫嚴飭所屬，遵照例定期限，民間詞訟，隨到隨審，務令案無留牘，庭無滯囚，否則隨時參劾。

7,19 (六, 一一) 命各直省將軍督撫提鎮等認真校閱，汰去老弱，革其冗濫，以挽頽風，而振士氣。

7, (六月) 廣東匪數千人，圍攻廣寧，知縣賄以銀二千五百兩，始行解圍，進往清遠英德。

7,22 (六, 一六) 廣西天地會覃香晚，陳亞貴，李

粵北匪亂

亞金率衆千餘擾貴縣龍山墟。

7,23 (六,一七) 廣東英德匪擾賀縣, 知縣鶴年愁急自縊, 平樂協副將伊凌阿, 都司李慶什等怯懦不敢戰 (此枝匪首似係李永酬)。

7,25 (六,一九) 以兩廣盜匪充斥, 擄人勒贖, 分界打單, 命總督徐廣縉等分路緝拏圍捕。

新教士麥都思 (Medhurst), 郭士立 (Gützlaff), 卑治文 (Bridgman), 馬禮遜 (J. R. Morrison) 共同改正之漢譯新約聖經, 全部完畢, 即出版。

7,27 (六,二一) 廣西天地會陳亞貴, 覃香晚等自貴縣入武宣。

7, (六月) 上帝會衆在廣西潯州府桂平縣金田村團營起事, 平南, 貴縣, 武宣, 陸川, 博白各地, 同時響應, 蓄髮易服, 以驅逐胡虜, 毀滅神偶, 拜真上帝爲號召。時洪秀全, 馮雲山在平南花洲山人村胡以晃家, 楊秀清, 蕭朝貴, 韋昌輝, 石達開, 秦日綱在金田韋昌輝家。

(註) 金田起義月日, 各方記載, 頗有出入。陳徵言“武昌紀事”卷二“雜論”謂洪秀全於“道光三十年九月初三日與其黨馮雲山在桂平金田村韋正家

改正本新約

金田舉事

舉事時間

聚衆倡亂”，九月初三日即西曆十月七日。謝稼鶴“金陵癸甲撫談”謂“庚戌年十一月初十日在金田倡亂”，即西曆十二月十三日。張德聖“賊情彙纂”，卷一，洪秀全傳謂事在十月，即西曆十一月。江忠源“江忠烈公遺集”卷一，致“彭曉杭書”及“武宣縣志”同作八月，即西曆九十月間。夏燮“粵氛紀事”作是年冬。Meadows, “The Chinese and their Rebellion”, PP. 143-144, 謂約在西曆十月初間。Brine, “Taiping Rebellion in China,” PP. 112-113, 謂約在西曆十一月，十二月，或明年一月初。Hamberg, “Visions of Hung-Siu-Tshuen”（即“太平天國起義記”），PP. 49-55, 置此事於貴縣土來衝突發動之後，按貴縣土來之爭，始於西曆九十月間。Sykes, “The Taiping Rebellion in China”, P. 12, 謂洪楊利用此時機發動，說亦有理。總上諸說，金田舉事，應在西曆九月至十一月間。

但李秀成供狀則云：“道光三十年六月，金田，花洲，六川，博白，白沙石同日起義”。杜文瀾“平定粵寇紀略”亦從之。是起義時間，應在西曆七月。或以爲秀成雖爲太平天國之重要當事人物，但並未身與金田起事，其正式投身洪楊軍中，則在翌年西曆九月間，而其供狀又係十四年後獄中追記，所說實難完全置信（供狀中錯誤確頗多，即關於其

自身事蹟，亦有矛盾之處）。

按秀成雖未身與金田起義，但已明言“起義之處，與吾家西隔七八十里，俱是山路難行，此時我在家知金田起義之信”。是當時已得知洪楊舉兵消息。事後追述雖不能確斷為某月某日，即以時令季候觀念來論，亦無誤記三四個月，即一季之理。且秀成當國執政時間頗久，對於太平天國歷史當有相當認識，舉義時間，理應明瞭。但“天情道理書”中明云：“及至金田圍營，時維十月初一日”。按此所謂十月初一日乃楊秀清啞聾數月，“復開金口，耳聰目明”之日，原文為“及至金田圍營，時維十月初一日，天父大顯權能，使東王忽然復開金口，耳聰目明，心靈性敏”。“天情道理書”己未九年曾改刻，秀成必經看過，如果為十月初一日，彼決不致故誤作六月也。

韓山明書云，道光三十年五月秀全遣人往花縣接其家屬赴廣西。據云上帝曾給予啓示，是年將降六災，真信上帝者得救，不信者難免。八月後將無人煙，應速召親屬前來。是五月秀全已準備起事，其擬定之時期，即在八月以前。

又按“賊情彙纂”卷四，“偽家冊式”，於“後二軍軍帥梁立泰”條下註云：“年三十四歲，廣西潯州府桂平縣白沙墟人，庚戌年七月在金田入營，八月封前營長東兩司馬，九月升前營旅帥……”。

更可證明道光三十年(庚戌)七月以前洪楊已團營起事。所謂六月舉兵，愈爲可信。又五月十九日即西曆六月二十八日清廷諭旨中有云：“近聞廣西自去年賊首張家詳滋事，官兵不能捕獲，強爲招安，餘黨四散勾結，慶遠則張家幅，鍾亞春，……潯州則謝江殿，平樂則紫金山一夥。所謂紫金山一夥，雖未指明何人（至是年底，官方奏報，均未提及洪楊姓名），如平樂爲桂平之誤，則紫金(荆)山一夥，即洪楊一夥，六月以前，似彼等已有軍事行動。但在此後二三月內，並未與清軍發生重大衝突，以其勢力尙甚微弱也。

近見民國“貴縣志”，謂洪秀全等起兵於道光三十年四月，未知何所據。原文云：“四月，洪秀全，馮雲山，石達開起兵於桂平金田。金田桂平紫荆山麓小村也。秀全等初樹旗集黨，得一百三十餘人，再事糾合，亦僅三百餘人。會貴縣礦徒及來人三千餘人附之，又合博白教徒數百人，秀全等聲勢乃振。按太平天國革命史及平定粵匪紀略，均謂六月起兵，誤”（卷十七，頁五六四）。

干王洪仁玕並未身與金田之役，故其供辭中於當時事實先後次序，不無錯亂，但其所述經過情形，則頗可參考，於此並可知上帝會之精神，太平軍之紀律與組織。供辭云“至庚戌年(一八五〇)，因來人溫姓富豪欺人，與土人爭鬪，而貴縣知縣准土人

舉事情

與來人相殺起衅，卽有張家祥，大鯉魚，陳貴（按卽陳阿貴），蘇三相，李士魁等寇，打鄰劫鄉，相率爲禍（按張家祥等起事在貴縣來土之爭以前）。而拜上帝之人俱不准其幫助，只令凡拜上帝者團聚一處，同食同穿，有不遵者卽依例逐出。故該搶食賊匪，被官兵逐散一股，卽來投降一股，惟恐天王不准，故嚴守天條規律，不敢秋毫有犯。天王勞心，卽將博白，貴縣，象州，金田，花州，如來扶主等隊，俱立首領，偏（編？）以軍帥，師帥，旅帥以下等爵。男女有別，雖夫婦不許相見，故所至無不勝捷，且有東、西、南、北、翼五王爲之謀猷，有李開芳，李開明，林鳳祥，羅大綱，陳永瑛，秦日光（按卽秦日綱）等爲統兵之將，一時風雲會合，非人力所能爲也。且東王蒙上帝降託，能知過去後來，令人欽服之至。且東王能代人贖病至耳聾流水，口瘡流涎，二月餘之久（據“天情道理書”，實有六月），衆有疑爲廢人者。殊後有一日卽開口病愈，每有所言卽驗應。而西王蕭朝貴蒙天兄降託，卽能大獲勝仗，故當時所戰克者，皆西王蒙降託之力也。又細推在金田起義之始，固由歷年神迹所致，乃衆心堅如金石。又因當時拜菩薩者，忌惡拜上帝〔者〕毀其所立偶像，因各攻迫，日聚日衆，凡有攻仗，皆有天助神奇。貴縣白沙兄弟，被山尾村搶去耕牛，十餘兄弟追殺至該村大勝。該村

人演戲旺其菩薩，又看戲人自驚，自相踐踏，該村數千家從無人敢欺者，被十人打勝。又博白鹿（陸川等處團聚數千兄弟（按此指鬱林州之賴九等），路經半月到金田，象州亦被迫團聚數千到金田。此時天王在花州胡豫光（即胡以晄）家駐蹕，乃大會各隊，齊到花州，迎接聖駕（據此亦可證明金田舉事之後，各地上帝會黨陸續團聚來會，方始往解花洲之圍，救出洪秀全等），合到金田，恭祝萬壽（秀全生日為陰曆十二月初九日，花洲解圍之後，同到金田，計其時間，當在陰曆十一月間）。起義正號太平天國元年，封立幼主”（“逸經”，第二十期）。韓山明“太平天國起義記”所述，與此大致相同，以其亦係以洪仁玕口述為據也。

李秀成供狀云：“道光二十七八年上下，廣西賊盜四起，擾亂城鎮，各居戶多有團練。團練與拜上帝之人兩有分別，拜上帝人與拜上帝人一夥，團練與團練一夥，各自爭氣，各自逞強，因而逼起。……道光三十年六月，金田，花洲，六川，博白，白沙石同日起義之時，天王在花洲山人村胡以晃家內密藏，並無一人得悉。那時東王，北王，翼王，天官丞相（秦日綱）俱在金田”。可與洪仁玕供參證。

“賊情彙纂”，卷一，洪秀全傳云，楊秀清“於庚戌年十月，以三百餘人自白沙至金田村倡亂，首

陷桂平，平南，賀縣等處。按道光三十年桂平平南並未會陷，賀縣之亂，與洪楊等無關。至於人數，當在一千人以上，據韓山明書，韋氏一族加入者即有千名。其後得貴縣客家及鬱林州會衆來投，勢始張，“潯州府志”卷二七，梁廉夫“貴縣歷年羣盜事略”，謂來人與土人械鬪，敗走桂平等處，會金田倡亂，來人無家可歸者悉往從之。按貴縣土來之爭，始於九十月間，鬱林州會衆之參加，約在十一月。自此以後，始引起官方之深切注意。

上帝會勢力之中心，在潯州府桂平金田村，此次發動，係在金田韋正家。金田“前潯府支河，後依紫荊册(平)隘諸山，中環村落，距城四十餘里，界連平南，象州，永安，武宣，修仁等處”(李文恭公奏議卷二十一，頁一七至一八)。

7, (六月) 廣東信宜大寮上帝會衆凌十八，凌二十八等拒不解散，砍傷兵役，衆至數千人，累石據險以自衛(凌二十四被擒。凌十八等與廣西之同黨，洪秀全楊秀清等當預有連絡，李秀成供狀謂道光三十年六月各地上帝會黨同日起義，信宜似應在內)。

7,30 (六,二四) 廣西天地會陳亞貴，覃香晚等自貴縣赴武宣。

信宜上帝會
舉事

8,12 (七,五) 艇匪張釗 (大頭羊) 掠廣西潯州府戎墟, 屯大黃江。

8,15 (七,八) 廣西三合會 (天地會) 陷太平府 (一作9,12)。

8,16 (七,九) 廣西三合會陷寧明州。

8,(七月初) 廣東三合會攻英德, 千總梁陞被擄索贖。

8,20 (七,一三) 石達開召集貴縣龍山上帝會衆千餘人, 聚貴縣桂平交界之白沙墟, 豎木爲東西轅門, 開爐鑄礮 (在此屯劄三十餘日, 赴紫荊山與大隊合)。

(註) 石達開所召集之千餘人, 大約爲礦工。光緒“貴縣志”云: “道光年間, 縣令楊曾惠不以盜賊爲事, 逆匪馮雲山遂由大墟入北山里龍山中, 潛到開礦之處, 糾串匪徒拜會”(卷六, 頁一〇)。又云: “盜賊之起, 始於道光年間, 署令王濟開掘縣北隴頭天班諸山銀礦, 招集來人, 五方雜至, 良歹不分。其掘而得利者, 來去不常, 缺本者日則開設賭場, 夜則潛出爲賊, 燒香拜會, 種種不法。設有賢令, 早日驅逐, 猶可以息賊風也。乃王令卸事, 楊曾惠復任……”(卷六, 頁五)。又據同書 (卷八, 頁一四), 一八五二年永安之突圍, 亦由於貴縣礦工之援助 (見1852, 4, 5註)。

石達開與礦工

8,22(七,一五)大頭羊張釗(三合會)掠廣西象州(自下游桂平來)。

廣東三合會黨陸和,李和,李法善,黎東狗,單眼德等於清遠水陸各隘口設廠,攔截往來船隻行李,以收重稅,號爲八千子弟,與廣西之大頭羊張釗,大鯉魚田和勾通一氣。

兩粵天地會

8,25(七,一八)廣西三合會陷左州(或作10,23)。

8,26(七,一九)三合會陳亞貴連陷廣西修仁荔浦。

8,27(七,二〇)廣東信宜知縣宮步霄督兵勇攻上帝會凌十八,破大寮。

9,2(七,二六)上帝會凌十八連敗廣東信宜知縣宮步霄,復據大寮(凌旋佯就撫,變賣田產,鑄造軍器,明年一月入廣西,謀合洪秀全)。

9,8(八,三)廣西巡撫鄭祖琛再奏請進京陛見,諭從緩,並令會同提督嚴飭所屬,分投嚴拏匪徒。

9,12(八,七)廣西三合會(潘大?)陷龍州,同知王淑元等死之,都司譚永德豫遁。

9,13(八,八)以陳亞貴逼近桂林省垣,命兩廣總督徐廣縉赴廣西剿辦,並先調廣東官兵一二千名,兼程前往。

命前任雲南提督張必祿前往廣西,會同徐廣縉鄭祖琛等剿辦盜匪。

張必祿赴廣西

9,15 (八,一〇) 廣西貴縣天地會(復義堂)張亞珍,鍾亞春,徐亞雲(衆五千人)陷遷江。

命貴州巡撫喬用遷嚴防廣西城匪越界肆擾。

9,16 (八,一一) 廣西貴縣盜盧亞相劫交剪坡。

廣西巡撫鄭祖琛奏,右江各屬,盜風四起,請飭鄰近各省,派兵援剿。

9,28 (八,二三) 以江蘇布政使陳阡爲江西巡撫。

9,29 (八,二四) 調湖北布政使勞崇光(曾任廣西按察使)爲廣西布政使。

向榮

9,30 (八,二五) 調向榮爲廣西提督,閔正鳳爲固原(陝西)提督,仍暫留廣西,以余萬清繼湖南提督。

9,(杪) 廣西潯州府副將李殿元,桂平知縣倪濤,以金田上帝會衆毀滅神偶,藏隱盜匪,圖謀不軌,率兵往捕,韋昌輝等拒之,殺巡檢張鏞,地方官不敢再問。

(此爲上帝會與官方武裝衝突之開始,時洪秀全等仍在平南花洲山人村。此事時間,李濱“中興別紀 誤爲道光二十九年)。

10,1 (八,二六) 廣西大勝堂會黨潘大陷永康州,知州高汝霖等死之。

上帝會敗官兵

10,2 (八,二七) 河南捻匪結黨成羣，劫掠鄰省，命該督撫不分畛域，隨時嚴捕，否則從重治罪。

捻亂

10,3 (八,二八) 廣西貴縣北岸來人 (即客家，來自廣東嘉應州) 溫某強娶土人 (本地人) 女爲妾，來土不睦，發生械鬪，斃命多人 (土來械鬪，九月間已開始，此後叛黨仇殺無虛日，數月不止，土匪乘亂滋擾，地方官助土抑來。此事中外均有記載)。

貴縣來土之爭

10,4 (八,二九) 廣西南寧，柳州，潯州，梧州，思恩等府舉人李宜用，慶遠府紳士莫子升，宣化生員何可員等以盜匪橫行，慘遭毒害，具控呈訴，都察院據以奏聞，命總督徐廣縉等確查嚴拏。

10,11 (九,七) 兩廣總督徐廣縉奏，廣東韶州廉州匪徒蔓延，勢難帶兵久駐粵西，請特簡大員，馳往專駐督勦。諭令駐紮梧州，居中調度。

10,12 (九,八) 調湖南兵二千名貴州二千名赴廣西，並命戶部及湖南撥解廣西餉銀三十萬兩。兵科給事中袁甲三奏劾廣西巡撫鄭祖琛聚賊釀亂，蔓延八府 (廣西共十一府)，奏詞欺飾支吾，命徐廣縉秉公查覈。

調兵赴廣西

10,17 (九,一三) 起前任雲貴總督林則徐

欽差林則徐

爲欽差大臣，迅赴廣西，會同鄭祖琛等悉心剿撫。

鴻臚寺卿呂賢基奏，廣西匪徒蹂躪之區，已近十分之七，請痛斥侵漁之吏，深憐愚昧之民，以保民固本。

10, 廣西副將李殿元，舒春，知府顧元凱等敗陳亞貴於武宣三里墟。

10,20 (九，一六) 兩廣總督徐廣縉等奏，候補知府史樸，參將齊誠阿等於英德剿匪失利。得旨命廣縉專辦廣東軍務，剋期蕝事。

10,24 (九，二〇) 廣東巡撫葉名琛敗清遠三合會黨陸和等。

10,25 (九，二一) 廣西河池州陷，守備田遇芬死之。

10,29 (九，二二) 前任廣西提督閔正鳳畏葸無能，縱賊養寇，命革職來京，聽候查辦。

10,30 (九，二六) 廣東巡撫葉名琛連敗三合會黨於清遠。

10,31 (九，二七) 廣西巡撫鄭祖琛奏，賀縣游匪竄入昭平，圍困官兵，將士傷亡不少。

調雲南兵二千名赴廣西太平龍州一帶協剿。

10, (九月) 廣西陸川上帝會黨賴九 (卽賴鐵九) 到鬱林州水車傳教，脅人入

會，有衆數千，敗知州顧諧庚。

11,1(九,二八)林則徐在福州(侯官)奉到十月十七日諭旨。

11,(九十月交)廣西潯州協副將李殿元,遊擊成保,桂平知縣李孟羣等敗陳亞貴於賓州武宣桂平交界,追至豬仔紫金山,擒之(亞貴似欲合金田上帝會衆)。

11,4(一〇,一)廣西潯州平南官軍圍困洪秀全馮雲山於平南鵬化里花洲山人村胡以晃家,本日“天父大顯權能”,楊秀清口啞耳聾等疾全愈,即與蕭朝貴韋昌輝等自桂平金田發兵往援,擊破官軍,救出秀全雲山,勢大張。

楊秀清援救
洪馮

(註)李秀成供狀云：“起義之時，天王在花洲山人村胡以晃家內密藏，……山人村是平南縣所管，……金田之東王(楊秀清)，發人馬來花洲，接天王到金田會集”。韓山明書云，洪馮二人被困鵬化山中，不得逃脫，是時楊秀清於昏迷中得上帝啓示，告上帝會羣衆，謂其首領遭難，即圍營往救，擊敗官兵，援洪馮出圍。“天情道理書云：“及至金田圍營，時維十月初一日，天父大顯權能，使東王忽然復開金口，耳聰目明，心靈性敏，掌理天國軍務，

乃食天下弟妹”。三說相較，所記正係一事。

楊秀清何以於此時託“天父大顯權能”，亦自有其原因與解釋，金田舉事之時，上帝會勢力頗為微弱，“天情道理書”云：“金田起義之始，天父欲試我們弟妹心腸，默使糧草暫時短少，東王西王（蕭朝貴）誥諭衆弟妹，概行食粥，以示節省”，於此即可想見其艱苦情形之一斑。及陰曆九十月間，廣西巨寇陳亞貴於桂平被擒，清軍迫近金田，事機愈急。適陸川鬱林上帝會衆數千，連敗清兵，前來金田投合，同時貴縣土來之爭又擴大，秀清因乘機大舉，援救洪馮。謝稼鶴“金陵癸甲撫談”云：“庚戌年十一月初十日在金田倡亂，僞號太平天國，僞稱天王，賊黨才二三百人，搶掠近處鄉鎮，官兵圍正急，將就擒，適廣東股匪楊元清，范運齊等招集亡命三千人附之，勢遂猖獗”。又云：“楊元清嘉應人，庚戌年八月初十倡亂，約三千，敗入廣西”。所記時間人物雖不相符，審其事勢，與上引諸說，大體可合。所謂“官兵圍正急，將就擒”，應指花洲山人村之困，所謂廣東股匪云云，或即鬱林陸川之上帝會衆（王韜“甕牖餘談”卷八所記楊元清事，係出自“撫談”），

土來之鬪，始於西曆九月間，至十月三日因貴縣來人納妾事而仇殺愈烈，初則地方官助土抑來，繼而雙方嚴辦，拜上帝者多來民，團練多土著。“貴

縣志》卷六云云：“三十年，有會匪（上帝會）千餘，聚桂貴交界之白沙墟，豎木爲東西轅門，開爐鑄礮。附近各團，以巡撫鄭祖琛方嚴辦土來械鬪之案，不敢起練往剿，屯劄約三十日而去。經此次之變，官府政策，大約又轉向助土抑來矣。

11,5（一〇，二）林則徐自福州力疾赴廣西。

11,13（一〇，一〇）廣東盜溫大貨五曾亞昌敗參將左旂於廣寧，守備馬兆死之。

31，（一〇月）賴九率廣西鬱林州上帝會黨數千人，敗北流知縣阮正惠於蒲塘，進自大洋渡河，與桂平金田紫荊山楊秀清等合。

11,17（一〇，一四）楊秀清馮雲山韋昌輝等自桂平金田移屯新墟（或係因陳亞貴被擒，防清軍來犯）。

11,18（一〇・一五）向榮到柳州，接任廣西提督。

11,21（一〇，一八）河南歸德府捻亂。

11,22（一〇，一九）欽差大臣林則徐道率於潮州普寧，年六十七歲。

11,24（一〇，二一）廣東官軍破盜匪三千餘人於翁源雪廟墩。

11，（十月）廣東信宜天地會（添弟會）何明科

林則徐卒

合廣西北流天地會梁十八，梁二十等起事，衆千餘人。

11,27 (一〇，二四) 兩廣總督徐廣縉奏，廣西巡撫粉飾市恩，年老多病，文武不服，命卽革職，以欽差大臣林則徐暫署（尙不知林道卒）。

11,28 (一〇，二五) 前雲南提督張必祿自柳州赴潯州督師（時洪秀全楊秀清等已合平南鬱林等地上帝會衆）。

11,30 (一〇，二七) 命分別蠲免緩徵廣西被賊滋擾及官兵經過各地本年應徵錢糧。

11, 盤踞廣西平南大黃江之天地（三合）會黨艇匪羅大綱（羅亞旺），大頭羊張釗，大鯉魚田芳，捲嘴狗侯志（成），大隻貝（具）關鉅等八頭目，自請投入上帝會，洪秀全許之。

（註）韓山明（Hamburg）書（頁55——56），投入上帝會之三合會首領八人，其姓名可知者，有大頭羊張釗，大鯉魚田芳及羅大綱，李秀成供狀亦同。除此三人之外，據咸豐元年三月二十八日兩廣總督徐廣縉奏，應有捲嘴狗侯志（成），大隻貝（具）關鉅在內（見“剿平粵匪方略”卷三，頁三一），又據同治辛未年修“蒼梧縣志”，張釗，田

天地會與上帝會

方，侯成及豆皮滿王庸爲一枝，似王庸亦在八人之內。道光三十年九月十三日通政使司通政使羅惇衍奏，廣東清遠賊黨“頭目有陸和，李和，李法善，黎東狗，單眼德，大鯉魚，大頭羊等名目，號爲八千子弟，與廣西勾通一氣”（“方略”卷一，頁二四一二五）。計列舉七人，再加入羅大綱，適爲八人，又似此次投入上帝會之八頭目中有陸和等在內。按侯志關鉅與張釗等後同背洪楊，復降清軍，有徐廣縉奏報可證，其在八人之內，當無問題。羅惇衍所舉之陸和等，係得自傳聞，彼等盤據廣東九江一帶，不過與大頭羊張釗等“勾通一氣”耳，不必卽在八人之中。Hake, “Events in the Taiping Rebellion”, P. 105, 誤謂張國樑張玉良在內，並謂兩張爲兄弟行。

此事時間，約在西曆十一月及十二月之交，（一）據李秀成供狀“東王發人馬來花洲，接天王到金田會集。到金田，有大頭羊，大鯉魚，羅大綱三人在大黃江口爲賊，卽入金田投軍”。是張釗等來投，在花洲解圍之後（“天情道理書”亦可參證）；（二）據“李文恭公文集”卷九（見下引），翌年一月初間，張釗等已背洪降清；（三）據韓山明（Hamborg）書，八人來投之後，洪楊派老兄弟十六人分別教以條規教義，訓練既畢，張釗等七人感覺不滿，因而叛去，既有訓練，自必經過相當時間。

但細審韓山明書似時在一八五一年三月，地在武宣台村(Taetsun)。按“李文恭公文集”卷九，道光三十年十二月初十日李星沅致向榮書中有云，“大頭羊等如果歸心，隨同出力，即可令衝頭陣，殺賊立功”。同月十八日致署廣西按察使楊彤如書，“金田賊勢方熾……聞在大黃江與大頭羊開仗，此亦因利乘便之時”。二十一日致向榮書，“大黃江彼此相持，似可因利乘便，助我兵力，分彼賊勢”。同日致勞崇光書，“金田會匪，日肆披猖，竟敢焚掠勒贖，且踞大黃江墟，以毒攻毒，尙無小效”。同書卷十，同月二十四日致向榮書，“金田賊匪，自焚其巢，移踞大黃江墟，殊不可解，尙祈密飭確探，……似宜兩路夾攻，兼以疑兵伏兵，乘彼不備，大頭羊等長於水面，正可江口截擊，以分賊勢。”又二十六日書，“或官兵分起繞出墟後，拋擲火彈焚殺，而以大頭羊等船礮攻其前”。是張釗於西曆一八五一年一月初間已降清軍之議，最少於是月中旬已正式投誠。韓山明之說，自不可信。

12,1(一〇,二八)罷大學士程彰阿著英。

12,4(一一,一) 廣西平南知縣倪濤攻鵬化里花洲，爲洪秀全胡以晃等所敗，練丁死者五十餘人（時洪主花洲軍，楊秀清等主金田軍）。

12,10 (一一,七)前雲南提督張必祿病卒於廣西潯州(一說戰死),所部三千人由貴州援軍署鎮遠鎮總兵周鳳岐接統。

12,15 (一一,一二)賜卹林則徐,予諡文忠。

命前兩江總督李星沅爲欽差大臣,馳赴廣西,辦理剿捕事務。以前任漕運總督周天爵署廣西巡撫,未到任前,以布政使勞崇光署理。

欽差李星沅

12, 洪秀全胡以晃攻占廣西平南思旺墟。

12, 廣東信宜天地會(三合會)李英,甘大聚衆千餘人起事。

12,21 (一一,一八) 調裕泰爲閩浙總督,程潘采爲湖廣總督,以吳文鎔爲雲南總督,常大淳爲浙江巡撫。

12,23 (一一,二〇) 洪秀全胡以晃攻燬平南鵬化里花良村,斃團練長覃展成。

12,24 (一一,二一) 欽差大臣李星沅自長沙兼程赴廣西。

12,28 (一一,二五)雲南臨元鎮總兵李臣,副將王錦繡率援軍二千,行抵廣西果化土地塘,爲義勝堂(得勝堂,洪勝堂)會黨所敗。

12,26 (一一,二)廣西龍州上龍土司廣義堂亂。

12,29 (一一,二六) 申諭各省大吏實心辦理保

甲。

廣西提督向榮敗謝長腰四於橫州陶墟。

12,30 (一一,二七) 洪秀全胡以晃燬平南鵬化里羅掩村。

12,31 (一一,二八) 廣西貴縣來民(客家)數千,憤土人欺凌,械鬪不勝,房舍多焚,勢孤事急(官吏助土人)挈家走桂平,入上帝會。

福建漳州府屬會匪(三合會)嘯聚數萬人,地方文武,不能查辦,漳泉各處,道路梗塞(以廈門人陳磬同安人王泉爲大頭目)。

來人投上帝會

1851——文宗咸豐元年辛亥，太平天

國辛開元年

1,1 (一一, 二九) 洪秀全及胡以晃自廣西平南思旺墟合桂平金田之楊秀清，蕭朝貴，馮雲山，韋昌輝，石達開，秦日綱及貴縣來投之客家於桂平蔡村，大破貴州鎮遠鎮總兵周鳳岐，潯州協副將李殿元，陣斃清江協副將伊克坦布等（是役後清軍氣餒，不敢輕言戰。金田會黨，遂引起官方之深切注意）。

1,3 (一二, 二) 欽差大臣李星沅到桂林。

1,6 (一二, 五) 李星沅奏，“潯州府之大黃江現有賊匪結夥，排船伺劫，桂平金田村另有會匪聚集，號稱萬餘，並帖偽示誘脅（是日具奏。又是日星沅致向榮書有云：“至據潯州探報，賊匪大頭羊等現在大黃江一帶排船安廠，河道梗塞，而府城對岸，又有金田尚地會另股賊匪，糾結十二村爲患，號稱萬數，其實強暴無多，一擊即散”。據星沅此奏，是此時洪楊等已有文告露布）。另片留鄭祖琛隨營効力(1,19 卽中十二月十八日報可)。

洪楊大破清軍

“偽示”

李星沅致徐廣縉書，請撥潮州兵千名來粵西。

1,7 (一二,六) 李星沅致書向榮，令先用全力攻破金田村一股。

1,8 (一二,七) 謝長腰四敗參將李英(向榮部)於廣西橫州石陵。

1,9 (一二,八) 廣西太平府大夥盜匪數股，每股數千人逼近郡城。

1,11 (一二,一〇) 廣東欽州靈山盜鄭晚，李志業等二千人犯廣西南寧府宣化，被官擊敗，鄭晚死之。

1, (一二月初旬) 天王洪秀全令：“一遵條命，二別男行女行，三秋毫莫犯，四公心和難，各遵頭目約束，五同心合力，不得臨陣退縮”。

1, (一二月初旬) 在廣西平南大黃江投入上帝會之天地會(三合會)黨艇匪大頭羊張釗，大鯉魚田芳，捲嘴狗侯志(成)，大隻貝關鉅等率眾離去；改投清軍，惟羅大綱一人獨留。

(註)據韓山明書，洪秀全於張釗等來投之後，曾

天王五命

天地會叛上帝會

派老兄弟十六人分別前往擔任訓練事宜。及事畢，張釗等贈以銀兩爲謝儀。其中十五人均依照上帝會中約法，將所受酬金交出歸公，惟一人私匿不報，此人過去屢次犯罪，本應受懲，遂被正法。張釗等不安，惡其法太嚴，率衆叛降清軍，惟羅大綱獨留。李秀成供狀云：“該大頭羊到金田，見拜上帝之人不甚強壯，故未投入，後投清朝向提臺（向榮），至羅大綱與大頭羊兩不相和，後羅大綱投之天王”與韓山明記稍有不同。

“天情道理書”中有一段亦可參考：“時有大頭妖（羊）在江口，全無一點真心，藉名敬拜上帝，於沿江一帶地方，滋擾虐害，肆行無忌，只圖目下快心，不顧後來永福。我們兄弟間有不知天父權能憑據者，因一時困苦，遂易其操，欲改其初志，同流合污，跟隨大頭妖，利其貨財，貪一時之衣食，幾爲所誘。蒙天兄下凡，喚醒弟妹，指出大頭妖乃是賊匪，實非真心敬拜上帝之人，我們若隨其徒，必致中其計，受其惑，遭其荼毒，入其網羅，那時悔之將何及乎？於是衆兄弟聆天兄聖旨，憬然醒，恍然悟，因之不敢前往。未幾而大頭妖果然叛逆，我們兄弟幸已釋迷返悟，未受其害，且旋將妖黨概行剿滅（頁十二）。讀此可知張釗在當時之勢力，幾搖動上帝會之組織，李秀成謂“見拜上帝之人不甚強壯，故未投入”，似近事實。而排斥張釗等最

力者，則爲蕭朝貴（天兄之發言人）。

張釗等投降清軍之後，韓山明書云，有六人於交戰中爲太平軍所殺，但據咸豐二年九月初二日兩廣總督徐廣縉奏，謂張釗等“在濠江充當撫勇，……膽敢勾通賊匪，潛謀接濟，實屬罪不容誅。當將張釗及同獲之夥匪六名，一併正法”（“方略”，卷十八，頁一至二）。係爲清吏所誅（蒼梧縣志亦謂張釗田方等投降被殺）。

1, (一二月) 廣西賓州盜魁陶八，楊擄家降。

1, (中旬) 天王自金田出兵攻擊叛離之天地會（三合會）黨大頭羊張釗等，占領平南大黃江（約在一月十五日至二十日間）。

1, 12 (一二, 一一) 廣西慶遠府同知曾紹琛等擒張晚於思恩府武緣縣。

1, 13 (一二, 一二) 徐廣縉覆李星沅書，潮州兵不能調撥。

1, 15 (一二, 一四) 李星沅致徐廣縉書，“桂平金田村一股人數尤多，必須厚集兵力，大加剿辦，各匪始有畏志，漸次殄除”，並請即添派潮州兵千名前來。

以陸應穀爲江西巡撫。

1, 16 (一二, 一五) 李星沅自桂林到柳州駐營。

1, 17 (一二, 一六) 廣西提督向榮自橫州貴縣到潯

占大黃江

李星沅戰略

州桂平督剿，紮營河口。

1,18 (一二,一七) 向榮主先滅金田大夥，再分路剿捕。李星沅覆書湖南滇黔各軍均歸節制，以一事權，並云已密飭金田交界五州縣扼要防剿，斷其糧道。

1,19 (一二,一八) 本月六日李星沅到京，金田亂事上聞。

1,20 (一二,一九) 向榮致書李星沅，請雇覓苗船助戰。

1,21 (一二,二〇) 李星沅勞崇光向榮會奏，“桂平縣之金田村賊首韋正(政)洪秀全(泉)等結尙弟(上帝)會，擅帖偽號偽示，招集游匪萬餘，肆行不法，……近日恃衆抗拒，水陸鳴張，實爲羣盜之尤，必先厚集兵力，乃克一鼓作氣，聚而殲之。……總期分應合圍，設伏設備，擒渠堵穴，在此一舉。並請調貴州提督秦鍾英或總兵秦定三前來 (2,5 卽陰曆正月初五日報聞)。

“偽號”

1,22 (一二,二一) 李星沅致書向榮，金田會匪與大黃江之大頭羊張釗等彼此相持，正可因利乘便。“潯州兵勇惑於賊有邪術，須安其心，壯其膽”(向榮候滇兵到齊方進擊)。

雲南總兵李能臣率援軍東赴潯州會剿。

1,24 一二,二三) 李星沅致書徐廣縉，金田會匪“近復竄踞大黃江，水陸聯爲一氣，誠腹心大

患，”並力懇量撥廣東援軍，於兩省交界，扼要堵截。

1,26 (一二,二五) 李星沅派人雇覓招募苗兵獠練，赴潯州助戰。

廣東兵破大夥賊匪(三合會?)於和平瀾頭墟。

1,30 (一二,二九) 李星沅致書向榮，妥覓鄉導，勿爲所誘，金田有無餘匪藏匿，尤須偵查分明。

1, 湖南衡山人洪大全(屬天地會?)到廣西，加入太平軍。

2,1 (一,一) 豁免各省節年民欠錢糧。

2,2 (一,二) 李星沅致書署廣西巡撫勞崇光，“金田船巢尙存，兼聞倚山開路，半日可到花洲，大黃江又爲所踞，賊已負隅，我兵無可再加，練壯又不足恃，思之焦極”。

2,3 (一,三) 有人奏，粵西多山，應增險嚴守，先剿小股賊匪，再辦金田大夥；又有人奏主力行堅壁清野，圍練築堡，以逸兵待困賊。命李星沅等悉心酌度。

2,5 (一,五) 北京得一月二十一日李星沅等摺，始知洪秀泉(全)韋政(正)名，命協力會籌迅剿。又命貴州總兵秦定三迅赴廣西，並添調貴州兵一千名前往。又令廣東於關稅款內籌撥餉銀二十三十萬兩，速解廣西。

2,6 (一,六) 李星沅致書向榮：(1) 牛排油

榨二處聞有伏礮，以男婦大小守之，儘可旁抄；
（2）兼防平南，俟大黃江口收回，金田舊巢全燬，再圖進兵追擊；（3）苗壯不可得，獠壯能雇六百；（4）五路兵單，可併爲兩路，再用礮船助攻；（5）師克在和，亦在壯，務望登壇揮霍，鼓舞多方，滅此朝食。

2,8（一，八）李星沅致書徐廣縉，滇兵尚未到潯州，獠壯亦有耽延，天氣又不放晴，是以尚未接仗，請撥銀三十萬兩，援兵亦望派遣。

2,9（一，九）李星沅致書向榮，“會匪七日一拜檯，探明此日，進攻較易得手。”

2,10（一〇，一〇）廣西來賓天地會（復義堂）首文亞英在貴縣被擒。

2,12（一，一二）滇軍（約二千），閩勇（六百）獠壯（六百）相繼到達潯州，雨止天晴，向榮致書李星沅，告以即日進攻（翌日又爲雨阻）。

2,14（一，一四）廣西巨盜文亞英，徐亞文先後在貴縣被捕。

2,15（一，一五）向榮拔營進向平南，分路向大黃江一帶進兵。

2,17（一，一七）李星沅致書向榮，潯州平南兵勇萬餘，相持已數十日，日用十數萬，若再延未掃蕩，“何以上紓宸念，五中焦灼，如坐鍼氈。”

向榮失利

2,18 (一,一八) 廣西提督向榮，雲南臨元鎮總兵李能臣，署貴州鎮遠鎮總兵周鳳岐，三路進攻大黃江牛排嶺，候補知府劉繼祖（大頭羊張釗等屬之），署陸川知縣張琳，由水路直下（約共兵勇萬人），洪秀全楊秀清等分九枝迎敵，並暗伏地雷，敗之，斃守備王崇山，千總湯成光，把總李茂。向榮等退守官塘（數十日來向榮之準備布置，經此次接觸，幾完全成空）。

2,22 (一,二二) 命李星沅周天爵向榮和衷合濟，協力同心，剛柔互濟，泯意見而杜推諉，於事方為有濟。

2,24 (一,二四) 李星沅致書向榮，不妨以靜待動，斷彼接濟，激勵將士，同心合力，重振軍威。

3,1 (一,二九) 向榮函李星沅，官兵大半心寒，頗多憤語。星沅覆書，嚴防潯州府城，鎮靜籌辦，但能堅定，必有時會可乘。

周天爵

3,3 (二,一) 署廣西巡撫周天爵自桂林赴柳州，晤李星沅（3,7到。天爵頗不滿星沅，謂其力袒鄭祖琛，一切查問失事之人，皆出其手）。

3,4 (二,二) 廣西橫州三合會謝長腰四敗遊擊馬芳春等於思恩府定羅土司，武舉黃彥彩等死之。

3,5 (二,三) 天王洪秀全，軍師楊秀清等自大黃江，夾川，金匏村分投襲擊向榮大營，斃雲南武舉李祥麟，傷廣西遊擊福謙。

襲向榮營

廣東寇溫大貨五，曾亞昌敗都司郭維彪等於廣西賀縣鋪門墟，徧縣城。

3,7 (二,五) 天主分軍三枝（每枝約四千人）撲攻向榮及總兵李能臣，周鳳岐營，不利（李星沅，向榮等奏謂洪軍傷亡千餘）。

3,8 (二,六) 廣西提督向榮督兵勇水陸攻大黃江牛排嶺。

3,10 (二,八) 天王因向榮，李能臣，周鳳岐，及知府劉繼祖連日猛攻，是晚焚大黃江，退往桂平新墟，向榮等奪牛排嶺（洪楊等初起，每至一村，必裹脅壯丁婦孺，盡焚房舍，絕其顧念，勢必隨行）。

襲大黃江

3,11 (二,九) 天王率衆經桂平新墟古林墟入紫荆山。

粵東石城會黨劉八擾廣西博白。

3,12 (二,一〇) 天王自桂平紫荆山經大塘入武宣東鄉（李秀成供狀謂到武宣招齊拜上帝之人，一說天王擬取道象州修仁平樂北攻桂

入武宣

林。Hamberg 書謂天王軍占武宣台村，爲陳亞貴復仇，或卽指此，但復仇說實不可信。又謂有二女盜，一名 Kewurh，或卽邱二嫂，一名 Sze San，各率衆二千，於台村投入太平軍）。

廣西太平府廣義堂由上龍攻龍州，副將謝陞恩，同知蘇勒芳阿，州同李懋莘死之。

3,13 (二, 一一) 欽差大臣李星沅等奏，據稟報犯供，金田逆匪以二十五人爲一旗，共二百八十五旗，亦有供稱三百旗（約七千人），並有供稱一千營者。（本日具奏。另單開列廣西各屬賊目堂名：1. 廣義堂，約二三千人，擾太平府，又龍州黃晚，約數百人；2. 義勝堂，又名得勝堂，洪勝堂，約七八千，擾龍安鎮安；3. 永義堂，約千人，擾泗城府；4. 謝長腰四，擾思恩府；5. 欽州大股，約萬餘，將竄南寧府；6. 新寧州賊匪；7. 劉八，約萬餘由廣東石城擾博白；8. 懷集縣有賊千餘，擾賀縣）。

3,14 (二, 一二) 廣西巡撫周天爵自柳州赴潯州，本日抵武宣，卽駐劄督剿。

3,15 (二, 一三) 廣西左江鎮總兵德亮敗太平府廣義堂於龍州。

廣東信宜上帝會黨凌十八進入廣西博白，爲練勇所敗，退往陸川。

3,16 (二, 一四) 命河南巡撫潘鐸查擊豫東捻匪。

李星沅致書向榮，逆匪竄入武宣東鄉，喘息未定，糧藥未齊，此時利在速戰，勿使逆燄復生，更不可收拾，已令貴州總兵秦定三帶黔兵二千二百名兼程前往。並請嚴防陸川凌十八北竄與金田逆匪串合（本日向榮到武宣）。

3,19（二，一七）天王軍三路前進，敗廣西巡撫周天爵，提督向榮，知府張敬修於武宣東嶺村（向榮被困，敬修援之出圍），斃管帶閩勇從九吳貽書，四川外委李元吉等，天爵退三里墟（時天王部分十軍，一說九軍）。

初次武宣之役

3,21（二，一九）李星沅致書周天爵，滇黔鎮將官兵應取其所長，予以激勵，不能發回；北方勁旅，南來不宜，且緩不濟急。

3,22（二，二〇）廣西賀縣寇（溫大貨五等）再敗都司周慶龍於芳林。

命將前任廣西提督閔正鳳發往新疆，充當苦差。

李星沅致書周天爵，鼓舞士氣，力加鎮定，勿令窺破虛實（明日又致書天爵向榮，不可速戰，應候黔兵）。

廣西請援

3,23（二，二一）李星沅周天爵向榮奏，廣西賊勢披猖，官兵不敷策遣，請特簡總統將軍，兼程來粵督剿，並調安徽

河南精兵數千前來，分堵合剿，否則全局殆不可問（本日具奏。星沉天爵不睦）。

太平天国天王洪秀全登極（按時在廣西武宣台村東嶺三里附近）。

（註）太平天国己未九年十月初七日天王詔旨中有云：“二月二十一日是太兄暨朕登極節”。同年十月十四日詔云：“二月念一哥登極，亦朕登極人間和”。所謂“登極”，即指洪秀全正式即位而言。此二月二十一日，自係太平天国元年二月二十一日，亦即咸豐元年二月二十一日，以是時尚無所謂天曆。合之西曆，爲一八五一年三月二十三日（如按太平天曆核計，則爲三月二十五日，相差亦僅二日）。

洪秀全之建號稱王，並非始於是時。“天命詔旨書”中“另續天王詔旨”有“庚戌十二月初旬，時在金田，天王令曰”云云一條，庚戌十二月初旬，即一八五一年一月初旬。此條雖不能絕對證明秀全於登極之先已稱天王（以天王二字容或係日後改加，此道詔令不必即係當時原文），但據韓山明（Hamberg）書及“王長次兄親自親耳共證福音書”，天酉年（1837）天父賜秀全以“天王大道君王全”七字，“英傑歸正”亦云是年秀全轉天時，“蒙天父暗置一硃書在燕寢門眉

天王登極

建號稱王

罇中，批云‘天王大道君王全’七字。……故吾主受天命爲‘天王大道君王全’，非自稱，非人稱，又非古書所稱，實天父真命封爲天王也”。“太平天日”復於此字之上加“太平”二字，謂秀全戰勝妖魔，“天父上主皇上帝十分歡喜，乃封主爲‘太平天王大道君王全’”，又云“天父上主皇上帝命寫‘天王大道君王全’七字，差其兵權放在主宮門首作憑據。……主遂對其父兄曰：‘朕是天差來真命天子，斬邪留正’。……其姊洪辛英來見，主曰：‘姊，朕是太平天子’”。又據同書，丁未年七月十七日（1847,8,27）洪秀全由武宣東鄉“路過逢九妖廟”，題詩於壁，中有云：“朕在高天作天王”。同年九月十八日（1847,10,26）燬甘王廟題詩，“後寫‘太平天王’題”。又詔諭該處人民云：“奉天父上主皇上帝真命太平天王大道君王全”云云（按“太平天日”所載秀全稱謂，恐非當時原文）。是十四年前秀全已顯然以“天王”及“太平天子”自居。又本年（1851）一月二十一日，即庚戌十二月二十日，李星沅奏報中有洪秀全等“擅帖僞號僞示”之語（見“李文恭公奏議”卷二十一）。同日星沅致湘撫駱秉章書，又明言“桂平金田村一股，結會僞號，聚衆萬餘”（見“李文恭公文集”，卷九）。所謂“僞號”“僞號”，係指秀全稱“天王”而言。

1851（咸豐元年）

Hail, "Tseng Kuo-fan and the Taiping Rebellion", P. 43, 謂洪楊等於陰曆新年（正月初一），即西曆二月一日，創置政府，曰太平天國，以秀全天德爲共主。據註云，係根據干王洪仁玕供狀。按洪仁玕供辭原文云：“天王在花州胡豫光（以眺）家駐蹕，乃大會各隊，齊到花州，迎接聖駕，合到金田，恭祝萬壽，起義正號“太平天國元年”，封立幼主，次則移蹕到大黃崗數捷”。是正式建號在天王“萬壽”之後，“移蹕”大黃崗（江）之前。洪秀全生於陰曆十二月初九日，占領大黃江在十二月十五至二十日，仁玕之說可信，建號時間，當在陰曆十二月中旬，即一八五一年一月中旬。是正月初一日之說，並不可信。杜文瀾“平定粵匪紀略”卷一亦云咸豐元年辛亥正月，洪秀全等僭偽號爲太平王於大黃江，不知其何所根據，恐係想當然之說。同書（平定粵匪紀略）附記一，則又云“初踞永安州，僭偽號爲太平天國，稱天王”。韓山明書亦謂秀全在永安卽位，建號“太平天國”。按此說亦不可信，太平天國制度大部分之完成，確在永安，但稱王建號則在此前。大約此或由於永安封王，而聯想及秀全之稱王耳。永安占領，時在咸豐元年閏八月初一日，是年（咸豐元年）四月初三日烏蘭泰到廣西後，其奏報謂洪楊等“立有僞王僞官名目，留髮易服”（“方略”卷四，頁十

八)，九月初三日諭旨中有“前據賽尙阿奏，獲犯供詞，有太平王坐轎進永安州城之語”，（“方略”，卷八，頁三），十月初五日賽尙阿又奏“金田逆匪自稱太平天国，確有歷次所獲犯供及偽衣偽印可憑，其匪首確係稱太平王”（“方略”，卷九，頁一）。此奏大約係十一月中旬所發，意在證明其前說之不誣。是“太平天国”之創立，確在入永安州城之前。秀全等之謀舉大事，處心積慮已久，一切當預有籌畫計圖，國號稱謂，自必早定。不過初起草創，制度設施，容有未週，“姑從凡間歪例”（見12, 17詔）之事，自必不少，入永安後，始再加釐訂改正耳。

秀全最初稱號，應即係“天王”，或“太平天王”，中西文書多以“太平王”稱之，但太平天国本身文件中則未見有此名詞，大約為太平天王之簡稱。

西人記載，於太平軍初起，多謂其領袖為天德。當1852永安突圍，有洪大全者被捕，供狀中自認為天德王，位與秀全齊。是後衆多以天德稱大全。按天德應為天地會即三合會首領之號，1851, 7, 23廣州發現一自稱明室世襲王爵朱某（Tehow）揭帖，懸賞購擊兩廣總督徐廣縉，下署天德二年，（1852, 6, 5武昌郭某及1853年江南及漳州三合會之揭示，所署年號，均為天德）。同年八月有占據羅定州鬱林州之 Tehou Lou-tao 致書徐廣縉挑戰，

天德

朱九濤

與朱某或係一人。咸豐元年九月初三日（1851, 10, 26）湖廣總督程喬奏，謂衡州地方竊獲齋匪頭目左家發，“據供係聽從廣東人李丹入會，以廣東老萬山即狗頭山之朱九濤爲會首，……朱九濤自稱太平王”（“方略”，卷八，頁一）。十月初五日（1851, 11, 27）賽尙阿等覆奏，謂太平王確係洪秀泉，“而洪秀泉又一姓朱，則向有此說，但未聞有朱九濤之名”（“方略”，卷九，頁一）。朱九濤容有其人，或即係 Tchou Lao-tao，信如是，則天德王或即朱九濤，最少朱九濤當曾署此年號。外人初多以天德王稱上帝會之洪秀全，中國則反有以太平王呼三合會之朱九濤者，亦一奇事。

秀全初起，與三合會或不無關係，彼此政治目的，原本相同，滿清實爲其共同敵人。賽尙阿謂秀全又一姓朱，三合會目的在反清復明，朱爲明之國姓，在三合會有其特殊地位，如秀全果曾以朱爲姓，當有其用意，以可借此而得三合會之贊助或擁戴也。

且三合會分子，大都爲客家，太平領袖亦係來人，彼此自易接近，何況在思想上實有相通之點。一八四四年四五月間，洪秀全馮雲山之漫遊南海，番禺，順德，增城，從化，清遠，英德等地，其目的或即在結合當地之三合會人。其在廣西，三合會勢力亦極大，洪等必與周旋聯絡，投歸之者，當不乏人。凌十八，凌二十八恐即三合會人之

上帝會與天地會

投入上帝會者（參看 1850,5 條。十八，二十八極類三合會人名）。“賊情彙纂”謂洪楊“專習添弟（天地）會一切奸謀偽則”，出馮雲山，洪大全二人手，（卷十一，老賊），當有幾分可信。一八五〇年七月金田舉事之後，其所發布之“奉天誅妖救世安民”論中有云“況查爾們壯丁，多是三合會黨，盍思洪門插血，實爲同心同力以滅清，未聞結義拜盟，而反北面於仇敵者也”（德藏刻本，見“太平天国詩文鈔”頁三二）。其意即在以同力“滅清”之政治目的來說三合會黨合作。本年（1851）三月凌十八等自廣東高州進入廣西鬱林州，謀援洪秀全等，凌雖爲上帝會人，而與之聯合之梁二十，梁十八，則固屬廣西之三合會也（關於凌梁事見後）。一八五二年太平軍入湖南，道州郴州一帶之天地會黨投入者尤多，咸豐三年二月十二日曾國藩奏云：“湖南會匪之多，人所共知，去年粵逆入楚，凡入添弟（天地）會者，大半附之而去”（“曾文正公全集”，“奏稿”，卷二，頁二）。一八五五年在廣東失敗之天地會黨，亦多北走江西，投入翼王石達開部，所謂“花旗”“潮匪”者是也。

咸豐三年正月陳徽言“武昌紀事”卷二云：“賊初起釁時，竊據金田村，僭號天德，而今賊僞示，皆署太平天国字樣，呼首逆曰天王，自湖南來（18

52年六月以後)，並未聞有天德之說”。稍後，汪堃“盾鼻隨聞錄”卷二“楚難紀略”云：“咸豐二年三月，粵匪竄入湖南，先於二月十五日在永安州城內殺牛馬各一，稱祭天父，洪秀全製造繡龍黃旂一桿，僞稱‘太平天德王’，封派各賊僞號”。又卷三“江禍紀略”云：“賊首洪秀全龍旂黃傘，鑼鼓數百人，迎入總督衙門，僞稱天王府，門前豎有‘太平天德’黃旂二桿”。解漣“遭亂紀略”云“秀全自稱天王，建天德僞號”。李慈銘“越縵堂日記補”附大事記云：“時（道光三十年）廣西盜賊蠡起十餘隊，洪秀瓊廣東花縣人，少亡賴，散千金結客，至是與其黨楊秀清，馮雲山，韋政等起事於潯州府平南縣金廷（田）村，推秀全爲長，稱天德王，國號太平，奉耶穌教，月一祀之”（甲寅，頁四）。又 Mackie, “Life of Tai-Ping Wang” (1858), P. 169, 亦謂秀全初稱天德，第一頁有“太平王，天德”字樣。Brine, “The Taiping Rebellion in China” (1862), P. 124, 謂秀全於永安稱“天德太平王”，1853 南京下後，其致美教士羅孝全（Roberts）書，蓋有約二寸正方之印，印文六字，爲“天德太平王印”，（見Brine’s, P. 202; 又 Mackie’s, PP. 278-279）。似秀全初確曾建號“天德”，以聯三合會。然李慈銘，解漣，Mackie 所記，均不能作爲有力證據（慈銘記道光末年粵

亂，極不正確)。陳徽言謂太平軍入湖南後，已未聞天德之說，Brine 謂占南京後，始不用天德紀年，汪堃則謂天王府前尚豎有天德黃旗(汪堃書可信價值極低，所謂太平天德之德字，或爲国字之誤)，而 Callery and Yvan, *History of Insurrection in China* (1853), P. 116, 謂永安布告，所署年號爲“天国元年”，而非“天德二年”。陳徽言亦云 1852 後“僞示皆署太平天国字樣”。中國官方報告，更無說及秀全曾以天德爲號者。1953 密迪樂(Meadows)等在南京晤太平天国當局，均否認所謂天德。近年發見之太平天国文書，尤絕未見有天德二字。Callery 及 Yvan 認天德與洪秀全爲二人，天德位在秀全之上，但又否認洪大全之爲天德王。按天德與秀全確爲二人，洪大全亦非真正之天德王(大全問題見下)。

關於天德與秀全之關係，或暫可作如下解釋：1849 後兩粵亂事，實以三合會(天地會)爲中心，“天德”爲三合會之年號或共主，其名特著，知者獨多。秀全發動較遲，勢亦較微，天王或太平天国之稱不張。1851 後聲勢驟盛，聞者即以爲彼即先之“天德”，“天王”與“天德王”所差只一字，甚或以前者爲後者之省稱。同時秀全或亦有意利用，且太平軍中固有不少三合會分子也。

烏蘭泰

3,24 (二,二二) 命廣州副都統烏蘭泰幫辦廣西軍務，湖北鹽法道姚瑩交李星沅差遣委用。

李星沅致書徐廣縉，“願與力遠，鉅荷難堪，惟屏息以待雷霆”（二十九日又書云：“賊氛方熾，軍事多艱，必得統帥主持，非不才所能負荷”）。

3,26 (二,二四) 命雲南貴州各選精兵一千名備廣西徵調，並令湖南亦豫選備調。

命將廣西本年應徵地丁兵折等銀，一併緩俟軍務完竣，再行啓徵。

以江寧布政使楊文定爲江蘇巡撫。

3,30 (二,二八) 以邪教流傳，蔓延數省（河南祥符縣有吳光漢，稱赤天大王，四川綦江縣有馬武成，稱赤地大王，廣東英德縣有李三文，稱赤人大王，爲各省邪教總目），命四川，總督徐澤醇，兩廣總督徐廣縉，河南巡撫潘鐸等查拏。

廣東會黨劉八率衆圍攻廣西博白。

3,31 (二,二九) 廣西凌雲永義堂陳三陷西林(4,2日退去)。

廣東上帝會黨凌十八，凌二十八，及陳十六，賴八（均高州欽州人，合廣西北流之天地會之梁二十，梁十八（約共五千人）自陸川北入鬱林州境（謀接應太平軍））。

二次武宣之役

4,3 (三,二) 提督向榮督楚兵東勇閩勇及義勇壯勇 (張釗等) 由南路分三枝攻武宣台村, 東嶺, 三里墟, 總兵秦定三督黔兵由北路夾攻, 爲太平軍所敗, 楚兵壯勇潰敗, 黔兵亦未得手 (是爲二次武宣之役。因此役向榮, 秦定三, 周天爵不和。時太平軍中缺食鹽烟硝)。

4,5 (三,四) 向榮致書李星沅, 續請添兵 (八日星沅復書, 添兵緩不濟急, 不可株守以待)。

4,6 (三,五) 廣東寇溫大貨五, 曾亞昌大破肇慶府知府蔡振武等於廣西賀縣里松墟, 斬副將齋清阿, 參將左斡, 都司郭維彪, 守備劉恩錫, 千總侯建祁等。

調安徽, 雲南, 貴州, 湖南各選精兵一千名迅赴廣並西, 令豫籌餉銀數十萬兩。

4,9 (三,八) 上帝會黨凌十八合天地會黨梁二十, 梁十八等圍攻廣西鬱林州, 太平軍自武宣東鄉分兵攻舊縣墟江口, 擬渡河接應。

凌十八接應太平軍

廣西降匪張國樑 (即張家祥), 謝錫祥 (即謝長腰四) 擒潘大, 平果化州大勝堂會黨。

諭江南, 江西, 湖北, 湖南迅將歷次部撥軍餉解赴

廣西，源源接濟。

4,10 (三,九) 派大學士賽尙阿馳往湖南，辦理防堵事宜，並著蒙古都統巴清德，滿州副都統達洪阿隨往協同辦理。另諭李星沅，周天爵，向榮不得以特派有人，稍存觀望(3,23星沅等摺於4,4報聞)。禮部侍郎曾國藩奏請簡練軍實，以裕國用。

會黨劉八力攻廣西博白，未下。

李星沅致書向榮，軍務棘手，惟有異姓同心，無分彼此，和衷共濟(榮與周天爵等不協)。

4,11 (三,一〇) 太平軍攻武宣舊縣墟江口，爲張釗(大頭羊)水勇所敗。

李星沅，周天爵，向榮請迅簡總統將軍來粵督辦，武宣大股逆匪，經“兩次進攻，僅能遏之不能北走，探悉會匪實在衆多，聞東鄉七十餘村，復多被誘徇脅，以致賊焰愈張，各路官兵壯勇，不如賊之拚死，頗難一律用命”。

授賽尙阿爲欽差大臣，調四川兵一千名候其調遣，並派天津鎮總兵長瑞隨往。

4,12 (三,一一) 滇軍總兵李能臣，副將王錦繡自潯州府南援鬱林州，禦凌十八，劉八。

4,13 (三,一二) 幫辦廣西軍務廣州副都統烏蘭

欽差賽尙阿

泰自廣州赴廣西（並未帶兵，唯火器頗多）。

4,15（三，一四）天父（楊秀清託）諭衆小，遵天命，真心扶主顧王（時在武宣東鄉。如三月十四日爲太平天曆，則當公曆四月十七日）。

天父下凡

李星沅致書周天爵，申述苦衷，兵將不當相怨。

4,17（三，一六）嚴禁赴粵西兵役，沿途藉端訛索滋擾。

4,18（三，一七）太平軍襲武宣勒馬渡，復爲張釗水勇所擊退。

周天爵，向榮命貴州總兵秦定三進營武宣大林，堵太平軍北走象州之路（定三不肯移營）。

命周天爵專辦軍務，以布政使勞崇光暫署廣西巡撫。

再調四川兵二千名赴楚粵交界，候賽尙阿等調用，並飭戶部另籌軍餉一百萬兩（計調赴粵西軍隊約一萬五千人）。

4,19（三，一八）天兄救世主耶穌（蕭朝貴託）諭衆小，要守天條，遵命令，同心同力，同打江山（時在東鄉。如三月十八日爲太平天曆，則當公曆四月二十一日）。

天兄下凡

4,21（三，二〇）廣東寇溫大貨五，曾亞昌撲攻廣西懷集縣城（4,23退走）。

- 4,24 (三,二三) 太平軍分枝入象州古董, 古蓬地方, 被擊退 (時署貴州古州鎮總兵李瑞守象州)。
- 4,26 (三,二五) 滇軍總兵李能臣, 副將王錦繡會同署廣西按察使湯彤如, 知州顧諧庚, 謀解鬱林州圍, 爲凌十八, 梁二十等所拒退。
- 再調四川兵一千四百名赴湖南聽候賽尙阿調用, 並運川米五千石送廣西。又再發內帑一百萬兩赴大營備用。
- 4,27 (三,二六) 加周天爵總督銜, 會同向榮專辦軍務, 以順天府尹鄒鳴鶴爲廣西巡撫。
- 4,30 (三,二九) 滇軍總兵李能臣, 署廣西臬司楊彤如等督兵勇大敗上帝會凌十八等於鬱林州, 斬其軍師王晚, 先鋒凌二十八。
- 4, 廣西鎮安府大勝堂班世雄合喜勝堂廣勝堂攻府城。
- 5,1 (四,一) 李星沅自柳州力疾赴武宣 (時向榮秦定三不和, 周天爵亦有意見, 官兵畏怯不敢進, 故星沅力疾前往)。
- 5,2 (四,二) 密諭賽尙阿行抵楚粵之交, 卽赴廣西接辦軍務, 並傳知李星沅回湖南辦理防堵。
- 5,3 (四,三) 幫辦廣西軍務廣州副都統烏蘭泰到武宣 (其疏陳賊情略云, 東鄉會匪立

有僞王僞官，留髮易服，衆至萬餘，兇勇詭譎，實爲廣西心腹之患。兵力尙單，祇可嚴守，以待續調之兵，再爲進剿。原奏5,27到京）。

5,4（四，四）李星沅到武宣。

5,5（四，五）廣西鬱林州解圍，上帝會凌十八等經陸川退去。

凌十八

（註）凌十八與博白之上帝會不和，時已不能完全遵守上帝會條令。“天情道理書云：‘我們起義之時，伊等〔高州羅鏡墟兄弟，卽凌十八等〕亦來遵天父天兄聖旨，回去團營，亦是同拜上帝，共扶真主，天父時時看顧，場場大勝。後因兄弟不睦，遂致博白高州各分畛域，皆緣一時差入鬼路，不守天條，膽敢擅行出令，有人願打先鋒攻打頭戰者，賞以妻妾，釀成淫亂之階，致干天父義怒，不加看顧’（頁三二）。

5,6（四，六）再調貴州兵一千名赴廣西百色。又命兩廣總督徐廣縉移師赴廣西會剿。

5,8（四，八）廣西貴縣寇謝土養劫忠良村。

5,10（四，一〇）廣西博白賊目馮子材，黃錦泗降於知縣游長齡（子材等爲天地會劉八部。明日劉八退回廣東合浦）。

署廣西巡撫周天爵奏，武宣賊情，最爲狡黠，此時兵力不足，宜專理坐戰之法，徐圖連營偏進，收成小圍，聚而殲之。

李星沅卒

5,12 (四,一二) 欽差大臣前兩江總督李星沅病卒於廣西武宣。

5,15 (四,一五) 投誠之張國樑大破廣西南寧匪，追入思恩府。

命江南籌備鹽關各款銀六十萬兩，解赴廣西軍營。

5,16 (四,一六) 太平軍自武宣東鄉經大林東北走，入象州廟旺，黔軍總兵秦定三，副將周鳳岐，追堵不力。

5,17 (四,一七) 太平軍敗黔軍總兵李瑞，占領象州古城；周天爵，向榮自武宣進追。

5,19 (四,一九) 太平軍占象州寺村。

5,20 (四,二〇) 以平果化州亂，命張國樑以千總補用。

5,21 (四,二一) 太平軍占象州中坪，百丈，新寨。

5,23 (四,二三) 太平軍占象州大樂墟，龍門司巡檢馮元吉死之。

5,25 (四,二五) 命賽尙阿即赴廣西接辦欽差大臣事務，李星沅回籍養病（尙未得星沅卒報）。

5,26 (四,二六) 禮部侍郎曾國藩條陳廣西地利兵機，並切陳時政。

5,27 (四,二七) 以李星沅病故，命周天爵暫署

太平軍入象州

欽差大臣。

太平軍自象州鼇村，馬鞍山，分七路攻貴州威寧鎮總兵重綸營，被礮擊退。

天地會黨何明科攻廣東信宜城，連爲總兵楊昌泗所敗。

5,29 (四,二九) 烏蘭泰到象州羅秀軍營，整飭秦定三等部黔軍。

5, 廣西鎮安府喜勝堂，大勝堂，廣勝堂，義勝堂會衆合攻鎮安府城。

6,1 (五,二) 周天爵，向榮，烏蘭泰奏劾黔軍總兵秦定三，副將周鳳岐不受節制，這堵不力，湖南副將和春玩視不戰，致賊匪竄入象州，(天爵又劾向榮曲徇其子繼雄，致失軍心，請派湖南提督余萬清來粵)。

以太平軍北入象州，革去周天爵總督銜，無庸暫署欽差大臣，卽回省暫署巡撫，向榮，秦定三均拔去花翎，與周天爵一併交部議處。

6,4 (五,五) 廣西貴縣客家劉成康，黃亞左，徐亞二，及女子邱二娘(嫂)攻陷覃塘墟(10,6成康及邱二娘等敗死)。

6,6 (五,七) 大學士卓秉恬請堅壁清野。

6,8 (五,九) 廣州副都統烏蘭泰，廣西提督向榮，貴州鎮遠鎮總兵秦定三，古州鎮總兵李瑞，威寧鎮總兵重綸，雲南昭通鎮總兵經文岱，廣

象州之戰

西潯州府知府張敬修，各督兵分紮於象州中坪附近，與太平軍開始接觸。

6,9(五,一〇) 太平軍與烏蘭泰所部貴州三鎮戰於獨鼇山，梁山村，馬鞍山，以七人陷威寧鎮營，官兵千人潰敗。並壅流設伏，誘斬貴州參將馬善寶，游擊博勒果布，劉定泰等以下二百人。

6,10(五,一一) 命向榮等整飭軍紀，痛除惡習，不得再遇賊奔北。

6,11(五,一二) 周天爵督總兵經文岱，知府張敬修等連日進攻象州寺村百丈之太平軍，未得手。天地會黨何明科自廣東信宜走廣西岑溪，梁十八走北流。

6,12(五,一三) 向榮督綏靖鎮總兵李伏等進攻象州百丈，亦不利，把總熊士貴陣亡。

欽差大臣龔尙阿奏調會前任浙江秀水知縣江忠源隨往軍營差委，報可。

調湖北兵二千名赴廣西。

6,13(五,一四) 廣東肇慶府知府蔡振武擒巨寇溫大貨五於廣寧。

6,14(五,一五) 廣西北流天地會黨梁二十，梁十八，鄭十一合廣東信宜天地會黨何明科劫鬱林州大塘墟。上帝會黨凌十八自廣西陸川退回信宜。

6,15 (五,一六)烏蘭泰自象州獨鼇山還營羅秀。以周天爵年老，召回北京（天爵與向榮不睦，賽尙阿，鄒鳴鶴等將到，故有是命）。

6,16 (五,一七)欽差大臣賽尙阿抵長沙。

6,17 (五,一八)以季芝昌爲閩浙總督，蔣文慶爲安徽巡撫。

命戶部尙書裕誠協辦大學士。

6,22 (五,二三)以王懿德爲福建巡撫。

6,25 (五,二六)太平軍自象州中坪，仁義，鄧村攻提督向榮營，被擊退（時太平軍中缺鹽糧）。

命工部右侍郎彭蘊章在軍機大臣上行走。

以禮部右侍郎曾國藩兼署刑部左侍郎。

6, 軍帥周錫能得軍師楊秀清許可，自象州新寨回博白原籍，團集上帝會兄弟姊妹。

7,2 (六,四)太平軍因清兵圍迫，招齊拜上帝人馬，自象州中坪折回武宣東鄉，趨桂平金田，紫荆山，茶地，大坪村（洪秀全，馮雲山等主之，是爲前隊），新墟，莫村，思盤（楊秀清，蕭朝貴，韋昌輝，胡以晃等主之，是爲後隊），烏蘭泰，向榮分追。

欽差大臣賽尙阿抵桂林（賽疏云，廣西通省惟桂林一屬尙稱完善，此外各屬羣盜如毛，而會匪尤兇悍）。

折回桂平

廣東提督陶煜文，知府沈棣輝大破劉八，吳晚於廣西博白。

7,6 (六,八) 廣東總兵楊昌泗，知府胡美彥進剿上帝會黨凌十八於信宜，不利，守備滕雲龍死之。

7,7 (六,九) 副都統烏蘭泰，提督向榮敗太平軍於武宣東鄉，進向桂平。

前任知縣江忠源到桂林，從襄尙阿。尋奉委赴象州，桂平，隸烏蘭泰軍幕（八月忠源弟忠淑旋募湘勇五百至）。

7,8 (六,一〇) 太平軍（楊秀清等）屯桂平新墟，烏蘭泰屯大河西岸。

7,9 (六,一一) 太平軍（韋昌輝）自桂平思盤盤龍河偷渡，知縣李孟羣等督勇却之。

7,10 (六,一二) 千總張國樑敗廣西寇顏品瑤於左州。

7,11 (六,一三) 桂平知縣李孟羣再敗太平軍於盤龍河田坡。

7,14 (六,一六) 兩粵會黨巨頭劉八在廣東合浦被擒，餘黨三千人自博白合太平軍。

7,15 (六,一七) 廣東巨寇曾亞昌在廣寧爲參將衛佐邦所擒（一作 7,12）。

劉八被擒

7,18 (六,二〇) 命廣東統籌備銀一百萬兩，候廣西咨撥。

7,22 (六,二四) 安徽壽州捻匪橫行，命巡撫蔣文慶及早籌辦。

7,23 (六,二五) 上帝會黨凌十八再敗總兵楊昌泗於廣東信宜東北白鷄嶺，旋據羅定羅鏡墟。

廣州發現“奉天弔民伐罪明室世襲親王朱[·]之揭帖，懸賞一萬兩，購擊兩廣總督徐廣縉。下署“天德二年六月二十五日”(徐廣縉認爲偽造)。

天德揭帖

(註)譯文見(Callery and Yvan 之“History of The Insurrection in China”, PP. 76-78,並於年月日後附“(一八五〇年七月十三日)”字樣。審該書上下文義，一八五〇應爲一八五一之誤。如天德二年月日與陰曆相同，則六月二十五日應爲公曆七月二十三日，而非七月十三日。如爲七月十三日，則六月二十日應爲六月十五日之誤。據原書云，此揭帖發現於徐廣縉將離廣州赴高廉剿匪之時，按廣縉離廣州在七月二十四日，今假設天德曆同於陰曆，六月二十五日亦無錯誤，暫定此揭帖現於本日。

7,24 (六,二六) 兩廣總督徐廣縉自廣州赴高州督軍剿匪。

7,25 (六,二七) 副都統烏蘭泰，總兵秦定三，經文岱，李能臣等力攻桂平新墟(紫荊山之門戶)

新墟紫荊山之戰

莫村，大破太平軍（韋昌輝等）。

7,26（六，二八）提督向榮力攻桂平紫荊山後雙髻，豬仔峽，不克（烏蘭泰等所攻者爲山之前路，卽南路）。

8,6（七，一〇）烏蘭泰，達洪阿，秦定三，李能臣，經文岱，李瑞，張敬修五路攻新墟，敗太平軍。

8,9（七，一三）“天兄耶穌（蕭朝貴託）大罵各爲私，不公草（心），不忠草（時在莫村。莫村與金田紫荊山相近，仍屬桂平，非永安州之莫家村，朝貴領前軍，洪楊尙在紫荊山未動。如七月十三日爲太平天曆，則當公曆八月十六日）。

天父皇上帝（楊秀清託）教導衆小，同心同力，同向前誅妖（清兵），‘真心放膽理天事’（是晚二更，時在桂平紫荊山茶地）。

新教士郭士立（Gützlaff- 作郭實獵）卒於香港，年五十八（郭士立除傳教外，並作政治鼓吹，太平天國所用聖經，卽其譯文）。

8,10（七，一四）天父皇上帝教衆小勿煩愁膽怯，生死天定，應戰勝頂天報國（是日朝。如七月十四日爲太平天曆，則當公曆八月十七日）。

8,11（七，一五）提督向榮，都統巴清德，總兵劉長清，松安分路進攻桂平紫

天父天兄下
凡

荆山後路，奪占豬仔峽，雙髻山要隘，包圍太平軍。

兩廣總督徐廣縉到高州府，督剿信宜羅定會匪。

8,14 (七,一八) 太平軍由平南鵬化間道北趨 (此條據“潯州府志”卷二十七,頁二,是路軍或屬蕭朝貴部)。

8,15 (七,一九) 太平軍大部自桂平紫荆山茶地出動,天王洪秀全詔令前軍主將蕭朝貴,左軍主將石達開同統戊壹監軍,前壹軍帥,前貳軍帥,左壹軍帥,左貳軍帥開通前路 (大約此即李秀成供狀中所稱之旱路,似係主力,秦日綱,羅大綱或屬此軍)。中軍主將楊秀清統土壹總制,中壹軍帥,中貳軍帥,及前選侍衛二十名護中 (天王應在此軍中。李秀成供狀中所謂之水路大約即此路。當時紛傳秀全乘小船數十隻將自濠江入廣東)。右軍主將韋正 (昌輝),後軍主將馮雲山同統右壹軍帥,右貳軍帥,後壹軍帥,後貳軍帥押後。各軍各營,隊伍宜整齊堅重,同心同力,間勻連絡,首尾相應,努力護持老幼男女病傷,個個保

天王軍分三
隊出動

齊。並通諭兵將“放膽歡喜踴躍，同頂天父天兄綱常，總不要慌。”各宜真心堅心耐心（時天王在茶地。據李秀成供狀，當時清兵四面圍困，此詔亦云營中缺鹽，可知知此時洪軍困苦情狀。惟供狀所記水旱二路統帥則不十分正確。此時軍事係由天王自主，大約下永安後，始漸移歸楊秀清。又七月十九日如爲太平天曆，則當公曆八月二十二日）。

8,18（七，二二）令訪拏四川湖南會匪（在湖南有紅簿教，結草教，斬草教，捆草教，青教即齋匪，均以四川峨嵋山會首萬雲龍爲總頭目。按萬雲龍爲三合會頭目）。

8,21（七，二五）中軍主將楊秀清，右軍主將韋正等夜劫提督向榮營於桂平新墟，擒游擊袁貴。

8,22（七，二六）天父上主皇上帝（楊秀清託）殺黃以鎮（時在莫村。又七月二十六日如爲太平天曆，則當公曆八月二十九日）。

山東洋面海盜敗登州水師，奪其戰船。

8,24（七，二八）烏蘭泰，巴清德，秦定三，張敬修，王錦繡等攻毀桂平新墟附近村壘，太平軍（後隊韋正馮雲山）卽於風門坳口築壘安礮，並鑿斷山梁死守。

8,27（八，一）兩廣總督徐廣縉督軍連敗上帝會黨

凌十八於羅定羅鏡墟。

8,28 (八,二) 巴清德, 向榮, 長瑞, 劉長清等三路進攻, 破桂平風門坳, 斬右軍主將韋正(昌輝)之弟韋亞孫, 韋十一等, 進逼新墟。

8,29 (八,三) “天王(洪秀全)詔令各軍各營衆兵將, 放膽, 歡喜躍踴, 同力同向前, 萬事皆有天父主張, 天兄擔當, 千祈莫慌(時在莫村。如八月初三日爲太平天曆, 則當公曆九月六日)。

9,1 (八,六) 湖南宜章婦王蕭氏倡沙包會, 敗官兵, 斬守備趙鴻賓, 千總張凌雲。

9, (八月) 廣西千總張國樑斬巨寇顏品瑤於養利州。

9,2 (八,七) 河南泌陽擒首僑建德在豫東柘城被擒。

9,3 (八,八) 天地會黨何明科, 梁十八, 梁二十復自廣西折回廣東信宜, 敗總兵楊昌泗。

9,4 (八,九) 烏蘭泰督侍衛開隆阿, 總兵秦定三, 劉長清分路攻紫荊山南之新墟莫村, 進逼墟口。巴清德, 向榮督總兵長瑞, 李伏攻紫荊山北, 未得手。

以甘肅布政使李德代潘鐸爲河南巡撫。

9,5 (八,一〇) 太平軍撲攻向榮, 巴清德大營, 被擊退。

9,8 (八,一三) 太平軍突至九村, 烏蘭泰截堵,

向榮破風門坳

天王詔令

復回紫荊山。

9,9 (八,一四) 太平軍由新墟，莫村分二路猛攻烏蘭泰營，烏蘭泰督開隆阿，秦定三，李能臣，張敬修以連環槍還擊，苦戰却之（時太平軍力謀突圍，折取新墟房屋竹木，紮造箠筏，冀由水路東下）。

寨新墟

9,11 (八,一六) 太平軍於夜間放火焚桂平新墟一帶，突圍遙出，由大簡翻山東走平南，鵬化，花洲。

9,12 (八,一七) 烏蘭泰督各軍追堵太平軍，阻於山險，小有斬獲，並擒兩司馬楊繼昌。

9,13 (八,一八) 向榮，巴清德移營橫嶺攔截太平軍，爲雨所阻，烏蘭泰到平山口。

天王詔令

9,14 (八,一九) “天王詔令衆兵將千祈遵天令，不得再逆。……遵天誠，享天福，逆天令，落地獄”（時在舟中，中軍主將左輔正軍師楊秀清或亦在內，此即李秀成供狀所謂水路。如八月十九日爲太平天曆，則當西曆九月二十二日）。

9,15 (八,二〇) 向榮，巴清德督兵至平南官村廟，太平軍（大約係後軍主將馮雲山）自思旺墟回軍破之，楚軍總兵李伏先潰，太平軍前後夾攻，斬千總楊成貴，

破向榮於平南

向榮等退回平南，軍仗鍋帳盡失。

前軍主將右弼又正軍師蕭朝貴，左軍主將石達開，右軍主將韋正，自藤縣和平墟間道越山經大旺墟渡至大黎屯紮。

9,16 (八,二一) 烏蘭泰進至平南龍門 (去思旺尚遠)，駐紮二日，搜殺餘匪 (大約係鑒於昨日向榮之敗，不敢急追)。

9,20 (八,二五) 蕭朝貴，石達開，韋正等在藤縣大黎屯紮五日 (大約係等候後隊)，搜取里內糧食衣服，招齊拜上帝之家，放火燒燬房屋，進向永安 (大約李秀成，即李以文，即於此時投入太平軍。秀成爲大黎人，家中貧苦，種山幫工就食)。

進取永安

署廣西右江道張敬修督兵到藤縣大澤村。

9,22 (八,二七) 太平軍蕭朝貴石達開等自藤縣大黎經眉江水秀，進攻永安州城。

9,23 (八,二八) 烏蘭泰自平南拔營自翻山小路，至永安馬林市。

平南知縣倪濤督團勇追至上坡村，遇太平軍船三十餘隻，小有斬獲。

9,25 (閏八,一) 太平軍前軍主將蕭朝貴，後軍主將馮雲山，右軍主將韋正，左軍主將石達開，及秦日綱，羅大綱等

占領永安

攻占永安州城（時太平軍約二三千人，官方報告則稱萬餘。“賊情彙纂 卷十一，謂此時乘三萬五千人，而能戰者僅五千餘）。代理知州吳江，平樂協副將阿爾精阿死之（太平軍第一次占領城池。或云去年陰曆八月曾陷平樂，誤）。

占領永安時間

（註）永安之下，西人記載，多謂西曆八月二十七日，即中曆八月初一日。中國官私記載，大都置於閏八月初一日，即西曆九月二十五日。編者初從前說，今則仍認後說為是：（一）初從前說之主要原因，在誤認“天命詔旨書”中月日為太平天曆，即據以推合西曆月日，並誤認“又八月初七日，時在永安”，天王所頒詔令為天曆八月初七日，即以西曆九月十日當之，因而誤斷太平軍於是日前已入永安。今已考定是書月日均係中曆，“又八月”即閏八月（見拙著“太平天國曆法考訂”，商務書館出版），此證據根本已不能成立（即退一步承認是書中月日為太平天曆，但所謂“時在永安”者，不必即作在永安城內解釋，正如雖有“壬子八月初十日，時在長沙”所頒詔令，不能即認其已入長沙城池）。（二）西人之誤，或由於不明是年有前後兩八月，誤以閏八月初一日為八月初一日，即據以推合西曆（不惟外人易有此誤，咸豐四年七月初

一日湘軍克岳州，中國記載亦有反誤爲閏七月初一者，足見閏月時日之易生錯誤）。（三）英譯洪大全供狀，亦謂八月二十七日，即中曆八月初一日，占領永安，並云九月二日，即八月初七日天王偕大全入城。“天命詔旨書”中“又八月初七日，時在永安”禁私藏金寶等詔令（見下），應係天王初入城時所頒。按大全供狀原文尙未獲見，但“方略”卷十二（頁四十至四十一）之節略，則明明係“閏八月初一日，英譯之舛誤，可無庸疑（今已見供狀原文，確爲閏八月初一日。Callery and Yvan, “History of the Insurrection in China,” P. 94, 謂永安之下在西曆九月二十九日，而其所錄大全供狀則又作八月二十七）。（四）關於八月初一日下永安之最有力證據，似爲光緒二十年鄧文淵，黃履泰修“永安州志（此書編者於民國二十七年七月於北平圖書館獲見），略云：“咸豐元年辛亥八月初一日，洪逆破州城。……先是，阿公（阿爾精阿）督兵來州防守，分軍夏宜口堵擊，自率一軍守水秀。七月二十八日，賊至，軍寡不敵，退入城。二十九日，賊環城攻打，城中亦力拒守。八月初一日酉刻，賊盡取市人編炮，堆聚城西南角如山，乘西南風大作，炮燃烟氣蔽天，城上人眩迷，遂不支，賊由陳姓門樓架天梯過，城遂破。……烏都統率兵由夏宜口來援，山

路崎嶇，馬不可行，遲到一日”。依常理，此書記事，應屬可信。按烏蘭泰於閏八月初二日至夏宜村（“方略”，卷七，頁三三），與此書所記，適差一月，如八月爲閏八月，則完全符合。無論如何，此書史料價值，可信程度，當不及“方略”，“方略”所載，多官方正式章奏，關於閏八月初一日前各戰役月日地點，及太平軍行經路線，均有連續報告，證以太平天國方面文件，亦完全相符，是閏八月初一日之占領永安，應絕無庸疑。其他官私記載均作二月十七日。又“近世中國祕史”“滿清紀事 篇錄太平軍在漢陽所發安民告示，有“八月初一入永安”，此紀事及告示之可信程度，均有疑問；即使可信，而“八月”二字之前，必缺乏閏字）。

9,26（閏八，二）烏蘭泰到永安州夏宜村，進至離州城十餘里之文墟（時太平軍分兵據城外水竇，莫家村，衛龍村。賽尙阿奏報，謂太平軍入永安州城後，分作三起，一在距平南百里之大黎水，一在距大黎水九十里之榕樹江口，一在距榕樹江口三十里之太平墟）。

藤縣圍練擊沈濛江太平船五隻於三江口（時傳聞洪秀全欲出濛江赴廣東）。

兩江總督陸建瀛奏請禁天主教，但勿告外夷。

9,27（閏八，三）廣東天地會黨何名科，梁二十等大敗總兵楊昌泗於信宜賀洞，昌泗全營皆潰。

9,28 (閏八, 四) 烏蘭泰, 秦定三, 經文岱, 及江忠源攻永安州, 營佛子村。

廣西橫州知州黃輔平巨匪麥二。

9,30 (閏八, 六) 烏蘭泰, 秦定三, 開隆阿攻永安莫家村。

太平軍於永安各要隘趕造木壘礮臺。

道員張敬修督東勇到永安樟村, 忽聞敵至, 紛紛四散。

10,1 (閏八, 七) 天王入永安州城, “詔令各軍各營衆兵將, 各宜爲公莫爲私, ……繼自今, 其令衆兵將, 凡一切殺妖取城, 所得金寶綢帛寶物等項, 不得私藏, 盡繳歸天朝聖庫, 逆者議罪” (時在永安。大約天王甫入城, 恐兵將各貪財貨, 故有此禁令。“天命詔旨書 註明月日爲‘又八月初七日’。)

禁私藏財帛

10,5 (閏八, 一一) 烏蘭泰, 秦定三誘敗太平軍於永安州關嶺。

10,6 (閏八, 一二) 廣西貴縣武宣練勇連敗女寇邱二嫂(娘), 斬之。

10,10 (閏八, 一六) 廣東提督陶煜文敗廣西南寧太平會黨, 斃黃錫從, 黃春晚等。

10,13 (閏八, 一九) 以永安州失守, 懲處欽差大臣賽尙阿等。

- 10,14 (閏八,二〇)烏蘭泰督秦定三,劉長清,李能臣,經文岱等攻永安水竇村,破二壘。
向榮自平南到昭平(賽尙阿屢催不進)。
- 10,20 (閏八,二六)從賽尙阿請,命河南河北鎮總兵董光甲,湖北鄖陽鎮總兵邵鶴齡等赴廣西軍營。
- 10,26 (九,三)向榮抵平樂府,稱病赴桂林。
命兩廣總督徐廣縉等查拏廣東老萬山之‘太平王’朱九濤。
- 11,2 (九,一〇)烏蘭泰及巴清德,劉長清等分攻永安南北路。
廣東天地會黨梁二十大在信宜爲游擊劉開泰擊斃,何名科率衆西走。
- 11,4 (九,一二)欽差大臣賽尙阿抵廣西陽朔。
以福州將軍裕瑞兼署閩浙總督。
- 11,8 (九,一六)廣東天地會黨何名科梁十八自信宜入廣西岑溪容縣,擬北合太平軍,不果,西南走北流。
- 11,10 (九,一八)以向榮倭卸延誤,革其廣西提督職,以劉長清暫署。都統巴清德託病遷延,一併革職。署古州鎮總兵李瑞恆怯無能,拏問治罪。
- 11,15 (九,二三)廣西永淳人民抗租亂起。
- 11,17 (九,二五)天王詔令“各軍每場殺妖後,

各兩司馬（統二十五人）立即記錄自己管下兵某名”功罪，執達卒長（統一百四人），旅帥（統五百二十五人），師帥（統二千六百二十五人），軍帥（統一萬三千一百五十五人），監軍，總制，丞相，軍師轉奏，俟到小天堂，以定官職高低（時在永安。如九月二十五日爲太平天曆，則當公曆十月二十八日）。

（註）小天堂大都指南京而言。“潯州府志”卷二十七，譚熙齡“紫荊事略”云：“初所陷如大湟江，太平墟，永安州，全州等處，皆有取義，非卒然者。官軍與之戰，動曰行將取江南矣，豈畏爾官軍耶？是洪軍之取南京，乃預定計劃，小天堂謂指南京似屬可信。但在此處，似以作太平天国政府，或天王所在地解爲是，故其8,15詔有‘同見小天堂威風’語）。

小天堂

11,19（九，二七）廣東天地會黨何名科，梁十八在廣西貴縣爲游擊劉開泰及馮子材與圍練所擒（一作11,13）。

11,25（一〇，三）廣東官軍大敗上帝會黨凌十八，陳二，吳三於羅定州羅鏡墟（是時凌部當有天地會人）。

烏蘭泰，巴清德，劉長清再攻永安南北路。

1851（咸豐元年）

11,27 (一〇,五) 賽尚阿，鄒鳴鶴奏，金田逆匪確稱“太平天國”，匪首稱“太平王”，未聞有朱九濤之名。

11,28 (一〇,六) 以粵省軍需孔亟，出重貲助餉者，許專摺保奏。

副都統烏蘭泰攻永安州，斃太平軍元帥(?)石姓(時烏蘭泰督辦南路，總兵劉長清督辦北路)。

12,2 (一〇,一〇) 太平軍軍帥周錫能於本年六月(陰曆五月)奉命同黃超連回廣西博白原籍團集兄弟姊妹，本日自博白合朱錫傑，梁十六等一百九十餘人(梁十六與梁十八，梁二十當爲兄弟行，應係天地會黨)裝辦清兵往永安州(據“天父下凡詔書”。如十月初十日爲太平天曆，則當公曆十一月十三日)。

12,4 (一〇,一二) “天王詔令通軍大小衆兵將……頭要奈心志，一定會上天。……千祈堅耐，莫被〔妖魔(即清軍)〕誘惑。……詔封從前及後一概打仗昇天功臣，職同總制世襲，掌大旗昇天功臣，職同將軍侍衛世襲。現封及者袍帽遵依官制，未封及者風帽一概

封賞

盡與兩司馬同（是此時太平軍中人員均有官職，最低者亦係兩司馬），……上到小天堂，凡一概同打江山功勳等臣，大則封丞相，檢點，指揮，將軍，侍衛，至小亦軍帥職，累代世襲。……”

（時在永安。如十月十二日爲太平天曆，則當公曆十一月十五日）。

12,10（一〇，一八）烏蘭泰督侍衛開隆阿，副將常祿，總兵經文岱，秦定三等攻燬永安水竇村旁屯糧小營，並敗自州城及莫家村來援之太平軍。道員許祥光，張敬修，總兵劉長清，李能臣，長瑞亦各分路進擊。

再由內庫添撥帑銀一百萬兩解赴廣西軍營。

12,12（一〇，二〇）“天兄耶穌（蕭朝貴託）曰，成人不自在，自在不成人，越受苦越威風，各放草（心）寬草。……（時在永安。如十月二十日爲太平天曆，則當公曆十一月二十三日）。

天兄下凡

12,13（一〇，二一）太平軍周錫能，朱八，陳五入永安州，謀內應清軍，並擬行刺（錫能自博白統帶之百九十餘人，均投入新墟——在永安北，非桂平新墟——賽尙阿營，（其本人受封六品頂帶）。

戶部奏撥廣西軍餉一百萬兩。

12,14 (一〇, 二二) 太平軍軍帥周錫能等在永安州窺探城機，謀內應清軍。

12,15 (一〇, 二三) 天王詔令衆兵將受苦忍耐。

12,17 (一〇, 二五) “天王詔令通軍大小兵將，各宜認實真道而行，天父皇上帝上帝纔是真神……天父皇上帝而外，皆不得僭稱上稱帝。繼自今衆兵將呼稱朕爲主則止，不宜稱上……稱聖，……致冒犯天父天兄。……今特褒封左輔正軍師〔楊秀清〕爲東王，管治東方各國。褒封右弼又正軍師〔蕭朝貴〕爲西王，管治西方各國。褒封前導副軍師〔馮雲山〕爲南王，管治南方各國。褒封後護又副軍師〔韋正〕爲北王，管治北方各國。又褒封達胞〔石達開〕爲翼王，羽翼天朝。以上所封各王，俱受東王節制（東王專權之始）。另詔后官稱娘娘，貴妃稱王娘”（如十月二十五日爲太平天曆，則當公曆十一月二十八日）。

12,20 (一〇, 二八) 太平軍軍帥周錫能及朱八於

永安封王

夜間勸誘監軍朱錫琨（朱八之姪），巡查黃文安投降清營，必有封賞，錫琨等不從。

12,21（一〇，二九）天父下凡，審問周錫能。

天父下凡審
周錫能

（註）南王馮雲山，北王韋正，翼王石達開，及曾天芳，蒙得天齊到東王（楊秀清）殿前請安（無西王蕭朝貴，足證朝貴與秀清地位相若），會議天父上主皇上帝江山大事，並欲奏封軍帥周錫能。言不盡語，忽然天父下凡（楊秀清託），謂“周錫能反骨偏心，串同妖人（清軍）回朝，內應謀反，……立即發令擒拏，……押候……分斷。……吩咐畢，天父回天。

天父回天後，馮雲山（七千歲），韋正（六千歲），石達開（五千歲）等“將天父聖旨回稟東王九千歲，九千歲……即令猛將擒拏反骨妖人周錫能，並串同妖人朱八，陳五，押候在監”（可知東王楊秀清雖借託天父，而實地執行，尙待凡間之東王楊秀清命令）。

楊秀清，馮雲山，韋正，石達開上朝，由雲山將本日以上各事奏知天王（東王楊秀清已出令執行，始奏天王洪秀全，足證此時東王權力已越過天王）。

晚北王韋正吊周錫能，無供。

1851（咸豐元年）

天父復下凡，先令國宗楊潤清，楊輔清到各王府傳知各千歲上朝，奏接天王，同到天父面前，天王率衆臣跪伏（此大約係天王跪東王之始）。即由蒙得天帶到周錫能，由天父審訊，先令周錫能自認天父權能，次詢其串通清兵，誘惑軍心，外攻內應，錫能一一供承，並供出朱八謀入朝行刺。次命曾天芳傳知情未報之監軍朱錫琨，奉命巡查之黃文安，錫琨杖二百，文安杖一百。又命北王韋正出東王殿前，曉諭兵將，北王即“大聲唱道……衆兵將同心踴躍，立志頂天，……時刻要記念天父權能恩德。衆兵將同心唱嘆，“天父皇上無所不知，無所不在”。天父又吩咐天王寬心，即回天。時已三更（如十月二十九日爲太平天曆，則當公曆十二月二日）。

三更後天王自東王殿回殿，“山(三)呼萬歲後，各職回衙，虔謝頌讚天父恩德，談敘天父無所不知，權能閩(獨?)一”(是天王稱萬歲並非在長沙時)。

天父又下凡，令國宗楊運(潤?)清命人到各王府，傳知各千歲。天父吩咐南王北王翼王等曰：“我今晚破殘妖魔鬼計，並誅滅變怪妖魔，爾衆小再加時時靈變，每事有我作主不妨”。天父回天，各軍人等，同喜沾天父恩德，即宰豬牛敬拜，虔謝天父破滅凡間妖魔鬼計，看顧衆小權能恩德（以

上二事，依理應計作明日，即十二月二十二日，但原意當仍係二十一日。如十月二十九日爲太平天曆，則當公曆十二月二日）。

12,22 (一一，一) 私通清軍之太平天国軍帥周錫能及其妻(蔡晚妹)子(周理真)並朱八，陳五，奉天父命處死，錫能起解時，“大聲呼喊，衆兄弟，今日真是天做事，各人要盡忠報國，不好學我周錫能，反骨逆天”。時監軍朱錫琨枷鎖在朝門示衆，亦勸衆兄弟醒悟，自認託賴天父權能不死(按周錫能案件，影響於當時太平軍心者必甚重大，以其爲天父下凡中最靈驗事。故所記亦特詳)。

12,27 (一一，六) 廣州副都統烏蘭泰再攻永安水竇村，燒太平軍營壘，獲其鑄礮鍋具。

12,29 (一一，八) 已革廣西提督向榮到永安，代劉長清督辦北路軍務。

此
页
空
白

1852——咸豐二年壬子，太平天国壬子二年。

- 1,5 (一一, 一五) 已革廣西提督向榮移營永安州上壟橫嶺，太平軍乘勢三路出攻，被向榮及總兵長瑞擊退。
- 1,6 (一一, 一六) 浙江巡撫常大淳奏海盜在浙江洋面，圍攻山東水師。
- 1,10 (一一, 二〇) 向榮進營龍眼塘，太平軍千餘突出猛攻，被擊退。
- 1,12 (一一, 二二) 太平軍以全力三路攻龍眼塘二洞口，向榮及總兵劉長清，董光甲，知府李孟羣等力戰敗之。
- 烏蘭泰攻莫家村，亦獲勝。
- 1,14 (一一, 二四) 烏蘭泰向榮南北二路大舉攻永安，小勝（永安城內米鹽大藥接濟，均來自南路）。
- 1,15 (一一, 二五) 道員張敬修，許祥光攻永安大誥嶺（東路），小有斬獲。
- 1,17 (一一, 二七) 烏蘭泰張敬修等再攻水竇村。
- 1,18 (一一, 二八) 以廣東英德亂平，賞巡撫葉名琛太子少保。
- 1,22 (一二, 二) 太平軍三路襲向榮營，不利，羅大綱之先鋒黃滿被擒。

天父下凡

- 1,23 (一二, 三) 天父上主皇上帝 (楊秀清託) 激勵衆心 (時在永安。如十二月初三日爲太平天曆, 則當公曆一月七日)。
- 1,24 (一二, 四) 張敬修, 許祥光等架礮松山, 轟擊永安州城。
- 1,26 (一二, 六) 諭拏福建武平縣紅會, 及光澤, 崇安等縣花會。
- 1,30 (一二, 一〇) 兩廣總督徐廣縉自高州進駐信宜, 勦上帝會黨凌十八。
- 1,31 (一二, 一一) 太平軍再分三路出襲向榮營, 仍不得手。
- 2,4 (一二, 一五) 太平軍襲烏蘭泰營, 被擊回。
- 2,6 (一二, 一七) 開復廣西提督向榮原官, 並飭賽尙阿乘勝攻剿。
- 道員許祥光張敬修等於松山設伏誘太平軍, 小勝。
- 2,7 (一二, 一八) 欽差大臣賽尙阿由廣西陽朔移營荔蒲。
- 禮部侍郎曾國藩奏稱民心渙散, 實爲大患, 目前急務, 一銀價太昂, 錢糧難納, 二盜賊太衆, 良民難安, 三冤獄太多, 民氣難伸。
- 2,8 (一二, 一九) 諭賽尙阿督飭文武各員, 齊心協力, 奮勉圖功, 其不用命者, 卽以所賜遏必隆力, 立正典刑。
- 2,9 (一二, 二〇) 向榮三隊進戰, 小有斬獲。

- 2,12(一二,二三)向榮烏蘭泰張敬修等分路進攻永安東礮臺,舊縣,能六嶺,紅泥嶺,均未得手。
- 2,15(一二,二六)賽尙阿到永安州督師,逼北城三星。
- 2,16(一二,二七)太平軍自永安州因出擊,爲向榮,張敬修所卻。
- 2,18(一二,二九)廣西布政使勞崇光,總兵惠慶,千總張國樑等大破顏品瑤餘黨蘇凝於靈山。
- 2,19(一二,三〇)太平軍再出永安突襲。
- 2,22(一,三)向榮,烏蘭泰,許祥光,張敬修四路進攻永安城外東西礮臺,水竇村,參將李廷楷等戰死,各軍後卻。
- 2,27(一,八)太平軍出永安襲擊向榮等營,被擊退。
- 2,29(一,一〇)清以裕誠爲大學士。
- 太平軍復出永安襲擊,仍未得逞。
- “天王詔令通軍大小男女兵將,千祈遵天條。茲今特詔令清胞(楊秀清),貴妹夫(蕭朝貴),山胞(馮雲山),正胞(韋正),達胞(石達開),及各軍各頭領,務宜時時嚴查軍中……如有犯第七天條(奸邪淫亂)者,一經查出,立即嚴拿斬首示衆。(時在永安。太平天曆爲正月二十七日)。
- 3,2(一,一二)太平軍連出永安撲攻清營,不利。

嚴禁奸淫

天曆

- 3,14 (一, 二四) 以曾國藩兼署吏部左侍郎。
- 3,18 (一, 二八) 賽尙阿督軍以大礮注擊永安城 (是日清兵“檢回逆書一本, 居然妄改正朔”)。
- 3,20 (一, 三〇) 太平軍分路出擊, 向榮部傷亡百餘人, 烏蘭泰部力戰退之。
- 3,22 (二, 二) 太平軍千餘自永安城內及莫家村往水竇, 攻奪松嶺, 未果。
- 3,24 (二, 四) 廣西布政使勞崇光擒獲顏三等, 南寧太平肅清。
- 3,25 (二, 五) 水寇 (即艇匪) 任文炳攻廣西梧州府。
- 3,27 (二, 七) 向榮督兵勇攻至永安城北之西礮臺外濠。
- 3,30 (二, 一〇) 向榮部總兵和春, 長瑞, 長壽, 邵鶴齡與太平軍 (大約係羅大綱) 力戰於馬背嶺。
- 4,1 (二, 一二) 向榮部分攻東西礮臺, 被拒不得進。
- 4,3 (二, 一四) “天王詔令通軍男將女將, 千祈遵天令, 歡喜踴躍, 堅耐威武, 放膽誅妖。……男將女將盡持刀, 現身着衣僅替換, ……金寶包袱在所緩, 脫盡凡情頂高天 (時在永安。太平天曆爲二月三十日。按此詔令當係準備突圍)。
- 4,4 (二, 一五) 天王發令, 即日突圍出

天王詔令

走（太平新曆爲三月初一日）。

4,5（二，一六） 太平軍乘雨突出永安州城，由羅大綱擊破東路古蘇冲清壽春兵，得火藥十餘擔，由小路出關，擬由昭平，平樂北進，襲攻桂林。

永安突圍

（註）永安突圍，據廣西巡撫鄒鳴鶴奏，時爲陰曆二月十七日丑刻（原奏云：“逆匪占永安州城，經官兵疊次攻剿，斷其接濟，賊勢窮蹙，於二月十七日丑刻冒雨突圍，由東路奔竄”。見“方略”卷十一，頁一），軍機大臣及刑部審訊洪大全後之會奏則云：“本年二月十六日，燒燬民房，乘便衝出，韋政等擁洪秀全帶領賊匪五千餘人，與洪大泉一併逃竄”（“方略”，卷十二，頁四一）。光緒“永安州志”謂“二年壬子二月十五日，洪賊棄城遁”。（民國“貴縣志”從之）。是突圍時間，有二月十七，十六，及十五日三種不同之說法。據無名氏“粵西獨秀峯題壁詩”自註，及汪堃“盾鼻隨聞錄”，均謂太平軍之去永安，實在二月十五日之夜間（汪氏書雖多捏造，但“題壁詩”則頗可信）。又據洪大全供狀云：“二月十六日，是我們的曆書三月初一的日子，發令逃走。是三起走的：頭起於二更時，

……二起是三更時候，……第三起是……五更時走的”。天曆三月初一日實爲陰曆二月十五日而非十六日（參看編者的“太平天國曆法考訂”，商務出版），十五日發令，夜二更開始衝出，至十六日早晨全軍突圍，與“題壁詩”及“州志”等書所記及軍機大臣刑部會奏，完全相合。茲定爲陰曆二月十六日。

礦工援助

此次突圍，據梁瑞祥“貴縣銀礦說”，實得力於貴縣礦工之援助。其略云：“道光之季，邑令王濟招商試辦，未數月而虧折巨貲，因而中止，礦徒卽窩留盤踞，時出焚劫，四境騷然。洪逆倡亂金田，實與此事陰相勾結。永安之役，已成釜底之魚，藉礦匪數千爲外援，潰圍而出，蹂躪幾遍天下。是金田僅兆其始，而銀礦乃成其終；銀礦不開，則匪徒不聚，匪徒不聚，則洪逆之亂而無助，不難一鼓殲除。誰知其爲害至於此極耶！”（光緒“貴縣志”，卷八，紀文，頁一四）。

4,6(二,一七) 天官丞相秦日綱自永安永寶移兵仙回嶺，清副都統烏蘭泰搶上山岡，合道員張敬修夾擊，斃太平軍男女及兵二千餘人。時大雨不止，清軍無宿處。

4,7 (二,一八) 占據廣東羅定羅鏡墟之上帝會凌十八襲擊清軍，斃游擊饒成龍。

清副都統烏蘭泰部守備全玉貴擒太平軍中之洪大全 (天德王?) 於昭平鬱叢山。

(註)洪大全問題

洪大全問題

1. 洪大全事略

洪大全被擒之後，即檻送北京，廣西巡撫鄒鳴鶴謂爲逆首，欽差大臣賽尚阿謂爲逆首謀主，據其供狀，自稱天德王，確係太平軍中首要，位與天王洪秀全齊，權或稍次。結果凌遲處死，並派大員 (刑部左右侍郎) 監刑，足證清廷對之之重視。

三年後，“賊情彙纂”(卷一)於“首逆事實”篇中特立“僞天德王洪大全”傳：

“大全湖南衡州府清泉縣人，身幹頡偉，性情狂悖。初應童子試，屢次被抑，爲商爲吏，皆若不屑。然機警有才，每設計構訟，魚肉鄉里，輒得多資，擄捕一擲千金，揮霍不事生產。每被酒肆言，多詆時事及譏刺我官吏。嘗謂承平日久，文恬武嬉，法令不行，百事廢墮；且財用匱乏，所倡理財諸說，皆屬末節，今可以救時者，惟復人丁賦稅一條。諸臣工顧惜身名，不肯冒不韙以補救，今以爲恤民，不建此議，逮至勢不可支，所下苛令，必百

倍於此，行見明季加賦斂餉諸事，復行於今日。況疆域遼闊，處處爲守，處處皆不足守，若有豪傑起事，便不可收拾。其悖逆之談，類如此。同里紳耆患之，公首拘訊，以無左證，釋之，遂亡命江湖。至粵西大黃江，晤楊秀清，傾談甚暱，入夥造逆，初封天德浸師，旋封爲天德王，自金田至永安皆與洪逆（秀全）俱。大全教行仁義，所過之處，擄七留三，所陷官紳，概予世襲，密付鐵券，代守疆土，不變衣冠，但取歸心助力而已。但得一省，各處可傳檄而定。楊秀清既忌其才，又惡其說，遂囚之。永安突圍出，大全囚服，項懸鐵鎖，坐竹兜，由小路潛逃，爲今弁總兵官錢（全）玉貴所獲，使相養獻俘京師，磔之。或曰，凡首逆逃竄，皆着囚衣，俾可支吾得脫，大全並未被囚，未知孰是。凡在永安軍中者，皆言大全才識非常，若赦而用之，必可滅賊；或大全果有過人處，非洪楊諸賊比，亦未可知。

此外私人筆記中說及大全事蹟者頗多，然不無增益，要以此篇爲近直而可信。

II. 中西人士之懷疑

但中西記載，對於大全事跡，多致懷疑，西洋方面，如 Callery（加略利）and Yvan, *The Insurrection in China*, (1854) PP. 146—148; Makie, *Libe of Tai—Ping—Wang*, (1857) PP. 194—196;

Meadows, *The Chinese and their Rebellion*, (1856) PP. 240—241 foot-note Fishbourne, *Impressions of China and the Present Revolution*, (1855) PP. 66—68, 74—77; Brine, *Taiping Rebellion in China*, (1862) PP. 139—138。總其要點如下：(1) 天德即洪秀全，永安突圍之後，秀全固仍健在，是洪大全乃天德之假託；(2) 洪大全供狀頗有矛盾，既云彼之被擁為天德與秀全平行非出己願，又謂擬推翻秀全取而代之（按此點實不矛盾）；(3) 太平天国文件及其當局者之談話，絕無提及天德王洪大全者，且有予以否認者。

Hail, "Tseng Kuo-fan and the Taiping Rebellion", PP. 60—68, 另有一種解釋，承認供狀之可信，謂大全秀全為太平軍之對等領袖，大全地位或更較秀全為高。大全本不姓洪，原姓應為朱，或即朱九濤。大全為政治領袖，秀全為宗教領袖；大全主復明，與三合會主張一致，為秀全及楊蕭所不容，因而被擒。

在中國方面，當洪大全尙未解抵至京之時，給事中陳壇即奏言大全並非著名渠魁：

“再廣西拏獲賊匪偽軍師洪大全，……檻送來京，計四月內可到。……聞洪大全不過供賊騙策，並非著名渠魁，從前查奏逆首姓名，亦並無此人（按周天爵奏摺中曾提及大全，見下）。嗣因賊衆竄

出永安，於無可如何之時，不得不張皇裝點，藉壯國威，並以稍掩已過。臣愚以爲京師之耳目易掩，而天下之耳目難欺。……應請特降諭旨，將洪大全不值解京明白宣示，飭令沿途督撫，無論該犯行抵何處，卽行就地正法（《皇朝經世文統編，卷三七，奏陳時事艱難疏》）。

因有此奏，咸豐二年三月二十九日上諭遂亦認大全“係從賊夥黨，原非首要之匪”。

光緒三十年“近世中國秘史”第二編捫蝨談虎客（韓孔厂或云爲梁啓超）於“金壺七墨”洪大全傳按語中進而根本否認‘洪大全’其人：

“以吾所聞於故老，實無洪大全其人；卽有亦不過一極尋常流輩。吾考之羣籍，洪秀全曾自稱天德王（原註：此說亦非確），初起時有將名洪天德（原註：見王氏甕牖餘談），卻無洪大全封天德王之事。說者謂洪氏初起，氣勢銳甚，官軍莫敢攖其鋒。賽尙阿督師久，懼譴責，乃捏造此人以欺朝廷。後世秉筆者多不察，展轉鈔錄，幾成故實。中國歷史之多誣，卽此一端可見（頁一五四—一五五）。

民國十一年梁啓超先生於“中國歷史研究法”中亦認洪大全名爲“捏造”：

“有事蹟純屬虛構，然已公然取得‘第一等史料’之資格，幾令後人無從反證者。例如前清洪楊之

役，有所謂賊中謀主洪大全者，據云當發難時，被廣西疆吏擒殺。然吾儕乃甚疑此人爲子虛烏有，恐是疆吏冒功，影射洪秀全之名以捏造耳。雖然，已形諸章奏，登諸實錄，吾儕欲求一完而強之反證，乃極不易得。茲事在今日，不已儼然成爲史實耶？（第五章，頁一四五—一四六）。

此問題應就兩方面來看，其一，洪大全是否果有其人？其二，如有其人，其與太平天國之關係若何？曾否稱天德王？

III. 洪大全有無其人

關於有無洪大全其人問題，應先確定‘洪大全’三字是否爲賽尙阿，鄒鳴鶴所捏造杜撰。

洪秀全（泉）姓名之見於政府文報，實較洪大全爲早。一八五一年五月十日（咸豐元年四月初十日）北京得廣西巡撫周天爵單銜奏摺，略云：

“臣觀現在賊情形勢，惟韋政，洪大泉，馮雲山，楊秀青，胡以洸，曾三秀頭目數十人，而洪大泉，馮雲山爲之最”（“方略”，卷四，頁八）。

此爲‘洪大泉’即洪大全三字見於文件之最早記載，而是年一月二十一日（道光三十年十二月二十日）欽差大臣李星沅，巡撫勞崇光，提督向榮之會銜奏摺，則已有“金田村賊首韋正，洪秀全等私結尙弟（上帝）會”語（李文恭公奏議卷二一）。周奏在後，對於最著之‘賊首’洪秀全似無不知之理。其

摺中‘大全’應爲‘秀全’之誤，所以致此誤者，以其到廣西較遲，此摺係單銜拜發，訪聞容未正確。韋正爲桂平鉅富大族，雲山爲上帝會首要智囊，而秀全則太平天國之天王，全軍之主宰，三人知者最多，故李奏單提韋正，秀全，周摺獨稱雲山，秀全爲最。

又 Meadows（密迪樂）書中引天爵致湖北巡撫書謂‘洪全’最著，“武宣縣志引作‘洪秀全’，均無所謂‘大全’。即官方文件，截至永安突圍之日爲止，亦尙未見另有提及大全者。設如此解釋，似周摺中之洪大全即洪秀全之誤。但問題尙不能即如此決定。

一八五六年二月十五日（咸豐六年正月初十日），湘軍王鑫等克復湖南江華，擊敗廣西之昇平天國鎮南王朱洪英，擒其軍師焦玉品（即焦三），女大元帥許月桂，及仁義堂首要多人，湖南巡撫駱秉章奏云：

“據衡永郴桂道轉據嘉禾縣稟解自行投案之首逆焦三，即焦玉品，女賊許氏，即許月桂，到省，當即飭臬司提訊，據焦三供，即咸豐二年廣西陣擒首逆洪大全之弟，許氏即洪大全之妻。臣查焦三一犯，即臣上年所奏土匪頭目之興寧縣焦姓，許月桂即前摺內所指郴州女賊許氏。其是否逆首洪大全之弟與妻，固無從查詰，當廣東賊陷郴州時（按指

1855年天地會何祿事），該犯等乘機倡亂，聚衆數千，許氏自稱大元帥，焦三充當三省賊營軍師”（駱文忠奏稿，卷四，頁三四）。

焦三所供雖云無從查詰，要當可信，以其無冒充洪大全親屬之必要也。同年十一月五日（咸豐六年十月初八日）安徽巡撫福濟等奏亦有云：

“桐城孫家畝小街，有長髮賊首，聚衆結盟，在廬江大小礬山各處滋擾。知會參將滕仲武……擒獲僞大將軍段立綱一名，解赴巢營。據供與楊秀青，洪秀泉，洪大泉結爲死黨，歷破城池”（剿平粵匪方略，卷一六三，頁一八）。

督辦安徽軍務之袁甲三某次奏報，亦曾說及皖北所獲某匪首，供認隨大全在廣西起事。

明心道人“髮逆初記”，雖謬誤頗多，其記洪大全事又迷離恍惚，然有一部分尙屬可信，以作者曾追隨賽尙阿，爲其所躬親見聞。中有云：

“〔韋正〕以爲有數萬之衆，何事不成，馮雲山遂薦焦大爲謀。焦大者，湖南新寧縣人也，質本聰穎，一目數行，好論兵法，以諸葛自居，盜名曰亮，每於朔望，伺地方官謁廟，呈戰策而希拔擢，邑宰以其爲不安本分，考試屢不取列，是以至廣西桂平縣貿易也。渠曾遇妖人，給一竹筩，筩內有木匣一個，四十九日後，如事值疑難，詢能決答。焦亮近在縣城，邀之卽至。韋長（昌）輝爲逆首，以馮雲山

爲僞左軍師，焦亮爲僞右軍師，發石達開家資造軍器。……焦亮恐後來敗露，改姓爲洪，影射洪武後裔，以冀人心搖動，更名秀全，進退戰守，悉決於渠，渠再有疑，復決之竹筊。……密與竹筊約。呼之爲天父。教中賊詢知爲天誅（主）耶穌之父，名耶火華。而天父獨能與洪秀全問答，想必天命在渠，衆心日益歸向，韋長輝亦信爲真，遂甘遜讓，洪秀全卽僞爲天德王。其長壻楊秀清素不安分，僞爲東王，其次壻蕭朝濱係一蠢物，僞爲西王……。

“〔咸豐〕二年春，賊糧迨盡，不可久踞，兩路不敢衝突，〔永安〕城東里許，有一水道，名古蘇沖，乘夜由此入山。北路各軍追擊，路塞積尸，行不十里而至大峒，有湖南鎮軍標官軍，見一少艾，趨欲挽之，婦正色而指曰，‘你不擊楊秀清（原註：楊秀清自此而誤，此婦滿腔怨恨，乃係被脅良民。惟言出倉猝，實洪秀全也），要我做什麼’？遂捨婦，追殺驕夫而擒此逆。南路統領都統烏蘭泰……飛報賽帥云，伊戈什哈全玉貴生擒逆目楊秀清。……全玉貴解擒逆至帥營，問其是楊秀清麼？答曰，‘楊秀清是我臣崽’。又問，‘你是何人’？曰，‘我是天德王’。卽擊掌曰，‘這就是洪秀全矣’。逆見合營甚是欣駭，卽狡曰，‘我非洪秀全’。更欺詐云：‘洪秀全是我兄弟，我名洪大全，我好飲，弟好色，我昔屈膝，弟則不能，我項上縛有鐵索，弟

兄不睦可知’。堅不吐實，未便刑訊。復思兔脫云：‘現在弟已無路可逃，如令我去招其投順，必能聽從’。聞此，欣以爲五奏膚功，令其作書數函，擬縛箭桿射入賊中，以冀受降。道人聞之轉陳曰：‘知己知彼，百戰百勝，今四鎮陣亡，衆軍畏罪逃散，方虞去而復返，何堪引虎出山。此逆供係僞天德王，以楊秀清爲臣嶽，其爲逆首洪秀全無疑，如置營中，非所宜也’。賽帥於次晨解逆入都，竟寢招降之議，奏報擒獲逆兄洪大全。……節經細審賊內，並無洪大全其名，從此亦無洪秀全其人，卽傳令僞稱，均改‘東王有令’，不聞‘天王有令’矣”。

“先是，洪大全解至長沙，新寧縣典史周穎初（原註：此係其號，未憶其名）問之曰：‘汝是焦亮也’？答云：‘我如今改名了’。有此數證，可知洪大全係洪秀全之假名，焦亮係洪秀全之真名，當無疑義矣（頁一——一二）。

書中之最大錯處，在誤認洪秀全與焦亮爲一人，洪大全爲其被擒後捏供之姓名，並謂此後卽無秀全其人，其他小誤尙多。惟洪大全本姓焦，又得一證，且可知其名爲亮。

就上所引徵，當可證明洪大全之非子虛烏有，周天爵摺中之洪大泉（全）並非洪秀全之誤，實另爲一人。

說者或謂“賊情彙纂”成書之後（時在咸豐五年），關於洪大全之傳說已頗流行，駱秉章，福濟，袁甲三等或不無受其暗示之處，按此說似太牽強，設果如是，必須承認秉章等之有心作偽，且須說出其作偽之必要。茲且捨此不論，試再一考“彙纂”中之洪大全傳是否可信。據傳後附註，“籍貫狀貌素行，皆聶士澄說”，“狂悖語言，駱永忠說”，“在廣西情形，李案，羅鳳池，覃瀚元說”。又據“采訪姓氏”，聶士澄為“湖南衡山縣諸生，常南陵中丞戚屬”；駱永忠“廣東行伍，副將，自粵至鄂皆在事，曉暢機宜，所知賊情最詳實”；李案“浙江廩生，游幕廣西多年，壬子九月至湖北，於諸逆里居來歷及初起賊情，言之最詳”；羅鳳池“廣西廩生，帶勇，屢立戰功，周文忠（天爵）奏保以知縣用選，授湖南清泉縣，引見，改發湖北，知粵事甚詳”；覃瀚元“廣西潯州諸生，以軍功選授湖北黃岡縣丞”。此五人所述，雖不能認為全部可信，必有一部可信，最低限度，當時之有洪大全其人，此人之與太平軍有若干關係，則應為事實。

沈懋良身居南京十一年（1853—1864），其“江南春夢庵筆記”中有云：“洪逆鑄石碑一，上橫四大字，曰‘天堂路通’，下列小字，曰‘東王楊秀清，西王蕭朝貴，……英王陳玉成，愨王洪大全，元王曹天秀’，蓋伏誅諸賊也”。是太平軍中亦承認

有洪大全其人，其‘愍王’大約係後來追贈，以天德為天地會稱號，故予改封。洪大全之確有其人，又得一證。

IV. 洪大全與太平天國之關係

考證洪大全事蹟之最重要材料，自為其供狀。吾人今日所見者，一為中文節要，一為英文翻譯（Callery and Yvan 與 Brine 等書中所錄譯文，稍有出入，大約前者比較正確）。在此兩種不同之供狀中，稍加留意，可發見不少破綻。中文節要係咸豐二年四月二十六日軍機大臣刑部審訊後之會奏：

“緣洪大泉籍隸廣東南海縣，自幼跟隨胞叔洪雲秀在湖南衡陽縣讀書，旋披雉為僧，閱看兵書，潛蓄異志。咸豐元年二月間，洪大泉前往廣東一帶地方開蕩，與洪秀泉夥黨胡以洗會遇，胡以洗引至賊營，與洪秀泉見面，彼此投契，結拜兄弟。維時洪秀泉夥黨有馮雲山，韋正（即韋焜輝）蕭潮潰，楊秀青，石達開，秦日溫，賴漢英，曾四，朱錫琨，曾玉秀，羅大綱，即羅亞旺，並胡以洗等，藉添弟（天地）會名目，裹脅賊匪，到處搶掠財物，屢與官兵打仗，俱係洪大泉主謀。洪大泉又自領賊匪，與官兵打仗三次。洪秀泉僭稱為偽太平王，封洪大泉為偽添（天）德王”。（“方略”，卷十二，頁三九一—四一）。

據此，大全之正式加入太平軍時爲咸豐元年二月，卽一八五一年三四月間，李星沅等奏之不及大全，應無足怪。但尚有須注意者，胡以晃（洸）爲上帝會中重要人物，據李秀成供狀及“平南縣志”記載，直接間接，均證明太平軍發動之時及其後，以晃實在平南桂平一帶，大全何得於廣東與之會遇？更何能一見秀全卽取得信任，而受‘天德王’之封號？其次，添弟會，卽天地會，乃三合會之別名，秀全等之組織則爲上帝會，二者實不容相混。其三，在咸豐元年二月以前，洪楊已“屢興官兵打仗”，且屢次得勝，與洪大泉主謀與否，並無關係。其四，所謂“胞叔洪雲秀”，似係折湊“洪秀全馮雲山”兩名而拼成，未必實有其人，英譯供狀中固明言原不姓洪也。是此短短二百字之節要中，必有一部分爲洪大全或承審大臣等之杜撰或增改，不全係事實。

英譯供狀，當係據原文轉成，其大意云：彼爲衡州衡山人，年三十歲。幼年屢試不售，削髮爲僧，留心地理，潛研兵書，陰圖大事。數年前曾到廣東花縣，識洪秀全馮雲山。秀全亦爲失意士子，創立三合會（天地會），結合兩粵游民。復學得妖術，造成天父天兄及耶穌下凡之說，以愚會衆。一八五〇年十二月，大全赴廣西，時秀全勢大張，平南之韋正，廣東之蕭朝貴，楊秀清均在內，卽於此時改稱上

帝會。秀全呼大全爲兄弟，號爲天德王，自稱太平王，楊爲正軍師東王，蕭爲正軍師西王，馮雲山爲南王，韋正爲北王（Brine 書所錄，誤馮爲北王，而遺漏韋政），石達開爲右翼王，秦日昌爲左翼王。大全稱秀全爲兄，秀全以下則均以“陛下（萬歲）稱大全秀全，一八五一年八月二十七日（誤）韋正敗清兵，占永安。大全與秀全意見頗不相合，對於多封王爵，及其宗教措施，尤不謂然。甚望其敗沒，以便自己成事。是時東王楊秀清統兵，韋正實任攻戰，最爲勇敢。秀清並製有曆書，無閏月。後以永安城內接濟斷絕，決定突圍，謀入廣東。四月七日，分三隊出動，韋正率六千人爲前隊，楊秀清，馮雲山及洪秀全率五六千人爲二隊，大全，蕭朝貴率千餘人爲後隊，朝貴不聽號令，爲清軍所敗，殺死千餘，大全被擒。大全原不姓洪，及與秀全結爲兄弟後，始改爲洪大全。

以譯文與節略比較，前者實與事實爲近，然亦有其破綻與可疑之點。吾人正可據此一考大全與太平天國之關係。第一，三合會或天地會實成立於康熙年間，並非秀全所創立。第二，天父天兄下凡爲楊秀清，蕭朝貴二人所假託，並非洪馮所造成，且天兄卽耶穌，不當分作兩人。凡此均稍明太平天國宗教者所當知。第三，韋正爲桂平金田人，非平南人；楊亦桂平人，蕭爲武宣人，均非廣東人（楊爲自嘉

應州遷來之客家，尙可稱爲廣東人）。第四，上帝會並非一八五〇年十二月所改稱，最少在一八四七年十二月時當已成立（參看 1847,12,28—1848,1,17 記事）。第五，永安封王，石達開實爲翼王，並非右翼王；秦日昌（綱）當時尙未獲王號，其官銜應爲天官丞相，無所謂左翼王。第六，供詞盛稱韋正勇敢善戰，亦非事實。太平軍中領袖，初以蕭朝貴爲最猛悍，“勇敢剛強，衝鋒第一”，攻破永安，被爲首功（見李秀成供狀）。韋正係監生出身，“陰柔奸險，……富甲一邑（賊情彙纂卷一），“出入衙門，……見機靈變（李供），似非勇猛善戰之人（如 1856,8,3 江西瑞州之敗）。1856,8,15 天王詔令蕭石開通前路，而以韋馮押後，並非無因。

除此之外（天德王問題另論），其餘則大都可信。是大全確與太平軍有若干關係，但並不深切，故於太平天國史事情況，不能作完全無誤之敘述，僅能約舉其大致。

然則大全究爲何如人耶？就其自稱天德王論之，應係天地會中人，而附和太平軍者；就其供狀節略及英譯原文中關於天地（添弟）會之敘述論之，其對該會情形，並不甚明瞭。但據上引湖南巡撫駱秉章奏，昇平天國鎮南王朱洪英爲天地會首要，焦三係共同黨，一八五五年湘粵桂天地會大起之時，曾奉

“三省賊營軍師”，其爲天地會黨，應無庸疑。而焦三固自認爲大全弟，大全縱非天地會黨，與該會必有相當關係。“賊情彙纂”卷十一，“老賊”有云：

“馮雲山洪大全皆通文義，始爲村塾師及操刀筆唆訟，作奸犯科，無所不至，賊中目爲才子，其讚美咒語，傳習添弟（天地）會一切奸謀僞則，二人之力爲多”。

此說頗有幾分可信，雲山大全蓋均工於計謀之人，雲山廣東人，大全亦曾遊廣東（湘南天地會黨亦頗多），於天地會性質內幕，當有所知，不過大全認識或不十分正確耳。其本來姓名爲焦亮，加入上帝會後始改爲洪大全。

就其供狀看來，大全應爲一具有野心之狂士，證以上引“賊情彙纂”傳文，愈覺可信。幼年卽潛蓄異志，思得天下，詆諆時政，譏刺官吏。道光末年，粵西亂起，認爲有機可乘，遂投身洪楊軍中，思因人成事。爲謀爭得領導地位，自須要表出其身分與憑藉，虛挾天地會以自重，買空賣空，一如楊蕭之假託天父天兄下凡。前曾指出洪秀全馮雲山等初時或會利用“天德”名號，冀取得天地會黨之贊助（參看 1851, 3, 23 條）。但上帝會與天地會終爲兩事，不惟彼此宗教臭味絕異，卽政治主張，亦不完全相同，合作本多困難，秀全等別出心裁，因卽利用此

狂士焦亮爲傀儡，改其名曰洪大全，以示與洪秀全爲兄弟，建其號曰天德王，以示爲天地會之領袖。且是時（1850,12—1851,1）大黃江之天地會黨艇匪大頭羊張釗等降而復叛，洪軍或亦正需要一“天德王”爲之壯聲勢，並維繫未叛者之軍心（其於太平天國曾有相當勳勞，故死後仍能獲王爵之追封）。

但相互利用，只能限於一時。此洪大全原欲借此新興勢力，以成自己大事。以太平天國組織紀律之森嚴，諸領袖之機警精明，決不能容其長久滋蔓寄生。且大全於洪楊等之政教措施，多不謂然，常加批評，一如其幼年家居之譏詆時事官吏。太平天國之制度，多創製於永安，是時大全與洪楊諸人，必有爭執，“彙纂”謂“楊秀清既忌其才，又惡其說，遂囚之”，“髮逆初記”謂弟兄不睦，要爲事實。結果此野心狂士，遂被犧牲。

（民國二十三年五月二日第三次改寫）

V. 洪大全原供

最近天津大公報（九月一日）“圖書副刊”第四十二期有俞大綱先生“論洪大全事蹟”一文，附有“洪大泉口供”原文，據云係在故宮博物院文獻館。以之與 Callery and Yvan 書中所錄譯文，大致相同。茲附錄於下，以供參證：

洪大泉口供，（咸豐二年賽尙阿奏摺附單，三月十七日奉硃批：卽有旨，欽此）。

“據洪大泉供；我是湖南衡州府衡山縣人，年三十歲。父母俱故，並無兄弟妻子。自幼讀書作文，屢次應試，考官不識我文字，屈我的才，就當和尚，還俗後又考一次，仍未取進。我心中忿恨，遂飽看兵書，欲圖大事，天下地圖，都在我掌中。當和尚時，在原籍隱居，看兵書不少。古來戰陣兵法，也都留心。三代以下，惟佩服諸葛孔明用兵之法，就想一朝得志，趨步孔明用兵，自謂得天下如反掌。數年前游方到廣東，遂與花縣人洪秀泉馮雲山認識。洪秀泉與我不是同宗，他與馮雲山皆知文墨，屢試不售，也有大志，先曾來往廣東廣西，結拜無賴等，設立天地會名目。馮雲山在廣西拜會，也有好幾年。凡拜會的人，總誘他同心合力，誓共生死。後來愈聚愈多，恐怕人心不固；洪秀全學有妖術，能與鬼說話，遂同馮雲山編出天父天兄及耶穌等項名目，稱爲天兄降凡事，問天父就知趨向，生時就爲坐小天堂，就是被人殺死，也是坐大天堂。藉此煽惑會內之人，故此入會者固結不解，這是數年前的作用，我盡知的。

“我是道光三十年十二月間，等他們的勢子已大，我纔來廣西會洪秀全的。那時他們又勾了平南縣監生韋正即韋昌輝，廣東人蕭朝潰楊秀清等，到處造反，搶掠財物，抗官打仗。拜會的人，有身家田產，妻室兒女，都許多從他。遂得錢財用度，招

兵買馬，膽智越大，又將會改爲“上帝會”。

“我來到廣西，洪秀泉就叫爲賢弟，尊我爲天德王，一切用兵之法，請教於我。他自稱爲太平王，楊秀清爲左輔正軍師東王，蕭朝潰爲右弼又正軍師西王，馮雲山爲前導副軍師南王，韋正卽韋昌輝爲後護又〔副〕軍師北王。又設立丞相名目，如石達開稱爲天官丞相右翼王，秦日昌稱爲地官丞相左翼公，又封胡以沈賴漢英曾四爲侍衛將軍，朱錫珉爲監軍，又有曾玉秀爲前部正先鋒，羅大剛卽羅亞旺爲前部副先鋒，此外又有旅帥卒長等名目，姓名記憶不清；旅帥每人管五百人，卒長每人管百人或數十人不等。打仗退後卽斬，旅長卒長都要責打，打勝的升賞，歷次被官兵打死者亦不少。我叫洪秀泉爲大哥，其餘所有手下的人，皆稱我同洪秀泉爲萬歲，我叫馮雲山等皆呼名字。

“去年閏八月初一日攻破永安州城。先是韋正同各將軍先鋒旅帥帶人去打仗，殺死官兵。我同洪秀泉於初七日坐轎進城的。止有我兩人住在衙門正屋，稱爲朝門，其餘的人皆不得在裏頭住的。歷次打仗，有時洪秀泉出主意，多有請教我的。我心內不以洪秀泉爲是，常說區區一點地方，不算什麼，那有許多稱王的；且他仗妖術惑人，那能成爲大事。我暗地存心，藉他猖獗勢子，將來地方多了，我就成我大事。他眼前不疑心我，因我不以王位自居，

都叫人不必稱我萬歲，我自居先生之位。其實我的志願，安邦定土，比他高多了。他的妖術行爲，古來從無成事的。且洪秀泉耽於女色，有三十六個女人，我要聽其自敗，那時就是我的天下了。

“那東王楊秀清統掌兵權，一切調遣，是交給他管。那韋正督軍打仗，善能谷(合)戰，是他最勇，常說他帶一千人，就有一萬官兵也不怕。在永安州這幾個月，城內就稱爲天朝，諸臣隨時奏事。編有曆書，是楊秀清造的，不用閏法，我甚不以爲然。近因四路接濟不通，米糧火藥也不足用，官兵圍攻，天天大礮打進城內，衙門房屋及外間各處，都被礮子打爛，不能安居。因想起從前廣東會內人不少，梧州會內人也不少，就起心竄逃。二月十六日，是我們的曆書三月初一的日子，就發令逃走。是三起走的，頭起於二更時韋正帶二千多人先行。二起是三更時候，楊秀清馮雲山等共約五六千人，擁護洪秀泉其他的婦女三十多人，轎馬都有。第三起是我同蕭朝潰帶有一千多人，五更時走的。我離洪秀泉相去十里路遠，被官兵追上，蕭朝潰不聽我令，被打敗殺死千餘人，將我拏住了。我們原想由古東去昭平梧州，逃上廣東的。出城時各人帶有幾天乾糧，如今想是各處搶掠，纔有用的吃的了。那脫走的時候，東礮臺火起，是燒的住房，都是衆兄弟主意，在城外着火，城內便好衝出。

“至我的本姓，實不是姓洪，因與洪秀泉認爲兄弟，就改爲洪大泉的。洪秀泉穿的是黃綢衣黃風帽，那東西南北王戴的是黃鑲邊紅風帽，其餘丞相將軍軍帥軍（卒）長等，每逢打仗，都穿黃戰裙，執的是黃旗。我在州衙門內，也有黃袍黃風帽，因我不自居王位，故不穿戴。

“所供是實”。

俞先生此文，在證明洪大全實有其人，“興秀全駢比而王”但其“本非洪楊舊黨，號稱王位，實等虛設”。據供狀看來，所論均是。惟謂“天德年號，當屬之洪大全”，則尙不能如此肯定。天德爲天地（三合）會稱號，洪秀全雖以天德王尊大全，而大全則並非該會之真正領袖。又謂秀全之所以寵尊大全，“想大全亦有實力之憑藉耳。今者以史料之集證，依常識之判斷，則大全之所憑藉者，當爲三合會之黨徒，與署天德年號之會匪，實二而一者也。何以言之，署天德年號之詔諭，僅一見於最短時間，太平軍興起後絕不再見，此所以使人誤認天德年號爲太平天國之前身，然其實則兩者並而爲一耳”。此說亦不全是。大全與天地會並無深切關係，何能憑藉其實力？不過虛假之以自重耳。所謂向上帝會出賣天地會者是。至於署天德年號之詔諭，太平軍興起後仍不時見，一八五一至一八五四年間廣東，湖北，江南，福建之天地會黨，仍皆以

天德紀年，謂其與太平天國並而爲一，實非事實。又云洪楊於入永安以前，“黨派之見，必不甚嚴，其於異黨，兼收並納，意中事耳。此說亦須補正。永安占領以前，天地會黨徒投入太平軍中者雖有人，與之爲敵者亦不少，大頭羊張釗等其著者也。據韓山明 (Hambery) 書，張釗等之來而復去，即由於洪楊之黨紀太嚴，對於異黨，不肯隨便收納耳。

(二十三年九月五日)

民國二十四年七月出版之“太平天國詔諭”蕭一山先生之“漢大明統兵大元帥黃告示跋語”中論天德王與洪大全事與俞先生所見略同，惟論列尤爲詳盡，頗值參考。

(二十四年十二月七日)

VI. 羅爾綱“洪大泉考”

“社會科學 第一卷第三期(民國二十五年四月清華大學出版)有羅爾綱先生“洪大泉考”，全文長約兩萬言，第一節論“所謂洪大泉及世人對洪大泉案的態度”，第二節論“洪大泉供狀及其供狀與軍機大臣刑部會奏的對勘，所謂“會奏，即上引之“節要”，羅君詳細指出兩者之不符諸點，大致與吾人所見相同，惟其所說之不符原因(軍機大臣等爲賽尙阿掩飾彌縫)，則尙不敢遽信。第三節“供狀考僞”，共七條，一二三條與吾人意見亦一致，第四條謂天德王名號爲賽尙阿捏造，其後軍機大臣刑部會奏，

改天德爲添德，以示無違於太平天國宗教信條。按天德名號早即存在，不得謂爲捏造，至云太平天國宗教信條，北京之軍機大臣等之所知，恐不能及身在廣西之賽尙阿等之正確，會奏之改天爲添，完全爲鄙夷賊匪之心理，一如稱蕭朝貴之爲蕭朝潰，蘇天福之爲蘇添福，張洛行之爲張落刑。第五條論不當稱秀全爲“大哥”，甚是。第六條論造曆人爲馮雲山，亦是，但以之歸諸楊秀清，亦無不可。天曆創行於永安（參看拙著“太平天國曆法考訂”），由秀清領銜奏上，大全與太平軍關係不深，對於製曆歷史，所知自不詳盡。第七條論發令破圍月日，謂“洪秀全下破圍詔令的日子，乃在破圍前兩天，即太平新曆壬子二年二月三十日，而不是三月初一日。這篇詔令收在‘天命詔旨書’內”。永安破圍在陰曆二月十六日，依吾人考訂，天曆三月初一日爲當陰曆二月十五日，（參看“太平天國曆法考訂”），天王詔令在破圍前一日發布。此詔令與“天命詔旨書”之天曆二月三十日所頒下者應爲兩事，不能因原文未見，即認烏有（如認爲一事，則係破圍前二日發布）。第四節“論賽尙阿捏造人（天德王洪大泉）證（供狀）的根據”，一爲俘獲文件，二爲獲犯供詞，三爲偵探消息。按賽尙阿之獲得有太平文件，及偵探消息，自係事實，但其所獲得者究竟爲何種文件消息，其與供狀之關係若何，

均尙待確定。如供狀眞係賽尙阿僞造，比較上長白清供單應係其主要根據。如此則必須先假定供單在供狀之先，且事前賽尙阿曾見過此單。羅先生考證，供單確係咸豐二年正月供出。據“粵匪雜錄”此單附於“天德二年正月日示”之後。又據 Callery and Yvan 書（頁七六一七八），天德二年正月相當於咸豐元年正月，即一八五一年二月（參看 1851, 7, 23 註），但是時楊蕭等尙均未封王，長白清何能供出。退一步言，即今天德二年正月，相當於咸豐二年正月，長白清之被捕不必適在是月，亦許係在永安突圍之後。至賽尙阿之是否見過此單，更無從揣擬。抑又有進者，吾人與其認供狀以供單爲根據，尙不如疑供單之出自供狀，供狀述洪楊等官爵較詳，供單轉述時已刪節。供單因係轉述，故倫敦博物院本與“粵匪雜錄”本互有出入。但此終不過爲一種懸端耳（“粵匪雜錄”本所列各人職銜，較倫敦博物院本爲正確，大約前者較後者爲晚出。但前者實較後者與供狀爲相近）。

4,8(二,一九)太平軍以情勢緊逼，合力死戰，大敗廣西提督向榮，廣州副都統烏蘭泰於昭平山中，殺天津鎮總兵長瑞，涼州鎮總兵長壽，河北鎮總兵董光甲，

四鎮敗死

鄖陽鎮總兵邵鶴齡，副將成林，田學韜，游擊王瑞，知州林光謙，守備丁廷仙，羅錦川，楊燾等，斃清軍四五百人。東王楊秀清即傳令不行昭平平樂，改由小路過牛角，瑤山，出馬嶺，上六塘，高田，直趨桂林（向榮還收州城，觸地雷，亦有死傷）。

4,16（二，二七） 太平軍進至臨桂六塘，巡撫鄒鳴鶴等固守省城。

4,18（二，二九） 太平軍自臨桂六塘地方到桂林城下（時太平軍約二三千人），夾灕江而營，攻南門西門，並於東南文昌門外象鼻山上架礮轟擊。提督向榮繞道先一時到桂林城內，會同巡撫鄒鳴鶴，臬司吳鼎昌，在籍官紳龍啓瑞，朱琦等力守（約三千人。或誤爲5,13）。

4,19（三，一） 副都統烏爾泰攻桂林象鼻山，與太平軍戰於南門外將軍橋，挫敗，中礮子傷（即由良豐六塘回陽朔醫治）。

4,22（三，四） 向榮部參將瞿騰龍，守備米興朝等以

大礮擊退桂林近城之太平軍。

賽尙阿自永安移營荔浦。

4,25 (三,七) 太平軍力攻桂林北門南門, 向榮等拒之。

4, 天王洪秀全族弟洪仁玕避至香港, 識西洋教士韓山明 (一作咸北, 即 Theodore aHmberg), 爲述洪秀全事跡, 並給予關於秀全之文件多種。

洪仁玕與韓山明

(註) 韓山明爲瑞典人, 屬 Basle 福音會, 一八四七年到香港, 加入郭士立 (Charese Gützlaff) 之布道會, 傳教粵東。據云, 洪仁即洪仁玕於一八五二年四月前來, 旋回內地, 一八五三年十一月又來。一八五四年春間 (大約在三四月間), 韓山明予以資助, 並贈以舊約, 新約, 初學篇, 曆書, 地圖, 千里鏡, 寒暑表, 指南針等, 北赴上海, 擬入南京, 不果, 是年冬, 復返香港, 而韓山明已於五月十四日病卒。仁玕即入倫敦布道會, 任宣教師至一八五八年。先是, 韓山明根據仁玕口述及其所留與之文件, 編成 “The Visions of Hung-Siu-Tshuen, and Origin of the Kwang-Si Insurrection” (簡又文先生譯名 “太平天國起義記”) 小冊, 爲研究洪秀全早年歷史之主要參考書。

新近獲見洪仁玕供辭, 其自述其早年事跡云:

1852 (咸豐二年)

“現年四十三歲（一八二二），廣東花縣人。自幼讀書，至二十八歲（一八四九——一八五〇），經考五科不售。習經史天文曆數，遍遊各洋避禍，實因我主天王庚戌金田起義，各憲嚴查，不能家居也。辛亥年（一八五一）遊廣西，到潯州圩，寓於古城侯姓之家四十餘日，不能追隨我主天王，不遇而回。癸丑（一八五三）遊香港，授書夷牧。甲寅（一八五四）由上海洋人不肯送予進南京，其上海城內紅兵不信予爲天王之弟，乃在夷館學習天文曆書。是冬回香港，仍習天文，授教夷牧。坐大輪船四日到港，吟詩一律。……一連四年在香港”（“逸經”第二十期）。

一八五一年（辛亥）仁玕之到潯州，大約在九月前後，彼時天王正進向永安，或已占領永安，故仁玕“不能追隨”。至其回遊香港，謂在一八五三年（癸丑），較韓山明所記遲後一年。兩相比較，應以韓記爲可信，以韓記成於一八五四年，時間相去不久，記憶不易致誤，洪供成於一八六四年，追述難免混淆（供辭中年月不正確者此外尙有一二處，參看一八五九年四月二十二日註）。否則所謂“癸丑遊香港”，當係指一八五三年十一月二次前來。供辭中所謂“上海城內紅兵”云云，係指天地會黨劉麗川等，仁玕與之當有若干接洽。又仁玕之具有相當西洋知識，亦可於供辭內知之。但其並未到過西

洋，所謂“遍遊各洋”，實不過香港上海等地耳。

4,28 (三,一〇) 永安突圍奏報到京，命兩廣總督徐廣縉，湖廣總督程喬采等嚴加防堵。

4,29 (三,一一) 欽差大臣賽尙阿交部議處。

5,1 (三,一三) 以桂林被圍，烏蘭泰向榮交部嚴加議處。並令前任湖南提督余萬清馳往廣西迎擊。

5,2 (三,一四) 湖南彬州天地會黨劉代偉亂，劫州城，戕知州胡禮箴，據油窄墟(尋平)。

5,4 (三,一六) 都司額勒和泰，守備馬占魁等戰死於桂林。

5,6 (三,一八) 命兩廣總督徐廣縉迅即督帶兵勇，前赴桂林。

5,7 (三,一九) 欽差大臣大學士賽尙阿降四級留任，烏蘭泰，向榮革職留任。

道員張敬修潮勇敗太平軍於桂林福山脚(時城內外兵勇二萬餘人，太平軍約五六千人)。

5,8 (三,二〇) 幫辦廣西軍務廣州副都統烏蘭泰因傷卒於廣西陽朔。

烏蘭泰卒

5,9 (三,二一) 清廷下詔求直言(工部侍郎呂賢基奏，粵匪，河工，度支，漕運，事事可危，請詔求直言，集思廣益，以期挽回補救)。

5,12 (三,二四) 廣東官軍進攻信宜東墟，爲上帝會凌十八所敗，游擊一人陣亡。

- 5,15 (三,二七) 太平軍以雲梯呂公車猛攻桂林，不下。
- 5,17 (三,二九) 下詔罪己，並諭廣西紳民敵愾同仇，革心悔悟。
- 總兵秦定三，侍衛開隆阿，知縣江忠源敗太平軍於桂林貓兒墟，福隆橋。
- 5,19 (四,一) 夜太平軍自桂林象鼻山渡河，進向興安全州（清軍恐其南竄，派兵防堵平樂一帶，另派劉長清余萬清督兵七千追擊）。
- 5,20 (四,二) 太平軍前隊（大約係蕭朝貴，馮雲山，石達開，羅大綱）到海陽平。
- 廣西布政使勞崇光部守備張國樑到桂林附近。
- 5,21 (四,三) 太平軍撤桂林圍，盡裹居民，水陸北去（向榮稱病留省）。
- 5,22 (四,四) 太平軍破廣西興安，知縣商昌棄城走。
- 5,24 (四,六) 命兩廣總督徐廣縉赴廣西，會同欽差大臣賽尙阿督辦軍務。並令選四川及雲貴兵各二千名備調。
- 5,25 (四,七) 太平軍攻廣西全州。提督劉長清，余萬清屯城外數十里，不敢進。
- 5,26 (四,八) 賽尙阿自陽朔到桂林（賽以布政使勞崇光，綏靖鎮總兵和春爲翼長）。

撤桂林圍

5,31 (四,一三)命福建選兵三千名,候廣西廣東咨調。

6,3 (四,一六)太平軍以地雷轟炸全州城牆,占領州城,知州曹燮培,瑞麟,參將楊映河,都司武昌顯,游擊余連升等均死之(或云太平軍初所陷如大湟江,太平墟,永安州,全州均有所取意)。

破全州

6,5 (四,一八)太平軍退出全州北進,得船二百餘隻。

武昌發見“總理軍機鎮守湖北地方大司寇郭”之揭示,年號天德。

(註)此揭示與 Callery and Yvan 之“History of the Insurrection in China”, PP. 217—219, 所載郭某在湖北所發者,當係一事。揭示內,勸諭士民歸從天德皇帝,富者輸財,貧者助力,並懸賞購誅官吏。下署“前明太平元年三月初六日”。該書註謂即一八五二年四月二十三日(二十四日)。此“前明太平元年”,當非洪楊等之太平天國元年。天德為三合會所奉元首,此郭某或係三合會黨,而欲與洪楊等合作,而又不明了其究為太平天國幾年,故有此混雜錯亂之署稱,似係有意利用機會(按此揭帖原文,近見於“逸經”第二十三期,頁一一)。

湖北天地會揭帖

6,7 (四,二〇)天地會水寇(艇匪)任文炳自廣西梧州攻平南縣。

6,8 (四,二一)太平軍進入湖南永州府境(時湖南提督鮑起豹駐府城內)。

6,10 (四,二三) 江忠源督湘勇敗太平軍舟師於永州全州間之蓑衣渡,前導副軍師南王馮雲山中礮陣亡。太平軍即自永州(零陵)折而南趨。提督余萬清走道州。

6,12 (四,二五) 太平軍占領道州,會黨應之。提督余萬清,知州王揆一棄城走衡州。

6,13 (四,二六) 廣西巡撫鄒鳴鶴革職,以布政使勞崇光代之。

6,15 (四,二八) 湖廣總督程喬采自衡州走還長沙(6,21又折回)。

6,19 (五,二) 調四川江西兵各二千赴湖南。

6,21 (五,四) 命湖南巡撫駱秉章來京,調雲南巡撫張亮基爲湖南巡撫,以甘肅布政使黃宗漢爲雲南巡撫。

6,23 (五,六) 總兵和春,常祿,守備張國樑(國

馮雲山陣亡

占領湖南道州

- 樑部約三千人），候補知府江忠源等攻道州。
- 再命四川選兵二千名備調。
- 6,25（五，八）命賽尙阿赴湖南，以前任湖北巡撫羅繞典馳往幫辦軍務。
- 6,27（五，一〇）調浙江巡撫常大淳爲湖北巡撫（原任龔裕藉病奏辭），雲南巡撫黃宗漢爲浙江巡撫，以四川布政使吳振械爲雲南巡撫。
- 6,28（五，一一）命湖北湖南試行堅壁清野。
- 6,29（五，一二）天地會任文炳（艇匪）占領廣西貴縣。
- 7,1（五，一四）調陝西兵二千，河南兵一千，赴湖北防堵。
- 7,6（五，一九）太平軍出道州撲攻總兵和春，知府江忠源營。
- 7,7（五，二〇）天地會任文炳退出廣西貴縣（尋走梧州，卽消滅）。
- 7,10（五，二三）前湖南提督余萬清以不守道州，革職鞫問。
- 7,12（五，二五）欽差大臣賽尙阿自桂林北上。
- 7,中旬（五月杪）武昌城內外發見太平軍揭帖頗多。
- 7,17（六，一）賽尙阿抵湖南永州。
- 廣西貴縣黃東桂，黃阿石占新墟。
- 7,24（六，八）太平軍得土寇引導，自道州分兵占江華，殺知縣劉興桓，焚燬廟宇。

凌十八亂平

7,25 (六,九) 廣東巡撫葉名琛，總兵福興剿平羅定羅鏡墟上帝會黨，斬其首領凌十八。

(註)“信宜縣志”謂事在7,28,此據“方略 卷一五,頁一三一—一四,又據“縣志 云:“是日名琛令各營併攻,內無礮聲,遂入其巢。時凌十八已死,得其屍於井,餘賊不過百人,財物一空,器械已無幾,人多疑之。有謂佛勇(名琛部)得賄,故賊多逸去,而財物亦盡,其信然歟。案凌逆以藍山蠢漢首謀作亂,其黨數千人,竟相從餓死而不變,邪教之惑人,乃至是哉”(卷八,頁一四)。

7,26 (六,一〇) 廣西柳州匪敗官軍,殺知縣李燦。

7,27 (六,一一) 浙江官軍擒獲奉化,鄞縣抗完糧賦之俞能貴等。

總兵和春,秦定三,常祿,同知江忠源等與太平軍戰於道州。

7,28 (六,一二) 曾國藩奉命充江西鄉試正考官。

7,29 (六,一三) 太平軍自湖南江華占永明,總兵劉長清退屯富川。

8,3 (六,一八) 武昌設防堵總局。

8, 湖南瀏陽徵義堂周國虞起事。

8,8 (六, 二三) 太平軍棄湖南永明 (時太平軍中有懷士重遷, 欲由永明灌陽折回廣西, 楊秀清力持不可)。

8,9 (六, 二四) 禮部侍郎曾國藩出北京赴南昌, 便道回湖南湘鄉原籍。

8,10 (六, 二五) 太平軍棄湖南道州東進, 總兵和春, 常祿, 副將鄧紹良, 瞿騰龍追之 (太平軍留道州二月, 整理軍容, 補益卒伍, 增修戰具, 大封有功, 從者愈衆, 總計招得道州, 江華, 永明之衆, 足有二萬之數, 另立道州大旂, 所至爭爲効死, 軍勢大張)。

8,12 (六, 二七) 太平軍經湖南寧遠, 占領嘉禾, 焚官廡, 學宮, 考棚, 祠堂, 寺觀。

8,13 (六, 二八) 太平軍占湖南藍山。

8,14 (六, 二九) 太平軍占桂陽州, 知縣李啓詔死之。

占桂陽州

以福建巡撫王懿德兼署閩浙總督。

8,16 (七, 二) 知府江忠源敗太平軍於桂陽州, 太平軍棄城走。

8,17 (七, 三) 太平軍占領湖南郴州, 會黨應之, 殺知縣孫思侯 (保)。焚學宮, 毀孔子木主 (太平軍在郴州招得二三萬衆, 採煤山夫千餘人, 立土營師帥)。

占領郴州

燬學宮

- 8,19 (七,五) 調福建兵三千赴湖南。
- 8, 廣東仁化匪入湖南郴州, 合太平軍。
- 8,23 (七,九) 湖北巡撫常大淳赴岳州視察 (9,2回武昌)。
- 8,25 (七,一一) 以廣東羅定州羅鏡墟凌十八亂平, 加兩廣總督徐廣縉太子太保, 廣東巡撫葉名琛總督銜。
- 8,26 (七,一二) 右弼又正軍師西王蕭朝貴率指揮 (一作總制) 李開芳 (避石達開諱, 改李來芳), 侍衛林鳳祥等約千人, 自郴州進向長沙, 會黨爲嚮導, 占領永興, 殺知縣溫德宣 (一作8,18)。
- 8,27 (七,一三) 曾國藩到安徽宿州, 晤前廣西巡撫周天爵。
- 8,28 (七,一四) 湖南安仁土匪李光德占領縣城, 響應太平軍 (即平)。
- 8,30 (七,一六) 命各省將軍督撫等保奏謀勇兼裕堪任折衝禦侮之材。
- 8,31 (七,一七) 西王蕭朝貴占湖南安仁 (9,3完全退去)。
- 9,2 (七,一九) 西王蕭朝貴占湖南攸縣 (湘軍記作8,23)。

蕭朝貴進向
長沙

9,3 (七,二〇)西王蕭朝貴占湖南茶陵州(得衆數千)。

占茶陵州

9,7 (七,二四)命徐廣綰赴湖南會剿,以葉名琛署兩廣總督,相貴署廣東巡撫。

西王蕭朝貴占領湖南醴陵(明日即去)。

以成都將軍裕瑞兼署四川總督。

9,8 (七,二五)曾國藩行抵安徽太湖小池驛,得知其母逝世,改假奔喪回湘鄉原籍。

曾國藩奔喪

9,9 (七,二六)命安徽選兵一千,河南選兵二千,預備湖北諮調。

總兵和春,秦定三,知府江忠源等敗太平軍於郴州。

9,11 (七,二八)調任湖南巡撫張亮基自常德赴長沙(因胡林翼之薦,延致湘陰舉人左宗棠)。

前軍主將右弼又正軍師西王蕭朝貴率李開芳林鳳祥等(約三四千人)自湖南醴陵進至長沙石馬鋪,陝西西安鎮總兵福誠,副將伊培立(杰),參將薩保,都司塔勒均敗死。朝貴軍偪南門小西門,據妙高峯。巡撫駱秉章等登陴固守。

圍攻長沙

蕭朝貴在長沙南門受礮傷,李開芳具稟回郴州(朝貴尋以傷卒,時約在十月,即中曆

蕭朝貴之死

八月二十左右)。

(註)咸豐二年九月十一日張亮基奏：“臣等訊據生擒賊匪供稱，僞西王於〔八月〕二十二日出探地勢，被我兵礮擊左肩，傷重未愈。韋政已在郴州病故”(“方略”，卷一八，頁七至一八)。李濱“中興別記”(卷八，頁八)即據以定朝貴因是日受傷而死。

(又二年十二月二十二日亮基奏云：“再肅朝潰一犯，係賊中著名兇悍首逆，僞號西王，屢據生擒活賊口供，均稱該逆遇戰當先，……此次在南門外執旂督陣時，已被官兵轟斃，……屍首現埋龍潭地方。……年約三十餘〔張大司馬奏稿，卷一，頁五一〕)

“駱文忠公(秉章)自訂年譜(卷上，頁二五)。云：“賊於七月二十八日直撲南門，城上點放銅礮，將肅朝貴打傷，二十九日賊撲城愈急，城內守禦益嚴。……八月，肅朝貴因傷身死，郴州賊首洪秀全等羣集長沙”。

兩說相比，後者較爲可信。張奏韋政病故，自更非事實，亦足證所謂賊供之不可信。李秀成供狀云：“西王到長沙攻打，那時天王同東王尙在郴州，西王在南門外中礮身死後，李開芳具稟回郴，天王同東王移營來長沙。“按太平軍之離去郴州北上，在陰曆八月十一十二等日(“方略”，卷一七，頁二七)。九月初四日賽尙阿，程藩采奏報，亦可與

‘供狀’參證：“其郴州之賊，併由西路全竄，十三日，李瑞追及於豐樂橋，頗有斬獲，次日追及於永興城，見賊紛紛渡河，奔入城內。據探郴州賊之大夥，併歸永興，並聞長沙賊被官兵擊敗，有由郴州搬取大夥之信。先是永興之賊，分股千餘，取道安仁，前赴長沙，常祿卽令張國樑……於十四日繞路潛至東北兩門外設伏。……賊隊千餘衝出，我兵詐退，俟其追至，伏兵槍礮齊發，……賊衆忙亂，我兵乘勢擁入。……常祿督帶兵勇，望安仁縣進發，行近安民（平）司一帶，隔河見有賊衆千餘，卽分隊前進，……追殺數里，暫於河干紮營。據獲賊供稱，僞太平王洪秀全，僞東王楊秀青兩賊首已在前隊，此係中隊，後隊聞中隊爲官軍擊敗，想必退回等語”（“方略”，卷一八，頁六至八）。“安仁縣志”云：“八月秀全黨楊秀清擁秀全經過邑南龍海塘，江口洲，安平司，樟橋等處，自十四月起，至二十六日始盡。沿途人民被害，財物被擄，祠廟屋宇被燬者，不可勝計”（卷一六，頁一六）。“醴陵縣志”云：“八月二十四日洪秀全率大隊仍由茶攸陷醴陵，據二日，走長沙，與諸賊會於省城南”（卷六，頁一二）。所記行程，正與賽等奏報銜接。是郴州太平軍之北去，確係由於長沙戰事不利，得信之後，前往應援。西王中傷，在七月杪，‘李開芳具稟回榔’，八月中，天王東王離

榔，核計路程時日，亦正符合。如西王中傷在八月二十二日，則‘供狀’及賽等奏報均不得其解，以是時（八月二十二）天王東王已離郴州數日也。

八月初八日羅繞典，駱秉章，鮑起豹奏，亦可與‘年譜’西王七月二十八日受礮傷說相證：“至二十八日辰刻，猝至省城，逼近南門外妙高峯駐紮，臣等當卽飛調石馬鋪等屯紮之陝西各營官兵，相機合剿，並於城上密排礮位，督飭四川江西各營兵勇，登陴開放，與該匪對擊，相持兩時之久。復運大礮於南城魁星樓上，連向賊營轟擊，經四川營弁兵，瀏陽鄉勇，首先斃賊百餘人，賊勢稍退”（“方略”，卷一六，頁一六）。十一日又奏：“二十九日，該匪復於妙高峯上對城開放槍礮，……挑土肩石，蟻聚蠶上，意欲建築礮臺，臣鮑起豹督飭將弁，用大礮連向轟擊，傷斃數十人，闕然四散”（“方略”，卷一六，頁二五至二六）。西王之受傷，如不在二十八日，卽在二十九日，地點亦與‘供狀’所說相符。

‘年譜’謂八月朝貴傷斃，‘供狀’謂中礮死後李開芳具稟回榔，兩者似稍有不合。但當以‘年譜’爲是，‘供狀’行文含糊，‘將中礮’‘身死’合而爲一，大約應係西王受重傷後，開芳卽具稟報告，至八月而西王卒。

此外尚有幾種記載，謂西王於陰曆八月十八日中礮死者，如“善化縣志”云：“八月十八日，廣西提

督向忠武由粵兼程赴省，甫至，即周閱城垣。……聞草潮門城上舊有三千斤大礮，即飭移南城天心閣，親發機石……斃賊多人。先是賊在廣西得有銅礮，在城外開放，無論鉛鐵釘塊，飛入城內，傷人亦多。向用此礮，適一鉛子中入礮眼，將銅礮炸裂，並轟斃僞西王蕭朝貴（卷三三，頁二一）。其不足信，一如八月二十二日說。至“張制軍年譜”謂“訊生擒賊黨羅五等，知僞西王蕭朝貴已於九月初二日攻城時擊斃（卷上，頁三一），更不足信。

9,12（七，二九）太平軍（李開芳林鳳祥）猛攻長沙。

9,13（七，三）“天王詔令通軍大小兵將，自今不得再私藏私帶金寶，盡繳歸天朝聖庫”（時在長沙，太平新曆爲八月初十日。天王本人尙在郴州）。

9,14（八，一）以向榮推諉不前，革職發往新疆効力贖罪（向榮與徐廣縉不協，廣縉劾之），以福興爲廣西提督。

長沙守軍昇城隍定湘王神像置城南上，提督鮑起豹與對坐。

9，湖南常寧天地會洪英堂之傅啓安作亂。

9,16（八，三）向榮自桂林赴衡州，援長沙。

1852（咸豐二年）

新任湖南布政使潘鐸到長沙，縵城入。

9,17 (八, 四) 太平軍開挖地道，轟炸長沙城垣，
提督鮑起豹派勇下城攻擊。

總兵和春，知府江忠源等自湖南郴州北援長沙。

9,18 (八, 五) 太平軍再以大礮轟擊長沙，城幾
下，副將鄧紹良卻之。

御史張銘謙奏謂招募洞庭湖長江漁戶，協助水師防
堵。

9,19 (八, 六) 以羅繞典爲江西巡撫 (時繞典在長
沙圍城中)。

命在籍前在刑部尚書陳孚恩幫辦江西團練防堵事
宜。

9,23 (八, 一〇) 調江蘇安徽兵二千名赴江西吉安，
袁州，瑞州一帶。

9,24 (八, 一一) 以長沙被圍，欽差大臣賽尚阿，
湖廣總督程番采均摘去頂戴，拔去花翎。

9,25 (八, 一二) 天王洪秀全，東王楊秀
清得李開芳稟，知西王蕭朝貴中傷，率
領大隊太平軍盡去郴州，進向長沙。

9,26 (八, 一三) 總兵和春，知府江忠源等到長沙，
屯軍小吳門外，明日忠源入城。

曾國藩到武昌，知長沙被圍。

9,27 (八, 一四) 天王洪秀全令東王楊秀清前隊入

天王去郴州

湖南安仁境，總兵常祿，守備張國樑等收復永興。

貴州巡撫蔣霽遠奏留黎平府知府胡林翼（湖南巡撫張亮基先曾奏調林翼襄辦軍務）。

調湖北巡撫常大淳爲山西巡撫，江西巡撫羅繞與爲湖北巡撫，以張芾署江西巡撫。

9,28（八，一五）知府江忠源挫圍攻長沙之太平軍。

9,30（八，一七）欽差大臣徐廣縉自梧州赴長沙。

9, 廣西天地（三合）會朱洪英胡有祿起事於南寧。

10,2（八，一九）湖南巡撫張亮基自常德到長沙城外，左宗棠隨行（“張制軍年譜”謂亮基入城後始聘宗棠，非是）。

10,3（八，二〇）提督向榮，總兵王家琳，秦定三，和春，副將鄧紹良在長沙城外獲勝（向榮於昨日到長沙）。

10,5（八，二二）李開芳，林鳳祥力攻長沙，敗黔軍總兵秦定三，知府江忠源督湘勇力戰禦之，參將任大貴戰死，忠源受傷（一說是日天王親督兵攻城，按是時天王尚未到醴陵）。

10,6（八，二三）禮部侍郎曾國藩自北京回抵湖南湘鄉原籍（丁母憂）。

命四川提督蘇布通阿赴湖南，向榮暫緩發遣。

- 10,7(八,二四)湖南巡撫張亮基縋入長沙城。
天王洪秀全,東王楊秀清率大隊占領湖南醴陵。
- 10,9(八,二六)調福建,浙江兵一千赴江西。
天王洪秀全東王楊秀清去醴陵,進往長沙。
- 10,13(九,一)欽差大臣賽尙阿自衡州到湘潭。
天王洪秀全,東王楊秀清統大隊太平軍到長沙。
- 10,14(九,二)欽差大臣大學士賽尙阿革職拏問,湖廣總督程喬采革職留營,辦理糧臺事務。授徐廣縉爲欽差大臣,並署理湖廣總督,所有軍營及地方文武統歸節制。
- 知府江忠源,總兵秦定三等湘黔軍破太平軍於長沙瀏陽門外(太平軍攻長沙以來,惟此次受創較重,死亡約四五百人)。
- 10,15(九,三)侍衛開隆阿,副將鄧紹良等敗太平軍於長沙阿彌嶺。
- 10,16(九,四)命訥爾經額爲大學士,仍留直隸總督任。
- 10,17(九,五)長沙太平軍分兵渡過湘江西岸。
- 10,19(九,七)命駱秉章暫留湖南辦理防剿事宜。
- 10,20(九,八)山東捻匪擾江蘇邳州海州一帶。

欽差徐廣縉

- 10,21 (九,九) 賽尙阿到長沙。
- 10,24 (九,一二) 向榮及總兵馬龍等與太平軍戰於長沙漁網洲，游擊曾正川戰死。
- 調陝甘兵三千赴湖北，撥湖北銀三十萬兩。
- 10,26 (九,一四) 總兵和春，秦定三攻長沙妙高峯西湖橋。
- 10,30 (九,一八) 太平軍開挖地道，轟陷長沙南城(副將清德自行摘去頂帶藏匿民房)。
- 10, 瑞典教士韓山明以洪仁玕所給關於洪秀全之文件示美教士羅孝全(明年二月，羅爲摘要發表於倫敦“*The Chinese and General Missionary Gleamer*”雜誌)。
- 11,6(九,二五) 江西天主教牧師田雷思(Delaplace)報告，謂湘鄂皖贛人民均希望太平軍蒞臨。
- 11,7(九,二六) 都司張國樑等攻長沙城外浮橋，不克。
- 11,10 (九,二九) 太平軍以地雷轟塌長沙南月城魁星樓側城牆四丈餘，千總趙繼宗中槍陣亡，副將鄧紹良奮勇堵擊，卻之。
- 命貴州提督善祿赴湖南軍營，交徐廣縉調遣。
- 11,12 (一〇,一) 欽差大臣湖廣總督徐廣縉到衡州(旋到湘潭，逗留不敢往長沙，以防止回竄爲名。時太平軍致書廣縉，約期明年四月會戰)。
- 11,13 (一〇,二) 太平軍再以地雷炸裂長沙城外

金鷄橋，總兵和春，知府江忠源堵之。

11,20 (一〇,九) 命安徽巡撫蔣文慶於宿松小孤山設防。

11,23 (一〇,一二) 太平軍三炸長沙城不克。

11,26 (一〇,一五) 調雲南總督吳文鎔爲閩浙總督，以羅繞典爲雲南總督，崇綸爲湖北巡撫。

11,28 (一〇,一七) 天王洪秀全在長沙南北造玉璽(謂爲天授)，羣呼萬歲(李秀成供狀誤謂天王於此時稱萬歲，妻稱娘娘，但在永安時已有此稱呼。大約此時羣以天王得璽，曾歡呼萬歲)。

11,29 (一〇,一八) 太平軍丞相秦日綱，總制羅大綱，正將軍李開芳四炸長沙魁星樓，城崩八丈餘，副將瞿騰龍卻之。參將張協中中礮陣亡。

11,30 (一〇,一九) 太平軍以久攻長沙不下，軍中復缺油鹽，乘雨撤圍渡湘江，由回龍塘西趨(長沙清軍誤以爲太平軍南去)，衝過提督福興營，擬自寧鄉益陽沿洞庭湖邊往常德，取湖南爲根據地(據近世中國祕史“滿清紀事”謂太平軍於去長沙北趨途中出示，署‘奉天承運太平天國總理軍機天下大元帥萬歲洪’，痛詆清廷政治腐敗，官吏貪暴，並勸人民同心協力，共襄義舉。惟此種署銜，不類太平天

撤長沙圍

國文告，措詞一如天地會口吻。又萬歲洪，一作萬大洪，乃天地會首領，似近真）。

三合會（天地會）周彩觀擾廣西鬱林州。

王大臣會戶部奏籌餉章程二十一條（捐輸）。

11,12(一〇月)擒張洛行起事於安徽亳州。

擒張洛行

12,2(一〇,二一)總兵和春,秦定三,李瑞,經文岱,王錦繡,常祿等自長沙南赴湘潭(尋折回)。

12,3(一〇,二二)太平軍占領湖南益陽,得民船數千隻,謂爲天父所賜,遂改道順流而下。

占領益陽

12,7(一〇,二六)撥徐廣縉銀一百萬兩。

12,9(一〇,二八)太平軍自湘陰臨資口(林子口)東入洞庭湖。

12,10(一〇,二九)湖北提督博勒恭武等聞太平軍將到,棄岳州城遁走。

12,11(一一,一)向榮率軍自長沙到湘陰(長沙圍解後,各軍均不進)。

徐廣縉自湘潭到長沙。

12,13(一一,三)太平軍占領岳州(城門大開,並無人把守,獲得舊存吳三桂軍械礮位甚多,另船隻五千)。

12,14 (一一,六) 湖南嘉禾庠生尹尙英亂起 (1855,4,13平)。

12,15 (一一,五) 向榮到岳州 (翌日派總兵常祿,王錦繡帶兵三千二百名問道赴武昌)。

12,17 (一一,七) 太平軍棄岳州,分水陸二路進向湖北。

湖北巡撫常大淳 (已調山西,未往) 令燬武昌城外民房,作守城預備。

12,19 (一一,九) 太平軍右路 (陸路約三四千人,馬匹甚多) 占湖北蒲圻,知縣周和祥死之。左路 (水路) 抵漢陽。

12,21 (一一,一一) 命已革陝甘總督琦善署河南巡撫。

調陝甘兵二千名,西安駐防兵二千名赴河南防剿。

12,22 (一一,一二) 太平軍右路 (陸路) 由蒲圻偪武昌東門外,作兩翼撲城 (總兵常祿,王錦繡已自湖南趕到,城內守兵約五千)。

命駱秉章留武昌幫辦防堵事宜 (秉章時尙在長沙)。

12,23 (一一,一三) 太平軍檢點黃玉崑,指揮李開芳,林鳳祥,羅大綱等占領漢陽,清副將朱翰,參將長慶,知府董振鐸等戰死 (天王於此鑄金璽金龍頭。“滿清紀

占領漢陽

事謂由“大漢軍帥兼理內外政教統屬官吏軍民，開國丞相左，出示安民，如果有此文告當係附和太平軍之天地會中人所爲）。

漢口大火。

徐廣縉自長沙到湘陰（一作12,28）。

12,24（一一，一四）已革廣西提督向榮趕到武昌附近，進逼長虹橋紮營。

12,26（一一，一六）兩江總督陸建瀛奏陳長江設法防禦情形。

12,27（一一，一七）以岳州失守，欽差大臣署湖廣總督徐廣縉革職留任，湖南巡撫張亮基，提督鮑起豹降四級留任。命河南巡撫琦善迅赴楚豫交界地方嚴防，直隸提督陳金綬統帶精兵三千隨同琦善前往。

命江西巡撫張芾赴九江辦理防堵。

向榮到武昌附近之白木嶺，由長虹橋進攻。

12,29（一一，一九）調山東浙江兵各二千名赴安徽防剿（安徽巡撫蔣文慶奏稱該省可調之兵不及二千名）。

調直隸陝甘兵六千名赴河南防剿，並撥餉銀二百萬兩。

太平軍占漢口（天王及東王楊秀清等旋到，天王住關帝廟，東王住萬壽宮）。

12,30（一一，二〇）調山東兵一千名，山西兵三千名赴河南防剿。

命戶部籌撥琦善餉銀二百萬兩。

1853 —— 咸豐三年癸丑，太平天国癸好三年。

1,2 (一一, 二三) 提督向榮福興等與太平軍相持於武昌洪山。

1,4 (一一, 二五) 副將鄧紹良，知府江忠源剿平湖南巴陵土匪（時忠源爲湘撫張亮基所留，亮基並委湘鄉羅澤南，王鑫另募千人協之），擊獲匪首晏仲武（據張亮基奏，仲武於道光二十八年即在廣西投楊秀清，入上帝會，受提督〔？〕職。此次舉事，即豎東王旗幟）。

命兩江總督陸建瀛，馳往九江上游，扼守長江之險。

諭徐廣縉兼程馳武昌，毋庸株守湘陰。

1,6 (一一, 二七) 署河南巡撫琦善自北京赴楚豫交界防堵。

1,7 (一一, 二八) 向榮等與太平軍力戰，攻奪洪山太平軍營壘十五座。

命署兩廣總督葉名琛，廣西巡撫勞崇光訪掘洪秀全楊秀清墳墓。

1,8 (一一, 二九) 命在湖南湘鄉原籍之丁

憂禮部侍郎曾國藩幫同辦理本省團練鄉民，搜查土匪諸事務。

賞還向榮提督銜，幫辦軍務，免其發遣。

1,9 (一二,一) 提督向榮，都司張國樑攻武昌南湖。

1,10 (一二,二) 命候補四品京堂勝保赴河南交琦善差遣委用。

調吉林黑龍江馬隊各二千名赴河南。

1,11 (一二,三) 向榮督張國樑等自武昌洪山出隊，燬太平軍壘數十座，斃太平軍數千，進距武昌城約三里地，忽大雨，火藥不燃，兵力疲憊，遂收隊。

1,12 (一二,四) 東王楊秀清督翼王石達開，檢點黃玉崑，李開芳，林鳳祥，指揮羅大綱等以地雷炸塌武昌文昌門城牆二十餘丈，黎明占領武昌城池。湖北巡撫常大淳(已奉旨調山西)，提督雙福，布政使梁星源，按察使瑞元，學政馮培元，河北鎮總兵常祿，鄖陽鎮總兵王錦繡，道員王壽同，林恩熙，王東槐，知府明善，同知周祖銜，王本立，王培

曾國藩幫辦團練

初占武昌

燦，周汝翼，舒綸，唐光照，朱祖培，知州劉咸，知縣繡麟，黃兆奎，副將春榮，參將福厚，楊光普，羅兆元，遊擊錫純等均死之。人民死者數萬（？）。東王楊秀清傳令，官兵不留，百姓勿傷。

命徐廣縉向榮專辦兩湖軍務，以陸建瀛爲欽差大臣，進防江皖，以琦善爲欽差大臣，進防信陽新野一帶，向榮仍補授廣西提督。

粵人黃杰高聚衆七百餘在湖南攸縣起事響應太平軍，爲該縣兵勇所平。

1,13（一二，五）捻匪在皖豫間滋擾。

琦善到保定，奏請稍寬時日，再籌會剿。奉旨切責。

1,14（一二，六）東王楊秀清在武昌傳令止殺。

東王楊秀清令武昌城中居民拜上帝。

東王楊秀清設聖庫於武昌長街，納存珍貴寶物。

新簡欽差大臣

武昌聖庫

東王楊秀清於武昌城內設館，令人民到館報明名氏年籍，登簿記注（初十人一館，旋改二十五人一館；設頭目領之，每日分以米鹽）。

（註）自本日至二月九日關於太平天国在武昌城內設施，均據陳徽言“武昌紀事”。即此一處，當可推知太平軍占領其他城池後之措置。

1,15（一二，七）東王楊秀清令民間收拾武昌城內積屍，潔淨街衢，違者斬（屍多投江中）。

以慧成署四川總督，福濟為河道總督。

1,16（一二，八）太平軍於武昌漢陽間造浮橋。

1,17（一二，九）天王（洪秀全）入武昌，居巡撫衙門（東王楊秀清居布政使署，北王韋昌輝〔正〕居按察使署，翼王石達開居學政署，總督署則為西王府）。

清欽大臣徐廣縉到岳州。

1,18（一二，一〇）天王於武昌設進貢公所，使民間進貢金銀錢米鷄鴨茶葉（人民爭趨之，收訖予以紙，貢金銀者給執照，上署左輔正軍師東王楊，右弼又正軍師西王蕭）。

東王楊秀清命武昌婦女歸館（數姓併居一家，以二十五人為率）。

進貢公所

女館

講道理

1,19 (一二, 一一) 太平軍於武昌閱馬廠設臺演講
弔民伐罪(名曰講道理), 有漢陽生員馬姓當場
叫罵, 被五馬分屍(或作1,18)。

1,20 (一二, 一二) 太平軍派人在武昌貢院進合進
貢者點名。

東王楊秀清命土營赴大東門聽點, 修城塞竇。

太平軍占領黃州及武昌縣, 百姓迎之入城, 太平軍
即搜銀錢穀米。

知府江忠源率楚勇自長沙討瀏陽徵義堂周國虞
(1,22到瀏)。

1,21 (一二, 一三) 太平軍令武昌城中人民分駐城
外, 以四十五人爲一營, 使二長髮老軍爲正副營
長。

曾國藩在湖南湘鄉原籍接到幫辦本省團練之寄
諭。

1,22 (一二, 一四) 太平軍命入營者概短裝掛號
布, 長衣皆截半(共分前一, 前二, 後一, 後
二, 左一, 左二, 右一, 右二, 中一, 中二十
軍, 進貢者皆掛兵字號布)。疾者送能人館(即
病人館)。有醫爲之診治。

太平軍將黃州及武昌縣銀錢穀米運回武昌省城。

1,23 (一二, 一五) 欽差大臣兩江總督陸建瀛率兵
三千自江寧西上防堵。

1,26 (一二, 一八) 以武昌失守, 革徐廣縉兩廣總

督職，仍以欽差大臣暫署湖廣總督。革向榮廣西提督職，仍幫辦軍務，以觀後效（是日向榮督軍進攻，小勝）。

命直隸總督陳金綬幫辦欽差大臣琦善軍務。

知府江忠源，守備李輔朝督楚勇敗湖南瀏陽徵義堂。

1,27（一二，一九）東王楊秀清傳令武昌婦女遷火巷歸館，以粵婦領之（每館日發油一盃，人各發穀二合）。

以駱秉章暫署湖北巡撫，向榮暫署湖北提督。

1,28（一二，二〇）上海美國副領事金能亨（F. Cunningham）致書美使馬沙利（H. Marshall）報告太平軍情況，謂其頗守紀律，各地農民助之，將攻取南京。

美領事報告

1,29（一二，二一）東王楊秀清殺滋鬧女館之太平軍。

提督向榮，總兵和春，提督蘇布通阿等力攻武昌，守備薩國亮陣亡於小龜山。

命欽差大臣琦善統帶勁兵疾趨湖北，遏太平軍東趨。

奉命幫辦湖南團練事務之侍郎曾國藩從郭嵩濤之勸，自湘鄉到長沙（二十五日離湘鄉），與巡撫張亮基等籌議防剿。

曾國藩到長沙

1,30 (一二,二二) 太平軍將武昌老耄聾瞽殘疾者分別設老疾館處之。

曾國藩奏陳團練鄉民搜查土匪大概規模(本日在長沙具奏。時羅澤南新募湘鄉練勇三營已到長沙,依明成繼光成法操練。國藩特爲之酌定訓練章程)。

1,31 (一二,二三) 太平天國令凡衣服美者,須蓋有聖庫印,方許穿着。

太平軍運武昌穀米八船(準備東下)。

命山東巡撫李德帶兵前往魯南交界駐紮防守。

2,1 (一二,二四) 武昌城外清軍(潮勇)二百餘人降於太平軍。

賞欽差大臣琦善都統銜,專辦軍務,勿庸署河南巡撫(是日琦善到信陽州)。

調山東兵一千名赴荊州,青州駐防兵一千名赴河南。

實授葉名琛爲兩廣總督,柏貴爲廣東巡撫,陸應穀爲河南巡撫。

2,2 (一二,二五) 天王在武昌閱馬廠選妃,得十餘齡殊色女子六十人。

今日爲太平天國歲除,各官進貢天王,婦進貢王妃。

每營賞豬一頭,錢數貫以度歲(亦有給牛羊者)。

欽差大臣兩江總督陸建瀛自江寧(南京)西上督師。

天王選妃

天曆新年

命前任漕運總督周天爵協辦安徽團練防剿事宜，太常寺卿赴河南軍營交琦善差委。

2,3 (一二,二六) 今日爲太平天国新年，各官詣天王慶賀，婦詣王妃慶賀，爆竹如雷。

欽差大臣署湖廣總督徐廣縉革職拏問，以署湖北提督向榮爲欽差大臣，湖南巡撫張亮基署湖廣總督，湖南布政使潘鐸署湖南巡撫。

向榮爲欽差大臣

2,4 (一二,二七) 太平軍運武昌藩署道署銀約一百萬兩登舟。

提督向榮攻武昌洪山，獲勝。

2,5 (一二,二八) 太平軍運武昌銅礮登舟。

陝甘總督舒興阿自蘭州赴西安佈置陝南防務。

2,6 (一二,二九) 東王楊秀清導令各營備一月糧，並鋤鍬四具(備挖洞攻城之用)。

2,7 (一二,三〇) 道員江忠源督楚勇平湖南瀏陽徵儀堂周國虞亂。

2,8 (一,一) 天王令武昌女館婦女均登舟。

欽差大臣向榮，總兵和春，秦定三，都司張國樑攻破武昌東郊土城。

2,9 (一,二) 欽差大臣兩江總督陸建瀛抵九江。

鉛江東下

太平天國各王官詣天王辭行，退至東王府會齊，出武昌城東下，焚浮橋。天王先行登舟，東王楊秀清，北王韋昌輝繼之。左軍主將翼王石達開率天官正丞相秦日綱，春官正丞相胡以晃，地官正丞相李開芳，天官副丞相林鳳祥，指揮大綱，賴漢英，唐正財，何瑄（昌）明，黃生才，吉文元等爲先鋒。胡，李，林，黃，吉，帶陸兵，分兩岸夾江以行。秦，羅，賴，唐，帶水兵，船萬餘隻（一說二千餘隻，資糧軍火財帛與婦稚盡置舟中），帆檣如雲，蔽江而下，號五十萬，沿途布告安民，並令富人助餉。

（註）或云太平軍東下取金陵，係用錢江所上策，實則當洪楊未出廣西時，已決定攻取江南，絕非於下武昌後始從一不相干者之主張。

（一）譚熙齡“紫荊事略”云：“官軍與之戰，動曰‘行將取江南矣，豈畏爾官軍耶’”？（尋州府志，卷二七）。

(二)張德堅“賊情彙纂”云：“〔壬子〕七月，……羣賊懷士重遷，欲由灌陽而歸，仍擾廣西，秀清獨謂非計，曰‘已騎虎背，豈容復有顧戀？今日上策，莫如舍粵不顧，直前衝擊，循江而略城堡，舍要害，專意金陵，而據爲根本，然後遣將四出，分擾南北，卽不成事，黃河以南，我可有已’。洪逆等深然之（卷十一，老賊）。

(三)明心道人“髮逆初記”云：“楊秀全出廣西全州時，已有窺竄江寧之計”（頁十六）。

(四)杜文瀾“平定粵匪紀略”云：“咸豐五年正月僞天官丞相曾水源往蕪湖，誤期削職（一說在東壩戰敗削職），其弟怨悔逸去。首逆怒，疑水源所使，磔之。因詢心腹賊，何以舊黨亦效新附私逃。答以在永安時言至金陵爲登天堂，許夫婦團聚，今仍不准有家，恐此後逃者更多”（附記三）。

蓋江南爲富庶之區，太平軍多飢寒之士，故特樹此目標以爲號招。況金陵在歷史上又爲漢族光復之根據地。抑又有進者，長沙撤圍之後，據李秀成供狀，原擬趨常德，“取湖南爲家，到益陽忽搶得民舟數千，改作順流而下，過林子口而出洞庭”。因益陽之數千民舟，竟改變取湖南之計畫，入湖北後，所得船隻尤多，其不肯舍之不顧，更在意中。卽今在廣西時無奪取江南之志，此時亦勢必“順流而

下”(1,28上海美領事已有太平軍將取南京之報告)。
至傳說中錢江所上東下策，大要如下：

“伏維大王起事之初，筭髮易服，欲變中國二百餘年索虜之俗，志謀遠大，創業非常，其不以武昌爲止足之境明矣。今日之舉，有進無退，區區武昌，守亦亡，不守亦亡，與其坐而待亡，孰若進而冀其不亡。不乘此時爲破釜沈舟之計，長驅北上，徒苟且目前，懈怠軍心，誠無謂也。……天下財賦，大半萃於東南，當此逐鹿於寧謐之中，而欲以一隅敵天下，江決其無能爲也。以江愚昧，不若舍西（按指陝西四川）而東，金陵建業，古帝王建都之所，鳳泗汴梁，眞聖人龍起之方。江謂宜先取江寧以裕軍餉，繼取汴梁以爲犄角。終趨濟南以圖進取，扼齊魯之運河，可以坐困通倉之食，截南北之郵傳，可以牽制勤王之師。然後約我老萬，以攻梁廈，檄我丹山，以攻溫處。…南京不下，則江東不得渡，豐沛不陷，則青兗不得進，山東不搖，則燕京不得戒嚴。糧漕困於內，漢心離於外，孟子所謂不嗜殺人者能一之，正此時也。……俟南京底定之後，招集流氓，秣厲兵馬，扼要南堵，揮軍北上，左出則趨江北以進戰，急則可調淮陽（揚）之軍以繼之，右出則握河海以拒敵，急則可調開歸之軍以應之。南陽汝寧，則發一軍以突其西，略取河內州縣，乘勝入晉，直抵燕冀，無返旆。杭嘉金衢，則

發一軍以冲其東，應我沿海舟師，相機定浙，伺間窺閩，無輕舉。兵不止於一路，計必出於萬全（見“近世中國祕史”第二編，頁二三三至二三五；又“太平天國野史”卷二十）。

或者曰，洪楊之取江南，雖非受錢江此策之影響，但錢江之曾上此策，要爲事實。欲決定錢江曾否上此策，須先考錢江與太平天國之關係。關於錢江之記事，有王韜“甕牖餘談”卷二之“記錢江事”，有黃鈞宰“金壺七墨”卷一之“錢江”，有齊學裘“見聞隨筆”卷六之“高伯平錢東平”，有陳其元“庸問齋筆記”卷十二之“錢東平創釐捐法”，但均不言錢江與太平軍有何關係。此四種記述，以“甕牖餘談”爲最可信（“金壺七墨”及“庸問齋筆記”所見以關於錢江創辦釐金及被殺事爲主），略云：

“錢江字東平，浙之長興人。少時讀書，目十行俱下，穎悟冠常兒，皆曰‘此錢家千里駒也’。稍長習帖括，不肯竟，曰‘此徒足以困頓英雄耳’。喜涉獵卜筮術數之學，最好兵家言，於孫吳之書，皆能洞其底蘊。……旁究地理，於天下扼塞險阻之處，常反覆致意。爲人負奇氣，以豪傑自命，肯濟人之急，數千金可立致。被酒談兵，慨然有澄清天下之志。南游於粵，所交多俊彥。時禁烟議起，海氛甚惡，當事者慮跋扈不可制，易剿爲款，已有成說，東平因激衆忿，將發義舉，作討罪檄文，傳示遐

邇。當事者聞之，以其梗阻大局，禍且不測，亟逐之出境，粵民集貨饋其行，於是義聲振於嶺東西間，後卒以事遣戍，東平慷慨就道，無難色。……無何遇赦還，浮沈江浙間，漸折節讀書，將赴都應北闈試，……曰，承平日久，人不知兵，積弱生玩，芽蘖已萌，粵西小寇陸梁爲患，涓流潰壤，煽火焚原，方爲殷憂，吾恐天下無一片乾淨土。……時咸豐紀元辛亥（1851）也，人皆笑其言之妄。明年（1852）盜自桂管蔓延及湖湘，江皖震動，君已至北方，要結齊魯燕晉間諸壯士，將收爲己用，冀得一當以報國。時南北道路梗塞，鄉人之南歸者，皆藉其力。常曰，‘滕縣以北，雖啓篋夜行，可以無虞，滕以南我不知之矣’。北方豪傑聞其名者，無不樂與相識，願出門下。癸丑（1853）春，陷金陵，聞之爲扼腕椎膺，泣數行下。所親私問以天下大勢，曰，‘不可爲矣。然我已募得壯士三千，將渡江而南，與賊決生死，特不知天心人事何如耳’。後竟以所募馳抵淮揚。時左副都御史某（雷以誠），募勇爲一軍，駐東路之萬福橋，以保裏下河各州縣門戶，東平逕詣其營，陳自願募勇殺賊狀。副憲將留以爲己助，東平曰，‘擒賊當先擒王，今逆酋負固金陵，我當先擣其巢穴，則餘賊不戰自潰矣，又何能爲？’時以軍務初興，艱於籌餉，東平乃始創釐捐議，由是各省效之，大營藉以資給。有在

營某同知，嫉其能，時讒之於副憲，副憲亦以其常拂己，爰於謁見時，令武士刺之，而以通賊聞。或曰：曾見奏牘中言錢江久在營中作記室，見其蹤跡詭祕，密察之，乃得其與賊交結狀，搜其篋箠，得往來書累累，乃寘之法，其實皆莫須有事也。惟東平酒後放言，有似灌夫罵座，又復不知忌諱，動言事不可爲，而謂天下之壞壞於官，以此叢忌，卒至於身敗名裂也。哀哉！副憲旋升授刑部侍郎，幫辦軍務，六年（1856），以揚州再陷，褫職去”。

是錢江不惟與洪楊絕無關係，且爲一留心時務，懷忠憂國，欲“與賊決生死”，鞠躬盡瘁，擬大有爲之士，而於理財用兵，均有所長。洪楊取武昌時，錢江已至北方，翌年始南赴淮揚，其未上此書，不辨自明。

無名氏之“滿清紀事”，則與此大異，通常傳說之錢江事蹟，大約卽出於此書。其略云：

錢江，浙江人也，素負膽略，博學多聞，林則徐總督兩粵時，在幕府甚見器重，林既被貶，錢江遂留居東粵。時夷氛正熾，錢江集衆上明倫堂，鼓勵紳民，聯合上下以拒敵。當道大官，一主和議，錢氏屢於衆人前攻之。大官命知縣梁星源捕之至，立而不跪，詞氣慷慨。大官無如何，監之數月，遞解回籍。自此居家鬱鬱。適聞洪氏倡義，已破武昌，乃投袂而起，不遠千里赴見之，勸洪秀全舍西而東，

上書論天下大勢，共數千言。其書力言兩川不足圖……不若取金陵心腹之地，建爲京都，乃圖進取云云。內尙有興王策數款，不傳於世。秀全覽而悅之，卽遵其計而行。三年……二月初十日〔破金陵〕……梁星源時方罷官居金陵，爲錢江所殺，屍分數段云。於是洪氏乃修整明朝舊宮殿居住，……乃大封會友，以錢江爲大司馬，幫理軍民事務。……三月……十三日洪黨陳兵北門，撲許乃劍營，互攻戰間，陳金綬以青州兵繞出山前，……洪黨敗挫，皆退入城。次日，洪黨欲再決死戰，錢江止之曰，“彼旣得勝，銳氣方盛，難與爭鋒，不若調齊各軍，堅守瓜浦，一面傳檄同志，以擾閩浙江鄂，我軍糗糧充足，清軍糧運維艱，我養精蓄銳，以逸待勞，以飽待飢，俟至秋高氣爽，然後決戰，則清兵可盡殲也”，秀全從之（見“近世中國祕史”，第二編，頁一三四——一三七）。

“太平天國軼聞 中之“策士錢江”（卷一，頁三九——四〇），所記與此大致相同，惟少入南京封大司馬以後一段。按“滿清紀事”一書，其中錯誤極多，可信程度甚低。此處只就上引關於錢江一段記事言之：（一）據“甕牖餘談”，江於廣東被逐後，尋卽遣戍，有“丁未秋日伊江雜感”詩爲證（見“梵天廬叢錄 卷二二，頁二二），並非“自此家居”。（二）咸豐二年洪楊破武昌時，江已到北京，且進而要結齊

魯燕晉壯士，冀得一當以報國，並無投袂前往，勸洪東取金陵之事。（三）三年春，聞南京失守，“扼腕椎膺”，欲“與賊決生死”，何來於金陵殺梁星源事。（四）梁星源實死於武昌，時官湖北藩司，有官方文件，私家記述為證，絕非被殺於金陵。（五）太平天国官制，並無“大司馬”名稱，江何從得授此職。（六）三年三月十三日太平軍攻許乃釗營，中伏失利，事誠有之，但敗之者並非陳金綬，金綬為江北大營軍務幫辦，時正在揚州督軍。（七）錢江勸洪堅守瓜浦，分擾閩浙之戰略，不合情理，遠於事實，以是時太平軍正在揚州與琦善相持，尚未至棄揚守瓜之時，而閩浙兩省，直至三年以後，洪軍始行進入。（八）文中於錢江上書進言，屢謂“秀全覽而悅之”，“秀全從之”，實則是時軍政大計均決於東王。

“滿清紀事”之外，倫敦不列顛博物院東方部藏有萬大洪安民告示抄件一通（見“太平天国詔諭”），附“計開名職單十五人：

- | | |
|-----|-------------------------|
| 洪秀泉 | 封太平王，花縣人，年方四十二歲。 |
| 馮雲山 | 封鎮南王，花縣人，年方三十二歲。 |
| 楊秀清 | 封鎮東王，花縣人，年方三十二歲，係太平王姨丈。 |
| 蕭朝貴 | 封鎮西王，歸善人，年方二十 |

- 四歲。
- 章 正 封建北王，廣西南平人，即昌麟，年方二十四歲。
- 秦 昌 封丞相左翼公，花縣人，年方二十七歲。
- 石達開 封丞相右翼公，增城縣人，年方二十九歲。
- 萬大洪 封都督大元帥，東莞縣人，年方三十二歲。……
- 羅大剛 封鎮侯大元帥，順德縣人，年方二十六歲。
- 曾玉秀 封金印先鋒
- 錢 江 封三法大司馬，浙江人，年方五十歲。
- 朱耀先 封統領監軍大司馬，南海縣人，年方四十九歲。
- 胡以曉 封侍衛大將軍
- 曾 迴 封侍衛大將軍
- 賴漢英先 洪秀全妻舅，未受封職。

此文件似可證明錢江與太平軍確有關係，“三法大司馬”與“滿清紀事”之“大司馬”亦相一致。但稍知太平天國史者，觸目一過，即可知是單之不可信，馮，楊，蕭，章，秦，石，羅之職位稱號，無一是者，洪之太平王（天王）雖不誤，然非受誰何

之封。至於籍貫，楊蕭韋秦石羅，亦均錯誤。萬大洪據蕭一山先生考訂，應為天地會之方大洪，大約可信，否則當與該會“大哥 萬雲龍有關係之人，非洪楊之黨。“粵匪雜錄”中亦有此件，但已減為十三人，無萬大洪及錢江，於洪秀全改為“自稱太平王，已不言封；楊蕭馮韋分別改為東西南北王，較上錄之件，已近真不少。大約“雜錄”係據上件轉鈔，加以改正，足證是時關於太平軍方面之知識較前正確，遂將與洪楊無關之萬大洪，錢江刪去。

“太平天國野史 有“錢江上書 一條，謂“太平軍克鄂城，東平星夜赴之，上書天王，一見器重，令掌機要，東平復請直趨京師，天王不聽，從楊秀清計，逕取江甯，東平太息，旋即亡去”（卷二十，頁一三）。又“太平天國詩文鈔”亦錄有錢江“上天王策”，謂“天王至江南，江上書言事，天王善其策，而楊秀清忌其才，聞之，使不得售其說”（頁一一四）。兩書所錄之書，大致相同，而是書固明係勸天王舍武昌取金陵，其非如“野史”言“請直趨京師”，如“文鈔”說上於江南甚明。至江之根本未上此書，前已辨明。“滿清紀事”謂江之“與王策數款，不傳於世”，“文鈔”於書後附十有二條，則尤係好事者之代筆。至“梵天廬叢錄”（卷十八，頁六）謂“忠王薦東平”云云，去事實更遠，李秀成（忠王）當權之時，錢江早已不在人間矣。

最近謝興堯先生“太平天國史事論叢”有“錢江傳”，取材於“甕牖餘談”，“金壺七墨”，“見聞隨筆”，“庸間齋筆記”等書及雷以誠奏疏，雷奏爲他書所不經見者。設非過信“滿清紀事”及“人間世”雜志之某文件，全篇將無暇可指。“滿清紀事”之誤，可不必再論。“人間世”半月刊中之某文件，尙未之見，茲就謝先生博文一論之：

迨後天京內闕，洪楊自殘，天王召翼王石達開輔朝政，爲洪仁達等所忌，達開憤而大舉西征，欲入蜀自立，江勸慰之，不聽，復致書止之（原註：原文見太平天國詩文鈔，真蹟影印見人間世卷二）。勸以朝廷爲重，勿因小忿而敗大局，并說其繞道武昌，以圖汴梁，阻其入川。……達開不聽，致有後日之敗亡。……時太平天國乙榮五年四月十三日也（原註：見影印原書）。達開去後，江不久亦離太平天國而赴淮揚。……時太平軍與清軍爭戰於江淮間，清軍餉糈，時感缺乏。御史雷以誠奉命辦理糧臺，開府邵伯埭，江懷刺往見，抵掌而談，雷大敬佩，……江乃創二策，一爲勸捐軍餉，……一爲抽釐法，卽後日之釐金。……（頁一四〇——一四一）。據此，天京內闕，翼王遠走之時，錢江尙在太平軍中，曾書勸達開，其時間則爲太平天國乙榮五年四月十三日。達開去後，江始往投雷以誠，爲創抽釐之法，按楊韋之難，事在太平天國丙辰六年（天曆

七月二十七日，即咸豐六年八月初四日），人皆知之翼王離天京，則在七年（咸豐七年五月十一日自皖南銅陵渡江），有“平定粵匪方略”及李續賓書牘爲證（參看 1857, 6, 2 條）。錢江何能於五年四月十三日致書達開勸阻？“太平天國詩文鈔”民國二十三年改正本不再錄此書，當即以其太難憑信。至錢江之投雷以誠，據“甕牖餘談”，爲咸豐三年春間事，以誠之捐收蓋金爲是年六月間事（見“平定粵匪紀略”），決不能在咸豐五年（即太平天國五年），尤不能在七年（即翼王離天京之年），以雷以誠已於六年三月初七日（1856, 4, 11）革職也。

謝先生傳文中引雷以誠殺錢江奏疏，自爲有價值史料，惜未註明年月。但據此可考知錢江之投雷以誠之年月，及其言行，而與“甕牖餘談”作一比較。雷奏云：

“臣前日路過清江浦地方，訪有已革浙江監生錢江，前在廣東因案奉旨發往新疆，嗣蒙恩赦回籍，尙復不知斂跡，遨遊各省，上而名公巨卿，下而狂夫畸士，多有與之交接者。臣聞之深爲詫異，何至以一釋回遣犯，遽而名震如此。細加訪察，或言其才略可用，或言其狂悖無知。臣卽前事論之，決其必非端人，當此賊氛擾攘之時，難保其不造謠生事，淆亂人心。正擬設法訪拏拘禁，而該革監忽

自來行轅報效。但求有功，不計小過。觀其筆下，尚屬敏捷，臣正乏書記，卽令管理筆墨事件，且以爲借此羈留在營，免其在外生事，並時加查察。乃兩旬有餘，聽其言則狂誕不經，觀其行則跋扈恣肆，僑人廣坐之中，輒自稱命繫於天。又謂識時務者爲俊傑，並有時不可爲等語。復敢亂陳圖讖，親筆書出。且建議欲令壯勇換真白帽，狂妄悖逆，莫此爲甚。當卽飭令拏下，嚴加訊問，俯首無辭。揣其平日行逕，交接賢豪，所以養其望，招延勇士，所以收其威，其爲蓄意謀逆，匪伊朝夕，豈容一日留於宇宙間乎？臣本擬將該犯解交刑部，請旨明正典刑，誠恐現當匪徒滋擾之時，草澤或有伏莽，難保無匪黨與之通謀者，倘或途中稍有疏虞，轉非所以昭慎重而杜後患。當卽按照軍法，於行營地方，立與斬梟。其親筆所書讖語，理合附摺存覽。臣爲消息未萌起見，謹附片具奏（太平天國史事論叢，頁一四二——一四三）。

按雷以誠於咸豐三年三月以副都御史奉命查河，於清江浦南北兩岸來往巡閱，四月十七日探知北伐太平軍連占滁州鳳陽，因於二十日自清江浦赴揚州視察，駐仙女廟，始募勇籌餉，以保裏下河（見“方略”卷三六，頁一一；卷三七，頁一一，頁二九——三〇）。是雷之知錢，在三四月間，而錢入雷幕，當在四五月間，與王韜“甕牖餘談”所記相

合。其述江之言行，亦與“餘談”一致。王韜謂江“與賊交結”，爲“莫須有事”，雷奏歷舉江之罪狀，至重大者爲“亂陳圖讖”，“蓄意謀逆”，而並不及其過去“上書”“從賊”等款，更可以反證錢江與太平軍之無關係。又據雷奏，江之被殺，在其入雷幕“兩旬有餘”之後，彼時抽釐事已行，計其時間，似在六七月間。

(民國二十五年十二月十一日三次改正稿)。

近又見倪在田“揚州禦寇錄”中記雷以誠於咸豐三年六月創行抽釐事，亦有關於錢江事跡之敘述：

“浙江人錢江實創其議(捐輸釐金)，於以誠履驗豐工時勸其討賊。且曰，不調兵而募勇，不請餉而抽釐，其事必集。以誠信之，且故楚人也，習見其鄉人會館提釐之轍，遂以告而立捐。故釐捐首設於揚州。江固遺犯，復得志，氣勢張橫，人共惡之也。其後以誠亦忿江拂己，卽席斬之，誣以踪跡詭祕，搜其篋，多通賊之書云”(卷上，頁一〇)。

此段記載，愈可證王韜說之可信，而江與太平軍之無若何關係益明。

(二十六年四月二日)。

2,10 (一，三) 欽差大臣向榮軍入武昌，留副將瞿騰龍守城。

命湖南巡撫潘鐸，及在籍侍郎曾國藩認真查辦匪徒。

2,11 (一, 四) 左軍主將翼王石達開督先鋒占湖北黃州。

向榮自武昌進至葛店，擊沉太平軍船數隻，即仍親率總兵和春，秦定三，李瑞，玉山等精兵二千四百餘人兼程追擊（欲抄往九江，截太平軍東下之路）。

2,13 (一, 六) 太平軍先鋒陸師胡以晃等占領湖北蘄水（一作2,16）。

2,15 (一, 八) 太平軍先鋒水師秦日綱羅大綱等敗清軍於鄂東廣濟老鼠峽下巢湖，斃清壽春鎮總兵恩長，所部潰散（約三千人）。參將遇壽亦死於黃石港。

向榮到江西瑞昌。

雲貴總督羅繞典到襄陽，防太平軍北趨。

清廷下詔罪己。並令堅壁清野，團練自衛。

2,17 (一, 一〇) 命漕運總督楊殿邦赴瓜州江口扼要駐紮。

2,18 (一, 一一) 翼王石達開督先鋒水師占九江，焚衙署廟宇，清欽差大臣陸建瀛先遁，江西巡撫張芾自瑞昌走南昌，各軍均潰。

2,19 (一, 一二) 陸建瀛退抵江西彭澤（時建瀛僅有兵四百餘）。

破九江

陸建瀛軍潰

命在籍前任江南河道總督潘錫恩，幫辦江蘇防堵事宜。

2,20 (一,一三) 翼王石達開先鋒退出九江，進占湖口 (一說過湖口未入)。

張亮基自長沙赴武昌，在湘陰途次接湖廣總督關防，知府江忠源及左宗棠從行 (其楚勇留長沙者由江忠濟劉長佑統之)。

左宗棠

江西武寧周逢春倡亂，占據縣城 (十一月退去)。

2,21 (一,一四) 欽差大臣向榮軍到九江城外，以無舟不得渡。

翼王石達開部先鋒軍過小孤山入安徽境，安徽按察使張熙宇先期走徽州。

2,22 (一,一五) 調山東軍二千名赴江寧。

2,23 (一,一六) 太平軍占領江西彭澤。

2,24 (一,一七) 翼王石達開督先鋒軍攻占安慶，得銀三十萬兩，礮一百餘尊，守軍闕潰，巡撫蔣文慶死之，總兵王鵬飛走桐城。布政使李本仁先期避往舒城，太平軍即燒燬衙署廟宇 (另枝占望江，知縣衛君選死之)。

破安慶

太平軍先鋒陸師 (胡以晃等) 占領湖北蘄州。

2,25 (一,一八) 欽差大臣兩江總督陸建瀛自上游隻身回南京 (一作2,26)。

翼王石達開退出安慶，繼續東進。

湘南土寇數百人，受東王楊秀清札諭，劫掠富戶，裹脅村民，爲嘉禾縣兵勇所敗。

2,26 (一,一九) 翼王石達開督先鋒軍下安徽池州府 (一作3,1)。

欽差大臣琦善，提督陳金綬自信陽取道湖北赴安徽。

2,27 (一,二〇) 欽差大臣向榮軍齊到九江，卽先派六成陸路東進。

太平軍陸師自湖北蘄州東進 (此枝後似與大隊水師合)。

2,28 (一,二一) 翼王石達開督先鋒軍下安徽銅陵。

江蘇巡撫楊文定懼太平軍東逼，自南京東走鎮江，江寧將軍祥厚等勸阻無効。

調廣東師船赴江寧應援。

3,1 (一,二二) 命工部侍郎呂賢基前任漕運總督周天爵會同安徽巡撫辦理軍務。

前督師無效革職之欽差大臣大學士賽尚阿定斬監候。

左宗棠隨署湖廣總督張亮基到武昌。

3,2 (一,二三) 天王詔臣工當別男女，臣下不准

稱及后宮姓名位次，不准窺后宮面，不准傳后宮聲。臣下語不准傳入后宮。否則斬不赦（太平天曆爲正月二十八日）。

3,3（一，二四）東王楊秀清等再稟奉天討胡檄。河州鎮總兵吉順復安慶（一作3,11，誤）。

准湖廣總督張亮基帶同候補道江忠源赴湖北差遣委用。

3,4（一，二五）翼王石達開督先鋒軍指揮賁生才等占領蕪湖。

（註）或云是時東王楊秀清曾發安民布告（即告江南士民文），令各良民各將順字貼門，並將向來匾額除去，定金陵之後，另議考試，衡文取士，再定甲乙。其有各處廟宇，供養僧道，何如養鄉里窮民之爲愈。現今拿獲僧道斬首，並查首倡及重修之人，一併拿究（此布告有西文翻譯）。近見“逸經”第二十三期（頁一一）。有是件原文，上署秀清職銜爲“特授開國軍師平清元帥”，下署“天德二年二月”，附有“甯國府抄本”。是此件爲天地會黨所發，非東王告示，可無庸疑。

所謂楊秀清告示

幫辦湖南團練曾國藩派劉長佑，王鑫，李輔德統帶楚湘勇八營，自長沙赴湖南剿土匪。

准侍郎呂賢基帶同翰林院編修李鴻章等赴安徽幫辦防勦事宜。

李鴻章

3,5（一，二六）翼王石達開督先鋒水師敗清軍於

東梁山，斃福山鎮總兵陳勝元。

南京十三門均以土袋閉塞。

3,6 (一, 二七) 拏開欽差大臣兩江總督陸建瀛，
交刑部治罪。以江寧將軍祥厚爲欽差大臣兼署兩
江總督。

江蘇巡撫楊文定革職留任。

3,7 (一, 二八) 太平軍前隊水路先鋒下安徽太平
府(今當塗。一說因“太平”二字未入城)及和州。
夜晚太平軍陸路先鋒指揮黃生才等進抵
江寧鎮板橋，逼近南京。

3,8 (一, 二九) 太平軍先鋒(陸路)地官
正丞相李開芳，天官副丞相林鳳祥，指
揮吉文元等大隊進抵南京城西南之善橋
一帶，紮壘二十四座 (時城內守兵約五千
人，其中駐防旗兵居半數。又“同治上江兩縣志”，
卷十八，謂昨日起，太平軍已開始攻南門即聚寶
門。但“秋蟬吟齋詩鈔”則云“是時賊尙稀，此處
則據“金陵省難紀略”)。

命欽差大臣琦善速由皖北進兵江南。

命內閣學士許乃釗赴江南幫防剿。

以周天爵署安徽巡撫(3,11 實授)。

3,9 (一, 三〇) 太平軍據南京南門外雨花臺報恩寺，
向城內施礮轟擊，其水師自大勝關泊至草鞋峽。

以江忠源爲湖北按察使（越日命與總兵鄧紹良迅赴向榮軍營）。

3,10（二，一）江寧布政使祁宿藻，憂憤嘔血，死於南京圍城中（“金陵省難紀略 作3,17,此據張繼庚“上祁相國書”）。

3,11（二，二）欽差大臣向榮自九江水路東下。

命廣東選派水陸兵二三千赴江南。

命太常寺少卿雷以誠，侍講學士晉康會同南河總督楊以增巡查黃河口岸。

3,12（二，三）太平軍大隊水師經新洲大勝關到下關七里洲，大隊上岸，於下關靜海寺掘地道。南京合圍。

太平軍占領浦口，敗徐州遊擊馮景尼。

欽差大臣琦善抵湖北羅田，陳金綬勝保到蘄水。

曾國藩奉到認真團練以資保衛地方之諭旨。

3,13（二，四）太平軍環攻南京南門，水西，旱西及儀鳳等門。

調福建兵二千赴江蘇。

命前任長蘆鹽運使彭玉雯幫辦向榮軍務，仍總司糧臺事宜。

3,14（二，五）再催向榮，琦善，陳金綬速援江寧。

命兵科給事中袁甲等赴安徽幫同侍郎呂賢基辦理團練防剿事宜。

大隊捻匪自皖北入河南擾永城。

僱道請援於
英法

3,15 (二,六) 蘇松太道(上海道)吳健彰(卽吳爽,曾在廣州同順洋行行商),奉江蘇巡撫楊文定命致書上海英法領事,請派遣兵船,援救南京(時吳健彰已雇得澳門葡萄牙划艇十三隻上駛鎮江一帶,清軍宣稱英國兵船卽將向太平軍攻擊)。

命查抄督師無效之前欽差大臣饒尚阿,徐廣縉,陸建瀛家產。

教諭劉長佑,生員王鑫率楚勇湘勇大破湘南土寇於衡陽。

3,16 (二,七) 派員辦理直魯豫團練。

3,17 (二,八) 翼王石達開督太平軍力攻南京(清將軍祥厚守儀鳳門,陸建瀛守聚寶門,滿兵與綠營不和)。

命周天爵仍以兵部侍郎銜辦理安徽防剿事務,改授李嘉端爲安徽巡撫(是日天爵殺不守安慶之總兵王鵬飛於桐城)。

3,18 (二,九) 太平軍間諜入南京城內,散言明日破城。城北各家門牆或畫紅圈或白圈,或一或二,或朱書天字,或太平字,或刀十字。是夜礮聲不絕。

調陝西兵二千赴江南。

3,19 二,一〇) 上午遲明太平軍以地雷轟

占領南京

場南京儀鳳門城牆約二丈許，有數百人衝進北城，城內內應，即分爲二枝，一向鼓樓，一循金川門至神策門，經成賢街進向小營，殺欽差大臣兩江總督陸建瀛於黃家塘（據“秋蟪吟館詩鈔”建瀛之死，應在下午）。遇滿州旗兵，力戰不勝，仍由儀鳳門場城退出，清守軍復填場處。少傾第二雷又發，城牆再塌。

下午清南京南門（聚寶門）及清涼門守軍聞北城已破，總督戰死，兵勇紛遁，一唱百和，水西旱西二門守軍亦聞風潰走。晚南京西南兩面太平軍分自水西門等處越城而入，天官副丞相林鳳祥，檢點賴漢英，指揮吉文元等先登（時北城尙不知）。

南京城破，前廣西巡撫鄒鳴鶴，江南提督福珠洪阿，代理布政使江南鹽巡道涂文鈞，江安督糧道陳克讓，總兵程三光，副將佛爾國春，沈鼎，上元知縣劉同纓，江寧知縣張行澍等均死之。

欽差大臣向榮，幫辦軍務陳金綬同抵安慶（明日琦

善亦到)。

3,20(二,一一) 晨太平軍大隊自南京聚寶門(南門),水西門,漢(旱)西門入城。江寧將軍祥厚,副都統霍隆武等率旗兵防守內城。

太平軍呼令南京居民閉門,門上須貼順字,廳上須設几案,置茶三盞(敬天父,天兄,及聖神風)。男子須脫去領帽。

太平軍攻破南京內城,江寧將軍祥厚,副都統霍隆武,協領增福,佐領海明等均死之,駐防旗人二萬餘幾全被殺。

(註)駐防旗人數目,曾國藩奏作三萬餘人,或云二萬餘,其中能戰之士約八千人。此三萬餘人幾完全被殺,逃免者約四百餘人,或云三百人,或云百人,一說六人。中國記載,謂旗人抗戰甚烈,密迪樂及費士班則云並未抵抗(Meadows, *The Chinese and their Rebellion*, P. 169; Fishbourne, *Impressions of China*, P. 111, 恐不可信。同治三年八月十三日曾國藩奏云:“昔歲賊陷江寧,旗營三萬餘人,幾同一燼,被害之慘,甚於京口,殉節之

破南京內城

殺旗人

烈，甲於天下（“奏稿”，卷二一，頁一九）。

河南巡撫陸應穀赴歸德府，防捻匪北趨。

3,21（二，一二） 太平軍按戶搜查南京清官清兵滿人，及頂戴靴服印書等物，名曰“搜妖”。

幫辦湖南團練曾國藩奏請嚴刑峻法，以銷遏湖南會匪亂萌（本日具奏）。

3,21—24 太平軍迫害南京不信奉其宗教之教徒（據云爲基督教徒，恐未可信），死者數十人。

3,22（二，一三） 真天命太平天国禾乃師贖病主左輔正軍師東王楊秀清布告南京百姓，略謂“天王承天父天兄之命，乃理世人。人人要認識天父，歸順天王，同打江山，共享天福”（此係勸誥人民贊助其政治運動）。

東王布告

東王楊秀清又布告南京百姓，略謂“人不知敬天，天父大怒，第一次降洪水矣”，並舉犬妖蛇精諸說（此係勸誥人民信從其宗教主張。又按此布告似卽“頒行詔書”之“奉天誅妖”）。

南京太平軍各於門上寫“人人拜上帝，个个上天堂，快來快來拜上帝”等字。

分館

東王楊秀清傳令將南京城內男女分別男行女行，令男女分館，百工亦各歸行（一說先立男館，越日乃立女館。又東王是時尚未入城，主持南京城內事務者大約係翼王石達開。一說（如“同治上江兩縣志”“金陵通紀”）東王於本日入城，大約係其告示之誤）。

太平軍占領南京對岸之江浦。

英領覆滬道

上海英領事阿禮國（Rutherford Alcock）覆書蘇松太道吳健彰，關於派艦援救南京一事，請由兩江總督直接與英國全權代表相商（英使文翰 Bonham 已於本月十三日自香港北上，昨日到上海，健彰即繼續向其請求）。

男隨營女入館

3,23（二，一四）太平軍閉南京城門，編查戶口，分析男女愈急，男子隨營，稱新兄弟，二十五人爲一牌。婦女入館，稱新姊妹，二十五人爲一館，以一廣西老姊妹統之。

（註）張汝南“金陵省難記略”云：“女館多在西華門，比屋而居，謂之女營，分前後左右中五軍，軍

置女軍帥一，亦廣西女人爲之，女巡查一，則男賊也。不准男子入探，母子夫妻，止於館外遙相語。賊禁奸淫最嚴，淫曰犯天條立殺，雖廣西老賊不貸。凡有令，巡查傳之軍帥，軍帥傳之牌長，牌長督率從事，如挑磚挖濠溝，違者立鞭扑。賊云：‘既吃天父飯，要替天父辦事，不要記罣老公’（丈夫之稱），天王打平了江山，一个个有幾多的老公’。大率以此等邪談慰勉婦女。……其男行法，男子無論老少呼曰新兄弟。……軍館中五十以上二十以下爲牌尾，少壯爲牌頭，老者呼曰老傢伙，幼者呼曰娃崽”。男子不願隨營者各歸民家。出城門去者准手力擊，不准擔挑。又張繼庚“金陵舉義文存”上祁相國書云：“賊入城後，無論老弱強壯，皆迫爲聖兵，無論金銀衣服，皆虜入聖庫。又分男女爲二館，名爲男營女營，……每日男子發米一升，女子發米三合，其後則穀半升”。

3,24(二,一五)欽差大臣向榮自安慶舟行抵蕪湖，卽登陸。

太平軍搜集南京人民財貨（此事或係奉令而行，以財貨歸庫。李秀成供狀曾云安民之地，官兵敢入民房者斬不赦）。

(?) 天王洪秀全致書廣州美國教士羅孝全 (Roberts 秀全之師)，邀來南京，並代約其他教士偕行，以便廣佈教義（是書於5,11送到，據云

北王入城

於南京下後二日所發)。

3,26 (二,一七) 北王韋昌輝(正)進南京城,令各軍丁壯出城紮營(大約此時已決定建都南京,並決東攻鎮揚。昌輝住中正街前湖北巡撫伍長華宅,一說李宅。又翼王石達開先住故明張侯第,一說大中橋劉宅,嗣移上江考棚,安徽道王宅,復以妙相庵爲翼花園。秦日綱則住中正街董宅)。

清廷知南京失守,以怡良爲兩江總督,未到任前由楊文定暫署。促向榮速進南岸,相機攻勦,以保蘇常,琦善陳,金綬嚴防江北,遏其北犯。

3,27 (二,一八) 命署四川總督慧成自陝西折赴江南,會同漕運總督楊殿邦辦理防剿事務。

欽差大臣琦善抵安徽合肥,向榮至江寧板橋,被阻,繞秣陵關一帶赴東路。

3,28 (二,一九) 南京編查戶口,男女分館事辦理完畢(另有機匠,牌尾等館)。

東王入城

進取鎮揚

東王楊秀清進南京城,地官正丞相李開芳,天官副丞相林鳳祥,指揮羅大綱,曾立昌(立瑜),吳如孝等率新兄弟二萬餘人東攻鎮江府(一說東王於3,20偕天王自上新河入南京城,似太早。又一說東王於3,22入城。李林等東取鎮江或作3,25。據張汝南“金陵省難記略”及向榮“忠武公會辦髮逆奏疏”謂於昨日點兵,今日由水路出動,較

合理，以編查戶口男女分館事今日始畢，城內佈置大致就緒。李林等所率新軍，多在南京入伍，自須待編分之後，方可出動。3,25大約已向城外移營，準備出發。又秀清初居藩司署，旋移將軍署，終住旱西門黃泥巷史何二宅）。

以鄧紹良爲江南提督，命內閣學士許乃釗幫辦向榮軍務。

3,29 (二,二〇) 天王自南京水西門進城，直入兩江總督衙門，以爲天王府，改南京爲天京，正式於此建都。

定都天京

(註)李秀成供狀云，攻破南京之時，“水面舟隻萬餘，各盡載滿糧食。此時天王與東王尙欲分兵鎮守江南，欲取河南爲業。後有一老年駕東王坐船之湖南水手，大聲揚言，親稟東王，不可往河南，云‘河南水小而無糧，敵困不能救解。今得江南，有長江之險，又有舟隻萬千，南京乃帝王之家，城高池深，民富足餘，尙不立都，而往河南何也’。他又云‘河南雖係中州之地，只稱穩險，其實不及江南，請東王思之’。後東王復想見這老水手之言，故而未往，遂移天王駕入南京，後改爲天京。開立軍伍，整立營規，東王佐政事，事事嚴整”。是定都南京，完全係東王決定，而東王又係聽從一老年湖南水手之言（此湖南水手，或云卽水營指揮唐正

才，大約想當然耳）。按太平軍攻取金陵，乃洪楊未出廣西時之預定計畫（參看本年 2,9 註），似早已即有於此建都之意，不必係臨時受此老舟子稟陳之影響。又 3,21 南京攻下之時，天王東王當已到達城外，其所以遲至本日進城，或由於城內佈置尚未妥帖，定都問題之商決，容不無若干關係。或云天王曾謁明太祖陵，舉行祀典，恐不可信。

3,30（二，二一）直隸提督陳金綬，候補四品京堂勝保帶兵四千名抵江浦。

命署四川總督慧成自陝西赴江北籌辦堵防。

3,31（二，二二）指揮羅大綱，吳如孝占領鎮江（或云周勝坤鄭潤生亦在此路），敗清蘇松太道吳健彰所雇之澳門葡萄牙划艇，及總兵葉常春水師，江蘇巡撫楊文定走江陰，副都統文藝退丹陽。大綱等上岸後未遇抵抗。

（註）“丹徒縣志”云：“賊目僞元帥吳如嘯，僞檢點羅大綱據城，爲堅守計，四處掠人，增築新城，拆毀廟宇民屋，以大木架城上，添造礮臺，并出僞示，令人餽米麥牲畜。……以空屋分男女居之，各立男女僞司馬掌之，屋各數十人，逃者，偶語者，出屋者皆立斬。既又迫令各婦女或陸或舟，派僞官

占領鎮江

解往金陵，謂之登天堂，實爲節糧計也”（卷六〇，頁四二。按婦女解往天京，乃西曆四月杪事）。按大綱此時爲指揮，其 4,27 致英使書，署銜仍爲指揮，而其 6,5 致 Taylor 書，則已爲檢點，“賊情彙纂謂大綱於是年陰曆四月升殿左五檢點，甚屬可信。

地官正丞相李開芳等占領蘇儀徵（一作 3,29 或 3,28），信揚州（“揚州禦寇錄 謂胡以晃在內，恐不可信）。

欽差大臣向榮督軍抵南京，結營於城東二十里之沙子岡（旋移孝陵衛，是爲江南大營，約萬餘人）。

江南大營

捻衆千餘竄擾河南虞城，河北鎮總兵崇安拒之。

4,1（二，二三）地官正丞相李開芳，天官副丞相林鳳祥，指揮曾立昌占領揚州，清副將朱占鰲死之，漕運總督楊殿邦，兩淮鹽運使劉良駒及但明倫先日走高郵。太平軍以黎振暉守瓜洲，黃德生守儀徵（旋移揚州財貨婦女於天京。或云揚州教徒曾受迫害。陰曆三月，黎振暉他調，吳汝孝代之。黃德生謀應清軍，事洩被殺）。

占領揚州

春官副丞相吉文元自天京渡江攻六合。

- 湖北通城劉立簡抗糧起事，焚掠縣署，封職設官。
- 4,4(二,二六) 欽差大臣向榮督兵分路攻南京東南附郭土城克之。
- 直隸提督陳金綬，候補四品京堂勝保敗太平軍丞相吉文元，奪回浦口。
- 調吉林，黑龍江兵各二千名來北京。調西安，綏遠，寧夏駐防兵二千名赴淮揚一帶，交慧成調遣（截至此時，與太平軍相抗之清兵約十萬人）。
- 4,5(二,二七) 欽差大臣向榮部逼南京孝陵附近，鍾山太平軍出隊撲攻，被擊退。
- 以勝保補授內閣學士，並幫欽差大臣琦善軍務。
- 湖北嘉魚熊開宇等作亂，劫燬縣署。
- 4,7(二,二九) 欽差大臣向榮親督兵進攻鍾山太平軍營壘，互有傷亡。向榮軍逼至孝陵一帶紮營。
- 英使文翰派上海英領事署翻譯密迪樂 (Thomas Taylor Meadows一作密它士) 持文往見上海道吳健彰，聲明除保護英人生命財產外，不能以兵相助（時吳已雇英美商船四隻，改作兵船，用英美人管帶）。
- 4,8(三,一) 上海英美人分別會議，決招集義勇，與海軍合作，防衛上海租界。
- 4,9(三,二) 上海英國領事署翻譯密迪

樂自上海西上，調查太平軍狀況（昨日上海發現某方偽造太平天国將領羅黃文告，挑撥太平軍與外人感情，外人亦欲知太平軍實情，密迪樂即自請前往。又此偽文告原文見“粵匪雜錄”）。調山西兵三千名，陝甘兵四千名赴山東江南交界地方。

4,10（三，三）調直隸密雲駐防兵一千名來北京。

4,12（三，五）上海各國領事及全體外人會議，推選委員，布置租界防禦工事，訓練義勇。

侍郎周天爵督壽州知州金光筋，遊擊劉王豹，擒擒陸雙齡，陸繼恩等於定遠（一作 4,16）。

命前任江南河道總督潘錫恩辦理安徽太平府一帶捐輸團練事務。

4,13（三，六）命直隸總督訥爾經額，山東巡撫李德，嚴防太平軍北竄（以揚州失守）。

4,14（三，七）向榮，許乃釗，督提督蘇布通阿，鄧紹良，總兵和春，馬龍，秦定三，劉開泰等分路進攻鍾山及中和橋，襲擊南京通濟門，前後夾擊，破太平軍壘三座，奪大礮十二尊，烏槍二百四十餘桿。

向榮攻南京

英人密迪樂自上海經蘇州，常州，到丹陽（翌日即折回上海，據云丹陽清軍甚少，惟沿途均有軍隊

運輸，行伍凌亂。密氏曾見清軍布告，謂英人允以軍艦助攻太平軍。此行結果，知太平軍確信奉基督教義）。

湖北臬司江忠源擒獲通城亂黨首領劉立簡。

4,15（三，八）以湖北按察使江忠源幫辦江南軍務，以許乃釗暫署江蘇巡撫。

4,（三月初旬）天王封地官正丞相李開芳爲定胡侯，天官副丞相林鳳祥爲靖胡侯，春官副丞相吉文元爲平胡侯，命間道北伐（時李林大約在揚州，吉在六合附近）。

4,16（三，九）欽差大臣琦善，幫辦軍務直隸提督陳金綬，內閣學士勝保等屯兵揚州城外雷塘集，帽兒墩（約一萬七八千人，是爲江北大營）。

調盛京兵八千名來北京，察哈爾兵四千名赴張家口。

4,17（三，一〇）調綏遠熱河兵四千名赴山東江南交界。

琦善，陳金綬等分攻揚州北門西門，即移營離城三里之保山。

4,18（三，一一）上海英美法三國領事籌商租界防衛事宜。

北伐封侯

江北大營

湖北崇陽會黨陳北斗（中子）及汪某起事，豎“太平天德都督大元帥陳汪”及“復國安邦”大黃旗，本日占領桂口。

4,19（三，一二）向榮軍提督蘇布通阿，總兵馬龍，副將虎嵩林，明安泰襲占南京東南之七橋壘（七瓮橋），隔斷鍾山及報恩寺（雨花臺）之太平軍。

太平軍出揚州襲琦善大營，琦善合陳金綬，勝保及總兵雙來力戰卻之，遊擊白含章戰死。

命刑部侍郎奕經統帶密雲駐防官兵前赴山東防堵。上海英領事署翻譯密迪樂自丹陽回抵上海。

4,20（三，一三）太平軍猛攻南京城外許乃釗營，中伏被挫。

向榮乘機攻破鍾山營壘，擒太平金總制陳轉（此後太平軍決定堅守，並分兵北伐西征。）

以駱秉章署湖南巡撫。

命綏遠城將軍托明阿統兵往山東會辦防堵。又命瑛春，協領雙城統西安兵往山東江南備用。

4,22（三，一五）英使文翰（Sir S. G. Bonham），艦長費士班（Captain E. G. Fishbourne），翻譯密迪樂（密它士）乘“哈囉咪吐”（Hermes）艦自上海往南京，視察太平天國實況，探詢其對外人

英使西上

意旨，並說明英國中立態度（此船中途在江陰擱淺）。

毀神偶

4,23（三，一六）指揮羅大綱等毀鎮江銀島神偶。改以安徽廬州爲省城。

湖北按察使江忠源弟六品領頂江忠濟擊潰湖北崇陽會黨，斬太平天國殿前都督大元帥陳北斗（申子）等（此號係陳自稱，並非天王所封）。

4,24（三，一七）向榮，許乃釗等夜攻南京，以噴筒火箭直射城中，分軍紮孝陵衛。

廣西天地會

廣西鎮安府同勝堂黃葵安趨向武州（此外尚有洪勝，仁勝，忠義，聚義，同義，聯勝，萬勝，勇勝，錦義，協義，新勝，忠勝，和義，敬義，聯義，永義，大勝，廣義，義勝，得勝等堂）。

英使到鎮江

4,26（三，一九）英使文翰等乘“哈囉咪吐”艦到鎮江，蘇松太道吳健彰所雇英美商船及葡萄牙划艇暗隨（副將李德麟率之），太平軍開礮轟擊（文翰先派密迪樂上岸通知，因礮擊未克前進，因留書說明，亦未達。但密氏記載並未提此事）。

英使到南京

4,27（三，二〇）英使文翰到南京，由哈囉咪吐（Hermes）艦長費士班致書太平天國當局，說明來意。密迪樂及 Spratt 攜之由水西門入城，與北王韋昌輝，翼王石達開相會，首述英使之來，在中明英

政府之中立態度，次詢太平軍對外人意見，是否進向上海，並商接待英使儀式（北王發言最多，均關於宗教者。太平天国人士多來江邊或上英船參觀）。

（註）費士班原書云：“總理南京等處軍政大人台下：茲者，我曠國火輪船到此，並共襄清打仗，係有事與貴處相商。廣艇及上海道僱之兵船，乘我船來時機會，跟隨我船至鎮江打，均不與我相干，我們均亦並不知情，故此預告貴處，不必驚疑。務須分晰明白，接信後即請貴處官長一員，來我火輪船晤談一切爲要。我船〔過〕鎮江時，本擬與貴處官長面晤，緣廣艇乘機開放槍礮，故思直抵南京也。特此，順候近安。管理曠國哈囉咪吐火輪船主人費士班頓啓，三月十九。（見“忠武公會辦髮逆奏疏 卷二）。

指揮羅大綱，吳如孝自鎮江致書英使文翰，表示願與英人相友好，並勸勿助清軍（太平天曆爲三月二十三日。此書於文翰自南京東下時送到）。

4,28（三，二一）太平天国當局諭英使文翰，謂天王爲各國眞主，凡來朝見，均須遵照定儀，開呈履歷（太平天曆爲三月二十四日）。

英使文翰及費士班不受太平天国文件，原文退回，另附一八四二年中英南京條約之中文本一份，表

明英國在華之地位（此事實由密迪樂辦理）。

4,29（三，二二）賴檢點（漢英？）到下關英艦晤密迪樂，對昨日文件，表示歉意，解釋誤會，密亦重行說明英國中立態度。另約商定英使文翰明日上午十一時上岸與東王楊秀清等會晤（是日太平軍來船上者尤多。費士班贈賴以中英文聖經）。

欽差大臣琦善等猛攻揚州，與太平軍戰於二十四橋法海寺。

4,30（三，二三）英使文翰原定今日與東王楊秀清相見，恐以儀式問題發生困難，致書秀清婉辭謝絕，聲明英國嚴守中立，絕無以軍艦助清軍事。並詢太平軍是否將進攻上海，及對於英國之態度。由費士班，密迪樂，Woodgate 送往城內檢點賴漢英（？）處。

禾乃師贖病主左輔正軍師東王楊秀清，右弼又正軍師西王蕭朝貴，覆書英使文翰：“我天父上主皇上帝六日造成天地山海人物，天兄耶穌代世人贖罪，天下本一家，四海皆兄弟，不料我天国爲滿州奪取，徧地立土木偶像，敬拜邪神，大失真道。耶穌初顯聖外國，傳下聖書，英國信之，近

東王致英使書

又顯聖天国，遣使迎我主昇天，封爲天王，命將三十三天邪神驅入地獄。自戊申年三月天父降凡，九月天兄降凡，助我天王，成萬國眞主以來，六年於茲矣。爾遠人願爲藩屬，天王歡樂，天父天兄亦歡樂，既忠心歸順，是以降旨爾頭人及衆弟兄可隨意來天京，或效力，或通商，出入城門，均不禁阻，以順天意。另給聖書數種，欲求真道，可以誦習之（西人觀此文件，多以爲太平軍勝利後，基督教必可在中國盛行，中西商業亦必可改善），仍由賴檢點（漢英？）送往英艦（太平天曆爲三月二十六日。李圭“金陵兵事彙略”作三月二十五日，誤。此書於5,2早晨送到）。

清定各省捐貲備餉，增廣學額。

5,1（三，二四）英使文翰自南京西上，當晚又折回。

5,2（三，二五）英使文翰以東王楊秀清等書中措詞有以屬國視英意句，覆書聲明英國在華之條約權利，如有侵及英國人民或財產時，當立即採取如十年前之報復行動，至有占領南京鎮江等地，及訂立南京和約之結果（北王韋昌輝得書後，立赴江岸，謀晤文翰，英艦已於下午四時東去）。

5,3（三，二六）英使文翰回抵鎮江，得四月二十七日書，派翻譯密迪樂上岸晤守將指揮羅大綱。

英使離天京

英人晤羅大綱

大綱勸英人勿助清兵，勿售鴉片。文翰覆書聲明不助清兵，並要求太平軍勿再礮擊英船。大綱即覆允，解釋前次礮轟誤會。英艦即去。

以福濟爲漕運總督（原任楊殿邦革職後，先由江蘇臬司查文經署）。

5,5（三，二八）太平軍船約四五百隻，自南京江浦下駛六合儀徵（大約係接應自揚州西來之李開芳等）。

英使文翰等自南京回抵上海（此行結果頗不圓滿）。

5,6（三，二九）命兩廣總督葉名琛飭候補道伍崇耀（舊行商）雇覓火輪船隻爲攻勦太平軍之用。

5,（三月）署兩江總督江蘇巡撫楊文定二次照會上海英美公使，請借派輪船助剿（派已革副將鄭魁士及遊擊張攀龍送往。蘇松太道吳健彰邀鄭等到上海各國領事館接談，不得要領，又將照會帶回）。

5,7（三，三〇）欽差大臣琦善，幫辦軍務勝保，陳金綬等四路進攻揚州，破城外土壘木城，東路太平軍避入城內。

欽差大臣向榮督提督蘇布通阿，總兵秦定三，吉順等三路攻南京城西南，不得手。

署四川總督慧成抵江北清江浦，山東巡撫李德抵宿遷，防太平軍北進。

蘇撫向英美乞援

指揮羅大綱等敗江南提督鄧紹良，副都統文藝於鎮

江南門外觀音山，斃佐領唐善，萬清，廣慶等。

5,8 (四，一) 定胡侯地官正丞相李開芳，靖胡侯天官副丞相林鳳祥自揚州率軍經儀徵西進，留指揮曾立昌（滄）守揚城，指揮陳世保副之。

5,9 (四，二) 揚州太平軍出南門繼續西進，清侍衛德興阿等截擊之於蔣王廟。

總兵和春督帶水師擊毀鎮江江面太平軍師船數十隻。

擒首陳學曾紀黑壯等四千餘人，聚阜陽蒙城亳州交界之王市集，敗官軍，斃兵勇二百餘（編修李鴻章督附近團練禦之）。

5,10 (四，三) 廣東亂黨（三合會？）黃亞章占領潭源洞。

5,11 (四，四) 湖北廣濟人民宋關佑方四象抗稅爲亂，殺黃州知府邵綸，黃梅知縣鮑開運。
美國教士羅孝全在廣東接到天王洪秀全來書（上蓋有“天德太平王印”二寸見方之印）。

5,13 (四，六) 定胡侯地官正丞相李開芳，靖胡侯天官副丞相林鳳祥等率六軍（？一說九軍，或二十一軍），乘船千

餘號，自儀徵六合進至浦口江面，分三路上岸，黑龍江軍都統西凌阿，副都統明慶等潰走（開芳等部約二三千人，見“方略卷三七，頁五，一說千人，見“方略卷三八，頁七；又卷四三，頁二，張亮基奏亦云能戰者不過二三千人，見“張大司馬奏稿卷四，頁二七）。5,14（四，七）察哈爾都統西凌阿等自浦口退回滁州。

福建三合會（雙刀會）黃德美占海澄縣，遊擊崇安死之

幫辦江南軍務湖北按察使江忠源率楚勇自武昌東下，赴江南大營。

欽差大臣向榮派遣兵勇五路攻南京之通濟朝陽二門，擊退出拒之太平軍。

5,15（四，八）定胡侯李開芳，靖胡侯林鳳祥，平胡侯春官副丞相吉文元，合殿左三檢點朱錫琨，殿右十三檢點黃益芸占領浦口，開芳等進至江浦縣之東葛驛，錫琨等誤入六合縣境。

（註）通當多謂吉文元於李林入亳州時，始與相會。按此說不可信。咸豐三年五月初六日上諭：“前據向榮奏，查獲金陵城中賊首寄江北偽諭有林鳳祥，李開芳，吉汝元等賊目姓名，察其語意，是賊匪後路無援，專以裹脅爲事（“方略”，卷三七，

頁三五)。按所謂向榮奏係指咸豐三年四月二十九日一疏，中有云：“彭福興……係江寧人，被賊裹脅，……不甘從賊，乘間奔赴上游戰船中投首，並據呈出賊目偽諭，……係偽東王楊秀清等寄給偽丞相林鳳祥李開芳吉文光（元）三人偽諭”（“忠武公會辦髮逆奏疏”卷三）。又五月初九日周天爵奏：“四月二十一日，賊破鳳陽，二十六日，內僻道直趨懷遠，搶渡渦河焚掠，二十八日，……舍舟登陸，西走蒙城。……臣於初二日渡河，……獲粵匪楊棕傳等五人，供稱賊之偽東王李姓，更有林吉二姓爲頭目。本欲北窺徐州，因宿州有虎勇駐守，不敢北來，改道由懷遠西趨蒙亳，直奔鹿邑，而攻汴梁”（《方略》，卷三八，頁五至六）。是日上諭：“所稱拏獲楊棕傳等供稱李姓及林吉二姓爲大頭目，與向榮前奏情形相同。著向現獲各犯訊明林鳳祥，李開芳，吉文元等係何處人，何時從賊，詳細具奏”（同上，頁一〇）。向榮時在江南，去北京較天爵爲遠，而其奏報到京則在天爵之先，是其所得消息自必在前，且詳舉開芳等之名字。足見北伐軍出動時彼三人即在一起。“賊情彙纂”吉文元傳亦云“三月，楊賊令文元與李來芳林鳳祥等帶六軍賊衆北犯”（另參看下條）。

5,16（四，九）李開芳，林鳳祥，吉文元攻下安徽滁州，知州潘忠裴死之。都統

下滁州

西凌阿退定遠（“滁州志 謂破州城者爲羅大綱，誤。又云忠襄係日後暴卒”）。

檢點朱錫琨，指揮黃益芸進攻六合，吉林軍副都統德崇額，忠泰侍衛程克登額，及六合知縣溫紹原大敗之於龍池，擒斬千餘。餘衆回天京。

（註）“賊情彙纂”謂錫琨等於中曆五月初旬戰死於六合，楊秀清諱其死，仍分別升爲秋官正丞相剿胡侯，及秋官副丞相滅胡侯。按戰死之說，實不可信“太平天國野史”（卷十五）又謂錫琨於六合敗後入河南，會開芳等於直隸。據咸豐三年六月十一日琦善奏：“查陳金綬營拏獲奸細朱增發，供係安徽和州人，今年二月被賊裹脅，授爲僞司馬，嗣又授爲僞百長（卽卒長）。四月隨同僞正副丞相林鳳祥，李開芳，吉文元，朱錫琨等由浦口，滁州，關山，朱龍橋至臨淮關，復自臨淮起身走懷遠，蒙城，亳州到歸德府，……汴梁省，……遂到朱仙鎮屯集”（“方略”，卷四五，頁一二）。是朱錫琨攻六合後，卽北走與開芳等大隊相合北進。又“滁州志 謂羅大綱（誤）林鳳祥渡江後，林（誤）向六合，羅破滁州，5,26（四，一九）羅在鳳陽待林不至，回至清流關，爲勝保所敗云云（卷一，頁一二）。破滁州者爲林李，攻六合者爲朱黃，5,26折回清流關者卽林李所遣，以迎接錫琨者（惟云爲勝保

所敗，實誤，時勝保尚在揚州，6,18始拔營北上。

5,17(四，一〇)李開芳，林鳳祥，吉文元到安徽定遠池河驛。

福建三合會黃德美(威)占領漳州，總兵曹三祝，汀漳龍道文秀死之。分軍占長泰。

天地會占漳州

5,18(四，一一)李開芳等攻下臨淮關。

向築築壘於南京城東紫金山麓坡陀之上，擊退來攻之太平軍。

福建三合會黃威(黃德美)占領同安廈門，對於外人不加侵害(先一日廈門已發現“大明漢軍元帥洪之安民布告，下署天德 [Tai-tih?] 五十年癸丑四月初十日)。

命廣東山西陝西督撫勸諭富家大族，捐資百萬數十萬兩者，賞加五等封爵。

5,19(四，一二)春官正丞相胡以晁，夏官副丞相賴漢英率殿左一檢點曾天養，殿右八指揮林啓榮(容)，十二指揮白暉懷等，奉東王楊秀清命，統帥戰船千餘號，溯江西征，本日占領安徽和州(“南昌府志”謂胡賴等於6,2自天京開船)。

胡賴四征

福建三合會黃德美(威)占領漳浦。

5,22(四，一五)湖北按察使江忠源奏軍務情形，

陳述嚴法令，撤提鎮，汰弁兵，明賞罰，戒浪戰，察地勢，嚴約束，寬脅從八條。

斬失守岳州之湖北提督博勒恭武（一作4,16，此據“剿平粵匪方略”）。

廣西亂黨黃十一，黃狗兒擾平南縣。

5,23（四，一六）香港 Victoria 主教 Hobson 致書英國 Canterbury 大主教，稱道太平軍。

5,24（四，一七）向榮督軍攻南京朝陽門，東王楊秀清登城礮擊，誤斃太平軍數百人（時向榮於紫金山紮營十八座）。

湖北按使江忠源平通城亂。

5,25（四，一八）春官正丞相胡以晃，夏官副丞相賴漢英等占領安徽西梁山，裕溪口，雍家鎮。

5,26（四，一九）以太平軍北進，命新授江寧將軍託明阿自江北疾趨皖北堵截。

5,27（四，二〇）琦善督總兵雙來等轟擊揚州北門，終未得手。

命琦善節制調遣江北各路官兵。

署兩江總督楊文定革職拏問，解刑部治罪。

5,28（四，二一）定胡侯李開芳，靖胡侯林鳳祥，平胡侯吉文元，檢點朱錫琨攻下安徽鳳陽府（時“正賊不過千人，裹脅約有兩萬”，見“方略”卷三八，頁七）。

李林破鳳陽

蘇松太道吳健彰所雇西洋船隻，助攻鎮江，失利。
四川總督慧成到揚州邵伯。

5,29 (四, 二二) 福建水師攻廈門，爲小刀會（三合會）所敗。

李開芳林鳳祥分軍自臨淮折回滁州，接應後隊（“滁州志”作 5,26，此處據“安徽通志”）。

提督鄧紹良，總兵和春水陸軍連攻鎮江，均不得手。

5,30 (四, 二三) 美教士羅孝全 (Roberts) 函詢美使馬沙利 (H. Marshall) 是否可赴太平軍領域內佈教（本月十一日羅孝全得天王洪秀全函，故有是問。羅孝全旋到上海，以無法達到南京，復回廣州）。

羅孝全

6,2 (四, 二六) 李開芳，林鳳祥，吉文元等攻下安徽懷遠縣。

美國教士 Charles Taylor 離上海赴鎮江，考察太平軍實情。

6,3 (四, 二七) 西征之太平軍師船約千餘隻（春官正丞相胡以晃，夏官副丞相賴漢英部）敗清欽差大臣向榮之子向繼雄於太平府（繼雄退往九江）。

湖北按察使江忠源平湖北廣濟亂。

6,5 (四, 二九) 美國教士 Charles Taylor 到鎮江，晤殿左五檢點羅大綱（Taylor 留鎮江三日，贈大綱以西洋宗教書籍。大綱亦回贈以太平天国宗教書籍。並函勸外人在戰爭時期，暫勿前

美教士到鎮江

來)。

禾乃師贖病主左輔正軍師東王楊秀清，右弼又正軍師西王蕭朝貴誥諭四民，敬拜上帝，毀除邪神，士農工商，各安其業，勿得驚恐（太平天曆爲五月初一日）。

6,6（四，三〇）李開芳，林鳳祥，吉文元，朱錫琨攻下安徽蒙城，知縣宋維屏死之。

西征之太平軍師船陸續過蕪湖西駛。

西征指揮曾立昌，陳世保督軍出揚州天寧門（北門）襲琦善大營，爲肅州鎮總兵雙來所敗。

廣西亂黨胡亞金盤據平南附近滋擾（已三月）。

6,7（五，一）李開芳，林鳳祥等自安徽蒙城西洋集北進。

察哈爾都統西凌阿等自六合到安徽定遠。

春官正丞相胡以晃等占領安徽池州，燬鐵佛寺（尋退去）。

6,9（五，三）春官正丞相胡以晃，夏官副丞相賴漢英，檢點曾天養等圍攻安慶。

6,10（五，四）胡以晃，賴漢英，曾天養占領安慶，按察使張印塘等退集賢關。漢英等卽西進。

李開芳，林鳳祥，吉文元，朱錫琨攻下安徽亳州，殺知州孫椿等。

東王誥諭四民

再占安慶

6,11 (五,五) 幫辦江南軍務湖北臬司江忠源自武昌抵九江被阻(所部一千二百人)。

6,12 (五,六) 李開芳等敗河南巡撫陸應穀軍於亳州北(應穀駐歸德宋集)。

6,13 (五,七) 賴漢英,曾天養等西進,占領江西彭澤,焚文武廟及各廟神像(太平軍本日完全退出安慶,清按察使張印塘等入城,復回駐集賢關,尋下游太平軍續至,再行占領)。

李開芳,林鳳祥等攻下河南歸德府,清參將范正倫,知縣錢文偉等死之。

李林下歸德

6,14 (五,八) 河南巡撫陸應穀自歸德宋集走陳州,所部兵勇三千多潰散。

6,15 (五,九) 李開芳等攻下河南寧陵。

江西龍泉天地會劉通義起事,攻縣城(6,30 敗走)。

6,16 (五,一〇) 李開芳等攻下河南睢州。

江南軍總兵和春,馬龍,瞿騰龍,秦定三等力攻南京,破太平門外營三座。

6,17 (五,一一) 侍郎周天爵自皖北抵河南永城,援河南(6,23 折回徐州防守)。

福建總兵饒廷選擊敗漳泉之小刀會(三合會)。

6,18 (五,一二) 夏官副丞相賴漢英等占領江西湖口(十月,令人民造冊,編立軍師旅帥等官。十

二月，守將黃文金據下鍾山，築城鑿濠，添設城西對岸梅家洲營，城東月台山營，積極治防）。定胡侯李開芳，靖胡侯林鳳祥，平胡侯吉文元，檢點朱錫琨經紀縣，陳留逼開封（時李開芳等部約萬人，以大雨不克攻城），河南布政使沈兆澐，按察使林揚祖等守之。

內閣學士勝保帶兵一千九百名自揚州北援河南，江寧將軍托明阿，貴州提督善祿到歸德。

天地（三合）會攻臺灣府城。

6,20（五，一四）命賽尙阿發交直隸總督，徐廣縉發交河南巡撫差遣委用（賽旋留京幫辦巡防）。又命已革漕運總督楊殿邦發往新疆充當苦差。

調山西兵三千名赴直隸。

6,21（五，一五）命前兩江總督牛鑑發往河南軍營用。

6,22（五一六）幫辦江南軍務江忠源自九江到南昌，布置防守。

夏官副丞相賴漢英，殿左一檢點曾天養等自江西湖口進占南康府（人民縛獻知府恭安，知縣羅雲錦以迎），乘船南進（“南康府志”

李林圍開封

勝保北援

賴漢英占南康

作6,21)。

李開芳，林鳳祥，吉文元，朱鏡現撤開封圍，屯集中牟朱仙鎮（鳳祥於朱仙鎮寫信二封，派卒長朱增發及嚴光導送往南京請援，時軍中缺火藥。增發後被擒）。

6 23（五，一七）賴漢英等占領江西吳城鎮。

李開芳等占領河南中牟。

命直隸總督訥爾經額增兵大名，長垣，防太平軍北渡。

以刑部右侍郎雷以誠繼勝保幫辦揚州軍務（以誠時紮營揚州東南萬福橋，與四川總督慧成，江蘇按察使查文經各營相犄角，以保東路裏下河各州縣）。

命陝甘總督舒興阿往河南進剿，以易棠署陝甘總督。又以哈芬爲山西巡撫。

調察哈爾馬隊官兵四千名來京。調雲南，貴州兵各二千名赴湖南，備援江西。

6,24（五，一八）賴漢英，曾天養等圍攻南昌（所部約萬餘人），江巡西撫張芾，湖北臬司江忠源等守之。

江寧將軍托明阿，貴州提督善祿，已革都統西凌阿到開封。

賴漢英攻南昌

命御前大臣科爾沁，郡王僧格林沁等督辦京城巡防事宜。

6,25 (五,一九) 調盛京步兵四千名，吉林馬兵二千名赴天津，哲里木，卓索圖，昭烏達三盟兵各一千名赴熱河圍場聽調。

金和歷謁向榮，許乃釗，和春商金陵內應事 (6,15 金和出天京城)。

6,26 (五,二〇) 湖北臬司江忠源合糧道鄧仁堃，知府耆齡，林福祥分三路出南昌城，直撲太平軍，往復四次。

6,27 (五,二一) 江忠源等督楚勇再戰太平軍於南昌，小捷。

李林渡河

李開芳，林鳳祥，吉文元到河南汜水，開始渡河 (大部由鞏縣乘煤艇。開芳等議如不能渡河，即南回湖南，合西征軍)。

欽差大臣向榮派總兵瞿騰龍統兵二千名自南京紫金山大營取道鎮江北援。

廣東雇紅單船二十隻，自粵開赴江南，由陳國泰統稽帶 (紅單船乃廣東商船，由海關給以紅單，以備查，故名)。

英國態度

6,29 (五,二三) 上海英領事署翻譯密迪樂 (密它士) 及 Spratt, Williams 等奉英海軍鑑長費士班 (Fishbourne) 命到鎮江，調查上海道吳健彰所雇師船中之英海軍逃兵 (先後晤浙江藩司麟桂

及總兵李德麟)。

6,30 (五,二四) 李開芳, 林鳳祥, 吉文元攻下河南汜水。

廣西寇吳老丙占領恭城(尋退)。

7,1 (五,二五) 江寧將軍托明阿等到汜水, 李開芳等部仍陸續渡河。

7,2 (五,二六) 李開芳等攻下河南溫縣。

英人密迪樂等入鎮江城, 唔檢點羅大綱, 大綱告以太平軍中並無外人, 亦未見清軍中有外人。旋談軍事及宗教等問題, 臨去時並贈以太平天國書籍多種。

7,3 (五,二七) 欽差大臣琦善, 總督慧成, 侍郎雷以誠督總兵雙來, 臬司查文經, 學士晉康, 知事張翊國等猛攻揚州, 城幾下, 指揮曾立昌, 陳世保力戰卻之。雙來張翊國受傷。

江西饒州援軍千餘人到南昌。

太平軍船隻千餘號乘西北風揚帆上駛, 過江浦當塗(明日抵蕪湖。按此枝太平軍大約即國宗石貞祥, 韋俊, 石鎮崙, 石鳳魁所統, 以援賴漢英者。“中興別記謂石等上援在陰曆八月杪“太平天國野史作五月, 此據“忠武公會辦髮逆奏疏卷四。又參看下 7,25 及 7,29 條。石貞祥一作石祥貞, 或作石鎮祥, 石祥鎮, 應以石鎮祥為近是。民國“貴縣志”, 卷十六, 謂祥貞原名

石貞祥四編

祥開，爲達開從兄，以避達開諱更名。大約係據所謂石達開祖墓碑上之祥開揣想而知）。

7,4（五，二八）臬司江忠源再攻南昌太平軍，復小捷。

黃河復在豐北廳工西壩決口（河道漸有北趨勢）。

7,5（五，二九）湖南會黨李明先（天地會？）占領桂東，響應太平軍，稱洪順元年，勢頗張（時湘贛粵邊地會黨紛紛起事，巡撫駱秉章先後遣知縣朱孫詒，候補道夏廷樾，監生鄒壽璋等募湘勇平之）。

揚州太平軍敗清水師及團勇於瓜州虹橋，斃侍讀銜中書鍾淮，守備方綱。

李開芳等部完全渡過黃河，清將軍托明阿等收復汜水。

7,6（六，一）安徽霍邱縣捻首李士林擾河南息縣。

7,7（六，二）李開芳，林鳳祥，吉文元，朱錫琨圍攻河南懷慶府，知府余炳燾力守。

臬司江忠源督楚川江三省兵勇分三路出南昌，與賴漢英等大戰。

欽差大臣向榮，幫辦軍務許乃釗等襲攻南京太平

李林圍懷慶

門，未得手（明晚又襲朝陽門，亦未得手）。

7,8（六，三）調盛京兵四千名赴直隸。

黃河南岸之太平軍（未渡河者，約四千人，大約係春官副丞相吉文元部分出，故張春官正丞相旗，似欲南下接應西征軍者。“長葛縣志云，咸豐三年吉文元率兵數千，由襄陽南陽進攻許州未克，遂趨長葛，入城，焚衙署城隍廟戲樓而去。所記來自方向雖不合，而破長葛等城者之爲吉文元部又得一證）自鞏縣破密縣。

未渡河之太平軍

7,9（六，四）賴漢英等以地雷於南昌得勝門月城外，轟塌城牆六丈餘，蠶擁而上，江忠源江忠濟督楚勇卻之。

黃河南岸之太平軍破河南新鄭，南入長葛。

內閣學士勝保自揚州到亳州。

7,11（六，六）黃河南岸之太平軍合捻攻河南許昌（十三日撤圍南走）。

7,12（六，七）直隸總督訥爾經額抵磁州，禦北進之太平軍。

向榮派總兵音德布自南京紫金山大營西援南昌。

7,13（六，八）命大學士直隸總督訥爾經額爲欽差大臣，理藩院尙書恩華，江寧將軍托明阿幫辦軍務。

7,14（六，九）檢點羅大綱，指揮吳如孝出鎮江城，

襲擊江南提督鄧紹良營。

7,15(六,一〇)太平軍船隻千餘連檣過安徽魯港,三山,板子磯西上。

江寧將軍托明阿等相繼渡過黃河,援懷慶府。

7,16(六,一一)黃河南岸太平軍占河南遂平。

7,17(六,一二)幫辦湖南團練侍郎曾國藩與湖南巡撫駱秉章會奏辦理防堵事宜,並參長沙協副將清德,請革職。國藩又專摺奏保撫標中軍參將塔齊布,千總儲殿元(兵伍此後與湘勇不睦)。

7,18(六,一三)羅大綱吳如孝出鎮江城,大破江南提督鄧紹良,焚其京硯山營盤七座。紹良守丹陽。都司劉廷鏞督廣艇潮勇援紹良,大綱等復入城。

7,20(六,一五)揚州太平軍攻破虹橋清山東軍營盤,敗知府福楸。

總兵柏山敗黃河南岸太平軍及捻於河南羅山。

欽差大臣訥爾經額自磁州到彰德。

7,22(六,一七)羅大綱吳如孝屢出鎮江攻丹徒鎮,欽差大臣向榮遣總兵和春率湖南廣東兵進屯新豐鎮,合劉廷鏞潮勇禦之,阻其東南進(據英人密它士云,鎮江太平軍約三千人)。

7,23(六,一八)總督慧成部參將師長鏞等駕樓船攻揚州東路(樓船係長鏞與知州許道身,運判杜文瀾所商造),船被焚。欽差大臣琦善派肅州鎮總兵雙來攻北城,右臂中傷(明日傷卒)。

黃河南岸太平軍及捻攻下河南羅山。

曾國藩遣知州朱孫詒率湘勇千二百人自長沙經醴陵援江西，候補道夏廷樾，訓導羅澤南，編修郭嵩燾率湘勇千四百人繼之。

7,24 (六,一九) 曾國藩遣江忠淑率湘勇(新寧勇)千人自長沙經瀏陽援江西。

指揮黃生才奉東王楊秀清命自浦口援揚州，本日合守瓜州之尹謙吉攻三汊河，清侍衛德興阿，遊擊黃志配等卻之，追至分水龍王廟。

7,26 (六,二一) 李開芳林鳳祥等擊破大名鎮總兵董占元於懷慶。

江西天地會(紅巾)鄒恩隆起事，占領泰和。

7,28 (六,二三) 賴漢英等二次炸塌南昌城垣二十餘丈，復爲臬司江忠源，總兵馬濟美擊退。

內閣學士勝保率軍到河南懷慶府，合將軍托明阿，提督善祿，都統西凌阿，副都統雙成等分營東南東北路及清化鎮等處，與李開芳，林鳳祥，吉文元等相持。

河南捻圍攻正陽縣城。本日巡撫陸應穀到汝寧(8,5以豫東緊急，復折回省城)。

7,29 (六,二四) 九江鎮總兵馬濟美戰死於南昌。大批太平軍船隻自長江入湖口，援南昌(約千隻，

號稱二萬人，當係國宗石貞祥等所率領）。

黃河南岸太平軍及捻自豫南入湖北境。

7, 幫辦江北（揚州）軍務刑部侍郎雷以誠以軍餉不支，因揚州仙女鎮各會館舊有抽收釐金章程，於是月仿行，以濟軍需，坐賈按月收捐爲板釐，行商設卡收捐爲活釐，按獲利厚薄，約取百中二三。卽館委員於附近揚州城之仙女鎮，邵伯，宜陵，張網溝各米行開始實行（據雷以誠奏，似開始於陰曆九月間，通常均謂在六月。又此辦法初爲以誠幕客錢江議。江後以事爲以誠所殺。參看本年 2,9 註）。

8,1（六，二七）自黃河南岸折回之太平軍合捻攻下湖北黃安。

8,2（六，二八）太平軍兵船五六百隻到南昌增援。

8,3（六，二九）自黃河南岸折回之太平軍合捻攻下湖北麻城宋埠（8,5 入新洲）。

8,4（六，三〇）賴漢英等猛攻南昌。

湖廣天主教牧師 Rizgolati 自香港致書里昂巴黎中央公會報告太平天國政治經濟制度（本年 1,28 曾有關於太平天國宗教之報告）。

8,5（七，一）太平軍檢點曾天養舟師占江西豐城，運糧濟南昌。

8,7 (七,三) 檢點曾天養自江西豐城進占瑞州府，知縣胡光輔死之。江忠淑率楚勇二千驚潰走義寧。

江西天地會鄒恩隆敗道員周玉衡，斬千總胡大魁。

8,8 (七,四) 以勝保幫辦河北軍務。

江南軍總兵和春督軍復進紮鎮江京硯山。

8,10 (七,六) 自黃河南岸折回之太平軍經湖北羅田入安徽，攻下英山。

欽差大臣向榮派兵襲攻南京雨花臺，江東門，朝陽門，不得手，遊擊朱占鰲陣亡。

8,12 (七,七) 自黃河南岸折回之太平軍攻下安徽太湖，東與春官正丞相胡以晃部合。

8,13 (七,八) 檢點曾天養焚江西瑞州府學及城隍廟，棄城東去（瑞州輜重均已運解南昌）。

捻衆千餘攻河南夏邑縣城。

8,15—24 揚州太平軍屢次出城撲攻，均被擊退。

8,16 (七,一二) 江西天地會鄒恩隆，蕭奠邦占領安福（“縣志”作 9,14，似誤。尋圍攻吉安府，知府王本梧敗死）。

8,17 (七,一三) 江寧將軍托明阿，內閣學士勝保，貴州提督善祿等分三路進攻懷慶，與李開芳林鳳祥等大戰。

湖南提督鮑起豹部與曾國藩部湘勇械鬪。

調廣東兵二千名赴江西。

湖南兵勇械鬪

江蘇嘉定縣民徐耀劫縣署。

8,18 (七,一四) 檢點曾天養自江西瑞州府經南昌東入饒州府, 知縣沈延慶, 李仁元死之 (時萬年石鎮街及餘干縣民均向饒州進貢, 以免攻掠)。

8,19 (七,一五) 擒匪劉疙瘡率衆千餘圍攻河南沈邱, 知縣馮諫受傷。

8,22—31 賴漢英, 石貞祥等壘轟南昌城不下。

8,22 (七,一八) 指揮黃生才合瓜州之尹謙吉再援揚州, 復被擊退。

江忠淑在江西義寧招集潰勇後本日抵南昌。

8,24 (七,二〇) 羅澤南, 夏廷樾, 朱孫詒, 及郭嵩燾率湘勇到南昌。

8,26 (七,二二) 勝保, 托明阿, 西凌阿等敗李開芳, 林鳳祥, 吉文元, 朱錫珉於懷慶府。

8,27 (七,二三) 安徽宿州知州張清元攻皖北雉河集擒匪張洛行等, 斬擒首馬老虎。

8,28 (七,二四) 檢點曾天養自江西饒州府占樂平, 清文武官員棄城, 知縣李仁元全家自盡。

賴漢英, 石貞祥, 韋俊 (即韋十二) 等敗湘軍羅澤南, 夏廷樾, 朱孫詒, 郭嵩燾等於南昌, 斬營官七品軍功謝邦翰, 易幹, 羅信南, 羅鎮南 (均澤南弟子)。並敗滇軍總兵音德布。

湘軍敗於南昌

8,31 (七,二七) 廣東匪陷湖南興寧 (9,2 候補縣丞王鑫復之)。

蘇松太道吳健彰雇美國船一隻，到鎮江助剿。

8, (七月) 天父下凡 (東王楊秀清託)，改前誠語曰“君使臣以禮，臣事君以忠”。

天父下凡

9, (八月) 把守南京太平門外親營之右四軍帥李以文 (秀成) 調為後四監軍，把守儀鳳門外高橋 (按高橋似非地名，否則不當在儀鳳門外。此據秀成供狀)。

李秀成

9,1 (七,二八) 李開芳，林鳳祥，吉文元，朱錫琨久攻河南懷慶府不下，清欽差大臣訥爾經額，幫辦軍務托明阿，恩華，內閣學士勝保，提督善祿，都統西凌阿等大軍屯東北分五路逼攻，撤圍自黃河太行山間小道西趨。

9,3 (八,一) 江西南康縣天地會朱士華起事，攻縣城 (尋失敗)。

9,4 (八,二) 李開芳，林鳳祥，吉文元等經河南濟源攻下山西垣曲縣，焚燒廟宇，守軍潰走，河東道張錫藩，知縣晏宗望死之。

李林入山西

9,5 (八,三) 江蘇三合會 (天地會，小刀會) 周立春，徐耀陷嘉定 (一說是日陷青浦，誤)，以霧縠霧縠義興公師名義，出示安民。

捻衆二千餘人攻河南夏邑。

9,6 (八,四) 以懷慶府解圍，賞訥爾經額，恩華，托明阿，勝保等有差。

湖南提督鮑起豹縱永順協兵復與曾國藩湘勇（副將塔齊布所練辰勇）械鬪。

9,7 (八,五) 天地會（即小刀會，三合會，添弟會，多閩粵人）劉麗川，潘金珠（即潘可祥，號小禁子，或小金子），陳阿林，謝安邦，陳阿六，林阿福，李咸池，占領上海縣城，粵勇應之，殺知縣袁祖惠，囚蘇松太道吳健彰。麗川以“大明國統理正（政）教〔天下〕招討大元帥”（一作“大明太平天國”），咸池以“開國元勳滅（平）胡大都督”名義出示安民，印曰“順天洪英義興公司”，均以紅巾裹頭。租界宣布中立，麗川等借上海英領事以通好於太平軍，具摺稱臣，英領事以輪船載洋槍火藥攜摺往南京，至鎮江被清軍截獲，據云後太平天國派人到上海調查，以麗川等未毀神偶，吸食鴉片，且政治主張不合，未予認可）。

李開芳林鳳祥等攻下山西絳縣，知縣潘名魁死之。

9,8 (八,六) 李開芳林鳳祥等攻下山西曲沃，知縣丁璜死之。

勝保追兵到絳縣橫嶺關。

檢點曾天養占江西景德鎮，鎮勇應之。

上海江海關被焚劫。

湖南永順協兵圍攻塔齊布參將署，燬其房室。又到曾國藩公館滋擾，巡撫駱秉章爲之解圍。

湖南兵勇互
鬪

9,9 (八,七) 上海三合會(小刀會) 釋蘇松太道兼江海關監督吳健彰，健彰即避入租界。

三合會占領寶山(“青浦縣志 誤作 9,12)。

太平軍占領安徽蕪爲州(此枝太平軍大約係謀合安慶胡以晃等以規取皖北者)。

檢點曾天養占領江西浮梁，知縣謝方潤死之。

調吳文鎔爲湖廣總督，慧成爲閩浙總督，實授裕瑞爲四川總督。

9,12 (八,一〇) 李開芳，林鳳祥，吉文元占領山西平陽府，知府何經墀，知縣周春陽，同知郭升等死之。

三合會劉麗川遣百龍黨朱月峯，沈紹等陷江蘇南匯，知縣章惠死之。另枝趙渭堂等陷川沙。

前任兩廣總督徐廣縉敗捻宋喜元等於河南夏邑。

9,13 (八,一一) 李開芳等分軍占山西洪洞(趙城霍州人開城儲糧以待)。

湘軍水師

以署湖廣總督張亮基爲山東巡撫（原任巡撫李德卒）。

9,14（八，一二）從江忠源請，命湖南湖北速製戰船（先是郭嵩燾在南昌江忠源幕，力主添置水師，忠源卽具摺奏請，並致書曾國藩，主先辦船礮，以擊水上之太平軍）。

向榮派提督蘇布通阿，總兵虎嵩林督副將西林，遊擊蔡應龍，張國樑攻南京南門外大街，敗把守該地之前二軍。

三合會周立春，潘小金子，陷太倉州，卽被擊退。

9,15（八，一三）知縣羅澤南率湘勇克江西安福（上月爲會黨所陷。先是湘勇到南昌後，時吉安被會匪圍，江忠源遣夏廷樾，劉長佑，江忠淑等往援破之。澤南復進剿安福匪）。

9,16（八，一四）幫辦湖南團練侍郎曾國藩自長沙赴衡州治水師（兼避湖南營兵，並就近調遣各勇，剿衡，永，郴，桂匪徒）。

勝保到山西洪洞，阻李開芳等北進。

9,17（八，一五）三合會周立春陷青浦（旋回嘉定）。江西太平軍自饒州府進占都昌，焚祠廟二所（似係檢點曾天養部）。

9,18（八，一六）李開芳等退出山西平陽，併入洪洞。

曾國藩移駐衡州

山西巡撫哈芬革職拏問，以恆春代之。

9,19 (八,一七) 李開芳等自山西洪洞東走屯留。

9,20 (八,一八) 羅澤南率湘勇克江西泰和(會黨入湖南陷茶陵安仁)。

9,21 (八,一九) 江寧將軍托明阿追李開芳等至山西屯留縣之豐儀鎮，中傷。

9,22 (八,二〇) 江蘇按察使吉爾杭阿，主事劉存厚克青浦(土匪走上海，合三合會大隊)。寶山三合會亦退出。

太平軍占領江西彭澤(似係檢點曾天養部。十一月設監軍等官)。

9,23 (八,二一) 以勝保代訥爾經額爲欽差大臣，仍命恩華，托明阿幫辦軍務(李開芳等入山西後，勝保追擊最力)。

太平軍占領安徽東流(此枝太平軍來自江西，大約卽檢點曾天養所率領)。

9,24 (八,二二) 夏官副丞相賴漢英，國宗提督軍務石貞祥(鎮祥?) 韋俊，石鳳魁，指揮林啓容等撤南昌圍北去。

太平軍占領安徽建德(大約係檢點曾天養部，一作9,28)。

李開芳林鳳祥等攻下山西潞城縣，焚文昌樓。

保督師

南昌解圍

石達開到皖

9,25 (八,二三) 翼王石達開率太平軍大隊到安慶省城 (約五六千), 卽築樓設防。

江蘇團練復南匯。

廣西永寧州韓鳳, 蕭孜占領州城 (10,5 退)。

9,26 (八,二四) 給欽差大臣勝保神雀刀, 副將以下如有不遵調遣, 貽誤軍情, 卽行正法。

李開芳林鳳祥等攻下山西黎城, 焚城隍廟 (“黎城縣志 作 9,5 誤”), 進占河南涉縣, 知縣李毓珍死之。

9,27 (八,二五) 三合會退出江蘇川沙廳。

9,28 (八,二六) 主事劉存厚合太倉知州蔡映斗克復江蘇嘉定, 擒周立春 (一作 9,22)。

夏官副丞相賴漢英, 國宗石貞祥等自鄱陽湖出湖口西上。

9,29 (八,二七) 侍郎曾國藩抵衡州, 治水師。

李開芳, 林鳳祥, 吉文元, 朱錫琨自河南武安入直隸境, 攻下臨洺關, 殺同知周憲曾。直隸總督訥爾經額, 總兵經文岱部萬餘潰散, 走廣平府, 關防軍資盡失。

國宗石貞祥, 韋俊, 夏官副丞相賴漢英等占領九江 (“德化縣志 作 9,28 漢英等

李林入直隸

石韋占九江

奉東王召東返。一說漢英於陰曆十月間始回天京)。

9,3) (八,二八) 李開芳林鳳祥等下直隸沙河, 知

縣玉衡死之(山西“長子縣志 謂是日開芳等占

長子, 如不誤, 是此時山西境內尚有太平軍後

隊。否則長子之占, 應在 9,22 左右)。

10,1 (八,二九) 李開芳林鳳祥等攻直隸順德不

下, 進占任縣。

國宗石貞祥, 韋俊占領湖北武穴。

以欽差大臣琦善久攻揚州不下, 嚴旨切責, 如再不

知愧奮, 卽正法。

10,2 (八,三〇) 國宗提督軍務石貞祥(鎮祥?)

等進攻湖北田家鎮, 道員徐豐玉, 總兵楊昌泗等

拒之。

李開芳林鳳祥等攻下直隸隆平。

10,3 (九,一) 李開芳林鳳祥等攻下柏鄉。

以李開芳等入直境, 派培成, 多爾濟那木凱帶領北

京南苑駐紮之察哈爾官兵四千名赴正定防守。

10,4 (九,二) 李開芳林鳳祥等攻下趙州。

派副都統達洪阿帶兵二千名赴直隸臨洺關。

1,5 (九,三) 太平軍舟師占安徽和州東關, 敗總

兵玉山等(先是編修李鴻章守東關)。

國宗石貞祥分船數百隻自富池口抵興國州。

10,6 (九,四) 檢點黃生才, 許宗揚, 陳世保等援

揚州, 大敗清參將馮景尼於虹橋(生才等以功晉

封丞相)。

李開芳林鳳祥等攻下欒城，知縣唐盛死之。

革直隸總督訥爾經額職，以桂良代之。

10,7(九,五)李開芳林鳳祥等攻下橐城。

安徽太平軍占領巢縣。

江西天地會鄒恩隆自泰和永寧入湖南，連陷茶陵安

仁(副將塔齊布剿之，本月九日克復二城)。

10,8(九,六)李開芳林鳳祥等攻下晉州，知州楊

雲鰲死之。

欽差大臣勝保到直隸正定。

石貞祥等攻占湖北興國半壁山。

10,9(九,七)派惠親王綿愉總理北京巡防事宜。

定前署兩江總督江蘇巡撫楊文定爲斬監候。

10,10(九,八)李開芳，林鳳祥，吉文元，朱錫

琨占領深州，殺知州陳希敬。

拏問已革欽差大臣直隸總督訥爾經額及幫辦軍務理

藩院尙書恩華。

上海英國領事阿禮國通告蘇松太道兼江海關監督吳

健彰，在清軍未收復上海縣城以前，否認其關稅徵收權。

10,11(九,九)以惠親王綿愉爲奉命大將軍，

科爾沁郡王僧格林沁爲參贊大臣，

總統四將軍，督旗營察哈爾兵會同

李林占深州

江海關

北京戒嚴

欽差大臣勝保進剿，以保衛畿疆。北京設巡防所，戒嚴（時北京官民逃遷者達三萬戶，北城一萬八千戶僅餘八千戶）。

10,12（九，一〇）添派恭親王奕訢辦理巡防事宜。

10,13（九，一一）勝保到保定省城，李開芳等進至距保定六十里之張登地方。

10,14（九，一二）以綏遠城將軍善祿，察哈爾都統西凌阿幫辦欽差大臣勝保軍務。並命僧格林沁即日帶兵馳赴保定，防堵。

湖北 臬司 江忠源經江西瑞昌到湖北田家鎮。

10,15（九，一三）國宗提督軍務石貞祥（國宗韋俊或在內）大敗湖北軍臬司唐樹義及江忠源於田家鎮半壁山，湖北糧道徐豐玉，漢黃德道張汝瀛，荊門知州李源，知縣杜文浩等均陣亡，武昌府同知勞光泰部礮船廣東潮勇多潰降。忠源力戰，突圍出（清軍約萬人弱）。貞祥進至蘄州，左四軍正典盛糧陳玉成據漕河。

丞相羅大綱，檢點吳如孝突出鎮江南北兩門，總兵和春拒之，互有傷亡。

科爾沁郡王僧格林沁駐軍涿州。

左宗棠辭張亮基，自武昌回湖南。

石貞祥破湖北軍

- 10,16 (九,一四)欽差大臣勝保及西凌阿,善祿,經文岱進軍深州附近。
- 翼王石達開自安慶遣軍(檢點曾天養應在內)攻占集賢關,斬遊擊賡音泰,伍登庸,安徽按察使張熙宇,漢中鎮總兵恆興潰走(一作10,26)。
- 10,17 (九,一五)國宗石貞祥占領湖北黃州府,殺知府金雲門。
- 調任湖廣總督吳文鎔到武昌接印(文鎔爲曾國藩會試座師。此次自雲貴過長沙時曾招國藩相晤。又張亮基明日離武昌赴山東巡撫任)。
- 幫辦安徽團練前任漕運總督侍郎周天爵卒於潁州,年八十二(時潁亳捻五十八股聞天爵死,同時蠶起,合爲一股)。
- 10,18 (九,一六)太平軍再占領安徽池州,焚東嶽廟,百牙山廟,西廟及學宮(10,26)退。明年四月復被占,設官分職,勒民呈冊,徵收錢漕,見“貴池縣志”,卷一二,頁二九)。
- 10,19 (九,一七)李開芳林鳳祥等分三路撲攻深州城外勝保大營。
- 10,20 (九,一八)國宗石貞祥(鎮祥)占領漢口漢陽,知府俞舜卿,知縣劉鴻庚死之(太平軍二陷漢陽)。總督吳文鎔,巡撫崇綸守武昌(文鎔崇綸不合)。

周天爵卒

再占漢陽

兩廣總督葉名琛自廣州赴韶州剿匪。

10,21 (九,一九) 欽差大臣勝保與將軍綿洵, 桂齡, 善祿, 都統西凌阿等四路攻深州, 挫李開芳等。

以江忠源爲安徽巡撫, 原任李嘉端革職。

10,22 (九,二〇) 李開芳, 林鳳祥, 吉文元, 朱錫珉棄深州東走。

10,23 (九,二一) 江忠源到湖北黃陂。

10,24 (九,二二) 欽差大臣勝保督兵抵河間府。

10,25 (九,二三) 李開芳等占直隸獻縣(旋占交河, 知縣孔慶銓死之)。

安徽捻三四千人聚集阜亳交界, 兵科給事中袁甲三督知府張元清, 遊擊朱連泰敗之於高公廟, 退集雒河集。

捻集雒河集

欽差大臣琦善, 閩浙總督慧成, 提督陳金綬, 侍郎雷以誠等力攻揚州不下。

10,26 (九,二四) 以英桂代陸應穀爲河南巡撫。

10,27 (九,二五) 李開芳林鳳祥等攻下滄州, 殺知州沈如潮等, 直趨天津。

10,28 (九,二六) 國宗石貞祥部(三十餘人)合土匪占領湖北孝感(卽退。一作10,25)。

科爾沁郡王僧格林沁到直隸固安。

上海江海關監督署暫設於黃浦江中師船上(外人不予承認)。

李林占靜海

10,29(九,二七) 定胡侯李開芳，靖胡侯林鳳祥，平胡侯吉文元，剿胡侯朱錫琨率領北伐軍占領直隸靜海，建土壘木柵，開芳屯獨流楊柳青，逼天津（滅胡侯黃益芸或亦在軍中。一說益芸後於蘇魯之交合黃生才等所統北伐援軍）。

命湖南巡撫駱秉章幫辦團練曾國藩援湖北。

李林攻天津

10,30(九,二八) 李開芳，林鳳祥，吉文元，朱錫琨進攻天津，離城十里，分路直撲，爲水所阻。天津長蘆鹽政文謙，總兵特克慎，知府錢忻和，知縣謝子澄合蘆團卻之。勝保，善祿，西凌阿進攻靜海，擾其後路。

上海清軍在租界附近焚掠。

封侯

10, 天官正丞相秦日綱升頂天侯，春官正丞相胡以晃升護國侯（尋改護天侯），地官副丞相陳承濬升天官正丞相。

11,1(一〇,一) 天津知縣謝子澄敗李開芳等於稍直口。

林鳳祥自靜海突出，攻欽差大臣勝保，將軍善祿，都統西凌阿等營，不利。

11,2(一〇,二) 僧格林沁到直隸東安。

11,3(一〇,三) 命曾國藩統帶練勇馳赴湖北。

11,5(一〇,五) 勝保自靜海繞道抵天津，僧格林

僧格林沁

1853(咸豐三年)

沁扼守天津西北之楊村，防李開芳等北進京師。
再命曾國藩帶練勇馳赴湖北。
安徽巡撫江忠源，湖北按察使唐樹義至漢口附近之
灑口。
命兵科給事中袁甲三三品卿銜，接辦周天爵剿匪事
宜。
勝保及副都統佟鑑，知縣謝子澄攻李開芳等於天津
楊柳青。

11,6 (一〇, 六) 國宗石貞祥(鎮祥)退出
漢陽漢口，屯駐黃州，待援軍。

石貞祥退出
漢陽

11,7 (一〇, 七) 欽差大臣向榮派總兵德安，已革
提督鄧紹良自江寧赴東壩，防太平軍入蘇杭。

11,8 (一〇, 八) 副都統達洪阿到勝保軍營(達洪
阿自謂受僧格林沁牽制，勝保與僧不協)。

11,10 (一〇, 一〇) 清軍屢攻上海城不利，火焚
小東門外民房。

欽差大臣向榮奏軍餉告匱，情形窘急，請飭戶部
向各省嚴提催解(江南大營每月餉需約二十餘萬
兩)。

11,11 (一〇, 一一) 天地會黃威(德美)退出福
建廈門，清軍入城掠殺。

安徽巡撫江忠源自漢口赴廬州。

勝保，西凌阿，善祿，慶祺(侍郎)等敗李開芳等
於天津獨流鎮，侍衛興林陣亡。

已革山西巡撫哈芬發往軍臺効力。

11,12 (一〇,一二) 護國侯胡以晃, 檢點曾天養
占領安徽桐城練潭鎮。

三品卿銜袁甲三派兵擒擒首馬在龍, 占領皖北雉河
集。

刑部侍郎奕經卒於徐州。

11,13 (一〇,一三) 勝保西凌阿等再敗李開芳等
於天津獨流鎮。

11,14 (一〇,一四) 護國侯胡以晃, 檢點曾天養
等進占桐城 (明日屠殺半日。即以檢點梁立泰
守之。或謂秦日綱曾參與是戰, 按日綱時在南京,
十二月後始到安慶, 見下)。

11,15 (一〇,一五) 三命曾國藩赴援湖北。

江寧慶膳生張繼庚與向榮約內應, 未果 (是謀始於
六月, 平軍中頭目有與通者, 如總制陳桂堂,
軍帥張沛澤, 書手蕭保安, 翁月鋒是)。

11,17 (一〇,一七) 定已革直隸總督訥爾經額斬
監侯。

太平軍張瞎子占領湖北大冶。

11,18 (一〇,一八) 新授安徽巡撫江忠源自湖北
赴安徽。

11,19 (一〇,一九) 大隊太平軍自天京西赴安慶
(或云翼王石達開在內, 李秀成供狀亦云是年八
月任後四監軍, 十月之間, 即同翼王上安省安

天京內應

石達開守安慶

民。是達開之赴安慶，確在十月。但“賊情彙纂”卷一則作八月，“風鶴實錄”亦謂九月“賊首僞翼王石大開距安慶攻集賢關”。按咸豐三年十一月初三日上諭有云：“據孫銘恩奏，十月十九日有賊營女船七十餘隻，自金陵上竄安慶，聲稱僞翼王家屬。是日西去者乃石達開家屬，亦可證達開已先在安慶）。

11,20 (一〇,二〇) 皖南太平軍占黃池。

11,21 (一〇,二一) 國宗石貞祥等棄湖北黃州，退至蘄州。

知縣羅澤南率湘軍自江西吉安回湖南。

11,23 (一〇,二三) 巡查賴桂英在天京(南京)內城新橋擊獲周亞九，李連升，于順添等朋吹洋烟(鴉片)，由殿右二檢點胡海隆稟夏官正丞相何震川，轉稟東王楊秀清，北王韋正(昌輝)，翼王石達開(按達開此時已離南京西上)，奏達天王斬首(太平天曆爲十月十八日)。

嚴禁鴉片

太平軍船百餘號自蕪湖黃池進攻高淳，總兵德安敗之。

11,24 (一〇,二四) 勝保，達洪阿(都統)攻天津獨流，不利。

曾國藩奏暫緩赴鄂，並謂長江千里，戰船實爲先務，俟趕辦就緒，卽自統帶駛赴下游(本日具奏)。

安徽巡撫江忠源自漢口抵六安州，因病暫留。

湖南道州會黨何賤苟（自稱普南王，與太平軍相通）占領常寧。

11,28（一〇·二八）國宗石貞祥（鎮祥）再占湖北黃州府，知府金雲門死之，按察使唐樹義退武昌。護國侯胡以晃等攻占安徽桐城北峽關，戶部主事朱錫麒死之。

11,29（一〇·二九）護國侯胡以晃，檢點曾天養占領安徽舒城，督辦安徽團練工部侍郎呂賢基，刑部主事，（通判？）徐啓山等均死之。總兵恆興走廬州。

11,30（一〇·三〇）護國侯胡以晃等進逼安徽廬州府（安徽臨時省治）。

法國公使布爾布隆（A. de Bourboulon）偕祕書顧思（de Courcy），乘 Cassini 艦（艦長爲 de Plas）離上海西上。

11，天王族弟洪仁玕復到香港，從瑞典教士韓山明（旋受洗禮）。

11，廣西賓州三合會（天地會）覃觀成在富羅廟結盟，號洪家。

12,1（一一·一）湘勇周鳳山（千總）曾國葆收普南王何賤苟於常寧。

江寧張繼庚再約向榮謀內應，向軍不至。

呂賢基死

法使西上

12,2 (一一,二) 夏官副丞相賴漢英奉東王楊秀清命自天京渡江，合夏官正丞相黃生才等攻儀徵沙漫洲，援揚州，陣斃西安副都統哲克東阿（“揚州禦寇錄 卷上，頁十二，謂援軍中有石貞祥在內，不可信）。

賴漢英援揚州

12,3 (一一,三) 以湖南總兵和春爲江南提督。賴漢英，黃生才等占儀徵。

12,4 (一一,四) 法國公使布爾布隆乘艦過鎮江西駛。

12,5 (一一,五) 命陝甘總督舒興阿自河南援安徽。

命將失守桐城之漢中鎮總兵恆興，及前任安徽按察使張熙宇正法。

12,6 (一一,六) 法國公使布爾布隆到南京（天京）視察，投說單一紙，詰問何以迫害鎮揚奉教同類。

法使到天京

12,7 (一一,七) 奉命援揚州之丞相賴漢英，黃生才等合城內守軍檢點曾立昌，指揮陳世保夾攻清琦善，慧成等軍，副統薩炳，總兵瞿騰龍，副將松齡，都司毛三元等力戰卻之，漢英等復退守儀徵。

12,10 (一一,一〇) 安徽巡撫江忠源督帶兵勇二千七百人到廬州府（薛福成云忠源爲廬州府知府胡元煒所給，以所部之半留守六安，自率其半到

江忠源到廬州

廬州。時元煒已通太平軍）。

12,11（一一，一一）湘勇千總周鳳山及曾國葆收
湘南土寇，克常寧。

12,12（一一，一二）護國侯胡以晃等力攻廬州府。
林鳳祥自靜海援獨流，李開芳率衆四路出應，爲勝
保所敗。

江南提督和春抵徐州，督辦防剿事宜，所遺鎮江防
務，由提督余萬清接辦。

命曾國藩趕辦船隻東援安徽。

12,14（一一，一四）湘南天地會尹尙英自常寧占
嘉禾（一說占嘉禾者爲普南王何賤苟，此據“嘉
禾縣志”卷二二）。

法國公使布爾布隆離天京東返。

英教士麥都思（W. H. Medhurst）在上海倫敦布道
會教堂遇一太平天國信徒，暢述上帝之當拜，及
太平軍之宗教信仰與勝利原因，頗予麥氏以良好
印象。

12,16（一一，一六）欽差大臣勝保，都統達洪阿
等再攻天津獨流。

12,18（一一，一八）胡以晃敗援廬州府之壽春鎮
總兵玉山，斬之。

國宗石貞祥（鎮祥）自湖北黃州上逼武昌，總督吳
文鎔閉城固守（文鎔與巡撫崇綸不合）。

已革知府謝繼超縋入上海縣城，擬招降小刀會，

爲林阿福所殺(是日小刀會首領之一李紹熙降)。

12,19 (一一,一九)命江南提督和春,陝甘總督舒興阿(時在河南陳州),給事中袁甲三速援廬州。總兵音德布及同知劉長佑,千總江忠信到廬州,戰不利。

湘南之普南王何賤苟圍藍山。

12,23 (一一,二三)李開芳,林鳳祥,吉文元等大敗清欽差大臣勝保,都統達洪阿,德勒克色楞於天津獨流,斬蒙古副都統佟鑑,天津知縣謝子澄。勝保之神威大礮遺失一半。

12,24 (一一,二四)丞相賴漢英,黃生才等擊破揚州東路之侍郎雷以誠軍,參將馮景尼,師長鑣,鹽知事張翊國等相繼潰敗,揚子橋施家橋營均陷。

天父下凡,怒責天王。

(註)北王韋正,頂天侯秦日綱及丞相等官同到東王府請安,並議國政事務,議畢,跪呼千萬,請東王安福,各回府衙(時翼王石達開在安慶)。

天父下凡(東王楊秀清託)詔女官楊水嬌,胡九妹(女丞相),譚晚妹,謝晚妹(女承宣),命速傳北王到來。

天父又詔女丞相楊水嬌,胡九妹稟奏東王啓奏天王,凡事皆要從寬:(一)對於女官宜從容指示訓

李林破清軍
於天津

天父下凡怒
責天王

誨，使其心悅誠服，不可嚴性過甚；（二）對於幼主，宜將本性順機教導，使其言行合乎天性，不可任其率性所爲；（三）楊長妹，石汀蘭在天朝佐理天事有日，況分屬王姑，情同國宗（按此二人當係東王翼王之姑），朱九妹兩大小亦有前功，准一體休息，免其理事，或在天朝，或居東府，安享天福。吩咐畢，天父回天。

北王韋正，頂天侯秦日綱等到東府頭門，未知天父回天，即跪下禱求天父。當由承宣官告以天父下凡吩咐各事畢，即稟奏東王。

東王楊秀清傳北王韋正等進殿，談天父下凡事畢，東王即命一同登朝啓奏，北王與衆朝官先往天朝。

北王韋正將到天朝，得知東王安福，天父復下凡，速將金輿擡至金龍殿前。北王即急奏天王，天王忙步出二朝門內迎接。天父怒責天王，天王跪下。天父命即杖四十。北王等哭求開恩赦宥，願代天王受杖，天父不准。天王遵旨，俯伏受杖。天父詔曰“爾已遵旨，我便不杖爾。但有石汀蘭楊長妹，當使其各至王府與國宗一體安享天福，無用協理天事。朱九妹兩大小前亦有功，亦准居王府安享天福，餘皆等爾清（東王）胞奏爾也”。言畢，天父回天（此次東王假天父下凡，似以免石楊朱四女官理事爲主因）。

北王等衛扶天王回殿，頂天侯秦日綱負東王登

天父下凡

殿。北王將天父二次下凡稟奏東王。東王復將本日天父在東府第一次下凡聖旨啓奏；（一）教導幼主，使言行舉動合乎準則；（二）寬恕女官，即使教導亦要悠然，如鑿池挖塘，若遇天時雨雪霏霏，即令其暫且休息。

東王又啓奏凡男官女官犯死罪者，懇交其細心嚴查究問，情有可原者赦之，實犯死罪者處決，庶無不白之冤。天王准如所奏，並云：“自今以後，兄每事必與胞商而後行……庶不致有誤”。

東王又諭衆官凡遇下官陳稟，有不合之處，須待他言畢，悠然教導。天王降旨詔衆官曰：“……爾東王所言，即是天父所言”（按此語似有譏憤意）。

天父下凡

天王復請遵天父聖旨杖責，北王及東王勸慰。

天王曰“我轉高天之時，天亞爺之性還過烈也。……今日天父勞心下凡，命杖責爾二兄（天王）者，因爾二兄肚量狹隘之過。從前爾兄轉天之時，妖魔侵上天庭，天父還容得他過，命我暫且容他，他服便罷，何況今日女官有些小過，即令杖責，非量狹而何？（天王此段言語，前部意似在以己之“轉天”以壓倒東王之“下凡”，後部意近反詰憤語）。

東王對曰“二兄性格，乃是天父生成，子肖父性，非量小也”。

奏畢，東王北王等三呼萬歲，退出朝門，北王等送東王回府，東王昇殿諭衆官曰，“本軍師今日將

天父聖旨啓奏我主二兄，未知是否”？北王等對曰，“東王所奏者，乃奉天父聖旨，皆合天心，無有不是”（意在再將己之行事，得北王等承認）。

東王又諭凡尊者不合，卑者要直稟不妨。

北王及衆官跪呼千歲後，卽退出東府。

（太平天曆爲十一月二十日）。

退出揚州

12,26（一一，二六）揚州城內守軍曾立昌陳世保衝出揚州，合賴漢英黃生才等南走瓜州。

侍郎曾國藩奏船礮水軍未能就緒，俟廣西右江道張敬修購辦夷礮廣礮千尊，並帶工匠自粵到楚後，方可成行援皖。

天王與東王

東王楊秀清登朝勸慰天王。

（註）東王楊秀清以前日天父下凡，在天朝欲令杖責天王，擬登朝請安勸慰。卽令承宣官稟報北王韋正，頂天侯秦日綱，又令女官登樓，鳴伺候號令鑼三陣，凡理東府事務官員等均到。東王卽諭天官又副丞相曾釗揚，秋官又正丞相盧賢拔等告以前意，遂輿而去。

東王到朝門，諭朝儀官黃期陞傳令衆朝官皆具本章，來請天王御安，但毋謂東王教導，乃天父天兄化醒東王之心使然。

天王坐朝，東王北王及頂天侯即登殿請安。天王詔東王坐。東王謂“天父……教導二兄，實是教導天下萬國，我們一班弟妹……以為天下弟妹法則。”

東王又奏：“二兄(天王)行為有些未合，固是二兄有過，此乃受“天下人民未能盡合天心”及東王等之累。以東王等未將天王“未經細想之事……想明議定啓奏，……未盡厥職，正是小弟為臣之過”。

天王與東王

東王又奏“觀前日天父下凡開恩教導二兄，發令杖責，此更見天父是真神，二兄是真主”。天王應如此法式教導幼主，“務要體念物力維艱，為天下法則”。“君有未明，良臣啓奏，君則當從，臣理君事，亦必先啓奏始行。如此則君臣同德，上下一心，斟酌盡善，斷無後悔”。

天王對東王所奏，極為欣慰，遂降詔旨，命設御宴，恩賜東王北王及頂天侯秦日綱，並申明此對頂天侯係大開天恩，以理而論，惟天王及東王等始可在金龍殿設宴。幼主以後，只准賜宴於朝廳，不准在金龍殿內君臣同宴。“此一事極為關係，當記詔以垂永遠”。

東王又奏：(一)“女官理天事者甚苦，且不是功臣忠臣之妻，即是功臣忠臣之母……為君者自當體彼一念之忠忱，或准其一月而半，歸其家省視，或准其三十日或二十日，歸其家省視，或准其一二禮

拜日排班輪流而歸其家省視，以哺其穉子，以待其衰姑，或以事其丈夫，使彼亦得盡其先顧國後顧家之誼”；（二）“娘娘如譴謫女官，宜准女官啓奏天王主斷，使冤抑得申，曲直自見”；（三），“如官城內有修整宮殿，挖地築城，或打禁苑，必需女官操作其事，但只可降旨如何布置，切不可御日常注，督其操作；（四）“待女官如此，待男亦然……君既體恤臣下，臣下必自効其忠答報主恩”；（五）“閭門爲王化之始，官中爲出治之原……治……國……必先齊……家……娘娘甚衆，天金（天王女）亦多，……凡有事故，必准其兩人啓奏明白，然後……從中推情度理，方能得其或是或非；（六）娘娘觸怒天王，“務必從寬教導，不可用靴頭擊踢，……身有喜事者，須開恩免其服事……倘此娘娘仍有小過，……亦當免其杖責，嚴加教導……卽或忤旨大罪，亦必待其分娩生後，乃可治罪”。

天王讚曰“清胞所言，真齊家治國平天下之藥石要論也。

東王又奏：龍前朝貶爲妖，“寶貝龍方是龍，……東海老蛇及一切蛇妖迷矇人靈者方是妖”。天王詔“今而後天國天朝所刻之龍，盡是寶貝金龍，不用射眼（此似又回到舊時帝王意識）。

東王又奏：天王袍服旣足，“緩些再縫，方見……節用愛人之德”。天王讚其爲骨鯁之臣，直言無

隱。東王對曰“……自古以來，爲君者常多恃其氣性，不納臣諫，往往以得力之臣，一旦怒而殺之，致使國政多乖，悔之晚矣”。

天王讚曰：“清胞所奏，件件皆是金玉藥石之論，事事皆是至情至理之言，洵爲萬世典章也。前天兄耶穌奉天父上帝命降生猶太國，曾諭門徒曰，“後日有勸慰師臨世。爾兄觀今日清胞所奏，及觀胞所行爲，前天兄所說勸慰師聖神風卽是胞也”（東王秀清此後遂加“勸慰師聖神風”稱號，西王加雨師，南王雲師，北雷師，翼王電師。其後燕王加霜師，豫王加露師）。

天王與東王

東王稱天王納諫如流之英主。北王韋正，頂天侯秦日綱卽請天王寬心安福，謝宴出朝，擁隨東王回府昇殿，東王諭衆官真心秉正，同輔朝綱。北王等各回府衙（各官朝天王後，必再退至東府始散）

（太平天曆爲十一月二十二日）。

12,28（一一，二八）欽差大臣琦善等入揚州，僅克空城。

湘南之普南王何賤苟據道州四庵橋。

護天侯胡以晃轟塌廬州西門月城十丈。

12,30（一二，一）侍郎曾國藩委廣西候補

曾國藩治水師

同知褚汝航至湖南湘潭分設一廠，監造

戰船。衡州船廠以岳州營守備成名標監督（先是國藩奏徵廣西右江道張敬修來湘，一時不克成行，廣西巡撫勞崇光選派汝航及知縣夏鑾以梧州巡防兵勇護礮船於上月到衡州。名標亦奉委至。拔用楊載福彭玉麟。國藩詢知拖罟，快蟹，長龍，舢板各船式，鳩工依式製造。又購民間釣鈎船修改以爲礮船。截留廣西解往湖北礮位二百及護解水手，以備教練師之用。至是復委汝航設分廠於湘潭。湘軍水師規模漸興）。

12,31（一二，二）何開貴占領安徽英山（即派索錢米等物，名曰打貢）。

1854 —— 咸豐四年甲寅，太平天国甲寅四年。

1,2 (一二, 四) 欽差大臣向荣督已革提督福興，總兵秦定三，德安，吉順，副將明安泰，遊擊張國樑分路攻南京朝陽門，偪城下。

同知劉長佑，總兵音德布等攻廬州圍軍，江忠源統軍應之。

以久圍揚州，僅克空城，欽差大臣琦善，幫辦軍務陳金綬，雷以誠，閩浙總督慧成等革職留營効力，參將馮景尼正法，參將師長鑣，鹽知事張國翊遣戍（或謂琦善故意延宕，避免他調）。

讎天侯胡以晃再以地雷炸塌廬州府城牆八丈餘。

1,4 (一二, 六) 陝甘總督舒興阿到廬州，屯岡子集，飭總兵郝光甲，楊青鶴攻水西門外木城，未得手。

1,5 (一二, 七) 總兵瞿騰龍，副都統德興阿等敗夏官正丞相黃生才等於揚州三汊河。

1,6 (一二, 八) 夏官正丞相黃生才，副丞相賴漢英等放棄江蘇儀徵（一作1,9）。

候選知府張榮組，監生鄒壽璋，千總周鳳山，訓導儲政躬督率湘勇敗會黨普南王何賤苟於道州教頭坪。

1,7 (一二, 九) 湖廣總督吳文鎔進軍黃州 (巡撫崇綸迫令迎剿)。

胡以晃等敗陝甘總督舒興阿於廬州。

1,8 (一二, 一〇) 知州羅澤南率湘勇二營到湖南衡州剿土寇, 曾國藩與商榷兵事, 更定陸軍營制 (五百人爲一營, 每營四哨官, 每哨八隊, 親兵一哨六隊, 火器刀矛各居其半。每營用長夫百八十人。刊立營制營規各數十條)。

貴州知府胡林翼以湖廣總督吳文鎔奏調, 本日自鎮遠率黔勇東行。

1,9 (一二, 一一) 胡以晃以地雷炸塌廬州水西門城牆八丈, 江忠源親督都司馬良勳, 戴文蘭拒退之。

1,10 (一二, 一二) 六品銜江忠濬率湘勇千五百人到廬州。

1,12 (一二, 一四) 江南提督和春自徐州到廬州梁園應援 (明日晤陝甘總督舒興阿, 商撥兵進攻, 不允)。

1,13 (一二, 一五) 湘南土寇陷永興。

太平天國開科取士 (天曆十二月初九日, 卽天王生日。一作陰曆八月杪。旋改以每年天曆十月初一日開天試。復改爲每年三月初三日考文秀才, 三月十三日考武秀才, 五月初五日考文舉人, 五月

湘軍營制

天試

十五日考武舉人，九月初九日考文進士，翰林，元甲，九月十九日考武進士等。又於每歲正月十五日試選各省提考舉人之官）。

1,14 (一二,一六) 護天侯胡以晃，秋官又正丞相曾天養，檢點曾錦謙等再炸塌安徽廬州府水西門城牆，占領府城，署知府胡元煒降。安徽巡撫江忠源，布政使劉裕珍，已革布政使李本仁，候補知府陳源堯，同知（知縣）鄒漢勳，胡子雝，副將松安，戴文蘭等均死之（忠源年四十二，天養大約即赴湖北黃州。天養號稱飛將軍，大約即以其行蹤飄忽。或云李以文，即李秀成，曾參加此戰，不可信。據其供狀，廬州下後始調往把守安民）。

占領廬州

江忠源死

定胡侯李開芳等分三隊自天津獨流出襲，勝保挫之。

1,17 (一二,一九) 皖南太平軍自蕪湖占領繁昌，知縣張廷槐死之。

1,18 (一二,二〇) 安徽太平軍李典砲占領廬江（二月退去。又典砲似爲“典袍”之誤，恐係官名）。

頂天侯秦日綱督太平軍突出天京洪武，通濟，聚寶

三門，撲攻七橋甕，爲將軍蘇布通阿，遊擊張國樑等所拒退，並破上方橋營壘二座。

1,20 (一二, 二二) 上海美國領事向美商宣布上海爲自由港。

1,22 (一二, 二四) 以廬州失陷，革陝甘總督舒興阿職，命江南提督和春統帶城外各路兵勇。以福濟爲安徽巡撫，邵燦爲漕運總督。

1,25 (一二, 二七) 曾國藩自衡州回湘鄉省親 (時師船成者已過半)。

1,27 (一二, 二九) 命僧格林沁自王慶坨 (去獨流三十餘里) 統兵前進，與勝保合爲軍，併力進剿。

1,28 (一二, 三〇) 林鳳祥自靜海分軍突圍，西奔大城，據孫家莊，梁頭村。

1,29 (一, 一) 湖廣總督吳文鎔自黃州進駐塔城。

1,30 (一, 二) 命曾國藩迅速督帶礮船楚勇，由長江駛赴安徽，會同和春福濟，夾攻廬州。

1,31 (一, 三) 命廣東選調外海水師拖罟船五十隻，招募快蟹船五十隻，迅赴江南，並令伍崇曜等趕辦。

2,2 (一, 五) 欽差大臣勝保，及副都統達洪阿，總兵孔廣順等敗李開芳於獨流。

曾國藩自湘鄉回抵衡州，督催船工，招募水勇。

命曾援皖

2,4 (一,七) 夏官正丞相黃生才，夏官副（又副）丞相陳世保，冬官副丞相許宗揚，前奉東王楊秀清命自揚州浦口北援李開芳林鳳祥吉文元等。因安徽六安州一帶捻匪相招，往與會合，取道皖北。本日生才等分軍再占英山（北援之太平軍共四枝，生才爲一枝，世保宗揚爲一枝，滅胡侯黃益芸爲一枝，於蘇魯之交與生才等會合，夏官又正（副）丞相曾立昌爲一枝，繼之北上）。

北上援軍

2,5 (一,八) 北伐軍定胡侯李開芳，靖胡侯林鳳祥，平胡侯吉文元，剿胡侯朱錫琨，以清科爾沁郡王僧格林沁，欽差大臣勝保等之壓迫，北方天寒，南人不耐，放棄直隸天津府之獨流靜海，開始退却，西南走大城一帶。

李林自靜海南退

2,6 (一,九) 李開芳，林鳳祥，吉文元等退據直隸河間府之東城，分兵屯辛莊東城等村鎮。冰雪塞途，死亡頗多。

黃生才，許宗揚，陳世保等進抵安徽桐城。

江海關移設於上海蘇州河北。

2,7 (一,一〇) 國宗石貞祥等在湖北黃州大張燈

火，飲酒演劇，清湖廣總督吳文鎔以有懈可擊，督兵進攻。

2,8 (一, 一一) 黃生才等進抵安徽舒城。

2,9 (一, 一二) 僧格林沁勝保督軍南追李開芳林鳳祥等至直隸大城，任邱，環屯辛莊東城，不敢進逼。

以陳啓邁代張芾爲江西巡撫。

2,10 (一, 一三) 上海英商向英領事請求，援美普等國例，免納關稅。

2,12 (一, 一五) 國宗石貞祥 (鎮祥)，韋俊，韋以德，石鳳魁，石鎮崙，秋官又正丞相曾天養，地官副丞相黃再興，春官又副丞相 (曾國藩奏作承宣) 林紹璋，承宣張子朋等 (約四萬人)，自湖北黃州繞道出堵城清軍大營後，縱火焚攻，兵勇大潰，湖廣總督吳文鎔自殺，副將德亮等戰死，湖北按察使唐樹義率水勇礮船，退赴金口，貴州提督布克慎走黃陂，(或謂東王楊秀清是役躬親督軍，下武昌後復東返天京，實不可信)。

2,14 (一, 一七) 黃生才，許宗揚，陳世保合潰勇李

吳文鎔敗死

三關進占安徽六安州。

2,15 (一,一八) 僧格林沁, 勝保等圍李開芳, 林鳳祥, 吉文元等於直隸河間府東城辛莊。

2,16 (一,一九) 石貞祥, 韋俊, 石鳳魁, 曾天養等三占漢陽漢口, 圍攻武昌, 湖北巡撫青麇守之。

三占漢陽

2,18 (一,二一) 黃生才許宗揚陳世保等進占安徽正陽, 敗壽州知州金光筋(一作2,21,又“壽州志”卷一一謂2,21曾天養, 蒙德恩, 楊元傑, 吳汝孝出六安, 入正陽。按曾時在湖北, 吳守鎮江)。

2,20 (一,二三) 石貞祥, 韋俊, 曾天養等占領湖北金口, 湖北按察使唐樹義落水身死。

翼王石達開遣國宗石達英, 韋德珍(玲), 軍帥孫應山(寅三)丞相汪得勝等自安慶渡江經東流建德占祁門, 知縣唐治死之(一作2,4。黃崇惺“鳳山筆記”謂占祁門者爲頂天侯陳獅子, 似卽秦日綱)。

2,23 (一,二六) 侍郎曾國藩在衡州湘潭所製水師船隻畢工, 成快蟹四十號, 長龍五十號, 舢板百五十號, 拖罟一號(以爲坐船), 購民船百二十號改造爲戰船, 另僱民船百數十號以載輜重。募水

湘軍水師成

勇五千人，分爲十營（礮五百尊），其五爲正，其五爲副。湘潭四營，以褚汝航，夏鑾，胡嘉垣，胡作霖爲營官領之；衡州六營，以成名標，諸殿元，楊載福，彭玉麟，鄒漢章，龍獻琛爲營官領之。

李開芳林鳳祥等敗勝保及總兵雙成於河間東城杜九村，斃參領恭訥春。

2,24 (一,二七) 黃生才許宗揚陳世章等進占安徽潁上(或作正陽,蒙城,均誤。又“潁上縣志”卷五誤謂本日韋國宗李開芳占城,2,27林鳳祥至)。

湘軍出動

2,25 (一,二八) 侍郎曾國藩督湘勇自衡州起程,會師於湘潭。陸師五千餘人,以塔齊布,周鳳山,朱孫詒,儲致躬,林源恩,鄒世琦,鄒壽璋,楊名聲,曾國葆領之,塔爲先鋒。水師則以褚汝航爲各營總統。糧臺設於水次,共分文案,內外銀錢,軍械,火器,偵探,發審,採編八所。合計員弁兵勇夫一萬七

千餘人，水陸兼進。留羅澤南李續賓二營駐衡州，防南路土匪。

曾國藩發“討粵匪檄”：（一）“粵匪自處於安富尊榮，而視我兩湖三江被脅之人曾犬豕牛馬之不若”（動兩湖三江人以地域觀念）。（二）“粵匪竊外夷之緒，崇天主之教……農不能自耕以納賦，……商不能自賈以取息，……士不能誦孔子之書，……舉中國數千年禮義人倫，詩書典則，一旦掃地蕩盡……乃開闢以來名教之奇變，我孔子孟子之所痛哭於九泉，凡讀書識字者，又焉能袖手坐觀”（動士大夫階級以名教觀念）。（三）“粵匪……所過州縣，先毀廟宇，即忠臣義士如關帝岳王之凜凜，亦污其宮室，殘其身首，……無廟不焚，無像不滅，此又鬼神所共憤怒”（動下民衆以神道觀念）。（四）“本部堂奉天子命……殄此凶逆，以

討粵匪檄

救我被虜之船隻，拔出被脅之人民，……慰孔孟人倫之隱痛，……爲上下神祇雪被辱之憾”（申明自己之使命）。（五）希望“血性男子，……助吾征剿，……抱道君子，……以衛吾道，……仗義仁人，捐銀助餉……久陷賊中〔者〕，自拔來歸……被脅經年〔者〕……臨陣……歸誠。”

欽差大臣琦善督總兵瞿騰龍等力攻瓜州（水師中途退去），賴漢英，曾立昌，尹謙吉拒之。

2,27（二，一）石貞祥林紹璋等占領岳州府。

太平軍張大有自皖南祁門進占黟縣（明日毀黟縣城隍各廟神像3,2退去）。

典聖耀等占領湖北羅田。

3,1（二，三）黃生才等占領安徽蒙城。

太平軍李三元占領湖北麻城。

3,2（二，四）越南貢船在廣西永淳被劫。

3,3（二，五）揚州清軍都統德興阿，總兵瞿騰龍進攻瓜州之太平軍賴漢英，曾立昌，尹謙吉等，不利，騰龍及游擊王禮等戰死（立昌尋奉調北上援李開芳林鳳祥等）。

清軍敗於瓜州

南京城內廩生張繼賡等約城外清軍大營（向榮部）

謀內應（詩人金和亦與謀）。

3,4（二，六）石貞祥等占領湖南湘陰。

3,5（二，七）許宗揚陳世保自安徽蒙城北進，營潰勇李三闢爲前導，幫辦安徽團練袁甲三追之不及（甲三奏云丞相許陳遍貼告示。未提及生才，大約生才係前隊，已北去。“永城縣志”謂北去之太平軍凡四起，先後四日始盡去。又皖北捻衆有與此枝太平軍相合者）。

北上援軍過
蒙城

湖北太平軍占領孝感，知縣李殿華死之。

捻匪李昭壽（兆受）率衆數千，圍攻河南固始，被擊退。

3,6（二，八）黃生才等占領河南永城（一作3,3）。

3,7（二，九）湖北太平軍占領黃陂。

石貞祥（鎮祥）等占領湖南靖港。湖南巡撫駱秉章派同知王鑫，曾國藩派同知趙煥聯，訓導儲汝躬，文生曾國葆禦之。

李開芳林鳳祥吉文元因僧格林沁，勝保，達洪阿等軍之追擊，自河間東城辛莊突圍，陷獻縣。

國宗石達英，韋德珍等退出皖南祁門東北走。

3,8（二，一〇）李開芳等自獻縣南走。副都統達洪阿追擊。

3,9（二，一一）李開芳林鳳祥吉文元占據

李林退據阜
城

直隸阜城，分占附近村莊。僧格林沁勝保崇恩等圍之（是時朱錫珣或已死，四年二月二十二日僧等奏‘訊據賊供，僞丞相三人，日夜哭泣’，見方略，卷八一，頁一二）。

黃生才，許宗揚，陳世保及捻張洛行占領河南夏邑，知縣徐本立死之（“縣志”作3,8）。

3,10（二，一二）黃生才許宗揚陳世保之北援軍自豐工渡黃河。

以台湧爲湖廣總督，官文爲荊州將軍。

3,11（二，一三）石貞祥等占領湖南寧鄉，清訓導儲汝躬陣亡。貞祥等亦北退。

密謀在南京內應清軍之廩生張繼賡（炳垣）事洩，爲衛天侯黃玉崑所捕（一作3,10）。

3,13（二，一五）科爾沁郡王僧格林沁督副都統達洪阿，郭什訥，副將史榮椿，侍衛達崇阿等分攻直隸阜城附近村鎮，焚燒房屋，克堆村，連村，杜家場，李開芳林鳳祥等退入城內。

侍郎曾國藩奏所部兵勇月餉近八萬兩，請派大員，在湖南江西四川辦理捐輸，專濟軍用。

3,14（二，一六）命前任江寧將軍託明阿幫辦僧格林沁勝保軍務。

黃生才，許宗揚，陳仕保在豐工下游之包家樓，陸續渡過黃河。

金陵內應失敗

3,15 (二,一七) 河南永城捻李月入據縣城(尋退去)。

3,16 (二,一八) 太平軍棄湖北黃陂,已革提督佈克慎復之。

3,17 (二,一九) 黃生才,許宗揚,陳仕保等占領江蘇豐縣,與滅胡侯(秋官副丞相)黃益芸會合北進(本日袁甲三到黃河南岸徐州之北辰集)。

3,18 (二,二〇) 貴州貴東道胡林翼敗太平軍於湖南平江(先是林翼應前湖廣總督吳文鎔之調,帶練勇六百名抵湖北金口,文鎔死,曾國藩駱秉章給與餉械,回駐岳州附近)。

江南提督和春督總兵吉順,全玉貴,副將鄭魁士,知州江忠濬等攻破廬州東門外太平軍壘。

3,19 (二,二一) 黃生才,黃益芸,許宗揚,陳世保占領山東金鄉,知縣楊鄭白死之(夏官又正丞相曾立昌大約於此時黃生才等會合。“永城縣志云,2,21北去之太平軍第三四起折回入城,或即屬於益芸立昌所部。

北上援軍入
山東

石貞祥等退出湖南湘陰。

3,20 (二,二二) 前浙江布政使汪本銓督團練攻鎮江北固山,潰敗(本銓尋憂死)。

僧格林沁勝保遣綏遠將軍善祿自河間南下,迎擊北來之黃生才等。

南京謀內應清軍之張繼廣黨衆數十人,於神策門舉

事不成，均被捕。

3,21 (二,二三) 石貞祥等退出岳州。

3,22 (二,二四) 黃生才，黃益芸，許宗揚，陳世保攻下山東鉅野，知縣朱運昌死之。

3,23 (二,二五) 曾國藩部湘軍水師抵長沙，同知王鑫，參將塔齊布陸師抵岳州。

以青磨代崇綸爲湖北巡撫。

檢點廖某，指揮練某，占領安徽廬江。清工部員外郎胡祖謙死之，以任大綱爲監軍。

黃生才，曾立昌，黃益芸，許宗揚，陳世保等攻下山東鄆城。

捻張洛行入河南永城(尋卽折回安徽六安一帶)。

3,24 (二,二六) 前兩江總督牛鑑敗捻於河南沈邱項城。

湖北太平軍李三元占領黃安。

3,25 (二,二七) 北伐軍平胡侯(春官副丞相)吉文元陣亡於直隸阜城(一說文元於上年7,2 戰死於懷慶，不可信。“垣曲縣志”卷四，頁十八云，“咸豐三年六月賊李林吉等率衆十餘萬竄擾河南……八月賊由濟源一帶竄垣，聲勢猖獗，焚燒廟宇，掠人畜無算，初二攻城，城陷”。“趙州志”卷二，頁二九云，咸豐三年九月，粵逆李開芳吉文元等北犯，自隆平柏鄉擾及趙州，州署悉被焚燬”。均可證明吉文元不死於懷慶之戰)。

吉文元戰死

黃生才曾立昌等攻下山東張秋鎮，（豐工渡河，原爲三枝，至是合而爲一）。

湖北太平軍（石某及彭某）再占麻城，知縣韓寶昌死之。

貴州獨山州齋匪楊元保亂起（本年六月平）。

3,27（二，二九）黃生才曾立昌等攻下山東陽穀，知縣文穎死之。

春官又副丞相林紹璋（據曾國藩奏，紹璋此時官職應爲承宣）自漢陽率軍三萬到金口上陸，赴咸寧蒲圻援石貞祥（又侍衛李姓，一指揮沈姓，十七指揮黎姓〔振輝？〕亦在其內）。

3,28（二，三〇）黃生才曾立昌等攻下山東莘縣。

3,29（三，一）黃生才曾立昌等攻下山東冠縣，知縣傅士珍死之。綏遠城將軍善祿敗退堂邑（是日山東巡撫張亮基到東昌）。

翼王石達開遣軍占領湖北黃梅。

3,30（三，二）曾國藩統湘軍水師抵岳州。

太平軍自安徽太湖占宿松。

山東朝城武舉李朝燕等占領縣城，殺知縣任騰蛟（4,10清軍克復）。

3,31（三，三）北上應援之夏官正丞相黃生才，夏官又正（副丞相曾立昌，夏官副丞相陳世保，冬官副丞相許宗揚，

北上援軍攻臨清

秋官副丞相（滅胡侯）黃益芸等圍攻山東臨清州。殿左十三指揮劉尙山被擒。山東藩司崇恩守城。

欽差大臣勝保自直隸阜城經故城南赴山東，截擊北來應援之黃生才曾立昌等。

國宗勳陳文金（經）及周逢春自湖北興國州占領江西武寧。

承宣吉志元再占湖北孝感（曾天養或亦在內）。

4, 東王楊秀清召翼王石達開回天京，以頂天侯秦日綱代主安慶軍民各政，檢點梁立泰指揮張朝爵副之。

（註）“賊情彙纂”卷一秦日綱傳謂日綱於咸豐三年十一月代石達開主安慶事。據“天父下凡詔書 十一月杪日綱實在天京（見1859, 12, 26記事）。“粵氛紀事”卷九，及“黃梅縣志”卷一九，本年陰曆二月底及三月初，達開仍在安慶調度上游軍事，是日綱之代達開，最早當在陽曆四月間。又黃崇惺“鳳山筆記”謂本年2, 2 占祁門者爲頂天侯陳獅子，頂天侯爲日綱當時爵號，陳或秦之誤，“獅子”似其綽號。設如此，則日綱之至安慶在本年陰曆正月，但彼時主將仍爲達開，日綱似受達開節制，至三月，達開東返，始由其全權主理一切。

石達開自安慶回天京

4,2 (三,五)軍帥張台元(湖北白螺磯人,屬指揮費某)秦光明占湖北監利。

曾國藩遣參將塔齊布,守備周鳳山赴湖北通城,援道員胡林翼。又派戰船搜捕湖中餘匪,千總鄒國彪傷死。

4,3 (三,六)上海英美軍焚燬觀音堂防卡之清軍營帳,兵勇多潰散。

上月十一日在天京被捕之廩生張繼廣(炳垣)被殺(未殺前被其故意攀入而被殺之太平軍約數十人)。

道員胡林翼軍捷於湖北通城上塔市,斬副丞相林大旺,檢點陳六輔,兩司馬黃奇瑜等。

4,4 (三,七)上海英軍驅逐騷擾租界之清兵,戰於泥城河,燬總兵虎嵩林,主事劉存厚營盤。

上海中英之戰

欽差大臣勝保山東巡撫張亮基相繼到臨清州應援。亮基攻燬黑莊太平軍營壘。

湘軍水師船隻(褚汝航成名標統管)以大風在岳州湖畔漂沉二十四號,撞損數十號,勇夫溺斃頗多。

國宗石貞祥,春官又副丞相林紹璋等敗同知王鑫湘軍於湖北羊樓司,(明日王鑫潰退岳州)。

4,5 (三,八)湘軍參將塔齊布克湖北通城。

國宗勳陳文經(金)等攻江西義寧州。

左宗棠入湖南巡撫駱秉章幕。

4,6 (三,九) 幫辦安徽團練三品卿銜兵科給事中袁甲三大破捻匪太平順天王張捷三及其中路總兵劉老湖，南路總兵劉狗（大老淵）等於亳州東南之義門集，斬其兵部大都督王導人等（捷三等樹太平天國金四正將軍旗幟）。

山東巡撫張亮基擒總制曹城等於臨清。

秋官又正丞相曾天養及典聖糧陳玉成等占湖北雲夢，焚縣署及真武廟。

4,7 (三,一〇) 幫辦揚州軍務刑部侍郎雷以誠將厘捐制度推行於裏下河各州縣米行及各大行鋪戶，本日仙女廟起捐。

石貞祥（鎮祥）林紹璋等再占岳州，曾國藩以礮船拔出城內守軍王鑫，朱孫詒，曾國葆，鄒壽璋，楊名聲等南退。

秋官又正丞相曾天養，及承宣吉志元，張子朋等敗署湖北提督佈克慎，占領德安府，知縣萬成死之，知府易容之被擄，湖廣總督台湧北退武勝關。

廣州附近村鎮均為盜匪（均係三合會）所陷，兩廣總督葉名琛求援於英軍未成。

4,10 (三,一三) 典聖糧陳玉成自湖北雲夢占應城。

以勝保奏，革山東巡撫張亮基職，發往軍臺効力。

授崇恩為山東巡撫（亮基曾劾勝保擁兵養寇，

推行釐金

湘軍敗於岳州

縱暴殃民，並濫索犒賞）。

壽州知州金光筋，參將劉王豹進攻戴家集擒張茂，千總劉開甲等戰死。

4,11（三，一四）木四將軍李某等占領湖北應山（“德安府志”卷八作4,13誤，此據“縣志”）。

曾國藩及岳州敗軍退回長沙。

4,12（三，一五）北上應援之夏官正丞相黃生才，夏官又正（副）丞相曾立昌，夏官副丞相陳世保，冬官副（又副）丞相許宗揚等以地雷轟塌山東臨清州城牆，占領城池，知州張積功，副將德慶，慶順，參將吉興，武殿魁，游擊阿克陳阿，王用安等均死之。並自焚積糧。勝保，善祿，崇恩等均敗退（是日張亮基奉到革職旨，即離臨清）。

北上援軍占
臨清

安徽巡撫福濟，江南提督和春力攻廬州。

清廷嚴令防範太平軍再渡黃河。

4,13（三，一六）木四將軍李某焚湖北應山文昌樓，東嶽觀，關帝廟，即退去。

4,14（三，一七）太平軍巴陵人王光鼎，丁魁生合監利之張台元等占領湖南華容（五月爲白人虎克復）。

4,15 (三,一八) 曾國藩以岳州戰敗,水師遇風,自請治罪。

秋官又正丞相曾天養等占領湖北隨州。

4,16 (三,一九) 以山東臨清失守,欽差大臣勝保,綏遠城將軍善祿革職,戴罪自効。

4,18 (三,二一) 黃生才等擬自臨清州西趨,爲勝保截回。

江蘇海州沐陽幅匪陳玉標朱廣田等擾山東郟城莒州(尋爲參將郝上岸所敗)。

4,19 (三,二二) 太平軍自湖北德安府再占應山,燬廟宇神像(卽退)。

4,20 (三,二三) 以湖北德安府失守,湖廣總督台湧革職留任。

幫辦揚州軍務刑部侍郎雷以誠奏,試行捐厘助餉,業有成效,請推廣照辦,以裕軍儲。得旨命兩江總督怡良,江蘇巡撫許乃釗,漕運總督楊以增於江南北地方商酌照行。

4,21 (三,二四) 命順天府尹楊需往河南,協同巡撫英桂辦理防剿事宜。

4,22 (三,二五) 石貞祥林紹璋等連與湘軍水師戰於長沙西北之靖港。知長沙防守綦嚴,遂由陸路繞

越寧鄉，大敗湘軍營官伍宏鑑魏崇德等營，間道趨湘潭。

勝保善祿等三路攻山東臨清州，盡破城外太平軍營壘。

4,23 (三,二六) 欽差大臣勝保，及將軍善祿，提督桂明，總兵桂齡，孔廣順等克復山東臨清州，黃生才，曾立昌，黃益芸，許宗揚，陳世保等南走李官莊（北援計畫失敗）。

勝保克臨清

4,24 (三,二七) 丞相林紹璋，占領湖南湘潭，進占洙州滌口。於城外築壘自固，並以民船數百隻豎立木城（時石貞祥似留守靖港，紹璋占湘潭後可與為犄角，以圍困長沙）。

西征軍占湘潭

4,25 (三,二八) 黃生才，曾立昌，許宗揚，陳世保等與勝保戰於山東臨清州李官莊，傷都統德勒克色楞等，走占清水集，生才立昌擬乘勝入直隸以援阜城之李開芳林鳳祥等，宗揚世保因衆欲南行，持不可。

曾天養等占領湖北安陸府（今鍾祥）。

湘軍副將塔齊布守備周鳳山督軍至湘潭。

4,26 (三,二九) 林紹璋自湘潭出攻，副將塔齊布等力戰破之，知府褚汝航統水師五營助攻。

北援之太平軍敗勝保及提督桂明，燒其營盤。許宗

揚，陳世保，黃益芸卽自冠縣清水集南走，黃生才曾立昌（夏官又正或副丞相）制止無效，立昌憤而自經（四年四月十四日勝保奏謂立昌死於5,5之戰。此據“山東軍興記”）生才率部北趨。

三品卿銜兵科給事中幫辦安徽團練袁甲三到臨淮關。

安徽潁州捻首李士林（爲捻之總頭目）圍攻河南固始。

4,27（四，一）湘軍水師褚汝航，夏鑾，楊載福，彭玉麟等破湘潭太平軍師船，陸師塔齊布亦捷。安徽霍邱捻首李昭壽（兆受）擾河南商城，斃副將睿開。

4,28（四，二）曾國藩自督戰船四十號陸勇八百人，與太平軍（大約係石貞祥）戰於長沙北之靖港，大敗，水勇潰散，戰船三分之一被焚被掠，憤而赴水兩次，爲左右援救以出。

湘軍水師褚汝航，楊載福等復大勝於湘潭，燬太平軍船三百餘號。

太平軍占領湖北潛江。

李開芳林鳳祥等自直隸阜城突圍，爲僧格林沁所敗，未果。

靖港之敗

北援之丞相陳世保，許宗揚等自冠縣分路南走，團勇沿途截擊，（一說世保是日戰死，不可信，見下）。

4,29（四，三）湘軍陸師塔齊布周鳳山再敗林紹璋於湘潭，守備張萬邦戰死（紹璋收隊後，老兄弟與新兄弟鬪，死約數百人）。

4,30（四，四）湘軍水師彭玉麟楊載福等以火攻燬林紹璋船六七百隻。

5, 頂天侯秦日綱（日昌）進封燕王（甫自安慶回南京）。

秦日綱封燕王

（註）四年四月十五日琦善奏：“浦口官兵於本月初三日四更出隊至寶塔一帶，次日黎明逆匪千餘人分三股上岸，武慶等督兵分路截剿，……僞頂天侯秦回南等均擊斃”（方略，卷九〇，頁二四）。秦回南大約爲秦日昌之誤，似四月前尚未封王。“賊情彙纂”謂日綱四月調回江寧封燕王，當可信。至擊斃云云，自非事實。又胡以晃之封豫王，大約亦在此時，以二人資望地位相去不遠也。

5,1（四，五）湘軍陸師副將塔齊布，訓導江忠淑，水師知府褚汝航，千總楊載福，生員彭玉麟等克復湖南湘潭，擒春官副侍衛書士汪秉義（安徽人），兩司馬

湘軍湘潭之捷

王玉春，洪大貴，（均廣西人），及五軍統領大元帥羅姓。春官又副丞相林紹璋北退靖港，另枝東走醴陵，入江西（大部西北退。紹璋坐是奪職，久未起用。是戰爲太平軍出廣西後在長江一帶第一次所受大創。湘軍勇氣此役後始揚）。

5,2（四，六）秋官又正丞相曾天養自湖北安陸進占荊門州。

定胡侯李開芳靖胡侯林鳳祥等敗圍攻直隸阜城之侍郎培成等，破其營盤，突出重濠。

滅胡侯（秋官副丞相）黃益芸，夏官副丞相陳世保，冬官副丞相許宗揚等爲山東嘉祥，金鄉，圍勇所大敗，益芸及檢點總制監軍等數十人均被擒。

殿左十五檢點蔣茂廣爲山東汶上知縣徐順昌斬於田甫集，監軍田有富等被擒。

自湖南湘潭東走之太平軍入江西萍鄉。

5,4（四，八）土官將軍程士保（夏官副丞相陳世保？）在山東金鄉被擒，丞相許宗揚等南走占江蘇豐縣（或作曹縣，據“剿平粵匪方略”及“山東軍興記”應爲豐縣）。

西征之石貞祥（鎮祥）林紹璋自湖南靖港退集岳州待援。

自湖南湘潭入江西之太平軍攻袁州府（即北走萬載，大約折入湖北）。

5,5（四，九）北伐之李開芳林鳳祥退出直隸阜城，東走據東光之東西連鎮，跨運河爲浮梁。僧格林沁督馬隊進圍。

李林退據連鎮

北援之夏官副丞相陳世保，冬官副丞相許宗揚自江蘇豐縣南走，勝保克復縣城（宗揚於回天京，收入東牢。“方略”卷九〇，頁一四，則謂宗揚及夏官又正丞相曾立昌淹斃，“袁侍御奏稿”卷一，四年四月二十日奏，亦云曾於渡河時淹斃。“山東軍興記”則謂曾死於4,26。又一說宗揚與剿胡侯朱錫琨同投水死，按錫琨此時如尙未死，則應在李開芳等軍中）。

北上援軍退出山東

太平軍退出湖北德安府。

5,7（四，一一）丞相魏超成自湖北崇陽通城進占江西武寧，知府劉熾昌死之。

5,8（四，一二）安徽巡撫福濟軍克含山。

侍郎曾國藩以四月二十八日靖港之敗，奏請治罪。

5,9（四，一三）荊州將軍官文遣雲南遊擊王國才，參將佟攀梅，千總畢金科，合副都統貴陞，佐領貴鳳等敗秋官又正丞相曾天養（“太平天國戰史”作羅大綱，不可信）於荊州龍會橋。

夏官副丞相陳仕保過江蘇蕭縣西南走。

5,10 (四,一四) 以渡河北援之太平軍曾立昌,黃益芸,許宗揚,陳宗保肅清,賞欽差大臣勝保等太子少保銜有差,並命移師助僧格林沁。

夏官副丞相陳世保等過河南永城南走(“永城縣志”謂北援之太平軍頭二起本日自臨清來,即去,正係世保部)。

5,12(四,一六) 夏官副丞相陳世保等到安徽蒙城。太平軍自九江占建昌縣(是月國宗石某〔鎮崙?〕到九江,大治防,於城西築壘,環重礮,東門則浚長濠,旋西赴湖北,以檢點林啓容守之)。

命陝西提督桂明帶陝甘兵自山東曹州赴武勝關防剿。

5,14(四,一八) 牛鑑(前兩江總督)敗捻李士林於豫東方集。

夏官副丞相陳世保自蒙城南走,死於鳳臺之展溝集。餘衆走潁上霍邱(明日至潁上。“潁上縣志”謂陰曆三月十九日,韋國宗等自臨清回至潁上,月日人物均誤)。

5,15(四,一九) 李開芳林鳳祥襲敗圍攻直隸東光連鎖之僧格林沁軍。

湖北黃安鄉勇克復黃安縣城,斬太平軍李三元。

5,17(四,二一) 新任山東登州鎮總兵陳輝龍自廣東率水師四百名,洋礮一百尊到長沙(太平軍退岳州後,曾國藩即委員於衡州湘潭設廠續造師船

六十號，長沙亦設廠重修百數十號。另募水陸勇數千，調羅澤南李續賓勇自衡州來長沙。復調水師於兩粵，廣西委知府李孟羣募水勇千名前來，廣東則遣輝龍）。

5,18 (四, 二二) 秋官又正丞相曾天養自湖北當陽占領宜昌府。

李開芳林鳳祥等占據東光連鎮西岸各村。

5,19 (四, 二三) 欽差大臣勝保自山東回軍至直隸東光，合僧格林沁圍攻連鎮。

湖南提督鮑起豹革職，以塔齊布接署。

以靖港之敗，侍郎曾國藩革職，帶罪自效。

5, (四月) 湖南實行抽收厘金。

5,22 (四, 二六) 美國公使麥蓮 (Robert M. McLane) 偕艦長 Buchanan, 教士 (翻譯) 卑治文 (Bridgeman), Culbertson 及 Lieut. Duer, Lewis Carr 乘“Susquehanna”船自上海西上。

5,24 (四, 二八) 荊州將軍官文遣守備宗維清克湖北監利，敗軍帥張台元 (一作5,29)。

国宗石達英，韋德珍 (玲)，軍帥孫應山 (寅三)，王明成，丞相汪得勝，張寬賢，俞興發，檢點陳贊元，黎振輝，指揮翁煥章，湯再興，總制吳春

曾天養深入鄂西

美使訪問東京

占太平府

和，吳大軒，將軍李長青，李開五，鄭開典，余景奉，率衆二萬，自蕪湖金柱關（由安慶祁門來）占領太平府，安徽學政前兵部侍郎孫銘恩被擄，（6,29即天曆五月二十四日銘恩在天京被殺。汪得勝等旋即西入湖北湖南，留守者爲石達英孫應山等，應山名尤著，即築壘三十餘座，直達江干，與天京往來。又此事多作5,26,按5,26爲向榮接得失守軍報之日）。

5,25（四，二九）僧格林沁勝保合軍猛攻直隸連鎮李開芳林鳳祥等。

美國公使麥蓮等到鎮江，先晤清水師統領，互鳴禮砲，旋受太平軍砲擊，即遣卑治文，Lewis Carr等上岸質問，晤檢點吳如孝。如孝勸令暫在鎮等候，俟稟告東王，再去天京，對砲擊事，另備文道歉（翌日並親上美船。據卑治文云，羅大綱約在三月前離鎮江）。

5,27（五，一）美國公使麥蓮，艦長 Buchanan 教士卑治文等到南京（天京）由 Buchana 致書太平天國當局通知，派卑治文及 Duer, Carr 上岸接洽。

副都統貴陞，宜昌鎮總兵訥欽，知府吳開陽等克宜昌府城，會天養東南走（尋占宜都枝江）。

5,28 (五,二) 定胡侯李開芳率衆二千自直隸東光之東連鎮突圍，經寧津吳橋德州南走，謀與北援之太平軍會合，並分散連鎮圍軍力量（靖胡侯林鳳祥仍守西連鎮）。

荊州將軍官文遣軍（知縣吳振鏞）克湖北石首，指揮費姓南走，合王光鼎丁魁生及自岳州經洞庭湖西來之太平軍再占湖南華容，知縣宋昌期死之。

5,29 (五,三) 李開芳經山東陵縣，進陷恩縣。明日合北來之夏官正丞相黃生才占山東高唐州，殺知州魏文翰。

清欽差大臣勝保率德勒克索楞等進圍。

5,30 (五,四) 秦某及羅某（燕王秦日綱冬官正丞相羅大綱？）自天京致書美國“Susquehanna”艦長Buchanan，囑令依禮覲見東王。並謂天王爲萬國眞主，如眞心敬重，可每年來貢（太平天曆爲四月二十四日）。

訓導江忠淑率楚勇合知州林源恩等敗太平軍於湖北通城，斬檢點毛仕忠。

太平軍合土寇孔昭榮占領湖北京山。

6,1 (五,六) 美國公使麥蓮等自天京西上。

6,2 (五,七) 美國公使麥蓮等到蕪湖視察（尋即

李開芳走據
高唐州

秦羅致美使
書

東回上海)。

典聖糧陳玉成退出湖北應城。

6,5 (五,一〇) 太平軍戰船四百餘隻自漢口(守漢口者爲賴某)赴下游磯窩砌築土城要隘,湖北巡撫青麐遣都司楊昌泗合副將書紳,副都統魁玉等破之,焚船百餘。

太平軍自漢陽(守漢陽者爲彭某)攻塘角,並自鸚武州攻鯨魚套。清總兵侯鳳歧禦卻之。

西安將軍舒倫保,固原提督桂明抵湖北應山,不敢進援武昌。

捻蘇天福張洛行自亳州擾河南永城。

6,7 (五,一二) 江南提督和春,安徽巡撫福濟攻毀廬州府城外之太平軍營壘。

江南軍總兵明安泰游擊張國樑等襲攻南京通濟門雨花臺,擒丞相楊記善。

湘人童生白人虎合荊州軍李光榮再克湖南華容。

6,8 (五,一三) 自岳州經華容西進之太平軍(大約爲春官又副丞相林紹璋及國宗石鎮崙等)渡洞庭湖,占領龍陽(漢壽),進攻常德府。

秋官又正丞相曾天養自宜昌府經宜都枝江進逼荊州府,荊州將軍官文遣游擊王國才等禦之,天養由太平口南趨,謀合自岳州來之太平軍攻常德府。

6,11(五,一六) 曾天養占領湖南澧州(復占安福)。林紹璋(?)等(自岳州龍陽來)占領湖南常德府。

曾天養逼荊州

占常德

1854(咸豐四年)

知府景星，副將富勒敦等死之。

六安州知州茅念劬團練舉人李元華督兵勇克復州城，（或云豫王胡以晃坐是革職）。

江南軍已革提督鄧紹良，福興，總兵明安泰，德安襲擊南京神策門，金川門，朝陽門，破金川門外太平軍營二座。

6,12（五，一七）廣東潮陽匪陳娘糠陷惠來，知縣湯廷英游擊辛鼎甲死之（一作6,7）。

6,13（五，一八）長沙綠營鬧至巡撫署內，斫柱毀橋。

林紹璋（？）等自常德西占桃源（進至辰州府之辰龍關）。

6,15（五，二〇）湖北安襄鄖荊州道羅遵殿，四川建昌鎮總兵福忻克湖北京山（一作6,21）。

以傅振邦代百勝為徐州鎮總兵。

6,16（五，二一）英國公使包令（Sir John Bowring）偕翻譯麥華陀（Water Medhurst 為麥都思之子）乘 Battler 及 Styx 二艦自上海西上視察。

英使包令訪聞天京

欽差大臣勝保，綏遠城將軍善祿，山東巡撫崇恩，都統德勒克色楞，合軍圍李開芳黃生才等於山東高唐州（開芳部不足千人）。

6,17（五，二二）廣東天地（三合）會（紅巾）何祿（六）占領東莞，有衆三萬，船六百餘號。

廣東天地會亂

太平天国進士程作霖自湖北興國龍港入江西瑞昌，

爲團練所敗。

署湖南提督塔齊布敗太平軍於湖南新牆，獲船四十七隻。

琦善遣水師已革總兵葉常清，李德鄰，副將張攀龍等攻鎮江，瓜州，獲勝。

6,19 (五,二四) 英使包令等昨日到鎮江，本日清水師游擊葉長清來見，勸勿往南京，不允。

6,21 (五,二六) 郡王僧格林沁，都統西凌阿，格綳額等力攻直隸東光連鎮，林鳳祥拒之。

6,23 (五,二八) 李開芳夜襲高唐州城外之勝保軍，斬營總託克通阿，侍衛恭鈺。

6,25 (六,一) 常德太平軍曾天養林紹璋(?)等敗湘軍游擊周鳳山，都司李輔朝於龍陽。鳳山等退益陽，改道安化趨常德之西(梅英杰“胡文忠公年譜”作5,27誤)。

勝保，善祿，德勒克色楞，崇恩會攻高唐，爲李開芳所拒退，傷亡百餘。

安襄鄖荆道羅遵殿收復安陸府城。

6,26 (六,二) 國宗韋俊(韋十二)，石貞祥(?)，韋以德，石鳳魁，石鳳苞，地官副丞相黃再興，十八(一作三十八)指揮陳玉成(丕成)占領武昌(第二

次)，湖北布政使岳興阿，按察使曹懋堅，糧道李卿穀(李孟羣父)，已革鹽法道劉若珪，知府延志等均死之。湖北巡撫青麐，前巡撫崇綸，與副都統魁玉，已革總兵楊昌泗南走(武昌被圍已數月，城內食盡。是戰玉成先登，以功升殿右三十檢點)。

6,27(六,三)知州羅澤南自衡州到長沙，晤曾國藩。

6,28(六,四)道員胡林翼及游擊周鳳山等克湖南桃源，常德太平軍相繼自洞庭湖東退。

6,29(六,五)蘇松太道吳健彰與上海英法美三國領事商定設稅務司，由三國各派一人任之(7,12就職)。

江西軍游擊富克金泰克復武寧，敗國宗勳陳文金。

6,30(六,六)秋官又正丞相曾天養等由常德府駕駛船隻經洞庭湖退集岳州府。

四川松藩鎮總兵雙保克湖北潛江。

廣西平樂府知府李孟羣率新募水勇一千名到長沙，歸曾國藩調用。

廣東遊擊吳全美率紅單船五十號到吳淞(3,27自粵啓旋)。

7,2(六,八)廣東參將黃者華克東莞，敗三合會

稅務司制

何祿。

7,5 (六, 一一) 廣東天地 (三合) 會陳開占領佛山, 豎旗起事, 建號大寧, 李文茂, 陳顯良 (豆皮春陳), 何子海等應之, 均蓄髮易服 (頭裹紅巾, 故清軍稱爲紅巾賊, 自稱其黨曰洪兵, 清兵曰白兵。 “清稗類鈔” 中有關於陳開之一段紀事, 惟頗不正確)。

7,7 (六, 一三) 曾國藩遣知府褚汝航, 同知夏鑾, 知縣彭玉麟, 守備楊載福帶水師四營二千人, 自長沙進泊鹿角, 遏岳州太平軍南進之路。陸師提督塔齊布駐新牆爲中路, 以知州羅澤南魁聯帶勇二千助之。道員胡林翼爲西路, 趨常德。同知林源恩, 江忠淑爲東路, 出平江 (約共二萬人)。

以吉爾杭阿代許乃釗爲江蘇巡撫。

英使包令自天京回抵上海 (太平軍贈與不少新刻書籍)。

7, (六月) 廣西平南寇胡亞金, 張金養陷象州。

7,10 (六, 一六) 以武昌失守, 湖廣總督台湧, 湖

陳開起事

湘軍三路北
窺

北巡撫青麇革職，以楊需爲湖北巡撫兼署總督。
提督秦定三擒指揮徐從新於安徽舒城連三橋。

7,11 (六,一七) 擒匪李昭壽(兆受)圍攻河南商
城，未下。

湘軍訓導江忠淑等攻湖北通城，守備徐統緒等戰
死。

上海租界決定組織工部局巡捕，以保衛租界。

7,12 (六,一八) 提督和春巡撫福濟等力攻廬州，
逼城下。

湖北巡撫青麇到長沙(旋往荊州)。

7,13 (六,一九) 廣東三合(天地)會(紅巾)陳
開馮松遣李文茂進攻廣州。

天地會圍廣州

江西知府史致諤參將德保克復武寧。

7,14 (六,二〇) 廣東三合會甘先曹春林等占領
花縣。

7,16 (六,二二) 署湖南提督塔齊布敗秋官又正丞
相曾天養於新牆，進逼岳州。

廣東遊擊吳全美率紅單船到鎮江焦山。

7,17 (六,二三) 廣東三合會陳金剛盧偉等圍攻三
水(一作7,10)。

7,18 (六,二四) 廣東三合會甘先陳顯良(豆皮春
陳)等敗粵軍於廣州城北之江村佛嶺，斬副將崔
大同等，進攻廣州。

李開芳自高唐州南面西面撲出，衝散馬隊，抄至北

面勝保營後，被擊退。

湖北麻城練勇克復縣城，斬太平軍曹天福。

7,19 (六,二五) 湖北知縣林天直知州肅蔭恩等克復沔陽州，敗軍帥張台元。

安徽潁州府知府陸希湜，參將劉玉豹擒獲霍邱捻首陳玉成（與太平軍通）。

7,20 (六,二六) 廣東天地(三合)會陳開，李文茂，陳顯良，甘先，盧八等三路圍攻廣州省城，西路石井來直接佛山，北路由江村來，東路由燕塘來（兩廣總督葉名琛登城守禦。至明年一月圍始稍鬆。名琛先後殺粵民近十萬）。

7, 天京米糧不足，計口減授，男日給半斤，女六兩。並逮繫私藏金銀者於天牢。殺男女僑裝者數十人。

7,22 (六,二八) 西府將軍陳忠及孔昭榮自湖北天門再占安陸府。

林鳳祥襲東光連鎖之僧格林沁軍，斬參領伊郎阿。

7,23 (六,二九) 湘軍水師褚汝航，夏鑾，彭玉麟，楊載福敗曾天養水師於洞庭湖君山雷公湖，燬船百餘號。

江蘇巡撫吉爾抗阿攻上海小刀會（三合會），副將

天京情形

清長戰死（小刀會領袖之一閩人林阿福即於本月出走）。

7,24（六，三〇）冬官正丞相羅大綱與其弟瓊樹（羅矮子）自安慶到舒城，屯營橫嶺，三路援廬州，提督秦定三禦之（大綱甫自天京來）。

7,25（七，一）秋官又正丞相曾天養，春官又副丞相林紹璋放棄岳州，退守城陵磯。湘軍水師知府褚汝航等入岳州城。（或誤作8,24）。

岳州之戰

定胡侯李開芳遣兵突出高唐州，襲破勝保之黑龍江吉林軍營盤（“山東軍興記 謂夏官正丞相黃生才〔勝保奏作總制，湖南衡州人〕被擒。一說在觀城）。廣西會黨周亞康，李亞毗占領貴縣（尋平）。

7,26（七，二）欽差大臣琦善合水總兵陳國泰，遊擊吳全美攻瓜州及鎮江金山不下。

7,27（七，三）秋官又正丞相曾天養等督戰船四百號分三路合陸路反攻岳州。湘軍水師總統知府褚汝航令響導官何南青，先鋒蘇勝等誘之，知縣彭玉麟居左，守備楊載福居右，褚汝航自與同知夏鑾由中路迎戰，大敗天養，奪船七十六隻，礮二百八十保尊，擒斬四百餘人。丞相汪得勝爲載福所刺死。其陸路軍亦爲提督塔齊布，都司彭三元

諸殿元普承堯等所敗。天養退守臨湘。

7,29 (七,五)冬官正丞相羅大綱爲提督秦定三阻於舒城，未能進援廬州。

7,30 (七,六)電師左軍主將翼王石達開在安慶接得曾天養稟報，謂“妖魔十分作怪，難以取勝，恐岳州城池難守”。卽稟奏東王，並訓諭天養，“事事靈變，加意提防，如……十分難守，……卽退赴下游堅築營盤，靜候東王誥諭遵行。……任那妖魔一面飛，總難逃我天父天兄手段過也。時時將此道理講與衆兵士聽，不可使有別意也”（太平天曆爲六月二十四日）。國宗提督軍務韋俊（大約新自武昌來）合曾天養，林紹璋，張子朋等率戰船五六百隻三攻岳州，湘軍水師褚汝航，夏鑾，楊載福，彭玉麟等迎戰於道林磯，不分勝負。楊載福繞攻其後，乘風縱火，彭玉麟裹創力戰，大敗俊等，陣斃殿左十三檢點黎振輝。太平軍戰船被燒者四百餘號，損折千餘人（俊爲北王韋正弟，此戰將領多屬北殿）。

曾國藩自長沙赴岳州。

7,31 (七,七)河南巡撫英桂到信陽，防湖北太平軍北進。

8,1 (七,八)總兵陳輝龍，道員李孟羣率兩粵水師自長沙相繼赴岳州。

廣東天地（三合）會陳吉占領順德。

湘軍水師敗
韋俊

廣東天地會占領新興（明日退出）。

廣西土寇（天地會？）雷亞恩陷懷集，擒知縣史勳

（9,25殺之）。

8,2（七，九）豫王胡以晃出廬州襲提督和春營，
被擊退。

安徽軍收復霍山。

湖北知縣李殿華克復孝感（一作8,19）。

廣東三合會陳水，陳業，蘇程占領四會。

8,3（七，一〇）廣東三合會陳義合（和）占領英
德（一作7,4）。

8,5（七，一二）冬官正丞相羅大綱再攻舒城之提
督秦定三營，復被擊退，橫嶺營壘被攻破。

廣東肇慶府扒船兵勇叛變，三合(天地)會陳榮，伍
百吉，韓洸率之，豎立紅旂，占領府城。道員李
敦業等死之，（一說陳榮時在英德）。

8,6（七，一三）廣東三合會占領鶴山。

殿前丞相吉志元自湖北黃州府倉埠攻張谷（守黃州
者爲徐瞎子及總制杜某）。

8,7（七，一四）廣東三合會陳吉攻香山。

廣東三合會梁培友（鯉魚仔）曾信（均屬洪順堂）
占領德慶州（先是大鯉魚田方，捲嘴狗侯成投降
清軍被殺，培友卽其餘黨。所部均水師，清軍稱
之爲艇匪）。

國宗韋俊丞相曾天養等再（第四次）與湘軍戰於岳

1854（咸豐四年）

天地會占肇慶

州城陵磯，道員褚汝航，同知夏鑾，知州彭玉麟，都司楊載福水師，及提督塔齊布陸師敗之。

8,8(七,一五) 曾國藩自長沙到岳州。

命將失守武昌之湖北巡撫青麇正法。

湖北知縣林天直克復仙桃鎮，擒督軍孫桂元。

廣東三合會陳松年呂萃晉等占江門，攻新會。

8,9(七,一六) 國宗韋俊，丞相曾天養，林紹璋，承宣張子朋得武漢援師，五次反攻岳州。清軍水師山東登州鎮總兵陳輝龍，廣東游擊沙鎮邦，及道員褚汝航，同知夏鑾亦乘勝迎擊，戰於象骨港，大敗，輝龍，鎮邦，汝航，鑾，及千總何若澧等均陣亡。輝龍一營完全覆沒，汝航等營亦失船二十餘隻。惟彭玉麟楊載福之左右二營無恙（汝航等餘船改由州同俞晟統之）。

湖北軍總兵福忻，都司劉富成，守備石清吉等克復

湖北安陸府，斃西府將軍陳忠。

廣東三合會元帥盧八等力攻廣州東關（至十二月）。

廣東三合會炸塌韶州府城，未得攻入。

廣東三合會占領佛岡廳，同知羅才綸死之。

8,10(七,一七) 廣東三合會何祿占領增城。

湘軍水師之敗

陳輝龍褚汝航死

檢點林啓容自九江遣船進徇南昌附近之吳城鎮。

8,11 (七,一八) 秋官又正丞相曾天養率

殿左二十七指揮曾天誥等與湖南提督塔

齊布戰於岳州城陵磯，天養戳傷塔齊布

坐馬，塔兵黃明魁刺翻天養，被衆兵砍

曾天養死

斃（天養惠州人，爲西征主將；死後兩湖太平軍爲之茹齋六日。時年約六十許）。

四川松潘總兵雙保敗太平軍於湖北天門漁新河，燬其船隻數十。

廣東三合會甘先等占領從化（一作11,17）。翟火姑起事於惠州府歸善。

8,12 (七,一九) 丞相魏超成因宗勳陳文經（金）自湖北興國州進入江西，斬遊擊富克金泰，已革知縣劉馨朝，再占武寧（一作8,14）。

廣東三合會自鶴山占領開平，知縣慶樟死之。

8,14 (七,二一) 因宗章俊敗湘軍提督塔齊布部於岳州城陵磯，覆其中路，斬都司諸殿元，千總劉士宜。

廣東三合會葛高老滕占領樂昌（尋占仁化乳源）。

8,15 (七,二二) 總兵雙保參將常德克復湖北天門，擒孔昭文等。

副將傅振邦克復江南高淳。

廣東三合會羅二自清遠占領廣寧。

廣東三合會吳球占領東安。

以勝保久攻高唐州不下，拔去花翎。

8,16 (七, 二三) 湖北知縣李殿華克復黃陂。

8,17 (七, 二四) 冬官正丞相羅大綱自蕪湖率水師南攻江蘇東壩，天官正丞相曾水源自天京來助，斬廣東三江口副將福賡及參將德麟。

8,18 (七, 二五) 國宗石鎮崙自武漢率萬餘人助攻岳州。

8,19 (七, 二六) 江南軍副將傅振邦敗天官正丞相曾水源冬官正丞相羅大綱於高淳東壩（水源坐是削職）。

國宗石鎮崙率湖北援軍與湘軍知府羅澤南，經歷李續賓，及提督塔齊布等戰於岳州附近之鳳凰山東嶺，不利。

8,20 (七, 二七) 廣東三合會李文茂等力攻廣州河南（至明年一月）。

廣東天地（三合）會陳金剛，林大年，巢潤章，練四虎，陳帶等占領清遠，守備賴明貴降（一作8,4）。

8,21 (七, 二八) 江南軍翼長福興等敗冬官正丞相羅大綱，天官正丞相曾水源於高淳毛公鋪，克復高淳，大綱等自丹陽湖趨花津。

提督塔齊布，知府羅澤南，都司周鳳山，守備楊名

聲等三路攻岳州高橋，獲勝。

廣東惠州天地會翟火姑圍攻歸善（9,8撤圍）。

8,22（七，二九）國宗韋俊石鎮崙等督水陸軍分數路撲攻岳州，湘軍塔齊布，羅澤南，周鳳山，李續賓。楊名聲，魁聯（知府）敗其陸路，楊載福，蕭捷三（守備。時彭玉麟傷病）敗其水路，得船六十三隻。約共損折千餘人。

廣東三合會陳開力攻廣州西關（至明年一月）。

8,23（七，三〇）冬官正丞相羅大綱率軍約四五千人由南路分枝到南京七橋壚。

8,24（閏七，一）東王楊秀清遣軍突出天京洪武門，到河定橋，上方橋，合南來之冬官正丞相羅大綱攻七橋壚清營，江寧將軍蘇布通阿督參將張國樑，蔡應龍，守備馮子材等卻之。

廣東三合會陳義和，陳矮子，黃二潮，（義朝），巢潤章等圍攻韶州府，廣東提督崑壽等守之（一作7,25此據府志）。

廣東三合會溫貨孟九（自清遠來）占領連州新城。

廣東三合會占領開建（8,28退出）。

湘軍水師總統道員李孟羣小捷於岳州城陵磯下游。

8,25（閏七，二）湖南提督塔齊布，知府羅澤南，游擊周鳳山等三路攻岳州高橋城^{城磯}，破營十三座。道員李孟羣，遊擊楊載福，守備蕭捷三率水

湘軍克城陵磯

師亦分三路進攻。克城陵磯（韋俊石鎮崙等大部先已北退）。

東王楊秀清復遣軍出天京洪武門，通濟門，雨花臺三路攻七橋壑，蘇布通阿張國樑等力戰敗之（國樑以精銳數十人冒太平軍裝束突入襲擊），擒殿右丞相譚應桂。另枝出太平朝陽二門，自龍脖子（天保城）左右下攻，亦不利。

燕王秦日綱督水師自下關進向七里洲，總兵吳全美率紅單船敗之，獲大小船二百隻，擊斃指揮陳繼書，余福全。

安徽亳州擒張洛行，蘇天福等屢擾河南永城，徐廣縉不戰而走，槍礮盡失。

8,26（閏七，三）國宗韋俊石鎮崙等自湖南退回武昌（俊等即回天京）。

湘軍水師李孟羣，楊載福，蕭捷三進至湖北白螺磯螺山。

欽差大臣督辦揚州軍務琦善卒於軍中。

8,27（閏七，四）湘軍水師游擊楊載福，守備蕭捷三，外委鮑超進至湖北蒲圻陸溪口，燒太平軍船近百。即回泊新堤。

燕王秦日綱統師船自天京上駛，江南軍水師總兵吳全美葉常春敗之，擊燬數十隻，擒頂天侯張顯，將軍陳墨林，殷文智。敗恩賞丞相東殿六尚書張體福，天官丞相協理林治青等（一說北王韋昌輝

琦善卒

湘軍水師入
湖北

秦日綱西上

曾參與是役)。

8,28(閏七,五)天地(三合)會梁培友,區阿潤等自廣東德慶州圍攻廣西梧州府,並合肇慶天地會陳榮伍百吉等占領廣東封川(8,30),殺知縣德佑。

天地會翟火姑圍攻廣東惠州府。

8,29(閏七,六)天京婦女出城割稻(城內糧少,任之他去)。

8,30(閏七,七)湘軍訓導江忠淑,知縣陳鑑源克復湖北通城。(守通城者爲冬官副丞相萬象汾)。

9,1(閏七,九)曾國藩奏請以湖北布政使夏廷樾總理糧臺(駐岳州),並請令四川按察使胡林翼,知府羅澤南隨同東征(本日具奏)。

廣西天地會盧二十占領容縣(中曆九月又爲范亞英所據)。

9,2(閏七,一〇)以前任江寧將軍託明阿爲欽差大臣,督辦揚州軍務。

託明阿

廣東天地會黃履恭占領海豐,知縣林芝齡死之(一作9,3,誤)。

廣東天地會謝其祥攻江西長寧。

9,3(閏七,一一)湘軍水師游擊楊載福,守備蕭捷三,外委鮑超肅清湖北黃蓋湖之太平軍,焚船六十餘號。

曾國藩自岳州抵湖北監利螺山,

湘軍陸師入
湖北

9,4 (閏七, 一二) 湘軍水師守備蕭捷三等, 湖北軍知縣孫守信, 荊州軍參將恆泰, 札勒罕克復湖北嘉魚(時荊州將軍官文派前湖北巡撫青麇部已革涼州副都統魁玉, 高州鎮總兵楊昌泗東進駐江西岸)。

9,5 (閏七, 一三) 湘軍陸師提督塔齊布督率自岳州赴羊樓峒, 知府羅澤南先行。

9,6 (閏七, 一四) 東王楊秀清督天京軍出通濟門, 雨花臺, 洪武門, 攻七橋甕, 上方橋, 清將軍蘇布通阿, 福興, 副將明安泰, 參將蔡應龍, 守備虎坤元, 李文英, 李定太, 游擊穆大本等拒之(明日穆大本死之, 蘇布通阿福興受傷)。

江南軍克太
平府

副將傅振邦, 參將張國樑克復安徽太平府, 國宗石達英, 檢點陳贊元, 將軍李青, 總制吳春和等戰死(一說國宗韋德玲亦在內)。

9,8 (閏七, 一六) 鎮江太平軍守將吳如孝合瓜州軍連日出擊, 清已革提督余萬清總兵劉開泰卻之。

武昌開科

9, 太平天國在武昌開科取士(興國州應試者最多)。

9,9 (閏七, 一七) 廣東三合會占領長樂, 知縣榮桂死之。

9,10 (閏七, 一八) 國宗提督軍務石貞祥(一作祥真, 詳真, 或鎮祥), 及丞相賴士秀進入天京城東

南高橋門，分路攻沙子岡，淳化鎮，小水關，抄向榮大營之後，向榮部總兵明安泰，參將張國樑，張騰蛟，守備李定太等敗之，貞祥士秀等均戰死（貞祥西征失利後，八月間東返）。清都司何振標亦陣亡。

廣東練勇克復鶴山。

9,11（閏七，一九）廣東軍克復廣寧。

擒首李士林自河南商城入湖北（尋受湖廣總督楊需招撫）。

9,12（閏七，二〇）賞給曾國藩三品頂帶。

9,14（閏七，二二）安徽六安州候選知州李元善，知州茅念劬督團練克復英山，斬張和尚。

9,15（閏七，二三）廣東連州三合會大都督孟九，統兵大元帥溫佑占領三江，副將博爾恭阿死之。

湘軍水師前左中三營進駐湖北金口（俞晟清江營亦到）。

9,16（閏七，二四）湘軍知府羅澤南，都司普承堯敗太平軍於羊樓峒。

防守武昌之國宗章以德離武昌回天京，稟報上游軍事（日期係據曾國藩奏片推定）。

9,17（閏七，二五）天京婦女出城刈稻，多逃逸。

9,18（閏七，二六）總制廖敬順（廖二）自湖北崇陽襲攻羊樓峒，湘軍知府羅澤南，都司普承堯，監生蕭啓江力戰破之。

江南提督和春等連日攻廬州，擒軍帥周鳴江。

廣東軍克復海豐。

9,19 (閏七，二七) 湘軍水師守備蕭捷三 (左營)

把總秦國祿 (中營) 捷於湖北金口。

夏官又正丞相周勝坤奉東王楊秀清令統帶前拾乙軍

兵士自天京前往廬州 (太平天曆爲八月十四日。

以豫王胡以晃屢戰不利，革職調援湖北)。

女館

天京乏糧，繼續放婦女出城 (自是女館停

給口糧。明年二三月間，盡今年十五以上五十以下

之婦女發配)。

9,20 (閏七，二八) 瓜州太平軍撲攻揚州清軍大

營，提督陳金綬，副將鞠殿華，侍衛穆克登額，

德興阿卻之。

廣東三合會劉觀秀高六占領龍門 (一作 8,21)。

9,21 (閏七，二九) 廣東增城縣紳民克復縣城。天

地會何祿北走。

9,22 (八，一) 廣東三合會統兵大元帥溫佑，大都

督孟九及馮樹占領連州。

會國藩自湖北新堤駐嘉魚。

9,23 (八，二) 湘軍知府羅澤南，都司彭三元，普

承堯，知縣李續賓敗太平軍 (熊滿珠沈應隆) 於

湖北崇陽蒲圻交界之神橋桂口。

調四川按察使胡林翼爲湖北按察使。

9,24 (八,三) 湖北羅田知縣彭仲芳克復羅田, 蘄水知縣際亨克復蘄水, 廣濟。

9,25 (八,四) 湘軍提督塔齊布, 知府羅澤南, 會同荊州軍知縣吳振鏞攻克湖北崇陽, 擒丞相金之享等。總制廖敬順敗走。

湖北軍已革副都統魁玉, 總兵楊昌泗進至湖北金口西岸, 同知李光榮帶川勇進紮金口東岸。

欽差大臣向榮部總兵明安泰, 參將張國樑, 副將傅振邦, 游擊王淩, 守備虎坤元敗太平軍於南京通濟門外, 擒丞相溫阿丙, 將軍王武廣及檢點侍衛多人。

廣東三合會溫佑孟九等占領陽山。

廣東三合會 (大約自韶州來) 占領始興, 圍攻南雄。

9,26 (八,五) 廣東嘉應州三合會 (紅頭賊) 進入江西定遠, 走定南。

廣西天地會黨馮二, 黃全義, 黃鼎鳳, 梁超等占領貴縣, 張貼告示 (旋即按戶派捐, 開設大館, 並添置分館, 有洪傑堂, 洪志堂, 洪天堂等名目, 紅帶紅旗, 填塞街巷)。

9,27 (八,六) 欽差大臣勝保久攻山東高唐州不下, 革職留任。

貴州桐梓楊龍喜起事, 占據縣城。

向榮部守備李定太等毀南京太平門外之買賣街。

天京買賣街

奉日經巡查
河道

9,28 (八,七) 太平軍 (大約爲夏官又正丞相周勝坤) 再占安徽和州。

廣東潮陽吳忠恕圍攻海陽。

9,29 (八,八) 燕王秦日綱奉東王楊秀清命巡查河道, 西援湖北 (時大約在九江附近), 本日接殿右三十檢點陳玉成稟中, 報告蘄州戰事不利 (大約指本月二十四日之戰)。日綱諭令嚴加防範, “並將天情道理, 時時宣講, 令衆兵士放膽誅妖。其餘軍務一切, 仍凜遵東王誥諭而行 (太平天曆爲八月二十四日)。”

湘軍水師楊載福俞晟敗太平軍於湖北沌口, 斃旅帥楊大順。

江寧將軍蘇布通阿傷卒 (9,6 南京七橋壘之戰受火傷)。

9,30 (八,九) 湘軍知府羅澤南等克復湖北咸寧 (丞相劉姓及胡姓守咸寧)。

10,1 (八,一〇) 太平軍敗荊州軍同知李光榮於武昌花園, 湘軍水師道員李孟羣助光榮, 卻之。

10,2 (八,一一) 曾國藩抵湖北金口。

總制廖敬順 (廖二) 再占湖北崇陽, 斬知縣吳振鏞, 鈕芳津, 守備黃鵬程。

定胡侯李開芳突出山東高唐州南關, 勝保督兵拒之, 互死傷。

太平軍破總兵雙保福斫於湖北仙桃鎮。

三合會梁培友馮六占領廣西藤縣，擒知縣翟登峨。
10,3 (八，一二) 已蕪江南提督鄧紹良克復蕪湖。
曾國藩偕道員李孟羣，游擊楊載福，到漢陽西南沌
口，登軍山，遙望武漢。太平軍戰船來攻，載福
等卻之。

10,4 (八，一三) 太平軍分自武昌，崇陽，與國集
於牛金堡，約七千餘，擬攻咸寧，拒湘軍北來。
猝遇羅澤南，李續賓，彭三元，普承堯於橫溝
橋，戰敗，丞相胡姓（江西人）死之。

10,6 (八，一五) 湘軍知府羅澤南，知縣李續賓，
都司彭三元等進至武昌西南六十里之紙坊（明日
提督塔齊布亦到）。

檢點林啓容遣軍突出九江，敗九江鎮總兵羅玉斌，
陣斃參將景星等。

廣東軍克復花縣，三合會黨遠走。

廣東軍克復惠來，潮陽匪陳娘糠退走。

10,7 (八，一六) 廣東三合會翟火姑占領河源，游
擊塔明阿死之。

貴州楊龍喜自桐梓占仁懷縣。

10,8 (八，一七) 湘軍提督塔齊布，知府羅
澤南到金口，與曾國藩會商進攻武漢
策。決以水師先肅清江面，隔斷武昌漢
陽連絡。陸師塔齊布駐紙坊，攻洪山，

湘軍進攻武
漢

羅澤南由金口攻花園。荊州軍魁玉楊昌泗等沿江攻漢陽。

湖北太平軍三路攻孝感楊店清營，湖廣總督楊霨卻之。

10,9(八，一八)廣西天地(三合)會胡有祿朱洪英占領灌陽，建號“昇平天國”。有祿稱定南王，洪英稱鎮南王(胡朱於一八五二年九月在南寧起事)。

10,11(八，二〇)浙軍道員徐榮克復皖南建德。皖軍編修李鴻章攻巢縣，敗太平軍於五里墩。

10,12(八，二一)曾國藩督軍自湖北金口沿江三路齊下，湘軍陸師知府羅澤南，合荊州軍知州李光榮，知縣李續賓，教諭唐訓方(共四千人)攻東岸花園，三道同進，焚太平軍划船百餘號，復縱火燒其營壘。荊州軍副都統魁玉，總兵楊昌泗(共四千三百人)攻西岸蝦蟆磯，衝進土城，亦縱火焚之，並破鸚武洲。水師道員李孟羣，游擊楊載福，守備蕭捷三從大江中路衝擊，使兩岸太平軍不能相顧，駛過鹽關，直抵鸚鵡洲，連破漢關，白沙洲，金沙洲，進攻鮎魚套口，先後燒太平軍船三百餘號，收隊泊沌口。三路斬獲千餘。提督塔齊布則自油坊進扼洪山。

國宗石鳳魁巡武昌城，殺緹城逃軍數十人。

殿右三十檢點陳玉成稟申燕王秦日綱，謂統帶後十

昇平天國

湘軍三路攻
武漢

三軍並水營前四軍與曾國藩水師，塔齊布楊霨陸師苦戰，不能取勝，只得棄船下退，保守蘄州黃州間，（太平天曆爲九月初七日。時日綱奉命查河道，將到田家鎮。玉成先是似在漢陽黃州間）。

- 10,13（八，二二）曾國藩督軍仍三路進攻武漢，水師李孟羣，楊載福，蕭捷三，俞晟，秦國祿，何越珽等分攻漢陽朝宗門，塘角，漢口，焚太平軍船三百餘號。陸師魁玉，楊昌泗，會李孟羣燬漢陽晴川閣木柵，大別山木壘。羅澤南，李續賓，李光榮等破武昌鮎魚套附近營壘六座，（中路同知李錦鑾部軍戰敗）。武漢江面無太平軍船隻，城外無太平軍營壘。

武昌城內太平軍縋城逃者愈衆。

- 10,14（八，二三）國宗提督軍務石鳳魁，地官副丞相黃再興等以清軍進逼，今晨自武昌東退，留軍數百守城，丞相陸光祖亦自漢陽東退。

曾國藩督湘軍道員李孟羣，游擊楊載福，守備蕭捷三，州同俞晟，千總鮑超，及知府羅澤南，同知李光榮，知縣李續賓，教諭唐訓方，水陸各師於午後

湘楚軍克武昌漢陽

克復武昌。截殺百餘，生擒二十餘（內有將軍陳昌貴總制丁履之）。荊州軍已革總兵楊昌泗，副都統魁玉同時克復漢陽（總計先後燬太平軍船千餘號）。

湘軍提督塔齊布督都司彭三元，守備唐得陞截擊自武昌退出之石鳳魁黃再興於洪山一帶，斬獲千餘（溺斃者最多，童子軍數百人投湖，塔救獲二百餘）。

江西知縣夏燮（“粵氛紀事”作者）會浙軍道員徐榮克復皖南建德（一作 10,11）。

10,15（八，二四）湖北襄河（漢水）太平軍船隻千餘，自蔡店順流而下，擬衝出大江，與清軍決戰。曾國藩派水師楊載福，蕭捷三合同陸師楊昌泗，魁玉，恆泰（參將）迎擊於楊林溝羅家墩，燬其船隻幾盡。

勸慰師聖神風禾乃師贖病主左輔正軍師東王楊秀清誥諭燕王秦日綱，命在湖北田家鎮設防（太平天曆爲九月初十日。時日綱已到九江）。

國宗韋德玲等再占蕪湖，浙江防軍潰走廣德。曾國藩到武昌城內。

10,16（八，二五）太平軍戰船筏城自天京直達鎮

江，清水師總兵吳全美，葉常春，李德麟曾於浦口江面堵截，擒總制譚龍才，先鋒詹起發，裴文才，陶有元，侯宗光。

10,17 (八, 二六) 占據廣東順德之三合會 (天地會) 陳吉等敗粵軍，奪其拖罟船。

廣東軍知州文晟克復長樂。

10,18 (八, 二七) 署湖廣總督楊霈自德安到武昌。

10,19 (八, 二八) 圍攻廣東韶州府城之三合會陳義和等撤退 (已圍二月，一作 10,15)。

廣西天地會 (三合會) 胡有祿朱洪英攻全州。

貴州楊龍喜自桐梓進圍遵義府。

10,21 (八, 三) 安徽貢生吳廷香長慶父子等督練勇克復廬江，擒盜軍任大綱 (一作 10,20)。

會國藩奏大局可慮者三，一兵勇私匿財貨，志驕氣盈。二蕪黃一帶敵軍數萬，亂民尤多。三去湘日遠，接濟艱難。另片請江西廣東四川籌解餉銀 (本日具奏)。

10,23 (九, 二) 國宗石鳳魁函告冬官正丞相功勳加一等羅大綱，報告退守下游，駐紮田家鎮，招集散兵，再圖進取。並請發糧草紅粉 (火藥)，派人帶兵接濟 (太平天曆爲九月十八日) 大綱時在安慶)。

10,24 (九, 三) 廣西懷集團練克復縣城。

10,25 (九, 四) 湖北黃州府知府許廣藻收復府城。

10,26 (九,五)欽差大臣勝保以地雷炸高唐州城，仍未得手。

實授楊需爲湖廣總督，以曾國藩署湖北巡撫。

湖北武昌縣(鄂城)知縣白潤收縣城。

10,27 (九,六)廣東軍敗三合會劉觀秀高六，克復龍門。

江西都司吳錫光率新勝軍克復武寧，敗國宗勳陳文金。

10,28 (九,七) 冬官正丞相羅大綱接到國宗石鳳魁本月二十三日函。卽覆書照會，堅耐自守，將天情道理，教導兵士。安慶米糧已解回天京，紅粉(火藥)已解赴九江(該處糧米甚屬便宜)。派兵一層，請與燕王秦日綱酌議(太平天曆爲九月二十三日)。

曾國藩奏三路進兵下游，南路由湖南提督塔齊布率湖南兵勇進攻興國大冶，北路由固原提督桂明率各營兵勇進攻蘄州廣濟，水師由江路直下，參將楊載福同知彭玉麟先發，(本日已啓行)，本人與道員李孟羣繼進。先清鄂東九江，再攻安慶。另片請陝西解銀二十四萬兩(本日具奏)。

湘軍東征

廣東軍克始興及開平。

10,29(九,八) 天父“恩命王四殿下(楊秀清)下凡,繼治天下,佐理萬國之事”,(太平天曆爲九月二十四日。此後大權完全屬之秀清)。

東王擅權

江南軍將軍福興,總兵明安泰,副將張國樑,游擊王浚攻撲南京城南之雨花臺,焚木柵三道,攻破兩營,焚聖糧館,及買賣街,直逼南門而退。

曾國藩奏辭署湖北巡撫,以於公事毫無所益,於私心萬難自安(得罪名教,見譏宗族)。

11,2(九,一二) 賞曾國藩兵部侍郎銜,辦理軍務,勿庸署理湖北巡撫。以陶恩培補授湖北巡撫。

欽差大臣向榮派兵再燬南京太平門外買賣街。

天京買賣街

11,3(九,一三) 勸慰師聖神風禾乃師贖病主左輔正軍師東王楊秀清接得燕王秦日綱稟奏。秀清卽諭令遵前頒誥諭在田家鎮兩岸築起堅固營盤,並造起木牌水城,在江心挽泊防禦。復差東府承宣涂鎮興押解能上水木牌一座前往,依式趕造,安好礮位(太平天曆九月二十九日)。

楊秀清誥諭
秦日綱

湖南提督塔齊布合署湖北提督布克慎，副將王國才自武昌拔營經武昌縣趨大冶。道員羅澤南合游擊彭三元，都司普承堯拔營經牛金堡趨興國（東征軍南路）。曾國藩及道員李孟羣亦率後隊水師起旋（東征軍中路）。

僧格林沁等繼續圍攻林鳳祥於直隸真光連鎮，仍不得手。

11,4（九，一四）占據上海之小刀會（三合會）開始與法軍衝突。

11,5（九，一五）授羅澤南為浙江寧紹台道員。

11,7（九，一七）太平軍師船又自天京東援瓜州鎮江，清水師截擊無效。

湖北軍副統魁玉，總兵楊昌泗等自漢陽拔營東進（固原提督桂明已先到黃州。是為東征軍北路）。

“昇平天國”鎮南王朱洪英等攻湖南道州，為湘軍同知王鑫，游擊周雲耀所敗。

11,8（九，一八）捻李士林入湖北，受湖廣總督楊霨招撫。

11,9（九，一九）湘軍水師參將楊載福，同知彭玉麟等與三十檢點陳玉成戰於湖北蘄州，敗之，燬船三十餘號。

河南禹州劉化振抗糧為亂（尋平）。

11,10（九，二〇）天京舉行天試（應係 11,6 即

法軍攻三合會

捻李士林降

天試

天曆十月初一日，即幼主生日開始）。

湘軍道員羅澤南，游擊彭三元，都司普承堯，知州李續賓敗太平軍於湖北興國州，擒總制汪茂先等。

11,11（九，二一）國宗石鳳魁，地官副丞相黃再興，指揮古隆賢等設防湖北田家鎮（東王召鳳魁再興回天京，誅之。再興先曾請東王以丞相陳桂堂代鳳魁守武昌，桂堂未至，而武漢已失）。

湘軍道員羅澤南等克復湖北興國州，（太平軍在此設有製造子藥廠），擒該州之育才官胡萬智（天京所取天試進士，被擒後有供詞。曾國藩奏謂萬智為知州，秦日綱致石達開稟作育才官。十餘日後日綱尚不知其被擒）。

湘軍克興國

天試進士

湘軍提督塔齊布，湖北提督佈克慎，雲南副將王國才等三路攻湖北大冶，斬獲二千餘人，克復縣城（塔坐馬受傷，被擒太平軍均剜目凌遲）。

曾國藩到黃州，令北路軍副都統魁玉等由蘄水進攻蘄州。

廣東潮陽知縣汪政，訓導丁日昌破圍攻海陽（潮州）之吳忠恕。

以黃宗漢代裕瑞為四川總督，以何桂清為浙江巡撫。

11,12（九，二二）勸慰師聖神風禾乃師贖病主左輔正軍師東王楊秀清誥諭燕王秦日綱，“凡保舉

保舉官員

官員必須查其平素曆練老成，精明靈變”，並“親自勘驗，觀其言語舉動，進退趨跲，再行保舉稟奏回朝，毋得徇情濫保”（太平天曆十月初七日）。

11,14（九，二四）國宗韋俊，石鎮崙，韋以德等奉東王楊秀清命自蕪湖西援湖北田家鎮（太平天曆爲十月初九日。先二日韋俊等已自天京到蕪湖）。

11,15（九二五）冬官正丞相羅大綱，殿左三十三指揮賴桂英，丞相羅瓊樹等奉翼王石達開命自安慶渡江經東流再占皖南建德，知縣王開貽死之（太平天曆爲十月初十日。浙川軍道員徐榮，都司江長貴先東退。大綱令鄉民貢納糧鹽等食物以濟軍）。

11,16（九，二六）天官正丞相楊正潮尙書李春發率軍自天京觀音門東攻棲霞，進援鎮江，江南軍翼長總兵德安合提督余萬清自鎮江派來之道員劉廷瑛軍，敗之於高資，斬正潮及承宣許茂才，尙書邱瑜明，擒北殿兵部陸尙書李發林，土七將軍李得新等。（此枝太平軍原擬自鎮江進取蘇常）。

11,17（九，二七）殿右三十二指揮孟文建占領安徽廬江（自安慶來，11,7 開始圍攻）。團紳貢生吳廷香（長慶之父）死之。

11,18（九，二八）電師左軍主將翼王石達開諭燕

王秦日綱暫留興國州育才官胡萬智，並池州黃州兩郡天試翰林，在該處治理民務（尙不知萬智被擒），候東王定奪。又命日綱在田家鎮一帶盡心竭力，約束官兵防守，堅築盤營，方可進兵直剿（太平天曆爲十月十三日。達開時在安慶）。

大平天國安徽建德縣監軍出示安民，編查戶口，諭舉紳衿爲軍師旅帥。

11,19（九，二九）湘軍水師左營彭玉麟，右營楊載福，中營秦國祿，清江營俞晟，響導營孫昌國，澄海營白人虎，定湘營段瑩器，哨官鮑超等敗三十檢點陳玉成於蘄州，焚船七十餘號，奪獲四十六號，巨礮六十三尊。白人虎及巡檢石熾然陣亡（玉成先勝，毀湘軍船隻二）。

11,20（一〇，一）殿左三十一檢點曾鳳傳奉到燕王秦日綱回諭，命殿右三十八指揮彭某速由富池口往蘄州幫同殿右三十檢點陳玉成防守（太平天曆爲十月十五日）。

革職春官又副丞相林紹璋三十八指揮彭某（曾鳳傳或亦在內）等與湘軍寧紹台道羅澤南，知州李續賓，知縣李杏春，遊擊彭三元，都司普承堯戰於湖北田家鎮對岸半壁山，斬千總何如海軍功彭稱祥。澤南等力戰敗之。燕王秦日綱泊舟彭塘觀陣。

半壁山與田家鎮之戰

殿右三十檢點陳玉成夜襲湘軍水師於蘄州。拋擲火

球，施放火箭，燒燬一船。餘船均不敢開動。

11,21 (一〇,二) 国宗提督軍務石明開(達開之兄)国宗韋貴祥，指揮曾孟章，丞宣許茂林，總制盧得太率太平軍三千自天京進入秣陵關，爲副將張國樑，參將王淩等所消滅。明開等死之。

道員何桂珍破捻李昭壽於安徽霍山。

提督塔齊布進軍湖北富池口，與半壁山羅澤南軍東西相去十餘里。

11,22 (一〇,三) 廣西寇(天地會?)高亞居陷平樂府城(尋退)。

11,23 (一〇,四) 燕王秦日綱督軍二萬與湘軍道員羅澤南同知李續賓，游擊彰三元，都司普承堯戰於湖北田家鎮對岸之半壁山，自坐將臺，高聲發令，初勝終敗，傷亡數千，退回北岸田家鎮。澤南軍斫斷橫江鐵鎖六條，竹纜七條。提督塔齊布亦在富池口獲勝。

国宗韋俊(韋十二)石鎮崙，韋以德自天京抵湖北田家鎮，與燕王秦日綱商定戰略。韋俊帶統下尉差及蘄州調來土捌副將軍梁修人所統左十五，左十七，中十五三軍兵士，自馬鞍山上路進攻，秦日綱帶統下尉差由馬鞍山下路進攻，兼防富池口(太平天曆爲十月十八日)。

11,24 (一〇,五) 燕王秦日綱，国宗韋

韋俊援田家鎮

俊，石鎮崙，韋以德自湖北田家鎮三路渡江進攻。韋俊等由半壁山兩路上岸，日綱自上路進攻，與道員羅澤南，同知李續賓，游擊彭三元，都司普承堯及提督塔齊布大戰竟日，均挫敗，鎮崙，以德，及殿左四十九指揮黃鳳岐，北殿右八承宣吉志元，將軍梁修仁，陳文金，陸鍊福等均陣亡，兵士傷者大半，溺水者數百，韋俊秦日綱先後上船，退回田家鎮（太平天曆爲十月十九日。據曾國藩奏，已革豫王胡以晃，佐天侯陳承塔亦參與是役，見“奏稿”卷四，頁四二）。

同知王鑫率湘勇破廣西寇（昇平天國胡有祿）於湘桂交界之龍虎關。

11,25（一〇，六）秦日綱韋俊等復將田家鎮江中鐵鎖鉤聯於南岸半壁山下（是日日綱接到 11,18 翼王諭）。

冬官正丞相羅大綱，指揮賴桂英自安徽建德進占江西饒州府石門。

11,26（一〇，七）擒李昭壽（兆受）馬超江在安徽霍山西之流波礮降於道員何桂珍。

曾國藩奏請飭江西巡撫陳啓邁開局製造火藥鉛彈，就近接濟湘軍（本日具奏）。

11,27（一〇，八）湘軍水師同知彭玉麟，（左營），都司蕭捷三（後營）與檢點陳玉成戰於湖北蘄州，哨官蕭世祥陣亡。燬太平軍船二十餘號。

11,28（一〇，九）燕王秦日綱接到十一月十二日東王誥諭，即回覆稟明，已諭各官不得徇情濫保，以重人才（太平天曆十月二十三日）。

冬官正丞相羅大綱等占領饒州府。嚴禁部下入鄉擄掠，張貼告示，令鄉民進貢糧鹽，擬送往九江，以濟田家鎮軍。

11,29（一〇，一〇）蘄州太平軍水營（前四軍？屬陳玉成）船隻（約六十號）因湘軍水師環繞向下游開走。

欽差大臣託明阿部總兵武慶等肅清揚州洲地，參將照信，知縣榮森，守備楊明經戰死於土橋及儀徵四里鋪。

廣東三合會陳金剛，陳義合等二次圍攻韶州府城（或以爲韶州於是日失陷，據曲江縣志府城僅被圍攻，並未失守）。

三合會梁培友區阿潤攻廣西梧州府不下，撤圍東走肇慶。

昇平天國鎮南王朱洪英（三合會）圍攻湖南寧遠不

羅大綱占饒州

下，湘軍同知王鑫，游擊周雲耀破走之。

12, (一〇月) 太平軍燬南京南門外報恩寺塔。

12, 1 (一〇, 一二) 廣東連州三合會衆(洪順堂)

入湖南，占領江藍廳。(12, 3 練勇復之)。

湘軍水師右營參將楊載福，左營同知彭玉麟，與陸師提督塔齊布，道員羅澤南商決戰略。戰船分爲四隊，第一隊專管斬斷鐵鎖，第二隊專管攻船，第三隊專管燒船，第四隊留守。

12, 2 (一〇, 一三) 湘軍水師參將楊載福，同知彭玉麟等督戰船分隊進攻，哨官守備孫昌國，劉國斌等先以烘爐大斧斷半壁山攔江鐵鎖，太平軍船隻東走，載福督守備劉培元，李成謀等追至武穴，縱火焚燒。陸師提督塔齊布，道員羅澤南在南岸助攻，追至富池口。共燒船約四千餘號，百里內外，火光燭天。

殿右三十檢點陳玉成，殿左三十一檢點曾鳳傳大敗湘軍都司楊名聲，教諭唐訓方於蘄州。

12, 3 (一〇, 一四) 燕王秦日綱國宗韋俊自焚湖北田家鎮營盤，東退黃梅(晨四更。據曾國藩奏報，守田家鎮者除秦韋外，尚有已革豫王胡以晃，佐天侯陳承璠，丞相羅大綱等，按

湘軍水師斷鐵鎖

田家鎮不守

大綱此時尚在贛皖之間)。

檢點陳玉成曾鳳傳再敗荊州軍副都統魁玉，總兵楊昌泗等於蘄州曹家河，奪獲糧米，焚燬其三道橋營盤。擒斬州判魏作霖。

12,4 (一〇, 一五) 檢點陳玉成曾鳳傳放棄湖北蘄州(因田家鎮失守)東退廣濟(晨三更)。

12,6 (一〇, 一七) 上海法國軍隊攻擊占據上海縣城之三合會(小刀會)劉麗川等。

檢點黃文金自江西湖口攻都昌，破西團。羅大綱自饒州府來會。

安徽臬司恩錫道員張光第大破東殿吏部七衛書李某及水營總制莫某於烏江。

12,7 (一〇, 一八) 兩廣總督葉名琛乞援於英國海軍，英香港總督包令(John Bowring)不允。

圍攻廣州東關之三合會衆被擊退，元帥盧八戰死。廣東軍克復從化，三合會甘先等退走。

12,8 (一〇, 一九) 湘軍水師前隊同知彭玉麟自湖北田家鎮進至九江，(守九江者爲檢點林啓容)。

圍攻廣東海陽(潮州)之吳忠恕爲知縣汪政所擒。

安徽六安團紳克太湖。

12,9 (一〇, 二〇) 郡王僧格林沁誘敗堅守直隸東

法軍攻小刀會

湘軍水師至九江

光連鎮之靖胡侯林鳳祥。

河南輝縣人戴瑩等抗納錢漕，圍攻縣城。

湘軍陸師塔齊布羅澤南渡江至湖北田家鎮北岸。

12,10 (一〇, 二一) 冬官正丞相功勳加一等羅大

綱知田家鎮軍敗，自江西饒州輕騎由都昌陸路到

九江，駐軍對岸小池口(太平天国改爲新城縣)

孔壟驛。援燕王秦日綱等(大綱部到者約萬人)。

曾國藩抵田家鎮。

12,12 (一〇, 二三) 燕王秦日綱部殿左二十一檢

點覃炳賢軍帥張冠鼎(本地文生)再占安徽太湖。

廣西道員張敬修克復藤縣，三合會(梁培友等)東

退。

12,14 (一〇, 二五) 湘軍水師營務處李孟羣督戰

船履堪九江小池口太平軍營壘，接仗小勝。

定胡侯李開芳夜出高唐州，二路襲擊欽差大臣勝保

營，破其柵欄，焚燒帳房。

12,15 (一〇, 二六) 湘軍水師營務處李孟羣督後

營都司蕭捷三，中營守備秦國祿，清江營州同俞

晟等先敗九江城太平軍，焚船十餘隻。復攻北岸

沙洲，苦戰四時，焚船二十餘隻。太平軍(大約

爲羅大綱部)亦猛烈迎戰，斃其守備蘇千總鄭沐

外委李金樑，沈船數隻。

湘軍提督塔齊布，道員羅澤南，參將周鳳山，與檢

點陳玉成，曾鳳傳戰於蘄州蓮花橋，敗之。

羅大綱授秦
日綱

冬官正丞相羅大綱合安慶西來之太平軍大破江西兵居隆阿於小池口，燬其營盤。

12,17 (一〇，二八) 檢點陳玉成等退出湖北廣濟，塔齊布等復之。

湖口太平軍(黃文金?)敗江西總兵趙如勝於九江姑塘，如勝退吳城鎮。

12,18 (一〇，二九) 清幫辦安徽團練袁甲三，及河南道員張維翰，副將朱連泰破捻衆蘇天福等於河南虞城夏邑間。

丞相羅瓊樹(矮子)自江西饒州入都昌九都，破東團(“都昌縣志”誤瓊樹爲羅大綱)。

12,19 (一〇，三〇) 燕王秦日綱，冬官正丞相羅大綱，檢點陳玉成等調湖北黃梅大河埔牌尾(二十歲以下者)入城內，盡留牌頭(二十歲以上者)守大河埔營(時日綱等以萬餘人營城南江岸小池口，抗湘軍水師，大約係大綱主之。以數萬人營城西大河埔，抗湘軍陸師，大約係日綱主之。以萬餘人營城北，大約係韋俊主之。另以數千人往來孔壠驛，爲游擊之兵，與諸處相爲聯絡，大約係玉成主之)。

羅大綱部完全退出饒州府。

法軍助清兵進攻上海城，爲三合會所擊退，死傷數十人。

12,20 (一一,一) 燕王秦日綱殿右三十檢點陳玉成等自湖北黃梅大河埔分三路前進，湘軍塔齊布(中)，周鳳山，彭三元(左)，羅澤南(右)亦三路迎之，戰於雙成驛，敗之，擒將軍蘇政春，斃太平軍三千餘，破大河埔營五座。

湘軍水師李孟羣彭玉麟等與太平軍戰於九江，未得手。

廣東三合會翟火姑部占領博羅。(一作12,24,1855,1,14退去)。

貴州涂令恆作亂，連陷新城，安南，普安(尋平)。

12,21 (一一,二) 幫辦安徽團練袁甲三遣四品頂帶舉人臧紆青，參將劉玉豹攻奪安徽桐城北峽關，斬啓天燕李文定。

12,22 (一一,三) 湘軍塔齊布羅澤南進至湖北黃梅城西夏新橋。

12,23 (一一,四) 提督塔齊布，道員羅澤南，知府李續賓，從九蔣益澧，參將彭三元，游擊普承堯，參將恆泰，札拉罕(湖北軍)，攻湖北黃梅北門，參將周鳳山，都司楊名聲，守備李新華等攻西門，副統魁玉，總兵楊昌泗爲後應，破燕王秦日綱，國宗韋俊，檢點陳玉成等，斬斃二千餘。塔齊布受傷，守備王映珍陣亡。日綱等棄城退宿松太湖。

雲貴總督羅繞典援貴州遵義府，卒於軍中。

湘軍克黃梅

- 12,24 (一一,五)塔齊布羅澤南收復湖北黃梅。參將劉玉豹,舉人臧紆青圍攻安徽桐城,斬太平軍吳鳳珠於呂亭。
- 燕王秦日綱分軍占領安徽英山。
- 檢點何朝元(黃文金?)等自湖口攻江西吳城鎮,奪燬戰船百餘隻,礮位七百餘尊,總兵趙如勝潰走南昌。
- 12,25 (一一,六)廣東軍克復花縣,三合會甘先等退走。
- 12,26 (一一,七)冬官正丞相羅大綱,三十三指揮賴桂英等率軍二萬自鄂東孔壘驛西北進,遇湘軍道員羅澤南,及知府李續賓,教諭唐訓方,從九蔣益澧軍四千人於濯港,鏖戰不利,損折餘人。
- 12,27 (一一,八)廣東軍克河源,三合會翟火姑退走。
- 12,29 (一一,一〇)安徽英山知縣蘇秀槐督團練克復縣城。
- 12,30 (一一,一一)安慶廬江太平軍炎二功勳正將軍何元壽北殿左壹指揮(使?)劉勝才援桐城,舉人臧紆青,千總郭錦敗之(守桐城者爲檢點梁五泰)。
- 12,31 (一一,一二)提督塔齊布,參將周鳳山,都司李新華自北路隄上,道員羅澤南,參將彭三元,游擊普承堯,教諭唐訓方自西南烏魚壩,分

路進攻鄂東孔壘驛（約共八千人），冬官正丞相羅大綱，殿左三十三指揮賴桂英，〔冬官？〕又副丞相余福勝，及丞相曾某等禦之，不勝，全市被焚，余福勝及陳雷二總制被擒，大綱等退小池口。

殿左二十一檢點覃炳賢自安徽太湖再占英山（明年五月復被團練克復）。

此
页
空
白

1855——咸豐五年乙卯，太平天国乙

榮五年。

1, (一一月), 欽差大臣督辦直隸軍務勝保奏請將厘捐辦法推行各省。戶部覆奏, 請旨飭下用兵各省籌辦, 酌量施行。

推行厘捐

1,1 (一一, 一三) 冬官正丞相羅大綱, 殿左三十三指揮賴桂英等自鄂東小池口渡江東南退走(據咸豐十一年五月初一日曾國藩致國荃信, 大綱身邊有“洋鬼子 三人”)。

1,2 (一一, 一四) 湘軍水師道員李孟羣知府彭玉麟(時楊載福病), 督都司秦國祿, 守備孫昌國等火攻九江小池口間之太平軍船簰, 肅清江面。

丞相羅大綱, 指揮賴桂英退守江西湖口(翼王石達開偕已革豫王胡以晃自安慶來援, 夏官又正丞相周勝坤, 秋官又副丞相陳宗勝代以晃守廬州府)。

石達開四援

兵部侍郎曾國藩進駐九江城外。

1,3 (一一, 一五) 湘軍水師道員李孟羣, 知府彭玉麟, 都司蕭捷三, 秦國祿, 劉培元, 州同俞晟等敗太平軍於九江, 進至湖口, 焚船六十餘號。分

泊鄱陽湖口內，及口外之梅家洲，八里江等處。
湖南提督塔齊布抵鄂東小池口。

廣西道員張敬修克廣東封川，三合會梁培友等東退。

1,4 (一一,一六)揚州軍副都統德興阿，穆克登額，副將鞠殿華攻瓜州，游擊海明，都司邑普哲訥，葉舒青，烏勒宏阿等陣亡。

1,5 (一一,一七)楊國宗及丞相黃玉崑，檢點何元源自安慶潛山援桐城，合檢點梁立泰大敗清軍，斬四品頂帶舉人臧紆青。

1,6 (一一,一八)湘軍水師屢燬九江湖口間太平軍船隻營房。

湘軍陸師提督塔齊布自鄂東小池口渡過江南岸(明日移營九江南門外)。

揚州瓜州太平軍破清軍，斬游擊張攀龍。

法軍聯合清軍大舉進攻上海三合會，清同知胡枚戰死。

1,7 (一一,一九)冬官正丞相羅大綱探知鄱陽湖河口左右二營擬投清軍，撤移城外營壘之後。檢點何朝元，軍帥宋春林等戰死於江西南康，(爲都司吳錫光所敗)。

湖北按察使胡林翼帶勇二千到九江。

以李續賓爲安慶府知府。

1,8 (一一,二〇)冬官正丞相羅大綱以火船百餘

號攻湘軍水師於鄱陽湖口，兩岸出隊助戰。道員李孟羣督蕭捷三，劉培元，俞晟，秦國祿等迎擊，敗之。

湖南永順府彭蓋南劫掠府城，自稱珍明王（尋平）。

1,9（一一，二一）湘軍道員羅澤南，知府李續賓，從九蔣益澧自鄂東小池口渡過江南岸，期與提督塔齊布等上下夾擊。檢點林啓容出九江乘其半渡擊之，互有勝負。澤南受傷。

湘軍攻九江

曾國藩奏報調湖北按察使胡林翼助攻九江，並請將湖北副將王國才，都司畢金科，安徽道員何桂珍等歸已調遣，（本日具奏，十九日旨准）。

廣東軍克復陽山。

1,11（一一，二三）以恆春爲雲貴總督兼署雲南巡撫。

1,13（一一，二五）圍攻廣州之三合會李文茂，陳顯良等稍稍被擊退。

1,14（一一，二六）提督塔齊布，臬司胡林翼（黔勇）進攻九江西門，三進三卻，（時翼王石達開所遣援軍萬人已由彭澤渡江繞道到九江）。

1,15（一一，二七）道員李孟羣等督水師抵湖口城邊，被太平軍戰船擊退（大約翼王石達開此時已到湖口。此後太平軍陸師每夜以火箭火毬大呼警營，湘軍水師徹夜戒嚴，不敢安枕）。

英國中立

1,17 (一一,二九) 英香港總督，駐華公使，兼商務監督包令 (J. Bowrin) 佈告英人嚴守中立，不得參與中國內戰之任何方面。否則分別監禁罰金 (香港議事廳決議案)。

陳開退出佛山

廣東知府沈棣輝克復佛山；三合會大寧國王陳開敗走。

1,18 (一二,一) 提督塔齊布，臬司胡林翼，道員羅澤南，副將王國才四路攻九江西南東北四門，均被守軍林啓容擊退。塔軍三次撲攻城西木柵，皆不得手，參將童添雲受重傷 (本月二十五日死)，總計傷亡三百餘人。

江西軍五品頂帶都司吳錫光敗太平軍於南康，斃總制譚舜，監軍萬年青等。

江南軍翼長福興德安攻南京東南之上方橋，未下。

1,21 (一,二四) 據守直隸東光連鎮之靖胡侯林鳳祥與清郡王僧格林沁戰不利，檢點黃姓死之。

廣東三合會甘先朱子儀再占花縣。

胡羅攻梅家洲

1,22 (一二,五) 曾國藩所部屢攻九江不能得手，因舍堅攻瑕，派臬司胡林翼，道員羅澤南，知府張丞實，李續賓等拔營進攻湖口對岸之梅家洲，

調副將王國才，參將恆泰等自小池口渡過江南岸，與提督塔齊布合營。

- 1,23 (一二,六) 臬司胡林翼，道員羅澤南，及唐訓方，鄒壽璋，知府李續賓，張丞實，及蔣益澧，分東中西三路攻鄱陽湖口西岸之梅家洲，冬官正丞相羅大綱拒敗之，斬守備蕭楚南，把總楊玉芳，姜凌浩（時大綱守湖口西岸梅家洲，翼王石達開守湖口東岸縣城，於湖口內紮大小木簰各一座，東岸築土城，西岸立木城，營外廣布木椿竹籤十餘丈，掘濠數重，內安地雷，上用大木橫斜搭架，釘鐵蒺藜於其上。防守嚴密異常）。

湖口布置

道員李孟羣，知府彭玉麟，及都司蕭捷三，劉培元，秦國祿，州同俞晟，守備劉國斌，孫昌國乘胡林翼，羅澤南等攻梅家洲之機，即以水師合力環攻鄱陽湖口木簰，破之，擒守簰之將軍梁國安，總制熊長易，熊廷詔，陳經綸，兩司馬許學受。忠貞侯林啓容，以二千人出九江城襲攻參將恆泰，札拉罕營，敗之，火傷恆泰。

- 1,24 (一二,七) 忠貞侯林啓容以六千餘人出九江城，分攻副將王國才（湖北軍），總兵居隆阿（江西軍）等營，提督塔齊布副將周鳳山力戰卻之。

冬官正丞相羅大綱以七千餘人分三路自湖口梅家洲進攻，另一枝四千餘人自大姑塘進攻。臬司胡林

翼，道員羅澤南，知府李續賓等先敗大姑塘軍，梅家洲軍未再前進。

1,25 (一二, 八) 北王韋昌輝出天京，到上方門巡查營壘。

1,26 (一二, 九) 翰林院編修李鴻章督兵勇進攻含山。

1,27 (一二, 一〇) 按察使胡林翼，道員羅澤南等銳攻鄱陽湖口梅家洲，羅大綱再拒敗之。水師知府彭玉麟，都司蕭捷三，孫昌國等同攻木卡，獲勝，焚船三百餘號。

1,29 (一二, 一二) 胡林翼，羅澤南，李孟羣，彭玉麟等水陸師復攻鄱陽湖口梅家洲，水師都司蕭捷三，孫昌國，段瑩器，游擊黃翼升等輕舟百二十餘號，精卒二千餘人，衝入湖內。翼王石達開，丞相羅大綱等即復於湖口設卡築壘，斷其出路。

翼王石達開，丞相羅大綱夜以輕舟突擊鄱陽湖口湘軍水師李孟羣彭玉麟等，斬都司史久立，焚大船九號，小船三十餘號，餘均遁駛上游。

燕王秦日綱，國宗韋俊，檢點陳玉成自安徽宿松進敗湖北軍參將劉富成，占領黃梅。

湘軍水師陷入內湖

秦軍復入湖北

1,30 (一二,一三) 湘軍水師李孟羣彭玉麟等自湖口退回九江。

1,31 (一二,一四) 冬官正丞相羅大綱屢襲湖口梅家洲胡林翼羅澤南營。

廣東軍敗圍攻廣州之三合會李文茂等，肅清河南。

2,1 (一二,一五) 編修李鴻章克復安徽含山，斃總制羅秀心(繡新)。

廣東三合會陳開李文茂攻三水。

2,2 (一二,一六) 冬官正丞相羅大綱自湖口遣殿右四十指揮余廷璋渡江紮營九江對岸之小池口(一說廷璋是日戰死，據曾國藩奏，是日小池口並無戰事)。

援黔之四川提督萬福克桐梓，敗楊龍喜。

2,3 (一二,一七) 燕王秦日綱，國宗韋俊，檢點陳玉成等復占湖北黃梅。

湘軍水師副將楊載福自湖北武穴到九江，敗太平軍師船於張家洲，哨官沈光雲戰死。

兩江總督怡良奏陳上海情形，謂“夷(外人)既挾逆(三合會)以爲重，逆又恃夷以無恐”。

2,4 (一二,一八) 浙江樂清匪陷城，殺副將姚武成(尋平)。

2,5 (一二,一九) 翼王石達開自湖口遣軍占都昌。

2,6 (一二, 二〇) 江蘇巡撫吉爾杭阿督軍水陸並進，六門齊發，猛攻上海，小刀會出城衝擊，被堵退。

2,7 (一二, 二一) 曾國藩遣副將周鳳山自九江渡江攻小池口，為丞相羅大綱部所擊敗。

2,8 (一二, 二二) 國宗石某自蕪湖進攻黃池，為已革提督鄧紹良所敗。

2,10 (一二, 二四) 燕王秦日綱檢點陳玉成等敗湖廣總督楊需於廣濟。

2,11 (一二, 二五) 臬司胡林翼道員羅澤南應曾國藩調，自湖口回援九江，駐營南岸官牌夾。

翼王石達開，已革豫王胡以晃（？），忠貞侯林啓容自九江，冬官正丞相羅大綱自小池口（大綱本日率大隊到小池口），兩路以輕舟百餘入江，乘月黑迷漫（三更），襲攻湘軍水師，火彈噴筒齊發，焚其戰船百餘號（一說十餘號），獲曾國藩坐船，殺管駕官把總劉盛槐，李子成，監印官典史潘兆奎，文生葛榮冊，盡得其文卷冊牘。把總李允升，李選衆均戰死。各戰船紛紛退駛至武穴以上，

石達開敗曾國藩

水手亦多驚逃，有自搶糧臺銀兩者。國藩棹小舟走入陸軍羅澤南營以免，憤極，欲赴敵以死，澤南及劉蓉等止之（或云以晃大綱以功晉封豫王沛王。按以晃早已封王，後以事被革。大綱則並未封王）。

陷入鄱陽湖內之湘軍水師營官蕭捷三，段瑩器，孫昌國，黃翼升等到都昌。

廣東軍克博羅，天地會霍火姑北走。

2,12（一二，二六）冬官正丞相羅大綱自鄂東小池口遣軍西進至龍坪武穴。

僧格林沁及都統西凌阿，侍郎瑞麟分路攻燬西連鎮，護軍參領松林死之。

2,13（一二，二七）林鳳祥部詹啓綸（湖北人）出連鎮降於僧格林沁。

江蘇巡撫吉爾杭阿，總兵虎嵩林等連日猛攻上海，擒三合會將軍林阿朋。

江西袁州府土寇圍城。

2,15（一二，二九）曾國藩遣知府李續賓及蔣益澧自九江渡江北岸，攻小池口，道員羅澤南提督塔齊布繼進（約共千五百人），爲冬官正丞相羅大綱所敗，退回南岸，塔齊布幾被獲。

江南軍總兵明安泰副將張國樑，攻南京上方橋，敗北王韋正。

秦章破楊霈
於廣濟

2,16 (一二,三〇) 燕王秦日綱，國宗韋俊，檢點陳玉成乘陰歷除夕，擊破湖廣總督楊霈軍於湖北廣濟，斬其親隨將官李士林(原係捻首)，霈敗走蘄州(據駱秉章奏，日綱等部不過千餘，楊霈兵勇則有萬餘)。

冬官丞相羅大綱自鄂東小池口遣軍三千西進(大約係夏官又副丞相曾錦謙統率)，接應燕王秦日綱等。占據上海縣城之三合會(小刀會)首要陳阿林潘小金子，出城遁走(城垣被清軍炸塌二丈)。

2,17 (一,一) 燕王秦日綱，檢點陳玉成等占領湖北蘄州(留金二副將軍楊明來守之)，湖廣總督楊霈走黃州。

上海克復

江蘇巡撫吉爾杭阿督總兵虎松林，糧道金安清，知府石景芬，劉存厚，參將富安等合法國軍提督辣尼爾(Laguerre)克復上海縣城，三合會(天地會小刀會或匕首會)首要劉麗川，(大明國統理正教招討大元帥)李仙雲，謝安邦，陳芝，(副元帥)朱月峯，徐耀，周秀成(周立春女)，夏祖望(籌防局主)，吳燮堂(軍帥)

等均死之。

郡王僧格林沁攻克直隸東光西連鎮，靖胡侯林鳳祥堅守東連鎮（時僧已收降衆三千餘人）。

2,18（一，二）冬官正丞相羅大綱自小池口遣派之軍抵蘄州，合燕王秦日綱等，擬進取武漢。

會國藩遣道員李孟羣率水師三營，戰船四十餘號，按察使胡林翼，都司石清吉領兵勇三千餘人，西救武漢。

胡林翼及水師回援武漢

靖胡侯林鳳祥部蕭鳳山（原係清縣丞）鍾有年（原係清附生）等九十餘人降，均被殺。

2,19（一，三）郡王僧格林沁猛攻直隸東光連鎮，靖胡侯林鳳祥卻之。

已革提督鄧紹良敗國宗石某及尙書曾雲龍於皖南黃池。

2,20（一，四）欽差大臣向榮轟炸南京朝陽門北龍脖子城牆，無效。

翼王石達開命忠貞侯林啓容堅守九江（達開先曾親到九江）。

2,21（一，五）燕王秦日綱，夏官又副丞相曾錦謙，檢點陳玉成占領黃州府（湖廣總督楊需本日退至漢口）。

秦占黃州

會國藩水師戰船在九江外因大風撞沈二十二號，擊壞二十一號，其餘亦均撞損。國藩恐再被襲攻，令較好之七十餘號由知府彭玉麟率領即開往武漢

1855（咸豐五年）

修整。九江江面無水師。

2,22 (一,六) 冬官正丞相羅大綱自小池口渡江合忠貞侯林啓容襲攻九江東門外副將王國才營，提督塔齊布副將周鳳山等卻之。大綱入九江城。

四占漢陽

2,23 (一,七) 燕王秦日綱，夏官又副丞相曾錦謙，檢點陳玉成占領漢陽（第四次），湖廣總督楊霽走德安府（羅大綱自小池口遣來之一軍本日抵黃州）。

道員李孟羣自九江率水師到武昌，住黃鶴磯。

韋俊占興國

2,25 (一,九) 國宗韋俊自鄂東田家鎮渡江過富池口，進占興國州（旋進占通山崇陽咸寧，與燕王秦日綱等合攻武昌）。

知府彭玉麟率水師到武昌，住鮎魚套。

2,26 (一,一〇) 編修李鴻章與副都統忠泰力攻安徽巢縣，破東門外三土城。

2,27 (一,一一) 湘軍水師俞晟攻毀漢陽下游南岸太平軍礮臺。

2,28 (一,一二) 曾國藩自九江赴南昌。

男女婚配

3, (一月) 東王楊秀清准男女團聚婚配，設男女媒官各一人司其事，女館爲之一空（時天官又正丞相曾水源東壩戰敗，一說誤期，削職。其弟怨逃，東王疑水源主使通官軍，

刑以五馬分屍。惟恐舊部仍有私逃，復以女館缺糧，因弛男女例禁，許其團聚，以安衆心。

3,1 (一,一三) 以胡林翼爲湖北布政使。

3,2 (一,一四) 燕王秦日綱遣軍自漢陽西占仙桃鎮(守漢陽者爲夏官又副丞相曾錦謙)。

命江蘇巡撫吉爾杭阿幫辦欽差大臣向榮軍務。

3,4 (一,一六) 曾國藩自九江退駐南昌，安輯月前陷入內湖水師，並設置局廠，添造礮船。

曾國藩退南昌

鎮江守將吳如孝敗候選道劉廷瑛潮勇(廷瑛受傷，3,23卒)。

3,5 (一,一七) 湖廣總督楊需革職留任。

昇平天國定南王胡有祿鎮南王朱洪英(天地會)占廣西富川。

3,6 (一,一八) 湖北按察使胡林翼及遊擊石清吉自九江帶兵先到武昌城外。

3,7 (一,一九) 參贊大臣科爾沁郡王僧格林沁督都統西凌阿，侍郎瑞麟，將軍瑞昌，總兵慶祺，經文岱，副都統綿洵，伊勒東阿，珠勒享巴揚阿，穆隆阿，玉明，雙成，侍衛都興阿，穆騰

林鳳祥被擒

阿，達崇阿攻克直隸東光連鎮（東鎮），靖胡侯林鳳祥（翔）被擒。

（註）據王定安“求闕齋弟子記”鳳祥全銜爲‘殿前夏季電察天軍頂扶朝綱求王協千歲’，大約爲追贈，或一八五三年冬進至天津時晉封。沈懋良“江南春夢庵筆記”則稱鳳祥爲彰王。

近見“忠王供辭別錄”，曾國藩手書問詞中有云：“林鳳祥於五年死於連鎮，李開芳死於馮官屯，林啓容於八年死於九江，何以後來林鳳祥又稱求王，李開芳又稱請王，林啓容又稱勤王，是何年追封的。審問忠王之龐際雲手錄供詞云：“林鳳翔李開芳林啓容皆開國功臣，死後追封王，其子襲之，皆同治二年（1863）封”。

冬官正丞相羅大綱，忠貞侯林啓容再出九江及小池口，攻城外提督塔齊布，副將王國才等軍，不利，損折四百餘人。

安徽道員何桂珍遣知縣任春和督降捻李昭壽馬超江克湖北蘄水（一作2,22）。

3,8（一，二〇）河南密縣會黨王紅磚滋事，焚署劫獄。

3,9（一，二一）湖北仙桃鎮（沔陽州）太平軍敗荊州軍，斃同知林天直。

皖南太平軍殿右檢點白暉懷自建德進入江西饒州蓮花橋，破已革總兵趙如勝。

以直隸連鎮克復，林鳳祥被擒，晉封郡王僧格林沁爲科爾沁博多勒噶台親王，察哈爾都統西凌阿，侍郎瑞麟等亦封賞有差。並命僧格林沁移師攻山東高唐州，拏問勝保。

3,10 (一, 二二) 河南密縣會黨王紅磚攻鄭州。

3,11 (一, 二三) 僧格林沁到高唐州，拏問勝保解京。

林鳳祥部金將軍汪一中，總制江玉遵，蕭在人，李開蘭，吉金祥，軍帥楊吉，師帥楊文清等被擒，本日在直隸滄州被殺。

太平軍范汝杰自皖南青陽占石埭，敗四川遊擊周天受（一作3,9,3,15退去）。

3,14 (一, 二六) 湖北按察使胡林翼道員李孟羣進攻漢陽，直抵城下，遇伏。

曾國藩遣副將王國才率部三千餘人自九江經興國武寧回援武漢（兼防韋俊入江西）。

國宗韋俊占領湖北崇陽。

3,15 (一, 二七) 皖南太平軍范汝杰自石埭占黟縣，再敗四川游擊周天受（3,18焚東岳廟，3,19焚聞琴社張康神像）。

3,16 (一, 二八) 曾國藩在南昌派都司蕭捷三等率戰船六十餘進泊康山。

毀神像

湖北按察使胡林翼，道員李孟羣水師戰船遇風擊損五六十隻，漂沈二三十隻，陸營帳棚吹裂，自漢陽退駐金口。

3,17 (一, 二九) 平胡侯李開芳，率衆八百餘突出山東唐州，南走桂平馮官屯（屯在高唐南四十五里，桂平北十八里，中多富戶，高樓廣廈，外匝高牆）。科爾沁親王僧格林沁收復州城（開芳原擬走濟甯，不果）。

3,18 (二, 一) 親王僧格林沁，都統德勒克色楞，西凌阿等圍攻桂平馮官屯，斃開芳部二百餘名。頭等侍衛達崇阿，吉林協領委營總豐山，委參領豐玉戰死。

江蘇巡撫吉爾杭阿自上海赴江南大營。

3,19 (二, 二) 以法軍助攻上海，江蘇巡撫吉爾杭阿奏請賞銀萬兩。

3,20 (二, 三) 皖南太平軍范汝杰敗浙江軍於黟縣漁亭，斬福建汀漳龍道員徐榮，都司許尙達等。湖北天門太平軍敗荊州軍於岳家口，斬副都統貴陞。守備札克當阿。

廣東郭汝誠及德慶州知州吳保楨克復州城，三合會梁培友部退走（一作4,3。去年8,7被占）。

廣東三合會陳吉退出順德。

李開芳據馮官屯

3,21 (二,四) 燕王秦日綱檢點陳玉成等力攻武昌，巡撫陶恩培禦之。

承宣胡鼎文等自江西湖口都昌合皖南建德來之檢點白暉懷再占饒州府 (鼎文等張丞相羅大綱旗幟)。

3,22 (二,五) 太平軍占領湖北天門縣城 (越日退出)。

3,23 (二,六) 夏官又正丞相周勝坤秋官副丞相陳宗勝等襲擊廬州圍軍提督和春巡撫福濟營，不克。

冬官正丞相羅大綱復到江西饒州府 (尋回安慶，留指揮張立旺守城)。

安徽道員何桂珍敗太平軍於湖北蘄水蔡家河。

皖南太平軍范汝杰占休寧，團紳鴻臚寺少卿孫日萱等死之 (一作3,25)。

3,25 (二,八) 提督和春，巡撫福濟，及鄭魁士，江忠濬，江忠信等力攻廬州，敗夏官又正丞相周勝坤，秋官副丞相陳宗勝等 (和春奏稱宗勝戰死)。

3,26 (二,九) 解往袁甲三營之銅鐵礮及捐款在亳州城外被捻匪搶去。

鎮江守將吳如孝 (檢點?) 部會合自瓜州南渡之太平軍進駐高資，夾江而陣，佈置台壘繚筏防守。

3,29(二,一二)忠貞侯林啓容遣軍出九江,襲提督塔齊布營,被擊退(此時翼王石達開似在九江)。江西太平軍(丞宣胡鼎文?)占領德興。

3,30(二,一三)皖南太平軍范汝杰敗都司長貴,占領徽州府(拆燬廟宇),安徽學政督辦團練大臣沈祖懋,知府恩禧棄城走,知縣廉驥元死之。

3,31(二,一四)湖北太平軍自漢陽占領漢川,敗總兵楊昌泗,都司施鴻恩,葛以敦。

4,2(二,一六)湖北太平軍陳玉成占領應城。廣東花縣練勇再復縣城。

4,3(二,一七)燕王秦日綱, 国宗韋志俊(韋十二),檢點陳玉成等再占武昌(第三次)。湖北巡撫陶恩培,知府多山,遊擊陶德壽等均死之。住鮎魚套彭玉麟水師被焚。副將王國才率援師至,突入城內,亦被擊退。

太平軍再占湖北大冶。

總制田金爵自湖北蘄州攻安徽英山,道員何桂珍督降捻李昭壽馬超江敗斬之。

湘軍參將李輔朝等克復廣東連州,敗天地會溫佑孟九等。

4,4(二,一八)湖北布政使胡林翼自武昌渡江退

占領徽州

三占武昌

駐潰口，收集潰軍。

4,5 (二,一九) 欽差大臣向榮遣總兵德安，合已革提督余萬清，總兵虎嵩林等攻破鎮江高資太平軍營壘，奪獲小艇百餘號。

陳玉成占德安府

湖北太平軍陳玉成占領德安府(一作4,2)。

4,6 (二,二〇) 陳玉成再占湖北雲夢，設監軍及鄉官。

4,8 (二,二二) 命將勝保發往新疆效力贖罪(明年12,9改發往安徽)。

4,9 (二,二三) 浙江金華府知府石景芬副將魁齡收復徽州府，太平軍范汝杰西退休甯。

浙軍復徽州

4,10 (二,二四) 皖太平軍范汝杰退出休寧，知府石景芬復之。

鄂東太平軍敗斬羅田知縣彭仲芳於中界河。

4,11 (二,二五) 江浙漕運銀兩在山東洋面爲海盜所劫。

曾國藩遣道員羅澤南率軍三千自南昌援贛東。

調四川兵勇二千名由游擊顏朝斌，都司陳有才帶赴湖北。命西安將軍札拉芬出防襄陽。

4,13 (二,二七) 曾國藩奏統籌全局，陸路須有勁兵四枝，水路須兵兩枝。北岸自蘄水，廣濟，黃梅，以達太湖，宿松爲內一路，自漢口，黃州，蘄州，田家鎮，濱江下達小池口望江爲外一路，南岸自九江以上興國，通山，崇陽，武寧(均土

曾國藩進兵計畫

寇勾結太平軍之淵藪)爲西一路，自湖口以下贛皖南爲東一路(南岸以東一路爲最要，北岸以內一路爲最要)。水師自武昌以達湖口爲上一枝，自小孤山以達采石磯爲下一枝(本日發，二十七日到京)。

曾國藩奏請令駐紮皖北之左副都御史袁甲三練軍五千，自豫南出湖北黃州助攻(本日發)。

以安徽巡撫福濟江南提督和春奏參，命幫辦安徽團練左副都御史袁甲三來京議處。

4,14(二,二八)湖南嘉禾庠生尹尚英亂平(起於1852)。

湘軍道員羅澤南自九江拔營赴南昌，晤曾國藩。

4,15(二,二九)平胡侯李開芳破僧格林沁於山東馮官屯，斬其親隨三等護衛巴薩拉，並奪其職位。

4,16(三,一)皖南太平軍范汝杰占領婺源，謀合江西弋陽之太平軍，共攻廣信府(一作4,14)。

4,18(三,三)以胡林翼(湖北布政使)署湖北巡撫。以李孟羣(道員)署湖北按察使(武昌失守消息上聞)。

4,19(三,四)江西太平軍(羅大綱部)自皖南經德興來之范汝杰占領弋陽。

已革江西知府林懋勳敗自湖北興國州南來之太平軍

胡林翼任鄂撫

於武寧紐絲嶺，斬丞相劉宗昆，葉佳文。

- 4,20 (三,五) 僧格林沁引水灌高唐馮官屯。
- 4,21 (三,六) 浙軍副將常海敗死於江西弋陽。
- 4,22 (三,七) 水師總兵吳全美，副將李德麟，王鵬年等敗太平軍於江浦九洑州，斷攔江鐵鎖，焚船頗多。全美等全幫上駛。
- 貴州楊龍喜敗死於石阡府(餘黨至1859始平)。
- 4,23 (三,八) 僧格林沁遣總兵孔廣順，副都統常亮自山東赴鄂北。
- 4,24 (三,九) 湖北隨州知州嚴樹森，都司施鴻思，宋百行克復德安府(5,13復被占)。
- 4,25 (三,一〇) 河南巡撫英桂到信陽，防堵太平軍北進。
- 4,27 (三,一二) 命閩浙兩省每月各籌銀二萬兩解赴曾國藩軍營。
- 4,28 (三,一三) 曾國藩自南昌往南康府(途中在吳城住半月。時新募平江勇已到南康，命候選同知李元度統之，與內湖水師相依)。
- 4,29 (三,一四) 太平軍(秋官副丞相鍾廷生?)再占湖北通城。
- 4,30 (三,一五) 三品頂帶鄧紹良，游擊周天受，知府石景芬攻克皖南婺源，太平軍范汝杰走江西德興。

按察使李孟羣，知府彭玉麟所統水師在湖北金口已

添募修整就緒。

提督和春督總兵吉順，常清，珠克登等連攻廬州，
佐領瑞祥戰死。

5,1 (三,一六) 湖北巡撫胡林翼自金口督軍進石
嘴，攻武昌。

耀武侯(三合會)何祿及甘先再圍廣東韶州府。

5,3 (三,一八) 湖北巡撫胡林翼督隊逼武昌城
外。

寧紹台道員羅澤南率軍自南昌到貴溪(唐訓方“從征
圖記作5,2)。

5,5 (三,二〇) 指揮田士林徐大志等在湖南平江
被擒。

皖南太平軍范汝杰自婺源進占江西興安。

道員羅澤南督李續賓，蔣益澧，唐訓方，林福祥等
分隊進攻江西弋陽，擒總制程禮周，稽南呂，王
富德，斃太平軍數百人，湘勇把總張以德，千總
傅武等數十人陣亡。

太平軍(秋官副丞相鍾廷生?)自湖北通城南攻平
江上塔市，爲湘軍知縣何忠駿等所敗，指揮田士
林徐大志等被擒。

5,6 (三,二一) 道員羅澤南，知府林福祥，袁泳
錫，李續賓等攻克江西弋陽，擒指揮劉某多人。
太平軍走興安，合自皖南婺源來之范汝杰。

5,7 (三,二二) 太平軍棄江西興安，分走廣信德

胡林翼攻武
昌

興（走德興者爲范汝杰）。

編修李鴻章，副都統忠泰猛攻巢縣柘皋，唐家嘴，都司珠蘭泰，守備李光觀等戰死。

5,8（三，二三）太平軍占領江西廣信府，知縣蔡中和死之。

江西南康天地會廖際湘，黃毓椿，何大經起事，據潭口。

欽差大臣托明阿，提督陳金綬，布政使雷以誠攻瓜州，失利，湖南綏靖鎮總兵錫綸，參將羣壽，參領恩林等戰死。

湘粵練勇合克廣東仁化，三合會大元帥曾佳敗走（尋被擒）。

5,9（三，二四）湖北巡撫胡林翼令副將王國才渡江進屯沌口，防漢陽太平軍西趨。

5,10（三，二五）道員羅澤南督知府李續賓，知縣唐訓方，從九蔣益澧等敗太平軍於江西廣信府。

5,11（三，二六）知府江忠濟連收侵擾岳州附近之太平軍。

水師總兵吳全美副將李德鄰等大敗太平軍於南京三山，燬船二百餘隻，擒先鋒陳長順等。

5,12（三，二七）道員羅澤南等克復江西廣信府。太平軍走占玉山。

江西都司吳錫光克復饒州府。

湖北太平軍陳玉成再占德安府。

羅澤南克廣信。

5,13 (三,二八) 贛東太平軍棄玉山, 東走浙江常山。

5,14 (三,二九) 湖廣總督楊需自德安府退至隨州。

5,15 (三,三〇) 夏官又副丞相曾錦謙敗副將王國才恆泰等於漢陽朝關, 斬恆泰。知府彭玉麟督水師守備鮑超, 王明山, 劉連升等上岸援國才, 卻之, 擒師帥羅登才。

贛東太平軍自玉山入浙江, 占開化。

5,16 (四,一) 曾國藩奏湖北兵勇不可復用, 三年之內, 全兵覆敗大潰者五次, 小潰小敗不可勝數, 並請另籌勁旅一枝, 疾出黃州 (以袁甲三入京, 不克西上)。

曾國藩奏請派在籍侍郎黃贊湯在江西樟樹鎮設局總理西楚兩岸鹽餉事務。

總制何名標 (即何文彪, 大約係自廣東來) 合江西南康縣潭口天地會廖際湘等圍攻縣城 (明年2,19始退去。名標, 後歸翼王石達開)。

5,17 (四,二) 湖北巡撫胡林翼督守備譚瓊林等進攻武昌白沙洲等處, 擒旅帥趙黑二, 兩司馬張亞貴, 黎允恭等。

西安將軍札拉芬及副都統常亮率軍抵湖北隨州。

自贛東入浙江之太平軍占領遂安 (旋退去, 入徽州)。

5,18 (四,三) 廣東軍克復清遠, 天地會陳金剛練

湖北兵勇不可用

四虎等北走，入湖南。

5,19 (四, 四) 水師總兵吳全美副將李德麟再敗太平軍師船於南京三山，燬沉約二百隻。

5,21 (四, 六) 廣州知府沈棣華克復肇慶府，天地會陳開李文茂合朱培友等西入廣西。

昇平天國鎮南王朱洪英，定南王胡有祿棄廣西灌陽北走湖南。

5,22 (四, 七) 江南提督和春安徽巡撫福濟晝夜攻廬州府，炸塌城垣丈餘。

5,24 (四, 九) 湖北巡撫胡林翼督軍攻武昌八步街，不利，守備劉凝俊等陣亡。

5,27 (四, 一二) 知府彭玉麟督水師守備鮑超，張榮貴，曾秉忠，孫昌凱，都司劉培元，王明山，游擊何樾珽等攻武昌下塘角，失利，榮貴秉忠等受重傷，船隻擊壞十餘隻。巡撫胡林翼督陸師攻江隄李家橋，亦進戰不利。

定胡侯李開芳部陸續出山東往平馮官屯投降之兩湖等處人二百二十二名。

5,28 (四, 一三) 曾國藩自江西吳城鎮移駐南康府，派前隊戰船進泊青山。

湖北德安府太平軍陳玉成攻應山長林岡，總兵楊昌泗退馬平港。

李開芳部先鋒黃大漢(近文)一百四十餘人降於親王僧格林沁，均被殺。

陳開西入廣西

曾國藩駐營南康府

5,30 (四,一五) 湖北德安太平軍陳玉成自應山攻隨州，敗西安副都統常亮，總兵訥欽於望城岡，常亮退五里墩。

丞相鍾某(秋官副丞相鍾廷生?自湖北通城來)圍攻江西義寧州。

湘軍道員羅澤南復江西德興，太平軍范汝杰折回皖南。

李開芳被擒

5,31 (四,一六) 參贊大臣科爾沁親王僧格林沁，幫辦軍務都統西凌阿，貝子德勒克色楞，及副都統綿洵，侍衛綳潤等攻克山東桂平馮官屯，定胡侯李開芳(北伐軍主將)及將軍總制黃懿瑞，謝金聲，李添佑，譚有佳，韋名傳，曹得相，劉志隆，劉子明等被擒(北伐軍完全消滅。“求闕齋弟子記”謂開芳全銜爲‘殿前春季電察天軍頂天扶朝綱請王合千歲’，大約爲追贈，或一八五三年冬進至天津時晉封。參看3,7註)。

陳玉成占領隨州

西安將軍札拉芬敗死於湖北隨州平林市，五里墩，湖廣總督楊霽走棗陽。太平軍陳玉成占領隨州。

天地會入湖南

廣東三合會（天地會）葛耀明，鄧像，陳壽（受），
王二湖大破湘軍於樂昌，斬統領同知趙啓玉。

昇平天國定南王胡有祿，鎮南王朱洪英占領湖南東
安（有祿洪英係應羅大綱召北上，以大綱原亦係
天地會中人，與有祿本相識）。

總兵吳全美，副將李德麟督紅單船會同總兵德安陸
師攻毀南京西三山之太平軍營壘木籬，肅清江
面，太平軍退大勝關（光緒六年“續江寧府志”
謂羅大綱死於是役，或云大綱死於8,1蕪湖之
役，均不可信，見8,2條）。

6,1（四，一七）太平軍范汝杰復自江西德興折回
皖南婺源（“婺源縣志”作5,22），敗浙軍知府
石景芬。

6,2（四，一八）以李開芳被擒，河北太平軍蕭
清，賞科爾沁親王僧格林沁世襲岡替，貝子德勒
克色楞貝勒銜，察哈爾都統西凌阿三等男爵。惠
親王恭親王等均優敘。

太平軍范汝杰占領皖南祁門。

6,3（四，一九）承宣黃文金，胡鼎文率礮船百餘
號，小划數十號（礮位密備，旗幟宣明）敗湘軍
內湖水師都司蕭捷三，鄧翼升，孫昌國等於鄱陽
湖青山，焚船數號，奪獲坐船。捷三等退泊火焰
山。

6,4（四，二〇）擒易添富林其賢（李士林舊部）

敗清軍於河南息縣烏龍集，斬州判汪兆琛。

太平軍范汝杰再占皖南黟縣。

6,5 (四, 二一) 三合會陳開，李文茂，梁培友等
(自肇慶府來) 圍攻廣西潯府(此時清軍稱之曰
艇匪，在廣東時稱為紅巾賊)。

三合會葛耀明鄧像等破湘軍卽補道王葆生，參將李
輔朝，占領湖南宜章(耀明等係應石達開召北
上)。

6,6 (四, 二二) 曾國藩遣水師定湘營何啓長，都
司李逢春焚鄱陽湖馬家堰，徐家埠，都昌太平軍
輜糧船隻三百餘號，克復都昌(均運糧接濟湖口
之船)。

湘軍知府王鑫，參將周雲耀進攻湖南東安，與三合
會之朱洪英胡有祿相持。

太平軍范汝杰復占皖南休甯。

6,8 (四, 二四) 以都興阿爲京口副都統。

6,9 (四, 二五) 捻易添富林其賢占領河南息縣。

6,10 (四, 二六) 湖北巡撫胡林翼三路攻武昌，副
將王國才攻漢陽，知府彭玉麟水師助攻兩岸。林
翼玉麟軍陣斃殿右十八檢點羅亞羊(與羅大綱似
有親屬關係)，將軍黃至二，擒總制伍大貴等。

6,11 (四, 二七) 以西安將軍札拉芬戰
死，湖廣總督楊霨坐視不救，革職留營

差遣。以荊州將軍官文爲湖廣總督，江寧副統綿洵爲荊州將軍。命察哈爾西凌阿馳往荆襄督辦防剿事宜（綿洵西凌阿部均連鎮馮官屯得勝之師）。

6,12（四，二八）廣東軍參將尹達章克復英德，三合會陳義和（合）北走。

6,13（四，二九）湖北太平軍（陳玉成）棄隨州走德安府。固原提督孔廣順，知州嚴樹森收復隨州。

南陽鎮總兵邱聯恩克復湖南息縣，捻易添富等東走攻光州，占領光山。

6,14（五，一）以察哈爾都統西凌阿爲欽差大臣，督辦湖北軍務。

安徽道員何桂珍督降捻李昭壽等屢破鄂東太平軍於英山。

湖廣總督楊需退襄陽府。

6,15（五，二）以荊州將軍綿洵幫辦西凌阿軍務。湖北太平軍自崇陽連日圍攻江西義寧，斃都司張孝等。

6,17（五，四）湖北興國州太平軍進入江西武寧，總制陳碧山被擒。

6,18（五，五）耀武侯何祿及甘先，陳金剛，陳榮，陳義和（三合會）自廣東韶州府相繼入湖南

官文任鄂督

欽差西凌阿

何祿等入湖南

境（府城被圍已將十月）。

6,20（五，七）燕王秦日綱自武昌遣軍繞道西上，襲金口，抄胡林翼軍後路。

6,21（五，八）曾國藩遣水師都司孫昌國搜燬江西都昌太平軍糧船二十餘號。

欽差大臣西凌阿自山東馮官屯督兵赴湖北。

皖南太平軍范汝杰部完全退出黟縣，入休甯（與自江西經浙江入皖之另枝太平軍復合）。

南陽鎮總兵邱聯恩克復河南光山，擒易添富林黃賢西走。

6,22（五，九）以黃河北岸肅清，舉行凱撤典禮，奉命大將軍參贊大臣印信繳呈，辦理京城巡防事宜裁撤。

丞相鍾某（秋官副丞相鍾廷生？）占領江西義寧州，知府葉濟英，候選知州陽秉鏞，州同蔣善華等均戰死，居民死者尤多。

湖北巡撫胡林翼自武昌城外回援金口。

提督鄧紹良等收復皖南黟縣。

6,23（五，一〇）燕王秦日綱軍擊潰武昌西南紙坊軍，分五路進攻金口，胡林翼軍三路禦之。其另枝由水師彭玉麟鮑超等禦之。

廣東三合會葛耀明，鄧象，王二（義）潮等自湖南宜章柳州，為參將李輔朝所破，（“駱文忠奏稿”，卷二，頁二五，謂鄧王二人被擒，不可信）。

6,24 (五,一一) 湖北巡撫胡林翼, 按察使李孟羣擊退襲攻湖北金口之燕王秦日綱軍, 擒總制陳立正等。

6,25 (五,一二) 鄂東蘄水太平軍占領安徽英山, 道員何桂珍及降捻李昭壽馬超江部均敗潰 (昭壽即回河南, 復叛)。

夏官又副丞相曾錦謙(?) 自漢陽襲朝關沌口, 副將王國才, 游擊何越珽卻之。

6,26 (五,一三) 曾國藩遣內湖水師蕭捷三, 賀虎臣, 何啓長, 鄧(黃)翼升, 陳炳元, 孫昌國等營敗東殿右十二承宣胡鼎文等於鄱陽湖青山, 追至鞋山。

江西遊擊吳錫光援義寧州, 敗死。

6,27 (五,一四) 命賽尙阿, 訥爾經額改爲發往軍臺效力贖罪。釋張亮基, 交西凌阿差用。

6,28 (五,一五) 提督鄧紹良, 總兵都隆阿, 知府石景芬, 游擊蕭知音, 周天受等攻克安徽休寧, 斃太平軍檢點二人 (黃姓陳姓), 千總陳宗富陣亡。

燕王秦日綱軍分六路 (約七八千人) 再攻湖北金口, 湖北巡撫胡林翼設伏敗之, 擒斬千餘, 並獲平胡丞相陳大爲, 指揮伍正, 何亞喜等。臬司李孟羣知府彭玉麟水師復截擊。日綱軍退營紙坊。

南陽鎮總兵邱聯恩敗捻易添富於息縣, 斬捻首林其

胡林翼敗秦日綱

賢。

6,29 (五,一六) 湖北巡撫胡林翼督軍攻占紙坊，
進逼武昌。

夏官又副丞相曾錦謙(?)自漢陽撲攻麥山清營，
參將札拉罕，主簿魏喻義，合都司石清吉游擊烏
凌阿禦之。

自皖南休寧退出之太平軍經黟縣走占石埭(即退
出)。

6,30 (五,一七) 湖北巡撫胡林翼回駐金口老營。

7,1 (五,一八) 參將札拉罕，都司石清吉，主簿
魏喻義等合團練擊退漢陽太平軍於麥山。

7,3 (五,二〇) 胡林翼派都司劉培元，守備張榮
貴，從九丁銳義，千總余玉興等水陸師自金口進
攻魯湖山坡太平軍。

7,5 (五,二二) 江蘇巡撫吉爾杭阿督提督余萬
清，知府劉存厚等猛攻鎮江，擊毀城垣，吳如孝
卻之。

7,6 (五,二三) 廣東三合會(耀武侯)何祿連日
攻湖南郴州，湘軍參將李輔朝等卻之，擒水陸副
元帥陳森。

7,8 (五,二五) 新授湖廣總督官文到襄陽接任。

7,9 (五,二六) 湖北都司劉培元，從九丁銳義等
敗魯湖山坡太平軍，適副將楊載福自岳州到六溪
口，夾擊。

安徽道員何桂珍克復英山。

7,10 (五,二七) 湖北軍廩生喻燾擒監軍單金榜於咸寧清靜寺。

7,13 (五,三〇) 東殿右十二承宣胡鼎文, 及承宣黃文金, 李遠繼, 功勳張百長督戰船七十餘隻至鄱陽湖姑塘青山, 曾國藩督湘軍水師都司蕭捷三, 孫昌國等力戰敗之, 斃張百長, 奪回其二月十一日失去坐船。外委蘇光彩戰死。

天地會何祿(耀武侯)陳榮, 甘先等占領湖南郴州。

天地會占郴州

7,14 (六,一) 欽差大臣託明阿水師總兵陳國泰會攻揚州瓜洲, 不利。

7,16 (六,三) 水師總兵吳全美, 李德麟, 王鵬年克復太平府, 進至東梁山。

7,17 (六,四) 河南新鄉張炳聚眾抗糧, 圍攻縣城(8,31解圍)。

7,18 (六,五) 湘軍道員羅澤南自江西景德鎮回駐南昌, 以固省城。

7,22 (六,九) 湖北知縣李保初, 李殿華, 同知李光榮克雲夢。

擒首易添富在河南汝陽被擒。

7,23 (六,一〇) 湖北知縣王培厚復應城。

7,24 (六,一一) 貞天侯林啓容在九江新壩添築礮臺。

湖北副將王國才，知府彭玉麟敗漢陽太平軍於朝關。

總兵明安泰德安克蕪湖（尋又爲太平軍所占）。

7,25（六，一二）曾國藩奏參江西巡撫陳啓邁顛倒錯謬，虛報軍情，藉餉挾制，多方掣肘，恐誤大局。

7,26（六，一三）湖南提督塔齊布督副將周鳳山，總兵居隆阿，參將彭三元，都司畢金科，阿達春等分攻九江東門及西路新壩，貞天侯林啓容力禦之，傷彭三元，阿達春，並斃守備黃明魁，外委李芳祥。

曾國藩派水師中營賀虎臣，千總李逢春，合知縣李銜陸勇攻燬鄱陽湖徐家埠太平軍船隻八十餘號，聖糧館五處。

安徽巢縣太平軍大破副都統忠泰於焦湖，覆其全軍，忠泰僅以身免。

7,28（六，一五）承宣黃文金等敗湘軍內湖水師前隊於湖口，奪船四號，斬千總洪建勛，把總李文田等。

7,29（六，一六）常德副將楊載福率水師由岳州到湖北金口。

7,30（六，一七）冬官正丞相羅大綱率軍出天京到三汊河，攻秣陵關（大綱大約係六月間自江西回天京）。

曾國藩劾江西巡撫

塔齊布力攻九江

7, (六月) 安徽亳州擒衆推張洛行爲盟主，於雉河集祭告天地，旗分五色。洛行自領黃旗（“渦陽縣志”謂事在咸豐六年正月，“永城縣志”謂在三年八月，此處係據“亳州志”）。

擒張洛行

8,1 (六, 一九) 提督鄧紹良，總兵吳金美，明安泰，德安，都司虎坤元克復蕪湖。

天地會耀武侯何祿及陳金剛，周春，陳榮，陳義合等（均廣東三合會）分軍占領湖南桂陽州。

以河北肅清，裁撤直隸山東山西團練。

8,2 (六, 二〇) 欽差大臣向榮部副將蔡應龍敗冬官正丞相羅大綱於江寧秣陵關。

（註）或云大綱死於五月三十一日，或云八月一日，均不可信，以向榮奏報，本日（八月二日）大綱尚與所部戰於秣陵關（‘方略’，卷一三三，頁二八至二九）。據曾國藩家書，大綱似死於咸豐五六年之交。但“剿平捻匪方略”卷二十六，咸豐七年三月英桂勝保奏中尚有“探報粵逆羅大綱現踞桐城，分派逆黨，四出竄擾，意在北犯”說，是大綱咸豐七年春似尚健在。惟大綱究死何時，雖不可知，但本年以後大綱活動似已不甚顯著。

羅大綱

江蘇巡撫吉爾杭阿攻鎮江東門，都司黃天偉陣亡。

8,6 (六,二四) 道員羅澤南自南昌進援義寧州。欽差大臣督辦湖北軍務西凌阿進營隨州長林岡。

8,7 (六,二五) 貴州都勻府齋匪羅光明亂起，攻八塞廳。

8,9 (六,二七) 曾國藩與提督塔齊布會於江西南康府青山，商戰略。

8,10 (六,二八) 清加皖南道按察使銜，並增設皖南鎮總兵。

8,11 (六,二九) 江蘇巡撫吉爾杭阿，提督余萬清，總兵虎嵩林，知府劉存厚力攻鎮江銀山，破寶蓋山，金雞嶺，守將吳如孝禦之，斃守備陳紹業，千總周大全。

8,13 (七,一) 命曾國藩派道員羅澤南西援武昌。湖北德安府太平軍陳玉成大敗固原提督孔廣順，署湖北提督訥欽，總管德楞額，參將劉富成等於應山三陂港。

8,14 (七,二) 從曾國藩奏參，江西巡撫陳啓邁革職，以文俊代之。江西按察使惲光宸亦撤任。德安太平軍進占隨州平林市，湖北軍千總邢興未，把總周春和等義勇六百人投入，(均李開芳林鳳祥舊部)。

8,17 (七,五) 湖北巡撫胡林翼自金口渡江擊漢陽太

陳玉成大敗湖北軍

平軍（明日回金口）。

欽差大臣西凌阿以受陳玉成軍壓迫，退隨州。

道員羅澤南率軍自南昌到義寧州梁口。

總兵鄭魁士等破廬州南門外太平軍壘。

8,20（七，八）江西義寧州太平軍（丞相鍾某）分二路進攻梁口，道員羅澤南及知府李續賓，知縣唐訓方，縣丞蔣益澧分路迎擊，敗之，斬獲數百。

8,21（七，九）夏官又副丞相曾錦謙（？）自漢陽麥山，敗守軍。湖北巡撫胡林翼留按察使李孟羣守金口，自督兵勇渡江往援，卻之。知府彭玉麟率水師由沌口出蔡店助攻。

胡林翼援漢陽

8,24（七，一二）夏官又副丞相曾錦謙（？）自漢陽蔡店五路進攻，胡林翼督陸師知府彭玉麟督水師（都司張啓基，守備鮑超，孫昌凱，黃開進）大破之，克復蔡店。

8,25（七，一三）道員羅澤南督李續賓，蔣益澧，李杏春（知縣），唐訓方等進攻江西義寧州，獲勝於乾坑。

8,26（七，一四）江西義寧太平軍（丞相鍾廷生？）五路進攻，羅澤南李續賓等大破之於鼇嶺，殺斃跌斃者二千餘人。

江西湖口太平軍戰船自鞋山兩路攻青山湘軍水營，都司蕭捷三等敗之。同知李元度等亦自南康府率平江營渡湖東岸攻湖口。

湖北軍副都統魁玉，鹽法道常恩，知縣李光榮，李保初等克復漢川。

8,27 (七,一五) 湘軍知府彭玉麟督水師都司張啓基，守備鮑超，黃開進，孫昌凱，外委喻俊明，劉連捷等，合胡林翼陸師分攻漢陽漢口，破宗關，慈渡庵，攻燬五顯廟，斬斷襄河浮橋鐵鎖，千總蔡宏元等陣亡，奪獲戰船隻二十餘號，焚燬糧船三百餘號，燒鑄礮局五座，火藥局六座，獲礮三百尊，擒〔國宗〕蕭朝富（一說朝富後封預王，似未被擒），軍帥吳會元，克復漢口（未守）。副將楊載福率水師遊擊李成謀，都司張榮貴，守備萬化林等在江中夾擊，攻塘角，焚糧船二百餘號。

湘軍道員羅澤南督知府李續賓，知縣唐訓方，縣丞蔣益澧等攻破江西義寧州附近太平軍營卡。

湘軍同知李元度，知縣李錕，劉希洛督平江營敗太平軍於江西都昌段家鋪，徐家埠（或誤為本日克都昌）。

8,28 (七,一六) 寧紹台道員羅澤南，南贛鎮總兵劉開泰（昨日自南路來），安慶知府李續賓等克復江西義寧州，丞相鍾某西走。

知府彭玉麟再派水師攻漢陽晴川閣。

漢陽太平軍擊退巡撫胡林翼軍副將王國才。

命都統都興阿帶兵二千名自山東馮官屯赴湖北西凌

彭玉麟等捷
於漢陽

羅澤南克義
寧

阿軍營。

8,30 (七,一八) 湖南提督塔齊布病卒於九江軍營,年三十九歲。

塔齊布卒

知府彭玉麟部襄河水師被太平軍南北夾攻,黃州太平軍船隻數百復西上應援,遂駛出外江,合副將楊載福赴下游迎擊。

占據湖南彬州之三合會黨何祿等敗湘軍副將李輔朝,輔朝退守永興。

8,31 (七,一九) 湘軍副將楊載福知府彭玉麟燬黃州府西進之太平軍船隻二百餘號於葉家洲,汨陽邏,沙口,防其上駛。

湘軍同知李元度,知縣李鋌等敗指揮張立旺,總制劉得勝於江西都昌文橋,擒劉得勝。

曾國藩到九江,派廣東羅定協副將周鳳山接統提督塔齊布軍。

安徽巢縣太平軍攻柘皋,斬游擊伊林希,千總楊萬傑,圍總兵吉順(越一日提督和春自廬州來援解圍)。

9,1 (七,二〇) 擒張洛行龔得樹敗知府陸希湜於安徽蒙城廟集。

9,2 (七,二一) 丞宣胡鼎文率總制蘇秀成等自湖口進攻湘軍同知李元度營,戰於蘇官渡,曹均橋,不勝,損折三百餘人。蘇秀成及旅帥杜得勝

等戰死。

貞天侯林啓容出九江西門襲攻湘軍，曾國藩派副將周鳳山，都司岳炳榮卻之。

鎮江守將吳如孝遣軍四路出襲，江蘇巡撫吉爾杭阿等卻之。

知縣鄧楚翹戰死於廬州府芝麻港。

9,4 (七, 二三) 湘軍同知李元度，都司蕭捷三督劉希洛，李錕，段瑩器，彭斯舉等水陸各營進攻湖口，直逼城下，承宣黃文金，胡鼎文，李遠繼禦之。陸師攻入城內，焚火藥局，礮局，糧局，水師燬文金等礮船二十五隻。捷三中礮陣亡。

9,5 (七, 二四) 湘軍副將楊載福，知府彭玉麟率水師戰船自沙口乘風上駛，武漢太平軍水陸夾擊，斃守備黃開進，六品軍功蔣青海，王鳳歧等，打翻舢板船隻數號，溺斃勇丁二三百人。曾國藩聞蕭捷三陣亡，自九江到青山，安撫水師。

湘軍副將周鳳山督軍攻九江城，被林啓容擊退。

湘軍同知李元度等攻湖口下鍾山，不下。

9,6 (七, 二五) 曾國藩回駐南康府，札調知府彭玉麟來江西督領內湖水師。

副將楊載福，知府彭玉麟督水師回駐漢陽沌口。

同知李元度軍退出湖口，營於蘇官渡。

湘軍攻湖口
蕭捷三陣亡

9,7 (七,二六) 武昌太平軍襲金口按察使李孟羣營, 漢陽太平軍攻沌口巡撫胡林翼營。

雲南回杜文秀陷大理府。

杜文秀亂起

貴州齋匪羅光明陷都江廳。

9,8 (七,二七) 冬官又〔正?〕丞相劉〔官方?〕再自漢陽攻沌口胡林翼營, 守備周得魁, 何紹彩, 主簿魏喻義, 把總余玉興, 吳璘等卻之。

9,9 (七,二八) 國宗韋俊出武昌合通城, 崇陽, 興國及江西義寧州, 湖南岳州來之太平軍力攻金口, 敗川黔軍, 湖北臬司李孟羣禦之。

提督秦定三攻安徽舒城, 擒獲軍帥蔡朝升。

湘軍同知李元度部從九彭斯舉, 燬湖口柘磯點聖庫黃某所守之征收船稅關署。

9,10 (七,二九) 湘軍知府王鑫劉長佑, 參將周雲耀克復湖南東安, (已圍攻三月餘) 廣西三合會昇平天國鎮南王朱洪英, 定南王胡有祿分向西南走全州新寧(王周追胡, 劉追朱)。

道員羅澤南應曾國藩召, 自江西義寧州輕騎到南康府(澤南先破湖口武漢, 截斷太平軍上下游聯絡, 絕南京百貨來源)。

清以豫祺爲新增皖南鎮總兵。

9,11 (八,一) 翼王石達開自安慶援廬州, 駐上派河, 屢與清軍團練戰, 敗周盛傳周盛波等。

9,12 (八,二) 國宗韋俊等分六路攻湖

韋俊金口之捷

北金口，擊破陸營，湖北按察使李孟羣水師戰亦不利，西退新堤，大營失陷。

9,13 (八,三) 德安府太平軍(陳玉成?)合黃州應城礮船分援漢陽，轟擊湖北巡撫胡林翼營帳，傷斃其左右數人，都司鮑超水師力戰卻之(此後鮑超深得林翼知遇)。

安慶太平軍千餘到湖口應援。

9,14 (八,四) 湖北巡撫胡林翼受太平軍壓迫，自漢陽潰口退駐蔡家嶺麥山。

總制秦加訓自湖口攻蘇官渡同知李元度平江營，不利。

吳如孝出鎮江襲擊江蘇巡撫吉爾杭阿營，斃佐領額哲赫。

9,18 (八,八) 湖北太平軍(夏官又副丞相曾錦謙，冬官又正丞相劉官芳，?)自漢陽分八路圍攻湖北巡撫胡林翼，副將王國才營於麥山，各軍以欠餉潰散。林翼失去巡撫關防，都司鮑超護之，退保大軍山(旋退新堤)。

道員羅澤南自南康府東渡湖口(澤南自義寧州來)，

胡林翼漢陽之敗

黃文金敗青
湖水師

督同知李元度等平江勇攻下鍾山，丞宣黃文金，胡鼎文等卻之。文金等復大破水師都司秦國祿，孫昌國，編修吳嘉賓等，攻梅家洲，奪獲戰船二十一隻，斬千總葛維柱。

9,19 (八,九) 承宣黃文金胡鼎文等乘勝攻南康府青山湘軍水師，都司孫昌國，把總何啓長，縣丞賀虎臣禦之。

9,20 (八,一〇) 皖北太平軍渡江再占銅陵 (六日前曾被清軍一度收復)。

湘軍副將周鳳山率勇力攻九江城。

昇平天國鎮南王朱洪英自全州間道圍攻湖南新寧。

9,21 (八,一一) 皖南太平軍占領繁昌。

9,22 (八,一二) 湖北巡撫胡林翼奏請仍令道員羅澤南迅由湘鄂邊界援武漢，四川總督黃宗漢來荊州專督江漢之師。並陳裁汰潰勇，已另委水師都司鮑超前往湖南另募新兵三千 (是為霆軍之始。以楊載福留，鮑超未即離水師)。

霆軍由來

湘軍知府王鑫參將周雲耀擒廣西天地 (三合) 會昇平天國定南王胡有祿監軍潘大興及前營都統何文華於湖南祁陽邵陽交界之四明山。

9,23 (八,一三) 廣東天地會元帥何祿 (耀武侯) 陳金剛，江發等占領永興。

天地會定南王胡有祿部完全消滅。總統李龍士，中

軍元帥周必清，右營軍帥唐訓，總碼王玉龍，節帥何二麻子，旅帥蔣富，百長雷昌等均被擒。

9,24 (八，一四) 廣東天地會陳榮周培春(周春)等占領湖南茶陵州。

9,25 (八，一五) 知府劉長佑督楚勇破鎮南王朱洪英，解湖南新寧圍，洪英復走廣西。

9,26 (八，一六) 道員羅澤南與曾國藩商定戰略，決先清湘鄂交界，次復武昌，再圖江皖，即自江西南康府起程，由義寧州，進規崇通，上援武昌。國藩加撥參將彭三元，都司普承堯部千五百人隨之。

安徽廬州團練周盛傳擒監軍馬千祿(本地人)。

9,27 (八，一七) 廣東三合(天地)會陳開，及李文茂，梁培友等占領廣西潯州府，殺知府劉體舒，知縣李慶福，改潯州爲秀州，府城爲秀京，國號大成，陳開稱洪德王，李文茂爲平靖王，梁培友爲平東王，梁大口昌爲定北王，區阿潤爲平西王。蓄髮易服，設局索糧(陳開在

羅澤南援武昌

天地會陳開占潯州

佛山時稱號大寧，彼時已蓄髮易服，稱王或亦在彼時。此處據“潯州府志”卷二七，頁五）。

9,28（八，一八）皖捻張洛行襲得（一作得樹，即襲瞎子）敗河南道員張繼翰，占領夏邑。

9,29（八，一九）河南巡撫英桂到衛輝府督總兵崇安等攻新鄉會黨張炳。

10,1（八，二一）漢陽太平軍再占漢川（旋復爲湖北軍克復），鹽法道常恩退仙桃鎮。

10,3（八，二三）提督鄧紹良，總兵吳全美與太平軍連戰於蕪湖附近。

10,4（八，二四）廣東軍肅清歸善股匪（天地會）。

10,7（八，二七）寧紹台道員羅澤南率湘勇知府李續賓，參將彭三元等部共五千人自江西義寧州杭口拔營，西援武昌（劉蓉原在曾國藩幕，是時亦隨澤南）。

湖廣總督官文到鍾祥。

曾國藩以彭玉麟未能來贛，委知府劉于濬暫統內湖水師。

10,9（八，二九）江蘇巡撫吉爾杭阿等以地雷炸塌鎮江西南城垣數丈，平金雞嶺太平軍壘。

提督鄧紹良總兵吳全美水陸師攻破蕪湖太平軍營壘七座，擒軍帥王畢，旅帥黃阿蘇等。

10,10（八，三〇）皖捻張洛行，蘇天福，襲得攻占河南馬收集，進逼歸德府。

羅澤南拔營

10,11 (九,一) 道員羅澤南率軍抵湖北通城南樓嶺。

10, (九,初旬) 翼王石達開率護天豫胡以晃, 衛天侯黃玉崑(翼貴丈), 春官丞相張遂(瑞) 謀, 夏官又副丞相曾錦謙(據胡林翼奏, 錦謙當在漢陽), 檢點賴裕新傳忠信自安慶西上, 進援武昌, 承宣張子朋率水師隨行(時燕王秦日綱已回天京)。

(註) “賊情彙纂” 卷一, “僞豫王胡以晃” 傳云, 以晃“初封春官正丞相, 住江寧府署, 加封護國侯, 改封護天侯, 旋封豫王。癸丑四月, 楊秀清遣以晃犯安徽桐城縣之集賢關, 破官兵營盤九座, 陷舒城。旋爲官兵剿敗, 革職。又命戴罪立功, 陷太平府, 擾繁昌蕪湖等處。現踞守西梁山”。據云此段記述係根據該書分纂官六品軍功江蘇上元縣文童生程奉璜說。“太平天國野史” 卷十二復據以推演之云: “太平二年正月, 天王定都金陵(按“野史” 均誤以咸豐二年爲太平天國紀元, 所謂太平二年, 乃三年之誤, 三年爲四年之誤), 敘戰功, 封以晃護國侯, 旋改封護天侯, 給江寧府署爲侯府。……以安省居天京上游, 封以晃爲豫王, 命取安

石達開援武昌

胡以晃封王與失王

慶。以洸攻桐城，破集賢關，進圍安慶，克之。……既克廬城（廬州），……燕王秦日綱撫安慶，敍其功，即命以洸守廬城。太平四年，清將和春攻廬州，以洸出兵拒之，屢戰皆敗，死傷萬餘人，城外土壘皆被毀，和春分兵圍六安州，六安守將，東楊之死黨也，求援於以洸，以洸不之應，六安陷，守將死之。秀清因怨以洸，請於天王，革以洸職，命援湖北，戴罪以立功。以洸不奉命，率所部攻繁昌蕪湖，復敗衄，憤怒致疾，天王憐之，復其職，命鎮守西梁山，未幾卒於軍。

以上爲關於以晃封王失王之兩種記述。據此，以晃封王，實在其西征之前即公曆一八五三年五月中旬之前。按此說恐不可信：（一）入南京時，即一八五三年三月下旬，以晃尙居春官正丞相之職，五月奉命西征，在此一個多月之中，並未見以晃有何特殊勞績，似不能連陞護國侯，護天侯，豫王三級；（二）以晃在上帝會及太平軍地位實在秦日綱下，此證以李秀成供狀及兩人官級可知（秦爲天官正丞相，胡爲春官正丞相，“野史”所記亦同。一八五三年十二月抄，日綱官爵係頂天侯（見1853,12,26條），尙未封王。“彙纂”卷一“僞燕王秦日綱”傳謂甲寅四月，即一八五四年五月，日綱自安慶回天京，始封燕王，說頗可信（見1854,5條）。以胡以晃之資望，其封王恐不能在日綱前，至多與之同

時（謝稼鶴“金陵癸甲撫談”即如此說）。“野史”謂“燕王秦日綱撫安慶”云云，不知日綱撫安慶時尙未封王（“野史”鈔自“彙纂”而妄加增添，其記以晃攻取安慶進軍路線亦誤）。按一八五三年五月太平軍自天京派出兩軍，一北伐，一西征，北主將領爲李開芳林鳳祥吉文元等，均由丞相進封定胡，靖胡，平胡等侯，以晃爲西征主將之一，其封侯當亦在此時。至於封王，或與日綱同時，或稍後，最早亦只能在一八五四年一月，即攻占廬州，殲滅江忠源之戰之後。

至於以晃失王，“彙纂”記述頗爲含糊，但云革職之後，曾“陷太平府，擾繁昌蕪湖等處，現踞守西梁山”。太平府之陷，不止一次，細審上下文意，係指一八五四年五月二十六日一次，但是次攻占太平府者，實爲國宗石達英，韋德珍將軍孫應山等，彼時以晃實在廬州（故“野史”不提此事）。至於蕪湖繁昌之被擾，次數尤多，更難確定爲何時。惟謂“現守東西梁山”，以“彙纂”成書年月推之，其時約爲一八五五年春，據曾國藩奏，是年二月間以晃當在湖口九江一帶。

“野史”所記，看來雖較明白，而破綻尤多。太平天國四年，依該書例，應爲一八五五年，但清軍之克六安，實在一八五四年六月十一日。該書謂以晃之革職，即由於其不救六安，以六安守將爲東王

黨也。守將爲誰，尙不可考，是否東王之黨，更不得知（克六安之清軍，並非和春所部，乃當地團練）。此原因恐爲該書編者之想像。至云其憤怒致疾，卒於西梁山，尤不可信，江西府縣志中，於一八五五及一八五六年間之記事，尙屢見胡以晃姓名。

總之，以晃之封王，大約在一八五四年五月前後，至其革職失王，應在同年十月左右，以其似曾參加是年田家鎮之戰，曾國藩奏，已稱其爲“已革僞豫王”：“再水師奪獲僞燕王秦日綱座船，內有僞奏牘稟稿二册，僞文卷無數，查悉秦逆於九月內經僞東王傳令專守田家鎮，與已革僞豫王胡以晃，僞佐天侯陳承銘，僞國宗韋俊，石鎮崙，韋以德，石鳳魁，僞丞相羅大綱，黃再興等統帶賊衆，併力拒守……僞東王疊次諭誥，田家鎮爲金陵咽喉，不許退行一步”（“曾文正公全集”，“奏稿”，卷四，頁四二）。此奏係咸豐四年十月二十一日所發，以晃是否參與田家鎮之戰尙不能確定，但其在豐咸四年十月之已革職，則確屬可信。至其護天豫之職，大約係以一八五五年二月十一日之戰而獲封，否則爲失王以後所降封。一八五五及一八五六年之交，隨翼王石達開在江西活動，茲錄江西府縣志等書關於以晃之記事數則如下：

（1）咸豐五年十一月十六日，黃玉崗（崑）胡以

晃自臨江來，立龔炎休守城。——峽江縣志，卷五，頁六。（臨江府志引縣志略同）。

(2) 十一月二十日，護天裕（豫）翼貴丈由臨江到羅坊，設立師帥，隨到喻，設監軍。——新喻縣志，卷六，頁七。

(3) 十一月二十九日，翼貴丈黃玉崑，護天豫胡以晃占分宜，以監軍曹本立守之。——袁州府志，卷五，頁二二。

(4) 十二月初一日翼貴丈黃玉崑，護天豫胡以晃自臨江來占城，以陳寶泰為總制，胡敏為監軍，統於侍衛李能通。——宜春縣志，卷五，頁二三。

(5) 咸豐六年二月十二日，劉長佑克復萍鄉，奪獲“護天豫胡”之大黃旗——駱文忠公奏稿。一八五六年三四月之後，其消息即不明，非陣亡即病死也。

10,13 (九,三) 太平軍自天京集安徽和州，謀援廬州，不果。

曾國藩到南康府青山，巡視水陸各營。

10,14 (九,四) 以曾國藩為兵部右侍郎，仍督辦軍務。

丞相鍾某（鍾萬信或鍾廷生？）派軍到湖北通城設防，禦羅澤南。

10,15 (九,五) 曾國藩奏保辦理捐餉有功之侍郎

曾國藩授兵部侍郎

黃贊湯，知府史致諤，知州李瀚章，同知左宗棠（駱秉章幕友），主事胡大任等。

10,16（九，六）道員羅澤南督記名道李續賓，參將彭三元，知縣李源濬，及訓導劉蓉，知州李杏春，唐訓方，知縣蔣益澧，遊擊普承堯，分路攻湖北通城，斬獲千餘，克復縣城。

羅澤南克通城

曾國藩自南康府渡湖至蘇官渡巡視陸營（留二日還駐屏風營）。

10,17（九，七）北王韋昌輝援蕪湖，提督鄧紹良，總兵豫旗，遊擊楊瑞乾，李春寅等力戰敗之，斃丞相張濂，尚書李長松，總制張廷桂，破壘二座。

韋昌輝援蕪湖

廣西天地會黃維黃盛（勝）占領小鎮安廳（今鎮邊廳。一作10,20;11,3退出）。

10,18（九，八）提督鄧紹良副將蔡應龍，都司張玉良，陶茂森攻破蕪湖廣福磯太平軍營壘七座，擒總制曹芝程。

10,19（九，九）欽差大臣西凌阿，荊州將軍綿洵（北路）連攻湖北德安府不利，參將朝顏斌（南路）營盤被圍（明日解圍）。

湘軍知府王鑫敗天地會元帥何祿於湖南郴州，擒都督鄧亞五，先鋒趙朋貴。

10,20（九，一〇）皖捻蘇天福，張洛行，襲得圍攻安徽亳州，敗副將朱連泰（10,28解圍去）。

漢陽太平軍自侏儒山進至沔陽州，副都統魁玉卻之。

以戶部尚書文慶兩廣總督葉名琛協辦大學士。

10,21 (九, 一一) 道員羅澤南自湖北通城北進，攻克桂口，留知縣李源濬，何忠駿等平江勇守之。

湖北德安府太平軍襲擊欽差大臣西凌阿，敗之。

10,22 (九, 一二) 九江守軍貞天侯林啓容襲攻副將周鳳山營，不克。

10,23 (九, 一三) 廣東天地會葛耀明，陳壽，盧緯，鄧象，周培春，王崇開等自湖南茶陵州占領江西永新。

水師副將李德麟敗太平軍師船於安徽荻港，擒指揮黃心田，軍帥劉雅平等。

10,24 (九, 一四) 道員羅澤南督李續賓，彭三元，劉蓉，蔣益澧，唐訓方，普承堯，李杏春分路進攻湖北崇陽，殿左二十五指揮楊逢春，殿右五十二指揮雷春萬等兩路迎擊不利，均戰死。澤南等以火攻克復縣城，斬獲千餘。

欽差大臣向榮部總兵張國樑，參將張玉良敗太平軍於江南句容東陽。

廣東天地會占領湖南鄰縣。

10,25 (九, 一五) 鄂南太平軍 (國宗韋俊?) 敗自湖南北進之道員江忠濟軍於蒲圻羊樓峒，忠濟退回岳州 (‘曾文正公年譜’誤謂忠濟死於是

天地會入江西

羅澤南克崇陽

役)。

10,26 (九,一六)湖北德安府太平軍三路出襲，敗欽差大臣西凌阿，荊州將軍綿洵軍。

10,28 (九,一八)道員羅澤南聞江忠濟戰敗，遣記名道李續賓，訓導劉蓉，知縣蔣益澧，知州唐訓方，遊擊普承堯自崇陽進駐羊樓峒，防西路，自興參將彭三元，知州李杏春守崇陽。

湖廣總督官文部參將顏朝斌等擊退撲攻德安府南路營盤之太平軍。

10,29 (九,一九)湖北巡撫胡林翼派陸師三千餘，礮船十餘號自湖北六溪口入蒲圻，擬約道員羅澤南軍夾攻。

湖北鹽法道常恩克蔡店，破侏儒山。

河南軍四品卿銜王廷蘭敗捻李昭壽(兆受)於安徽霍邱流波礮，昭壽南走英山(復投道員何桂珍)。

10,31 (九,二一)鄂南太平軍敗記名道李續賓等於蒲圻羊樓峒。

提督鄧紹良，總兵吳全美，副將蔡應龍等與蕪湖西岸太平軍援師迭次相戰，守備胡得瑞戰死。

11,1 (九,二二)翼王石達開自湖北武昌縣(鄂城)樊口登岸，經牛金鎮抵咸寧(衆約二萬餘)，禦道員羅澤南軍。

國宗韋俊(自武昌紙坊來)敗湖北巡撫胡林翼軍守

備何紹彩，周得魁，張寅恭，千總楊再佑等於蒲圻茅山，車埠。胡軍傷亡二百餘人。

欽差大臣託明阿，江蘇巡撫吉爾阿水陸師會攻鎮江瓜洲間之太平軍船及營壘，獲勝。

11,2(九,二三)道員羅澤南遣參將彭三元，知州李杏春敗總制楊萬年於湖北崇陽壕頭堡。翼王石達開軍前隊六七千人自咸寧來援，三元等復卻之。

11,3(九,二四)翼王石達開遣護天豫胡以晃，衛天侯黃玉崑，冬官丞相張遂謀，夏官又副丞相曾錦謙，檢點賴裕新自湖北咸寧進攻崇陽，參將彭三元，知州李杏春力戰禦之。道員羅澤南遣從九李續宜，調知縣益澧，分道援三元等。

國宗韋俊到湖北蒲圻，率軍萬餘，進向羊樓峒。

11,4(九,二五)翼王石達開親督大隊約共二萬人，圍攻參將彭三元，知州李杏春等於崇陽壕頭堡，土人從而助之，斬三元，杏春，及守備彭獻傑，把總李光熾(杏春弟)蕭馥山，胡元則，劉碧山，覆其全軍。道員羅澤南，知縣蔣益澧等退守崇陽城內。

以欽差大臣西凌阿，幫辦軍務綿洵等軍在湖北德安

石達開敗羅澤南

一再潰敗，均行革職。固原提督孔廣順不親督陣，革職拏問。

以湖廣總督官文爲欽差大臣，督辦湖北軍務。

欽差官文

江西軍參將柏英，知縣華綸翼收復永新。

11,5 (九,二六) 道員羅澤南以翼王石達開之壓迫，自湖北崇陽退駐羊樓峒，合李續賓等軍駐守，以固軍心，並與胡林翼軍取得聯絡。達開部占領崇陽。

國宗韋俊自湖北蒲圻進攻羊樓峒，道員羅澤南督劉蓉，李續賓，唐訓方，普承堯分路敗之。俊部折損千人，指揮黃某，總制蕭某死之。

廣東三合會葛耀明，陳壽，盧緯，鄧象，周培春，王崇開自西永新進占安福，謀與太平軍合。

湘軍選用道王鑫主事陳士杰等克復湖南桂陽州。敗占據郴州之三合會耀武侯何祿。

王鑫克桂陽

11,6 (九,二七) 湘軍知府王葆生，同知趙煥聯，蕭啓江，都司朱南桂，千總田興恕克復湖南茶陵州，敗廣東三合會(陳榮?)。

漢陽太平軍敗湖北鹽法道常恩，復占漢川。

承宣黃文金胡鼎文等自湖口攻青山湘軍水師，即退。

11,9 (九,三〇) 漢陽太平軍再占沔陽州，敗副都

統魁玉錫齡阿。

三合會葛耀明，陳壽，周培春，王崇開等大破贛州鎮總兵阿隆阿，參將柏英於安福。

11,10 (一〇，一) 江南提督和春，安徽巡撫福濟督副都統麟瑞，常清，總兵魁士，珠克登，副將嵩瑞，參將程智泉，都司熊天喜，于昌麟，江忠信，守備馬昇平，克復廬州府城（紳民內應），守將夏官又正相周勝坤等退走。

天京太平軍分出朝陽門太平門襲擊清營，署江寧將軍福興及副將王浚，西林，參將張騰蛟，遊擊李定太，副都統德崇額等敗之於明孝陵，靈谷寺，擒檢點胡高發石達平。

11,11 (一〇，二) 貴州銅仁府舉人徐廷杰梅濟鼎抗徵秋糧，煽衆糧戶，占據府城，殺知府葛景萊。以紅巾蒙首（是謂“紅號”之亂。廷杰等師事毛大仙）。

翼王石達開督軍自湖北崇陽通城南進，湖南平江勇拒之。

11,12 (一〇，三) 國宗韋俊（韋十二）自湖北蒲圻督軍再攻羊樓峒，翼王石達開撥

和春克廬州

貴州“紅號”

羅澤南敗韋俊

精卒數千助之，三路齊進，約共二萬餘人。道員羅澤南督李續賓，蔣益澧，劉蓉，唐訓方，普承堯，劉騰鴻，孫守信力戰卻之，斬獲二千餘，（韋俊受石達開命，力攻羊樓峒，謀上襲岳州，達開則由通城攻平江，與兩廣北來之三合會，共取湖南。一說北王韋正參與是役，想係韋俊之誤。又有一國宗楊某此役受傷身死）。

11,13 (一〇，四) 欽差大臣湖廣總督官文督都統西凌阿，副將顏朝斌，遊擊馬天貴克復德安府，總制陸長年，監軍馬紹羣，放火開門內應（守軍大部先已南退）。

官文克德安府

副都統魁玉，錫齡阿，知縣李保邦克復湖北沔陽州。

11,14 (一〇，五) 翼王石達開督護天豫胡以晃，衛天侯黃玉崑，丞相張遂謀，曾錦謙，檢點賴裕新等破湘軍平江勇於湖北通城，斬知縣李原濬。並遣軍四千人西援國宗韋俊。

命廣東購買洋礮六百尊送赴湖北胡林翼軍營。

命蘇皖豫三省合剿皖捻張洛行等，所有三省會剿兵

剿捻

· 勇均歸湖南提督武隆阿調度。

11,15 (一〇, 六) 天京太平軍連日分出神策門，及南門雨花臺，總兵張國樑，參將張騰蛟等拒退之於賣羔橋，紅廟子。

11,16 (一〇, 七) 以廬州克復，賞提督和春等騎都尉世職有差。

11,20 (一〇, 一一) 檢點賴桂英及陳榮實，朱彩和自安慶援蕪湖，清水師總兵吳全美敗之於無爲泥汊河，(官方奏報，謂桂英是役被擒，不可信)。

11,21 (一〇, 一二) 擒張洛行敗清提督武隆額，總兵史榮椿，陷河南夏邑。

11,22 (一〇, 一三) 湖北巡撫胡林翼自新堤取道嘉魚到羊樓峒，與道員羅澤南商戰略(旋決定併力直下蒲圻)。

11,23 (一〇, 一四) 湖北軍副都統魁玉，錫齡阿，同知李光榮，知縣李保邦等再克漢川，率兵東下。

11,24 (一〇, 一五) 翼王石達開，護天豫胡以晃，衛天侯(翼貴丈)黃玉崑，春官丞相張遂謀，夏官又副丞相曾錦謙，檢點賴裕新等自湖北通城進入江西，敗贛南鎮總兵劉開泰於義寧州馬坳，斬開泰

石達開入江西

及其子以享。

江西按察使周玉衡，總兵阿隆阿克安福，天地（三合）會葛耀明，陳壽，王崇開，周培春等北走（謀合石達開）。

水師總兵吳全美敗接應蕪湖之太平軍，擒總制廖述祖。

11,26（一〇，一七）擒張洛行等再圍皖北亳州。

湖北巡撫胡林翼，道員羅澤南軍自羊樓峒進向蒲圻。

天地會葛耀明周培春等占江西分宜。

11,27（一〇，一八）天地會陳金剛蕭元發焦玉品及總管三軍鎮楚大元帥胡黃連等自湖南郴州攻桂陽州。爲主事陳士杰所敗，黃連被擒。

廣西天地會定南王朱洪英合孔亞福，鄧興爵等大敗湘軍副將周雲耀於興安（本月初洪英等占有興安），進占灌陽。

11,28（一〇，一九）胡林翼羅澤南軍進駐蒲圻鐵山，固宗韋俊於城外分築木城石壘拒之。

天地會葛耀明，陳壽，周培春等入江西袁州。

11,29（一〇，二〇）廣東天地會（陳榮？）自湖南茶陵州占領江西永寧（寧岡）。

揚州瓜洲太平軍攻伊家橋，都統德興阿敗之。

11,30（一〇，二一）胡林翼羅澤南督道員

胡羅克蒲圻

李續賓，知縣蔣益澧，孫守信，邢高魁，訓導劉蓉，知州唐訓方，遊擊普承堯，張寅恭，都司朱品隆，守備周得魁，何紹彩等分路猛攻湖北蒲圻，國宗韋俊拒之，連斃文童（知縣）劉藩（蓉弟）都司楊泰友，守備楊再佑，楊佐清，把總劉祥雲，易光榮，黃德榮，張九錫，外委韋順清，從九蔣文彬，郭祥基等。續賓等繼續進攻，卒克蒲圻縣城，斬殺數千（內有指揮總制多人）。韋俊回武昌，國宗洪仁政守咸寧。

12,1（一〇，二二）胡林翼羅澤南軍盡燬湖蒲圻附近太平軍營壘。

天京太平軍出太平朝陽門，越過明陵，爲總兵德安，將軍福興，參將張騰蛟，遊擊李定太所敗，檢點元勳張廣明被擒。

12,2（一〇，二三）天地會葛耀明，陳壽，盧緯，鄧象，周培春，王崇開占領江西萬載（一作11,28）。

12,3（一〇，二四）河南巡撫英桂督總兵崇安等平豫北亂事。

山東土寇賈二蔬等劫濮州城。

12,7 (一〇,二八) 河南按察使余炳燾敗擒張洛行等，解亳州圍，克雒河集（今渦陽縣，爲擒之根據地）。

承宣胡鼎文敗湘軍水師於鄱陽湖鞋山。

12,9 (一一,一) 貴州銅仁府舉人徐廷杰(紅號)占松桃廳。

翼王石達開率護天豫胡以晃，衛天侯黃玉崑，春官丞相張遂謀，夏官又副丞相曾錦謙，檢點賴裕新等占領江西新昌，與自萬載來之天地(三合)會葛耀明，陳壽，周培春，王崇開等會合(尋分軍進占上高，設監軍鄉官，毀廟宇)。

12,10 (一一,二) 貴州齋匪羅光明占八寨廳。

蕪湖北岸太平軍屢欲渡江接應，總兵吳全美部截擊，斃承宣邱廣升。

皖擒張洛行蘇天福敗清侍衛容照，總兵與慶於亳州永城間之麻種集。

12,11 (一一,三) 降擒李昭壽復叛，殺道員何桂珍，知縣蘇秀槐，占據安徽英山(一作 12,21)。

12,12 (一一,四) 廣西天地會昇平天國鎮南王朱洪英及孔亞福等占領湖南永明，湘軍副將周雲耀

石達開合天地會

降擒李昭壽叛

等戰死。

湖北軍提督孔廣順，參將顏朝斌等敗漢陽太平軍於三眼井。

12,13(一一，五) 貞天侯林啓容遣軍二千人分出九江，撲湘軍營，副將周鳳山，參將阿達春，都司畢金科等卻之。

天地會陳金剛蕭元發敗湘軍於湖南寧遠之下灌墟口，斬參將保升，趙永年，千總唐仁高。金剛等南走。

湘軍選用道王鑫等力攻湖南郴州，天地會何祿拒之，知縣魏承祝戰死。

12,14(一一，六) 蘇松太道吳健彰以與外商往來，失陷上海，命發往新疆効力贖罪（尋改留向榮軍中効力）。

12,15(一一，七) 檢點（承宣）黃文金自湖口鐘山分五路進攻蘇官渡湘軍營盤，同知李元度督守備羊瀛，從九彭斯舉，知縣胡蓋南，訓導吳齊元力禦，鏖戰竟日，無勝負。

12,16(一一，八) 署湖北提督楊載福督水師都司鮑超，遊擊李成謀等自湖北六溪口循江南北岸東進。

湖廣總督官文，臬司李孟羣敗太平軍丞相孟姓於漢陽西門外。

12,17(一一，九) 湖北巡撫胡林翼，寧紹台道羅

澤南軍相繼自蒲圻拔營進向咸寧。

皖捻張洛行，蘇天福等再敗湖南提督武隆額於河南永城附近，遊擊巴哈布死之（12,11 永城已被圍）。

12,18（一一，一〇）翼王石達開部檢點賴裕新及天地會（三合會）葛耀明，陳壽，鄧象，盧緯占領江西瑞州府，斬湘軍營官知縣李錕，劉希洛，擊潰平江勇。胡其相自上高占新喻。

石達開占瑞州府

（註）“瑞州府志”記此次瑞州被占後情形云：“初次陷瑞（1853,8,7），……踞城未久，被害猶輕，二次（即此次）則逆首石達開與廣東叛勇合，先踞新昌上高，而後至踞。僞檢點賴裕新統兵，設僞總制，比知府，僞監軍比知縣，迫脅士民勒派支應，踞郡邑城將二年，民甚不堪蹂躪，然而淫掠焚殺，猶未甚也（卷六，頁一二。另參看1861,5,15註）。

國宗洪仁政合與國大治太平軍拒卻胡林翼軍都司張寅恭，守備何紹彩，周得魁，知縣邢高魁等於湖北咸寧。斬把總瞿高魁。

鄂豫皖兵勇克復安徽英山，捻李昭壽敗走。

12,19（一一，一一）翼王石達開部春官丞

占臨江府

1855（咸豐五年）

相張遂謀合天地會關志江陳植槐占領江西臨江府（胡以晃黃玉崑應在此路）。

（註）“曾文正公年譜”“臨江府志”“清江縣志”等書謂瑞州之陷在昨日，臨江之陷在今日，但署江西巡撫陸元烺奏則謂瑞州之陷在今日，臨江之陷在昨日。見“方略”卷一四三，頁一至二，及卷一四四，頁一。依翼王行軍路線及瑞臨二府地位，瑞州被占似當在臨江之前。

道員羅澤南，李續賓，知縣邢高魁等克復湖北咸寧。

12,20（一一，一二）署湖北提督楊載福督水師都司鮑超，王明山，守備李濟清，萬化林，陳金鼈等破湖北金口太平軍水師，燬船數十號，奪獲十餘號，克復金口。

副都統都興阿捷於漢陽下游沙口。

12,21（一一，一三）翼王石達開部胡其相自江西新喻攻峽江，另枝自臨江占樟樹鎮。

貴州紅號徐廷杰占領思南府。

12,22（一一，一四）道員羅澤南，李續賓，同知唐訓方，吳坤修，蔣益澧等再敗國宗洪仁政於湖北咸寧北之山坡（屬江夏縣），斬獲千餘（內有指揮二名，副將軍一名）。

皖捻張洛行蘇天福等圍攻河南歸德府。

12,23 (一一,一五) 翼王石達開部胡其相占領江西峽江。

三合會王義朝, (陳榮?) 自江西永寧進占秦和
(“秦和縣志”謂占城者爲王崇開,恐誤)。

曾國藩以石達開大部逼近南昌,急調副將周鳳山全軍自九江回南昌,水師防省河。

署湖北提督楊載福水師進屯漢陽沌口。

貴州紅號占領印江。

12,24 (一一,一六) 護天豫胡以晃,翼貴丈黃玉崑自江西臨江府到峽江,以龔炎休守之。

天京太平軍出太平門龍脖子(天保城)進攻欽差大臣向榮營,總兵張國樑,德安,副都統順庭等自仙鶴門甘家巷迎擊敗之,斬丞相周少魁等。

天地會陳金剛蕭元發占領湖南江華,即南走。

貴州紅號徐廷杰占領石阡府。

12,25 (一一,一七) 貞天侯林啓容乘副將周鳳山軍拔營,出九江城襲攻,斃千總呂國恩。鳳山卻之。

湘軍道員羅澤南進至湖北武昌紙坊,合胡林翼大營。

12,26 (一一,一八) 副將周鳳山全軍自九江撤圍,南援南昌。

翼王石達開部將軍楊如松,總制陳綽占領江西萬載,設監軍及軍師旅帥。

曾國藩防南昌

天地會王義朝等圍攻吉安府。

12,28 (一一,二〇) 北王韋正(昌輝)自天京觀音門東援鎮江,總兵張國樑副將秦如虎等敗之,斃丞相徐雲高。

貞天侯林啓容以九江解圍,遣軍千餘與湖口梅家洲之檢點黃文金,承宣胡鼎文等合兵攻同知李元度營,元度及知縣胡蓋南,從九彭斯舉等卻之。

護天豫胡以晃翼貴丈黃玉崑自江西臨江府到羅坊,設師帥,又到新喻,設監軍。

12,30 (一一,二二) 水師副將李德麟擒檢點趙元發師帥熊凱元於蕪湖附近之神塘河。

1856——咸豐六年丙辰，太平天国丙辰六年。

1,1 (一一,二四)翼王石達開部春官丞相張遂謀，夏官又副丞相曾錦謙占領江西新淦縣，以潘某爲監軍。

欽差大臣向榮部總兵張國樑，副將秦如虎敗北王韋正（昌輝，於南京觀音門，韋正退回城內）。

1,2 (一一,二五)江蘇巡撫吉爾杭阿督知府劉存厚，參將周兆熊，都司田宗揚襲攻鎮江，斃總制蔡顯德。

1,3 (一一,二六)湖北巡撫胡林翼率軍進武昌城南之李家橋板橋，布政使銜寧紹台道羅澤南率軍進武昌城東之洪山，另一枝駐金口，三路犄角。

湘軍選用道王鑫，補用知府劉長佑，參將李輔朝敗廣東三合（天地）會耀武侯何祿及甘先等，克湖南郴州，擒元帥劉順昌（一作1855,12,5 誤）。

1,4 (一一,二七)貴州紅號徐廷杰占領玉屏。

1,5 (一一,二八)湖北巡撫胡林翼，道員羅澤南，分督記名道李續賓，知州唐訓方，參將普承堯，游擊張寅恭，軍功劉騰鴻等逼近武昌城，

胡羅攻武昌

太平軍迎戰於十字街，林翼等力戰敗之，破四壘，逼保安門外五里墩。

湖廣總督官文進駐漢陽蔡店。

翼王石達開部將軍黃新樓監軍汪庚永及天地會周春等自江西瑞州占領奉新。

1,6 (一一,二九) 翼貴丈黃玉崑，護天豫胡以晃占領江西分宜，以監軍曹本立守之(1,21禁民雉髮焚香吸烟。旋毀廟宇神像)。

1,8 (一二,一) 湘軍知府劉長佑等追擊天地會何祿，擒三軍都總尉定國伯朱顯輝，總管糧臺鄧金龍於湖南桂陽州。

貴州苗匪進占湖南晃州，進攻沅州。

護天豫胡以晃翼貴丈黃玉崑占領江西袁州府，以侍衛李能通守之，另以陳寶泰爲總制，胡敏爲監軍，受能通節制(二月，令各鄉編立戶口，征收錢糧，修城治防，開濠築壘豎柵)。

翼王石達開部春官丞相張遂謀，夏官又副丞相曾籛謙合天地(三合)會衆王義朝劉夢熊占領江西吉水，圍攻吉安府(上年12,28已被廣東來之天地會衆所圍)，江西臬司周玉衡，知府陳宗元等固守。

占領袁州

欽差大臣湖廣總督官文，湖北按察使李孟羣進攻漢陽西門，平太平軍營壘。

貴州紅號徐廷杰占領思州府及青溪縣。

1,9 (一二,二)湖北巡撫胡林翼，道員羅澤南攻克武昌城外八步街。署湖北提督鄖陽鎮總兵楊載福督水師自沌口攻鮎魚套南岸騎壇角，焚船百餘號。

1,10 (一二,三)九江小池口梅家洲太平軍水陸進攻青山，湘軍都司黃虎臣同知林源恩卻之。

署湖北提督楊載福游擊李成謀等再破武漢江面太平軍師船。

湘軍選用道王鑫，補用知府劉長佑，參將李輔朝大破廣東天地(三合)會餘衆於湖南臨武，斬耀武侯何祿(雙眼何祿)，及其右軍元帥陳義和，參贊軍機洗子雲，大司馬陳洪，平安公楊又保，左輔正軍師何龍驤，右弼副軍師朱瓊，右軍軍師陳森等(甘先敗回廣東，被擒)。

天地會何祿
敗死

(註)文獻叢編第十五輯影印太平天國內辰年二月初十日‘太平回敕諭’，內有“現着東王楊秀清暨耀武侯何祿統領雄兵，由西江一路收取兩粵”，等語。此文件恐爲贗品：(1)何祿已死兩月餘，(2)天王詔旨中對東王向不直呼其名，(3)東王此時及此後並未入兩粵，(4)太平天国文件中

國字均作国，無作國者。大約此文件係兩粵三合會所捏造，用以虛張聲勢，官方獲得之後，不辨真偽，送呈北京（原件未註明來源，大約應係兩廣當局所呈送）。

1,11（一二，四）副將周鳳山，督參將阿達春，都司畢金科，滕國獻，周歧山等，合水師知府劉子濤，都司賀虎臣克復江西樟樹鎮，斬獲千人，平兩岸壘。

貴州紅號占領湖南麻陽（1,16道員翟誥復之）。

1,13（一二，六）翼王石達開部占領江西永豐，知縣章裕善死之。

湖北巡撫胡林翼道員羅澤南李續賓督隊攻武昌城，被守軍擊退。

1,14（一二，七）護天豫胡以晃自江西袁州遣朱衣點占領萍鄉，田某爲監軍。

1,15（一二，八）翼王石達開部丞相張遂謀，曾錦謙等轟塌吉安西門月城。

1,16（一二，九）欽差大臣向榮部水師副將李德麟擒木將軍王紀（化）與於安徽繁昌狄港。

1,17（一二，一〇）翼王石達開部棄江西新淦走臨江府，湘軍副將周鳳山等收復縣城。

道員李續賓，知州蔣益澧，從九劉騰鴻等攻破武昌境角，焚燒由興國州運來火藥，燬漢陽門外船

廠。太平軍出城截擊，接戰六七次。

皖捻張洛行再敗提督武隆額，占領河南夏邑（旋爲按察使余炳燾克復）。

廣東三合會翟火姑自長樂占和平（旋入江西）。

1,18（一二，一一）道員羅澤南督李續賓蔣益澧等與太平軍戰於武昌城根小龜山一帶，胡林翼自洪山督唐訓方，普承堯，周得魁等助之。

武昌太平軍（國宗韋俊洪仁政）復於望山門外築二石壘，左接城根，右及鮎魚套港，斷清軍進攻之路。

1,19（一二，一二）御史宗稷辰奏舉湖南左宗棠等。

1,20（一二，一三）皖捻張洛行等陷河南虞城（旋退去），圍攻歸德府，提督武隆額總兵史榮春等固守。

1,22（一二，一五）援黔湘軍克復松桃廳。

1,23（一二，一六）皖捻張洛行等撤河南歸德府圍，南回安徽雒河集。

以文慶葉名琛爲大學士，桂良彭蘊章協辦大學士。

1,24（一二，一七）武寧（江西）太平軍葉至華，興國（湖北）劉宗魁，劉大中，及弈九將軍林某占領江西德安。

1,25（一二，一八）湖北巡撫胡林翼遣知州唐訓方

捻攻歸德

安徽太平軍
援天京

遊擊普承堯，同知邢高魁，攻破武昌望山門太平軍營壘。

1,26 (一二,一九) 安徽蕪湖東西梁山，金柱關，廬州三河之太平軍 (參看下2,1條) 奉召陸續東回天京，準備圍撲江南大營 (本日向榮得報，據云分三枝，一由神策門至仙鶴門，一由南路撲殷巷林陵關，一由觀音門沿江至棲霞援鎮江)。

1,27 (一二,二〇) 湖北巡撫胡林翼，布政使銜羅澤南，道員李續賓三路進攻武昌白沙洲，大東門，望山門，均被擊退。

署湖北提督楊載福督營官李朝斌，周清元，瞿定國等力攻武漢江面太平軍戰船，殺斃數百。

監軍陳某率軍抵湖北鄂城金牛鎮，上援武昌，把總余雲龍教諭黃守謙督團勇敗之。

昇平天國鎮南王朱洪英部棄湖南永明，走江華，湘軍同知顏培燾收復縣城。

1,29 (一二,二二) 自上游東援之太平軍，南路由江寧板橋攻殷巷，中路攻仙鶴門，北路沿江進向栖霞石埠，總兵明安泰，張國樑，德安分別堵擊。

1,30 (一二,二三) 道員羅澤南李續賓敗太平軍於武昌洪山。

清以河南巡撫英桂督辦三省 (豫皖蘇) 剿匪事宜，前福建按察使徐宗幹幫辦。

2,1 (一二, 二五) 燕王秦日綱率冬官〔正〕丞相陳玉成，地官副丞相（？）李秀成，春官丞相涂鎮興，夏官副丞相陳仕章，夏官又正丞相周勝坤及捻首李昭壽自天京東進至棲霞，石埠橋，龍潭，援鎮江。清提督余萬青，總兵德安，副將秦如虎自東路堵擊，總兵張國樑自西路進攻，均不得手。

（註）李秀成供狀，未言秦日綱參與是役，‘方略’卷一五，（頁一九），六年四月十九日德興阿鄧紹良等奏“據生擒賊供，逆首秦日綱現派五六千人由北山後路攻打六合，則是戰太平軍主將應爲日綱，‘中興別記’亦作此說，似屬可信。秀成等位相若，當須有一資望如日綱者爲總統。秀成之不提日綱，或係意在自揚。又秀成此時官職是否係地官副丞相，尙不能確定，以供狀中前後自相矛盾，既云翼王遠去，天王始封秀成地官副丞相，又云救鎮江時已任此職。救鎮江在前，翼王遠去在後。大約以翼王去後加封此職爲近理。

2,2 (一二, 二六) 久守鎮江之吳如孝突圍西進，

秦日綱援鎮江

援鎮江之主帥

謀合援軍，爲提督余萬清等擊退。

2,4 (一二, 二八) 湘軍副將周鳳山遣守備岳炳榮黃玉芳帶勇八百自江西新淦回防樟樹鎮，護衛水師。

2,5 (一二, 二九) 翼王石達開遣翼殿右拾承宣張某率軍四千自江西臨江府東渡，襲攻樟樹鎮。護天豫胡以晃部監軍田某放棄江西萍鄉。

2,7 (一, 二) 翼王部承宣張某大破守備岳炳榮黃玉芳於江西樟樹鎮，炳榮潰走豐城。水師知府劉于濬獲勝。

2,8 (一, 三) 副將周鳳山率參將阿達春，都司畢金科，滕國獻，周歧山，唐得陞，李新華，自江西新淦回援樟樹鎮，擊敗翼殿承宣張某於瓦山地方，張某退回臨江府。

2,9 (一, 四) 道員彭玉麟督內湖水師到江西樟樹鎮(玉麟於去年十二月自衡州徒步到南康，統內湖水師)。

以庚長爲江南河道總督。

鎮江之戰

2,11 (一, 六) 提督余萬清，總兵德安，虎嵩林，副將秦如虎，秦應龍，遊擊李定太，楊瑞乾，都司張玉良連日與援鎮江之燕王秦日綱，丞相陳玉成，李秀成

等接戰，自東陽至龍潭下蜀連營三十餘里，嚴堵相持。

2,12 (一, 七) 道員彭玉麟督水師都司孫昌國，賀虎臣獲勝於樟樹鎮。

2,13 (一, 八) 燕王秦日綱軍三路攻鎮江下蜀街，總兵虎嵩林，遊擊李定太，楊瑞乾，都司劉季三卻之，毀壘三座。

皖捻張洛行，襲得樹，夏白園攻宿州。

捻攻宿州

2,14 (一, 九) 道員彭玉麟水師再捷於江西臨江府河口。

2,15 (一, 一〇) 道員王鑫克復湖南江華 (一作 3,6, 誤)，三合會昇平天國鎮南王朱洪英及陳金剛蕭元發分走廣西廣東。

安徽銅陵團練收復縣城。

2,16 (一, 一一) 總制熊步高奉燕王秦日綱命往鎮江，擬令吳如孝出據高資，為清巡兵擒獲。

湖北副將顏朝斌等進攻漢陽西門橋。

2,18 (一, 一三) 捻張洛行遣李月等攻河南永城。督辦三省剿匪事宜河南巡撫英桂到歸德府剿捻，援永城。

湘南天地會黨軍師焦玉晶 (焦三)，女大元帥許月桂因湘軍道員王鑫追擊，在嘉禾投降。軍師楊茂枝等亦被擒，(駱秉章奏，焦自供為洪大全之

弟，許爲大全之妻。）蕭元發自盡。

江西德安太平軍棄城走瑞昌。

2,19（一，一四）道員羅澤南李續賓同知蔣益澧，從九劉騰鴻與武昌守軍國宗韋俊洪仁政等戰於雙鳳山，大東門，小東門，沙湖，互有殺傷。

總兵張國樑，副將秦如虎及提督余萬清總兵虎嵩林，副將蔡應龍分別與燕王秦日綱等戰於倉頭及下蜀。

江南提督和春攻安徽廬州三河，守將國宗洪成春卻之，斬守備羅大松。

總制何名彪（文標名標，）撤江西南康縣圍，北走吉安府，合翼王石達開大部。

天地會大成洪德王陳開遣平靖王李文茂等自廣西潯州府（改稱秀京）攻占武宣，殺右江道黃輔相，知縣茅本惠。

貴州團勇克石阡府，敗紅號教匪。

2,20（一，一五）欽差大臣向榮調總兵張國樑還守江寧仙鶴門。

安徽舒城太平軍棄城走，提督秦定三，總兵珠克登，郝光甲等復之。

2,21（一，一六）鎮江太平軍守將吳如孝糾合瓜州金山太平軍西攻，謀接應燕王秦日綱援軍，江蘇巡撫吉爾杭阿督知府劉存厚，副將占住，慶文，副都統綳闔，都司周天培敗之（明日如孝又突

出，又被截回，清守備王炳周戰死）。燕王秦日綱軍自倉頭石埠，進攻龍潭，亦未得手。

湘軍道員王鑫追擊鎮南王朱洪英及陳金剛至廣東連州，大破之。

2,22(一,一七) 湖南巡撫駱秉章與即選道江西補用知府劉長佑商定二路入江西，援曾國藩，同知蕭啓江出瀏陽，長佑出醴陵，爲總統（長佑於二日前自郴州到長沙。其本人所統者爲楚勇，啓江所統爲湘勇，此外都司田興恕之虎威勇，守備黃三清之祁陽勇，均歸節制）。

護天豫胡以兒部再占江西萍鄉（似已得知湘軍援贛消息，意在阻其東出之路。“袁州府志”作2,12，此據“縣志”）。

2,23(一,一八) 曾國藩部都司黃虎臣同知林源恩等自南康府青山進攻九江，獲勝。

國宗韋俊遣軍出武昌攻中路五里墩胡林翼軍，參將普承堯，同知唐訓方等卻之。

2,24(一,一九) 久守江蘇瓜州之大平軍突破圍軍欽差大臣託明阿，提督陳金綬，副都統德興阿等於揚州虹橋，斬遊擊王永。

翼王石達開部指揮周春鄒象等自江西奉新占領安義，知縣周祖誥死之。（“安義縣志”作2,15並謂

劉長佑援江西

羅大綱亦在內，似可信，以大綱及周春等同爲天地會人）。

徐州鎮總兵傅振邦，壽春鎮總兵鄭魁士敗擒張洛行，龔得樹，解宿州圍。

2,26（一，二一）欽差大臣向榮遣陝西提督鄧紹良往高資六里店，援鎮江總統諸軍。

2,28（一，二三）曾國藩奏請抽收上海釐金，專濟所部。

卽選道劉長佑自長沙率隊赴援江西。

援黔湘軍克貴州銅仁府，紅號教匪徐廷杰，梅濟鼎敗死，毛大仙被擒。（紅號餘黨至1866始平）。

2,29（一，二四）國宗韋俊乘大雪遣白衣軍於四更出武昌，攻撲道員羅澤南軍中營，不克（明日又來襲攻）。

3,1（一，二五）翼王石達開自江西臨江府到吉安府，督翼貴丈黃玉崑，春官丞相張遂謀，夏官又副丞相曾錦謙，檢點傅忠信合廣東來之三合會衆，轟蹋吉安城牆，占領府城，江西按察使周玉衡父子，知府陳宗元，知縣楊曉昀，參將柏英，都司馬福壽，通判王保庸等死之，（達開另遣軍南攻贛州，以通廣東。忠信守吉安，

鄧紹良總統
鎮江軍

石達開占吉
安

另以李明友等爲安福等縣監軍)。

3,2(一,二六) 國宗韋俊再遣軍出武昌攻道員羅澤南軍,不克,總制林某死之。

3,4(一,二八) 國宗韋俊復遣軍出武昌東門與羅澤南軍鏖戰。

3,5(一,二九) 湘軍內湖水師營官,知縣陳炳元,遊擊劉國斌敗於南康青山,失船六號,傷亡三十餘人(此枝太平軍大約係胡鼎文黃文金)。

3,6(一,三〇) 燕王秦日綱,丞相陳玉成,李秀成,周勝坤等與援鎮江之欽差大臣向榮部總兵張國樑戰於句容倉頭鎮。

3,7(二,一) 國宗韋俊遣軍出武昌過鮎魚套八步街,三路攻湖北巡撫胡林翼軍,林翼亦以三路拒之。

3,9(二,三) 國宗韋俊軍與道員羅澤南部知縣劉騰鴻等大戰於武昌長虹橋。

3,10(二,四) 卽選道劉長佑率援贛之湘楚軍都司田興恕等自湖南醴陵到江西萍鄉黃花渡。

3,11(二,五) 江蘇巡撫吉爾杭阿遣軍攻鎮江黃泥洲,守備劉襄死之。

監軍柯景春占領江西永新。

3,12(二,六) 湘軍卽選道劉長佑敗太平軍於江西萍鄉青山鋪。

署湖北提督楊載福督水師連破武漢江面太平軍戰船

韋俊屢襲湘軍

(丞相陳某，新自九江安慶所帶來)。

鎮江守將吳如孝連日撲攻高資，知府劉存厚，遊擊張汝琳力戰卻之，斃總制何在祥。

3,13(二,七)江蘇巡撫吉爾杭阿京口副都統綑關親督知府劉存厚，遊擊米興朝，都司周天培等與燕王秦日綱，丞相陳玉成，李秀成，陳仕章，涂鎮興，周勝坤大戰於鎮江西之高資，不利，守備顧維正戰死。

3,14(二,八)皖捻張洛行，蘇天福，龔得樹等五路自皖北入豫東，敗總兵邱聯恩崇安於蔡道口，逼歸德府。

鄂贛太平軍劉宗魁，葉至華等攻占江西武寧。

翼王石達開軍自江西吉安北回臨江，前隊屯永泰。

3,15(二,九)湖北巡撫胡林翼，道員羅澤南督隊分攻武昌望山門，中和門，鮎魚套，及小東門，紫金山，沙湖，壇角，直逼城根，國宗韋俊，洪仁政等拒卻之，傷亡頗重(太平軍國相韋某楊某等亦被礮斃，十二國宗韋某因礮裂炸死。按十二國宗韋某即韋俊，號韋十二，炸死說不可信。守武昌者除韋俊洪仁正外，似國宗楊氏兄弟亦有人在內)。同時湖廣總督官文督軍攻漢陽。

湘軍同知蕭啓江自湖南瀏陽進至江西萬載，援曾國藩。

3,16(二,一〇)翼王石達開自江西吉安回抵臨江。

捻敗清軍

胡羅力攻武昌

蕭啓江援江西

湘軍候選道江忠濟斬將軍謝國俊於湖北通城。

3,17 (二, 一一) 翼王石達開遣曾景揚自臨江經沙湖渡至贛江東岸, 擬圍攻樟樹。

湘軍同知蕭啓江, 督把總朱桂秋, 楊恆陞, 胡中和等大敗江西萬載太平軍, 斬獲數百。

湘軍卽選道劉長佑督都司田興恕, 守備梁開國, 黃三清等敗江西萍鄉太平軍, 斬獲數百。

3,18 (二, 一二) 燕王秦日綱, 丞相陳玉成, 李秀成, 周勝坤等仍與提督鄧紹良, 總兵張國樑, 虎嵩林, 知府劉存厚軍相持於鎮江句容間之高資, 倉頭, 按寨對紮。江蘇巡撫吉爾杭阿乘機攻鎮江, 知縣松壽戰死。

卽選道劉長佑克復江西萍鄉, 擒副疏附施天祿, 護天豫胡以晃大黃旗, 揜曾國藩 (此時以晃似在萍鄉袁州)。

劉長佑克萍鄉

3,20 (二, 一四) 翼王石達開部軍略余子安檢點黃天 (添) 用等自江西吉安進占樂安 (‘樂安縣志卷五作 4,18 恐誤’)。

翼王石達開軍進攻江西樟樹鎮, 湘軍副將周鳳山督都司畢金科, 周歧山等合道員彭玉麟水師卻之。

3,21 (二, 一五) 命已革左都御史袁三隨從河南巡撫英桂剿辦捻匪。

湖廣總督官文奏舉湖南舉人左宗棠。

廣西團練克復武宣 (4,16 日陳開部再占之)。

1856 (咸豐六年)

3,22 (二,一六) 翼王石達開親率大軍自江西臨江過贛江東岸，分屯橫樑香溪。

翼王石達開部檢點何名標自江西義寧州入武寧。

3,23 (三,一七) 翼王石達開敗副將周鳳山，都司滕國獻，周歧山，守備岳炳榮，黃玉芳於江西樟樹鎮。

國宗韋俊遣大隊出武昌武勝門，道員羅澤南，李續賓，同知蔣益澧等拒敗之。

3,24 (二,一八) 翼王石達開合曾景揚(曾錦謙?) 四路攻江西樟樹鎮，大破副將周鳳山，及參將阿達春，都司周歧山，唐得陞，李新華，林保，畢金科，守備岳炳榮，黃玉芳，把總朱洪章，斬獲千餘，盡破其營盤，擒斬知縣馬丕慶，訓導林長春，經歷李清華。畢金科護鳳山東走，兵勇潰奔南昌(時南昌人心大震，奪門奔走，相踐以死，省城幾不保)。

曾國藩得知江西樂安陸軍挫敗，撫州動搖，上游緊急，自南康府往南昌。

燕王秦日綱督軍進攻鎮江下蜀，三思莊，高廟清軍營盤，陝西提督鄧紹良不肯力戰。

3,25 (二,一九) 江南提督和春環攻安徽三河，國

石達開破周鳳山

宗洪成春拒之。

3,26 (二, 二〇) 欽差大臣向榮命總兵張國樑代提督鄧紹良總統下蜀高資各軍，禦援鎮江之燕王秦日綱等。令鄧紹良部撤回龍潭，更換副將秦如虎軍赴下蜀。

翼王石達開占領江西豐城（翼王於樟樹戰後，留殿左五十五檢點程瀛守臨江府，率師東援天京）。

3,27 (二, 二一) 曾國藩自南康到南昌，收集副將周鳳山部潰勇，暫自統轄，籌備守禦，人心稍安。

曾國藩奏請調道員羅澤南軍自武昌回援江西（國藩曾遣人間道乞援湘鄂，多被捕殺）。並請撥上海關稅銀十萬兩。

3,28 (二, 二二) 翼王石達開部軍略余子安，檢點黃天用，指揮黃陽，巢潤章（黃巢均天地會即廣匪）占領江西撫州府（自吉安經樂安來），敗參將遮克敦布，令紳士充當監軍，軍帥，師帥，旅帥，百長司馬（“撫州府志”作3,29）。另支占進賢縣（自豐城來，去南昌極近，達開本人或在此軍中。又 3,30 左右監軍冷逢辰自撫州進占金谿，以前後左右中五營分置城鄉，各立一局，每營設軍師旅帥）。

張國樑總統
鎮江軍

曾國藩回駐
南昌

占領撫州

- 3,29(二,二三)翼王石達開占領江西東鄉。
指揮黃文金乘湘軍同知李元度將拔營南下,自湖口
督千餘人三路撲攻,元度拒卻之。
國宗韋俊遣大隊萬餘人出武昌與羅澤南軍戰。
- 3,30(二,二四)命署江寧將軍福興幫辦向榮軍
務。
羅澤南致書曾國藩謂武漢天下樞紐,不可遽縱(時
有調羅援江西議)。
- 3,31(二,二五)皖捻張洛行等入江蘇碭山蕭縣
境,逼徐州,總兵傅振邦卻之。
胡林翼羅澤南遣軍屯武昌東十五里之窯灣,斷武昌
太平軍接濟。
- 4,1(二,二六)燕王秦日綱督地官副丞相李秀成,
春官丞相涂鎮興,夏官丞相陳仕章,夏官又正丞
相周勝坤,合鎮江城內之陳玉成吳如孝(玉成先
坐小舟直冲入鎮江),內外夾攻,仕章,鎮興,
勝坤與江蘇巡撫吉爾杭阿總兵張國樑部接戰,秀
成由倉頭岔河襲其後路,玉成如孝出城會合,不
利。
- 翼王石達開占領江西安仁(今餘江)。
道員李續賓,羅澤南,同知唐訓方分道攻擊武昌城
外塘角小龜山,斬獲數百。
- 4,2(二,二七)燕王秦日綱督陳玉成,吳如孝,李
秀成,陳仕章,涂鎮興,周勝坤等敗江蘇巡撫吉

爾杭阿，總兵張國樑等，破營十六座（？），扯兵下鎮江，屯金山，金鷄嶺，九華山脚。夜間調集鎮江船隻，由金山渡過瓜州。留周勝坤把守倉頭。

4,3（二，二八） 燕王秦日綱，丞相陳玉成，李秀成，陳仕章，涂鎮興，吳如孝，大敗欽差大臣江寧將軍託明阿，幫辦軍務前直隸提督陳金綬，副都統德興阿，總兵松齡等於揚州之土橋，連破虹橋，卜著（樸樹）灣，費家橋，桂花莊，焚燒營盤，清兵聞風而逃，潰散大半，託明阿等退三汊河。

秦日綱破託明阿

翼王石達開占領江西萬年，進向樂平，回援天京（約二三萬人，大多為新自廣東來者，即所謂潮匪）。留衛天侯翼貴丈黃玉崑代主江西務軍。

石達開援天京

4,4（二，二九）翼王石達開部（大約為翼貴丈黃玉崑軍略余子安等）占領江西建昌府，將軍張三和守之（今南城。三和尋又占南豐新城。時江西府城八，州縣城五十餘，均為太平軍所占有。曾國藩困守南昌，僅有廣信饒州一路可通文報，贛南尚保贛州南安二府城，但亦時有太平軍蹤跡。是

占領建昌

年十二月太平軍始於建昌府設官，遣監軍至各屬邑）。

燕王秦日綱，丞相陳玉成，李秀成等再破欽差大臣託明阿等於揚州三岔河，斬都司程餘熊，副都統德興阿中傷，破清營百二十餘座。清兵僅剩千餘，退秦家樓，蔣王廟。

江蘇巡撫吉爾杭阿及總兵張國樑乘燕王秦日綱等北渡，分攻鎮江黃泥州及下蜀，燬壘七座（據吉奏，丞相涂鎮興死於是役，但李秀成供狀時鎮興已渡過江北）。

湘軍同知李元度自湖口率軍到饒州府，合贛南道耆齡防翼王石達開部。

4,5 (三,一) 燕王秦日綱，丞相陳玉成，李秀成，涂鎮興，陳仕章及吳如孝占領揚州府，擒知府世焜，殺知府浙齡，同知朱守讓。欽差大臣託明阿退揚州西南蔣王廟（得揚州後即取糧回鎮江，大約如孝即於此時復入鎮城）。

湖北巡撫胡林翼奏請暫緩命羅澤南軍援江西，留待旬日，期克武昌。

總兵吳全美部水師擒將軍陳玉金於蕪湖對岸裕溪口。

4,6 (三,二) 國宗韋俊洪仁正得九江，

黃州，興國，大冶援兵，洞開武昌城門，一由望山門出，三路襲攻湖北巡撫胡林翼軍，遊擊普承堯，張寅恭，都司周得魁，鄒漢章卻之（此為牽制之軍）；一由武勝門，忠孝門，賓陽門襲攻道員羅澤南軍，澤南派同知蔣益澧，唐訓方，都司何紹彩等分禦之，自率大隊布於洪山，以應賓陽門敵之主力，三退三進，追薄城根，左額中鎗彈（澤南思斬關直入，破武昌以速援江西）。

章俊突出武昌

總兵張國樑，提督余萬清，督副將秦如虎，蔡應龍，遊擊李定太，張汝林，都司馮子材等攻燬鎮江黃泥洲太平軍營壘三座，敗夏官又正丞相周勝坤。湘軍內湖水師營官陳炳元，鄧翼升，丁義方捷於江西吳城鎮。

4,7(三,三) 欽差大臣託明阿等拒燕王秦日綱等於揚州薛家樓，徐家集。

4,8(三,四) 陝西提督鄧紹良自鎮江高資渡江援揚州（一作4,11）。

道員彭玉麟自江西樟樹鎮到吳城鎮，布置水師。

翼王石達開大軍自江西三道入皖，一自樂平德興北攻婺源，一自浮梁東攻祁門

石達開三路入皖南

(此爲南路及中路，均潮匪，卽去年自廣東來投之天地會黨)，自督大隊由浮梁鄱陽交界進向建德，期於皖南會齊，共取寧國府，以援天京。本日中路占領祁門(一說祁門之失，在 4,16 此據“縣志”。又據“樂平縣志”卷五，謂曾景謙，卽錦謙，來自餘千萬年，似南路主將爲景謙)。

4,9(三,五)以江西吉安失守，贛州被圍，命兩廣總督葉名琛選派精兵五六千名往援。

總兵張國樑，德安，副將秦如虎，蔡應龍肅清鎮江南京間之石埠橋，棲霞太平軍。

監軍吳天福占領江西宜黃，邊錢會附之，立軍師旅帥(邊錢會見本年 8,18 條)。

4,10(三,六)監軍陳寶林占領江西萬安。

4,11(三,七)曾國藩派知府鄧輔綸，同知林源恩率平江勇自南昌進規撫州。

以揚州之敗，欽差大臣託明阿，幫辦軍務陳金綬，雷以誠革職查辦，以正白旗漢軍副都統德興阿爲欽差大臣，詹事府少詹事翁同書幫辦軍務，調魯豫軍進扼清江浦。

4,12(三,八)布政使銜寧紹台道羅澤南因傷卒於武昌洪山軍中，年五十歲。湖

江北欽差德興阿

羅澤南卒

北巡撫胡林翼以記名道安慶府知府李續賓接領其軍。

翼王石達開軍（南路“潮匪”）占領皖南婺源。

託明阿，都興阿，西昌阿攻揚州，小勝。

4,14（三，一〇）燕王秦日綱，丞相陳玉成，李秀成，涂鎮興，陳仕章以留守鎮江倉頭之夏官又正丞相周勝坤爲巡撫吉爾杭阿總兵張國樑所破歸路被絕，自揚州西進。國宗楊某（侍宗？）尙書雷天祐，自天京占領江浦，擬與會合，自此渡江回京。

湖北巡撫胡林翼，道員李續賓督同知唐訓方，蔣益澧，知縣劉騰鴻，游擊普承堯，張寅恭，都司周得魁，丁銳義，鄒漢章，趙克彰，攻破武昌保安門外太平軍新築三壘，傷亡二百餘人，外委陳遠清，唐訓得，曾玉蘭，文童王嶽峯等均陣亡，周得魁中傷（本月十八日傷卒。得魁爲塔齊布舊部）。

4,15（三，一一）湘軍知府鄧輔綸，同知林源恩敗太平軍於江西進賢羅溪。

皖捻張洛行等大敗總兵鄭魁士於安徽懷遠老西門，斬參將福坤，魁士中傷。

4,1（三，一二）燕王秦日綱，丞相陳玉成，李秀成等前隊占領浦口。總兵武慶退走六合，玉成等追擊。欽差大臣向榮遣總兵張國樑渡江來援。

秦日綱占浦口

知府鄧輔綸，同知林源恩，都司畢金科克復江西進賢，斬參贊周某（一作4,18）。

道員彭玉麟水師敗新投太平軍（自涂家埠來）之廣東‘潮匪’於江西吳城鎮，斃檢點周某。

天地會大成洪德王陳開，平靖王李文茂等部再占廣西武宣縣。

4,17（三，一三）欽差大臣德興阿，陝西提督鄧紹良乘燕王秦日綱等西進，收復揚州。（太平軍正在聽講道理，出不意。揚州知府世焜是日死）。

翼王石達開軍（南路）進占休寧屯溪攻五嶺，守備歐陽斌等死之。

4,18（三，一四）道員彭玉麟水師敗太平軍於江西建昌縣涂家埠，折毀浮橋，獲船二十餘號。

國宗楊某（侍宗？）自浦口進攻六合，總兵張國樑，副將蔡應龍，知縣溫紹原敗之，擒指揮毛洪太。

4,19（三，一五）同知蕭啓江等敗將軍楊如松，總制陳綽於江西萬載栗樹拗，克大橋。

4,21（三，一七）江西秦和太平軍（天地會或潮匪王義朝）敗護贛南道汪報閏，武進士韓進春於萬安武索良口。

4,22（三，一八）總兵張國樑，武慶副將蔡應龍，副都統穆克登額，六合知縣溫紹原克復浦口。擒斬尙書雷天祐，檢點許應求，毛繼太，白元應，

德興阿復揚州

周四，指揮吳六，陶景新，將軍王四，陳日宣，總制吳永興，周先應。

4,23 (三,一九) 命陝西提督鄧紹良幫辦欽差大臣德興阿軍務。

翼王石達開軍中路自皖南祁門入黟縣，與自南路會於漁亭，進向太平縣。

4,24 (三,二〇) 同知李元度克復江西東鄉，監軍熊近光，軍帥錢懷榮走撫州府。

4,26 (三,二二) 江西南康縣潭口會黨殺委員鄒慶雲。

翼王石達開自皖南建德合自黟縣來之中南兩路占領太平。知縣歐陽藜照等死之。

4,27 (三,二三) 總兵張國樑，副將蔡應龍，副都統穆克登額等收復江浦(一作5,2誤。國樑以寧國告警，明日渡江)。

湘軍都司黃虎臣合道員彭玉麟水師克復江西建昌縣(今永修)。

軍略余子安，檢點黃天用，指揮黃陽，巢潤章自江西撫州援東鄉，為湘軍同知李元度，林源恩，知府鄧輔綸所敗，指揮李某死之。

4,28 (三,二四) 燕王秦日綱，丞相陳玉成，李秀成等自江浦折回揚州，敗總兵

石達開占太平

秦日綱占儀徵

李志和，占領儀徵。

4,29 (三,二五) 翼王石達開占領皖南涇縣 (一作 4,20誤)。

贛南太平軍 (潮匪) 占領龍泉 (今遂川)。

湘軍同知李元度，林源恩等進營江西撫州汀橋，檢點黃天用軍略余子安等固守撫城。

侍衛伊興額，總兵傅振邦敗捻蘇天福於安徽宿州濉口。

九江太平軍經湖北麻城進至黃州，攻三店新洲，京口副都統都興阿，黑龍江營總多隆阿拒之。

5,1 (三,二七) 同知李元度，林源恩，知府鄧輔綸，已革副將周鳳山攻破江西撫州城外五營。

5,2 (三,二八) 翼王石達開，丞相張遂謀，曾錦謙占領安徽寧國府 (今宣城，江南軍副將蔡應龍到高淳來援不及)。

江西建昌府知府何栻，拔貢楊希閔，游擊名謙克復新城 (今黎川)。

5,3 (三,二九) 國宗韋俊偵知圍攻武昌之清軍分援江西，出保安門，賓陽門襲攻，道員李續賓督同知蔣益澧，游擊劉錫文，李續燾，都司趙克彰，何紹彩等卻之。

總兵邱聯恩，史榮椿，崇安，副將樂善，總管格綳

石達開占寧國府

額，德楞額，大破皖捻龔得樹等於亳州鹿邑間十字河，擒捻首張預隆。

5,4 (四,一) 國宗韋俊再遣軍出武昌襲攻，李續賓軍復卻之。

欽差大臣德興阿部水師克復江蘇儀徵。

5,5(四,二) 檢點黃天用，軍略余子安等三路由江西撫州出城襲攻，湘軍同知李元度，江軍知府鄧輔綸等督軍卻之，乘機渡河逼城下。

湖北軍參領舒保，營總多隆阿，知府許宸藻敗自江西進之太平軍於黃州府新洲，團風。

太平軍涂某（自江西來）敗斬湖北咸寧知縣汪靜淵。

檢點何名標（文彪名彪，）自江西義寧州入湖北通城，湘軍道員江忠濟力戰拒之。

5,6 (四,三) 將軍朱衣點，楊如松，檢點黃日明援江西袁州。

5,7 (四,四) 湖北巡撫胡林翼遣同知曾國華總統知縣劉騰鴻，劉連捷（湘勇），同知吳坤修（彪勇），參將普承堯，把總普承忠（寶勇）等軍共四千一百人，自武昌全部拔營，由咸寧通城入江西，援曾國藩（國華係國藩三弟，其父麟書聞羅澤南

曾國華自鄂
援江西

江忠濟敗死

卒，卽遣其來鄂幫辦營務，請師援國藩）。

檢點何名標（屬翼王石達開部）大破防守岳州之道員江忠濟於湖北通城，覆其全軍三千人，斬忠濟（年三十八）及守備徐以祥（忠濟爲忠源之三弟）。

曾國藩遣都司黃虎臣自南昌進攻瑞州，命知府劉子潯水師助之。

同知李元度，知府鄧輔綸，已革副將鳳山三路攻江西撫州府城，被拒退。

江西南康天地會黃秉才占領上猶（尋退去）。

5,8（四，五）國宗韋俊遣軍出武昌劫清軍糧，不果。

5,10（四，七）翼王石達開攻占安徽寧國府審灣，斬副將蔡應龍，遊擊楊瑞乾，都司楊萬清，守備張揚保，明日，總兵江長貴敗走黃池，達開部占蕪湖。向榮遣副將王淩來援。

5,11（四，八）湖北提督楊載福部水師參將李成謀，守備周清元攻燬武昌小河口青山太平軍船隻五十餘號。

江西水師知府劉子潯攻瑞州失利（明日回豐城）。

5,12（四，九）湘軍都司黃虎臣攻江西瑞州不利，北攻奉新，復被擊敗，傷亡百餘，退回南昌。

湘軍同知李元度，已革副將周鳳山等連攻江西撫州，均被軍略余子安等拒退，頗有傷亡。

江西上饒廩生郭守謙等克復金谿。

水師總兵吳全美擒檢點邢來成，將軍楊如友，萬如松等於蕪湖。

5,13 (四, 一〇) 擒張洛行龔得敗總兵邱聯恩崇安等於安徽亳州西南之界溝集，進圍亳州 (5,31解圍)。

擒圍亳州

5,15 (四, 一二) 陝西提督鄧紹良自揚州赴浙江，防翼王石達開軍自安徽寧國府東進。

5,16 (四, 一三) 援贛之湘軍同知蕭啓江力攻萬載未下。

擒葛倉龍圍攻安徽穎上。

5,17 (四, 一四) 江西建昌太平軍張三和援撫州，同知李元度迎擊敗之。

湖南東嶺勇克復贛南上猶 (“粵東剿匪紀略”誤爲6, 16)。

5,18 (四, 一五) 翼王石達開軍進至小丹陽陶吳，攻江寧秣陵關，遊擊馬永清都司戴文英卻之。

石達開攻秣陵關

5,19 (四, 一六) 總兵張國樑自江南溧水進至江寧祿口，禦翼王石達開。

武漢太平軍戰船月夜下駛，清水師參將李成謀等敗之於沙口，窮追不及。

5,20 (四, 一七) 翼王石達開率丞相張遂謀曾錦謙等大隊攻江寧秣陵關，總兵張

張國樑敗石達開

國樑副將王浚，副都統德崇額敗之。

5,21 (四,一八) 將軍朱衣點，楊如松，檢點黃日明援江西袁州，與湘軍道員劉長佑連戰不利。

總兵張國樑，副都統德崇額，副將王浚督遊擊李定太，張玉良，都司馮子材等四路進攻，再敗翼王石達開軍於秣陵關。達開部退回陶吳，檢點曾連春，魏亞華，指揮方亞二等戰歿。

5,22 (四,一九) 贛南太平軍敗武進士韓進春於贛州大湖江，分二路趨贛州。

5,23 (四,二〇) 江西知府劉于濬水師克復豐城。援贛湘軍卽選道劉長佑進營袁州之沙田鋪，春官副侍衛李能通等拒之。

5,24 (四,二一) 曾國藩再奏請撥上海關稅，以濟急需（時金陵鎮江揚州軍營皆取給於上海關稅，上次國藩奏請未允）。

5,25 (四,二二) 檢點何名標禦自武昌援江西之同知曾國華軍於湖北蒲圻，連戰二日。

太平軍退出江西豐城。

5,26 (四,二三) 湖南提督武隆額以在豫東剿匪不力，革職。

欽差大臣德興阿攻克揚州三汊河，太平軍退瓜州。

湖北黃州府知府許廣藻，克復安徽英山，擒李昭壽退走。

5,27 (四,二四) 燕王秦日綱及丞相陳玉成，李秀成，涂振興，陳仕章自瓜州渡過金山，攻黃泥洲。

秦日綱渡過
鎮江

5,28 (四,二五) 湖北提督楊載福遣水師遊擊鮑超，合參將李成謀，及北岸副都統鄒興阿馬隊，敗太平軍戰船於武漢下游。

5,29 (四,二六) 燕王秦日綱，冬官丞相陳玉成，地官副丞相李秀成，春官丞相涂鎮興，夏官副丞相陳仕章，占領鎮江黃泥州，猛攻高資知府劉存厚營，斃知縣松壽，鹽知事張翊國，江蘇巡撫吉爾杭阿自九華山帶兵來援。

秦日綱攻高
資

江西臨江府太平軍(翼貴丈黃玉崑或在此)援撫州，撫州城內軍出城應之，為同知李元度等所敗。

5,30 (四,二七) 提督鄧紹良總兵秦如虎攻破皖南寧國府雙橋。

江西建昌府知府何棻，遊擊名謙等敗建昌太平軍守將張三和。

5,31 (四,二八) 湖北提督楊載福督參將張啓基，遊擊王明山，都司陳金鼈，李濟清，孫呂凱，喻吉三，萬化林，攻燬漢陽東門之太平軍船隻約三百號，燒其岸陸營。武漢太平軍之戰船焚燬殆盡。載福移營下游沙口(水師於前日新自廣東運到夷礮二百尊)。

楊載福燬武
漢太平軍戰
船

蕭啓江克萬載

援贛之湘軍同知蕭啓江，都司田興恕，劉培元，守備楊恆升克萬載，敗將軍楊如松，總制陳綽。

吉爾杭阿死

6,1 (四, 二九) 燕王秦日綱，丞相陳玉成，李秀成，涂鎮興，陳仕章，大破幫辦江南軍務江蘇巡撫吉爾杭阿軍於鎮江高資，圍攻煙墩山營盤(5, 31)，吉爾杭阿陣亡(秀成供狀謂吉自用短洋礮當心打死)。尙書程某合天地會衆(潮匪)水陸圍攻贛州府，道員汪報閩，參將遮克敦布守之。另枝合土寇黃老八占零都，燬文武各廟。

援贛之同知曾國華，吳坤修，知縣劉騰鴻，劉連捷，參將普承堯，再敗檢點何名標於湖北蒲圻羊樓峒，擒斬水總制張某，金總制毛某，將軍陳某，李某。

援贛之同知蕭啓江，都司田興恕，斬指揮鄧象於萬載大審口(鄧象爲去年自粵經湘入贛之天地會黨)。

6,2 (四, 三〇) 提督楊載福督水師參將李成謀，遊擊鮑超等兩路下駛，燬沈黃州府太平軍船百餘號。復轉攻對岸樊口，未能得手，頗有傷亡。

湘軍同知李元度等連敗江西撫州太平軍。

燕王秦日綱等攻破鎮江煙墩山清營，斃京口副都

鎮江清營破

統綑關，候補道江寧府知府劉存厚。提督余萬清，總兵虎嵩林，營總薩林布等突圍走九華山。

6,3 (五,一) 燕王秦日綱，丞相李秀成，陳玉成等破鎮江九華山清軍營盤七十餘座。總兵虎嵩林走丹陽。

楊載福留水師遊擊鮑超都司李濟清守沙口，自率參將李成謀，都司王明山等下駛，燬自九江一帶上駛之太平軍船隻五十餘號於大冶黃石港。太平軍船隻百餘均東退。

6,4 (五,二) 楊載福率參將李成謀等水師連敗太平軍水師於蘄州富池口武穴，守武穴之太平天国刑部尙書莫仕燮下退。

6,5 (五,三) 翼王石達開軍(北路)自安徽太平府小丹陽進至江寧大勝關，東援天京。

石達開進軍
大勝關

楊載福督水師直抵九江，江上太平軍船隻均東退。

6,6 (五,四) 燕王秦日綱等攻破鎮江京硯山西路，清副將周兆熊死之。

湖北提督楊載福自九江回舟上駛。

6,7 (五,五) 燕王秦日綱等攻鎮江京硯山東路，總兵余萬清，李志和，參將毛三元等拒之。總兵

張國樑自龍潭間道來援。

廣東三合會翟火姑自和平入江西，提督崑壽收復縣城。

6,8(五,六) 國宗韋俊(韋十二) 洪仁正遣軍萬餘分出武昌武勝，漢陽，賓陽，忠孝等門，撲攻陽橋卡清軍，以通援兵(韋俊等先曾約檢點古隆賢率九江一帶援軍萬餘於本日前後夾攻，因水師楊載福下駛，連破下游各軍，隆賢繞道愆期)，道員李續賓督同知蔣益澧，參蔣朱品隆，都司趙克彰，何紹坤，守備李續燾，蕭孚泗等卻之(守武昌者除韋洪外尚有一楊某)。

指揮黃文金，胡鼎文合江西都昌，湖口，彭澤，南康軍撲攻饒州府十六都，敗道員耆齡，都司畢金科，及水師知縣賀虎臣，都司金世蓮。金科等退章田渡。

嚴諭湖北巡撫胡林翼迅克武漢。

以趙德轍署江蘇巡撫。

總兵色克精阿克復廣西貴縣(1854, 9, 26 失陷)。

6,9(五,七) 廣東三合會翟火姑率黨六七千人自和平圍攻江西定南廳(所部後併入太平軍，屬花旗)。

幫辦安徽團練袁甲三，總兵邱聯恩，崇安破捻張洛行於亳州翟村寺，斬平西侯李成。

6,10(五,八)欽差大臣湖廣總督官文督臬司李孟羣,總兵王國才,楊昌泗,副將顏朝斌,力攻漢陽(守漢陽者爲尙書鍾某,大約卽係秋官副丞相鍾廷生)。

總兵張國樑督參將張騰蛟,遊擊李鴻勳,李定太,都司馮子材等敗燕王秦日綱等於鎮江京硯山,擒國宗楊侍宗,侍衛陳大本,檢點譚如和,破丁卯橋三壘,解京硯山圍。

湘軍同知蕭啓江,都司田興恕,劉培元,守備楊恆升等大敗自瑞州臨江來之太平軍於萬載洋橋斗門。

6,11(五,九)指揮黃文金等再敗道員耆齡,及水師都司金世蓮,知縣賀虎臣於江西饒州章田渡,陷其營壘,斬獲百餘。

安徽銅陵池州各處土軍帥奉東王楊秀清命繳米糧八百餘石,解赴天京,裝船百餘隻下運,本日爲清水師總兵李德麟截擊,奪獲,米船燬械,破銅陵城。

幫辦安徽團練袁甲三,南陽鎮總兵邱聯恩連敗皖捻張洛行於安徽亳州翟村寺,逼雉河集。

湖北提督楊載福率水師自九江回抵武昌沙口。

6,12(五,一〇)湖北巡撫胡林翼,道員李續賓遣同知蔣益澧,唐訓方,參將朱品隆,遊擊張寅恭,都司張勝祿,趙克彰,何紹坤,守備李續燾等誘

張國樑敗秦日綱

敗國宗韋俊於武昌城外，斬獲千餘。守備李登進陣亡。

湘軍同知李元度，林源恩，都司唐得陞，彭大壽，及彭斯舉等連敗江西撫州太平軍。

總兵張國樑，將軍福興進攻鎮江小茅山，不利，防禦鍾綠，驍騎校富貴，慶明戰歿。

6,13 (五, 一一) 燕王秦日綱，丞相陳玉成，李秀成，陳仕章，涂鎮興盡棄鎮江小茅山，九華山，烟墩山，黃泥洲營壘，經下蜀，高資，東陽，石埠橋，甘家巷，入江寧觀音門。向榮派遊擊張玉良在傅家橋截擊，擒正疏附謝白鳳。

翼王石達開軍(南路)由當塗博望進占溧水，謀聯合燕王秦日綱等圍攻欽差大臣向榮大營。

命雲南麗鎮總兵余萬青幫辦向榮軍務，調閩浙豫陝兵赴江南大營。

6,14 (五, 一二) 燕王秦日綱，丞相李秀成，陳玉成等自鎮江西回天京，屯營燕子磯觀音門，東王楊秀清下令攻破孝陵衛江南大營，方准入城。

檢點古隆賢等率衆六千餘人自九江興國一帶援武昌，胡林翼遣同知唐訓方，蔣益澧，都司李續燾等迎擊，敗之於武昌茶棚。

都司黃虎臣奉曾國藩命率軍三千五百人自南昌到建

石達開占溧水

秦日綱回援天京

昌府應援。

6,15 (五,一三) 欽差大臣向榮派總兵張國樑往援溧水。

道員彭玉麟水師敗自湖口來襲之太平軍戰船於江西吳城鎮，追至德安河口。

檢點古隆賢，指揮鄭添得（德），木八將軍羅文元，因胡林翼軍之截擊，不克進援，自武昌城外東退葛店樊口。

6,16 (五,一四) 冬官丞相陳玉成，地官副丞相李秀成等入天京，請緩期進攻江南大營，東王楊秀清不允。

6,17 (五,一五) 燕王秦日綱，丞相李秀成，陳玉成，涂鎮興，陳仕章，及捻李昭壽，奉東王楊秀清嚴令進攻天京城外孝陵衛清軍大營，本日自燕子磯移營姚坊（堯化）門。天京太平軍一隊越過龍脖子（地保城），另一隊自神策，太平各門出城據大小水關及馮家邊一帶築壘，與秦日綱軍相呼應。欽差大臣向榮遣副將王浚統兵二千餘名赴仙鶴門防堵。

都司畢金科督千總朱洪章，李興隆，龔廷貴等敗太

進攻江南大營

平軍（黃文金）於江西饒州童子渡，田墩。

6,18（五，一六）向榮部副將王浚督同參將張騰蛟，李定太，李若珠自江寧仙鶴門（在天京東）三路進攻大小水關馮家邊，爲燕王秦日綱等所拒退。

翼王石達開軍（北路）約二萬人分三路自蕪湖，金柱關，大勝關一帶進援天京，屯踞北鄉，築壘於姚坊門，仙鶴觀，黃馬羣，與燕王秦日綱軍聯絡。向榮調總兵張國樑，虎嵩林等分自溧水丹陽趕回大營應援。

6,19（五，一七）翼王石達開合燕王秦日綱軍直攻仙鶴門，敗副將王浚，巴圖，參將張騰蛟，李定太，李若珠，向榮派遊擊李鴻勳往援，並由總兵張國樑連夜於青馬羣扼要趕築營盤。

幫辦安徽團練袁甲三，總兵邱聯恩，史榮椿，崇安，副將樂善，總管格綳額，德楞額攻占皖捻張洛行蘇天福等之根據地皖北雒河集。

6,20（五，一八）（一）翼王石達開督春官正丞相張遂謀，夏官又副丞相曾錦謙。（二）燕王秦日綱督冬官丞相陳玉成，地官副丞相李秀成，春官丞相涂鎮興，夏官副丞相陳仕章，捻李昭壽分路猛攻

袁甲三克雒河集

天京解圍

天京城東青馬羣紫金山清營，總兵張國樑，西安將軍福興，副都統德崇額督馬步軍分投抵禦。（三）東王楊秀清遣軍出天京南門通濟門直撲七橋襄，欽差大臣向榮親往策應。午後，另枝（似係秦日綱軍）自靈谷寺後翻山而來，攻破滿洲馬隊營盤，縱火焚燒，同時洪武朝陽等門太平軍亦分路出擊，連陷營寨二十餘個，進破孝陵衛中軍大營（江南大營）。清軍潰散，參將陳明志，遊擊札拉芬，都司李發榮，李振甲，劉秀珠，佐領凌保等陣亡。向榮，福興，彭玉雯，張國樑等於夜間敗走淳化鎮。太平軍未即追擊（天京解圍）。

潮州鎮總兵壽山率軍克江西零都（尋又失），明日入贛州府。

6,21（五，一九） 欽差大臣向榮，總兵張國樑等走句容，退往丹陽。總兵德安衝出南京仙鶴門重圍，副將巴圖等戰死。

江南大營潰

江南大營全潰。

衛天侯翼貴丈黃玉崑遣軍自江西臨江援撫州，湘軍同知李元度等敗之。

6,22 (五,二〇) 燕王秦日綱，丞相李秀成，陳玉成，涂鎮興，陳仕章，及李昭壽奉東王楊秀清令追擊向榮。

檢點何名標自湖北通城沿湘贛邊界南進，企圖牽制援贛湘軍，本日自瀏陽占領醴陵。

6,24 (五,二二) 國宗韋俊遣軍出武昌襲攻，巡撫胡林翼，道員李續賓督參將朱品隆，同知蔣益澧，都司趙克彰，何紹坤等卻之。

贛南太平軍合會黨土寇撫攻贛州，潮州鎮總兵壽山，贛南道汪報閏等敗之。

皖捻張洛行等圍攻安徽潁上。

6,25 (五,二三) 檢點何名標自湖南醴陵走攸縣。

6,26 (五,二四) 江西撫州府屢攻同知李元度知府鄧輔綸等營。

6,27 (五,二五) 翼王石達開部檢點黃三占領江蘇江浦，知縣曾勉禮死之（一作5,28）。

燕王秦日綱，丞相陳玉成，李秀成等占領江蘇句容（一作6,23）。

（註）“續纂句容縣志”記太平軍占領句容後情形

秦日綱占領句容

云：“賊據城殺掠數日，始出僞示安民，各鄉立僞鄉官，勒民獻財物，派丁應工作，違者殺掠毋禁”，（卷一九，下，頁一一）。

6,28（五，二六）以剿捻出力，命袁甲三以三品京堂候補，察哈爾都統西凌阿復職。

廣東三合會（花旗）陳芝麻（翟火姑黨）合江西土寇葉紹品李元古占領江西安遠（7,4 退去）。

6,29（五，二七）從軍機大臣文慶等奏，命各省實行團練，任官督率。

燕王秦日綱，丞相陳玉成，李秀成等前隊自句容東攻白兔鎮，被拒退。

6,30（五，二八）福建副將陳上國張從龍率軍到江西，助湘軍都司黃虎臣等攻建昌府。

三合會（花旗）翟火姑轟倒江西定南廳城牆，同知姚世恩等拒卻之。

7,1（五，二九）湖北巡撫胡林翼，道員李續賓偵知檢點古隆賢，指揮鄭添德，木八將軍羅文元復自武昌縣樊口葛店西進，遣同知蔣益澧，孫守信率六營銳卒三千餘人迎擊。

7,2（六，一）以大營失陷，湖北提督向榮革職，仍留欽差大臣督辦軍務。

燕王秦日綱等自句容攻占白兔鎮，總兵虎嵩林李志和敗退丹陽。

7,3(六,二) 燕王秦日綱率丞相陳玉成，李秀成，涂鎮興，陳仕章及捻李昭壽自江蘇句容經白兔鎮進至丹陽五里鋪。欽差大臣向榮命總兵張國樑督遊擊虎坤元，李鴻勳，都司馮子材，劉季三，戴文英，守備李日昇，副將王浚，參將張騰蛟等分三路力戰卻之。日綱退全州鋪。

北王韋正(昌輝)自安徽建德合都昌湖口之指揮黃文金胡鼎文等進攻饒州，敗江西布政使者齡湘軍都司畢金科於陶溪渡，破其營壘(時湖北傳說昌輝將援武昌)。

江西宜黃太平軍援建昌府，合守將張三和，斬湘軍都司黃虎臣。

檢點何名標自湖南茶陵入江西蓮花廳(八月間復回南康潭口)。

湘軍同知蔣益澧督參將朱品隆，知縣唐協和，林之華，縣丞丁銳義，訓導鄒漢章，守備陳仁蘭等，合湖北提督楊載福水師，大破進援武昌之指揮鄭添德，木八將軍羅文元於葛店，擒文元，斬添德，斬獲二千餘。

7,4(六,三) 命兩江總督怡良等令護送海運之火輪船入江，聽候向榮等調度。(宗人府府丞宋晉奏)，並籌畫添購小火輪船事(英人李泰國H.

秦日綱攻丹陽

章正主江西軍務

清擬購輪船

N.Lay 條陳)。

命徐宗幹幫辦安徽和春軍務。

7,5(六,四)湘軍同知蔣益澧,孫守信等合湖北提督楊載福水師敗進援武昌之檢點古隆賢於樊口,克復武昌縣城,守備陳仁蘭戰死,千總曹起龍戰死。

燕王秦日綱等屯兵丹陽之金州鋪,丁庄鋪,松柏村,香草河,錢橋,和定橋,與張國樑相持。

7,6(六,五)北王韋正(昌輝),承宣黃文金,胡鼎文等五路進兵,大敗江西布政使耆齡(江軍),都司畢金科,參將阿達春(湘軍),占領饒州府城,水師知縣賀虎臣,康國器,及金科力戰不利,退至表恩汛地方(此後江軍務由韋正代黃玉崑主持,至八月。民國二十四年南京某古玩店有“太平天国江西宣慰使韋”關防一方,後為日領事須磨購得。此關防似即此時韋正所使用者)。

韋正占領饒州

國宗楊義(宜)清,楊輔清及李大華奉東王楊秀清令率衆萬餘(自天京安慶經九江來)援江西,攻萬載,湘軍同知蕭啓江等卻之。

7,7(六,六)欽差大臣湖廣總督官文偵知鄂東廣濟蕪水太平軍(翼王石達開部)上援漢陽(獲八十指揮熊某致漢陽尙書鍾某之知照),即令荊州

1856(咸豐六年)

將軍都興阿，營總多隆阿等連擊。

7,10(六,九) 荆州將軍都興阿督營總多隆阿，知府許庶藻等敗自鄂東西援漢陽之太平軍於黃州堵城。

7,12(六,一一) 總兵張國樑攻擊丹陽鳳凰崗，燕王秦日綱，丞相陳玉成李秀成等拒之。

江西南康府太平軍戰船上駛，惠潮嘉道彭玉麟卻之。

江西撫州府太平軍與同知李元度等連戰，互有傷亡。

7,13(六,一二) 湘軍同知蔣益澧，參將朱品隆等自湖北樊口武昌縣渡江合荆州將軍都興阿等進攻黃州。

7,14(六,一三) 翼王石達開率春官正丞相張遂謀，夏官又副丞相曾錦謙(李續賓上曾國藩書作衛天侯曾景謙)等約三萬人自天京行抵江西湖口附近，上援武漢。並調衛天侯翼貴丈黃玉崐自臨江府出義寧入湖北(達開於天京解圍後即西上，時太平軍於安慶彭澤南康等處均設有船廠)。

總兵張國樑督遊擊虎坤元，張玉良等攻破丹陽鳳凰崗營壘二座。

7,15(六,一四) 大成洪德王陳開(三合會)遣平

石達開再援
武漢

靖王李文茂等自廣西潯州（秀京）圍攻平南。

7,16（六，一五）捻張洛行占領安徽潁州府三河尖。

張洛行占三河尖

7,18（六，一七）燕王秦日綱，丞相李秀成，陳玉成等分攻丹陽河東河西，爲總兵張國樑擊退。

總兵壽山，阿隆阿（南贛鎮），道員汪報閏，參將遮克敦布等擊退圍攻贛州之西岸太平軍（潮匪或三合會）與土寇。

7,19（六，一八）同知曾國華，吳坤修，知縣劉騰鴻，參將普承堯克復江西新昌，援曾國藩。

曾國華克新昌

7,20（六，一九）三合會（花旗）翟火姑擊敗來援江西定南廳之同知周炎都司吉勒通阿。火姑部增至數萬。

道員彭玉麟督水師營官鄧翼升，孫昌國，陳炳元，丁義方，克復江西南康府，毀太平軍硝廠船廠，以無陸軍接應，復回吳城鎮（“平定粵匪紀略”誤爲十五日）。

硝廠船廠

都司畢金科在南昌整輯弁勇後，回至饒州表恩汛，曾國藩派總兵居隆阿，都司林葆同行。

7,22（六，二一）江西撫州太平軍與同知李元度林源恩等屢次接戰，互有傷亡。

7,23（六，二二）江西布政使者齡，都司畢金科，林葆，會同水師金世蓮，康國器，賀虎臣克復江西饒州府。

畢金科克饒州

太平軍自安徽太平府蕪湖進占江蘇高淳。

7,24 (六,二三) 三合會翟火姑大破都司吉勒通阿於江西定南橫岡。

7,25 (六,二四) 同知曾國華參將普承堯知縣劉騰鴻等克復江西上高(“縣志”作 7,28)。

三合會陳芝蔴等棄江西安遠(大約合翟火姑部)。

7,26 (六,二五) 北王韋正遣軍進至距南昌二十里之生米司。

7,28 (六,二七) 翼王石達開軍前隊萬餘人自湖北大冶經金牛鎮西趨咸寧山坡(時援武昌太平軍約分四路,一由義寧至蒲圻咸寧,一由興國至通山崇陽,一由武昌縣出華容葛店,一即由大冶出金牛,此路尋拆併葛店)。

同知蔣益澧,孫守信奉湖北巡撫胡林翼令自黃州撤回武昌大營。

7,29 (六,二八) 北王韋正遣軍築營於南昌西南之塘頭凌(去南昌僅數里),萬壽宮(議於秋間大舉攻南昌。吉安臨江瑞州設有船廠礮廠硝廠)。

燕王秦日綱等得鎮江援軍,於丹陽黃庄橋河西築營,欽差大臣向榮督軍禦之,總兵張國樑進攻五里牌,均不得手。

江西軍克雩都。

石達開援武昌

韋正逼南昌

船廠礮廠硝廠

7,30(六,二九)燕王秦日綱督丞相陳玉成,李秀成,涂鎮興,及李昭壽,敗總兵張國樑等於丹陽五里牌。國樑中傷。

7,31(六,三〇)向榮部總兵虎嵩林,副將王淩,張騰蛟,參將魯占鰲,張玉良,李定太,遊擊虎坤元,都司馮子材及副都統德崇額,攻破丹陽河東黃莊橋太平軍營壘五座,並平毀河西三壘。

同知曾國華,吳坤修,參將普承堯,知縣劉騰鴻等進至江西瑞州城下。

8,1(七,一)北王韋正遣水陸軍抵江西瑞河口,知府劉于濬督水師破之,獲船五隻。

8,2(七,二)衛天侯翼貴丈黃玉崑,承宣黃士福等,自江西臨江率七千餘經崇仁援撫州(擬先破此處清軍,再禦兩湖來軍),同知李元度,林源恩督周岐山,彭大壽等破之於上頓渡。玉崑棄其綠呢大轎走免。

贛南太平軍(三合會及土寇)自上猶占崇義。

8,3(七,三)北王韋正(昌輝)自江西臨江率軍三千餘援瑞州,同知曾國華,知縣劉騰鴻大破之,斬獲五百,奪其黃轎繡傘。韋正走匿鄉間,是夜入瑞州城(本日瑞州南城,即民城,已破)。

8,4(七,四)曾國藩遣守備羊瀛,萬泰,李大雄

韋正敗於瑞州

等三路自南昌渡河攻破對岸沙井太平軍營壘。

燕王秦日綱等突襲丹陽五里牌地方，總兵張國樑卻之。

8,5(七,五) 南昌對岸生米司，塘頭墪，太平軍棄營退走。

同知曾國華，吳坤修，知縣劉騰鴻，參將普承堯等大舉攻江西瑞州府城，北王韋正檢點賴裕新拒卻之。

同知李元度，林源恩，擊卻撫州出城之太平軍（知府鄧輔綸已於三日前被撤離撫州）。

皖南鎮總兵江長貴軍潰於皖南建平（今郎溪）之東夏（蘇皖交界）。

江西天地會王明經占領江西崇義。

8,7(七,七) 總兵秦如虎江長貴合敗太平軍於皖南建平，斬檢點楊彪指揮黃金福。

8,8(七,八) 捻張洛行圍攻安徽潁州府，斬都司朱淮源，祿泰，千總楊德。

8,9(七,九) 欽差大臣督辦江南軍務湖北提督向榮憂憤卒於江南丹陽（李秀成供狀謂榮自縊死，不可信）。

曾國藩遣都司彭山岷，李新華，守備萬泰，羊瀛等率軍四千自南昌赴援瑞州（此時南昌與兩湖音信漸通）。

北王韋正檢點賴裕新遣軍乘雨襲瑞州城外湘軍營

向榮卒

盤，被擊敗。

翼王石達開軍（曾國藩奏達開在此軍中）經湖北興國州西進援武昌。

8,10（七，一〇）江西撫州太平軍敗同知李元度軍（明日李軍獲勝）。

廣東三合會霍火姑自江西定南廳進攻信豐，逼近贛州。

總兵壽山，阿隆阿，道員汪報閏仍與圍攻贛州之太平軍與土寇在相持中。

8,11（七，一一）翼王石達開軍與同知蔣益澧，參將朱品隆，都司何紹彩，何慶元，遊擊張寅恭戰於武昌東南魯家港。

8,12（七，一二）北王韋正檢點賴裕新遣軍連襲瑞州城外湘軍，不利。

江西太平軍退出樂安城。

水師遊擊鮑超，都司周清元，喻吉三自武昌沙口下駛，焚樊口浮橋。

命漳州鎮總兵張國樑幫辦江南軍務。

8,13（七，一三）總兵張國樑大敗燕王秦日綱，丞相李秀成，陳玉成，涂鎮興，陳仕章及李昭壽於丹陽南門外五里牌，破營盤七個，斬殺數千人，礮斃其勇將殿左十三檢點周得賢（劇戰二日）。日綱

張國樑幫辦
軍務
張國樑敗秦
日綱於丹陽

等以所部畏縮，遂撤軍自白兔一帶南走，進攻金壇。

衛天侯翼貴丈黃玉崑以一軍攻撲撫州城外同知李元度等營，自率一軍（約六千人）出北門赴臨江瑞州，禦兩湖之軍。

8,14（七，一四）燕王秦日綱等圍攻金壇。

8,15（七，一五）曾國藩所遣之都司彭山岷等到瑞州，合湖北援軍。

8,16（七，一六）國宗韋俊督軍分六路出武昌城，撲攻洪山，謀會合援軍。道員李續賓督遊擊張榮貴，都司李續燾，趙克彰合湖北提督楊載福水師敗之。

同知曾國華自瑞州昇疾到南昌。

提督和春猛攻安徽三河，都司吳濟美傷死。

8,17（七，一七）北王韋正檢點賴裕新遣軍出江西瑞州，襲敗新自南昌來之都司彭山岷，李新華等軍，參將普承堯等卻之（韋正大約於到時離江西東返）。

檢點古隆賢率軍千餘循武昌城背青山油坊嶺江岸修築土壘，湖北提督楊載福督遊擊鮑超，都司周清元，李濟清敗之，燬其營盤。

8,18（七，一八）翼王石達開率丞相張遂謀，曾錦謙大隊進至武昌東南魯家港，

秦日綱攻金壇

石達開逼武昌

湖北巡撫胡林翼，提督楊載福，道員李續賓督軍禦之。

江西邊錢會黨自寧都州攻永豐敗清軍（是會以吉安建昌兩府爲多，以錢塗硃，描金爲字，與太平軍相通）。

安徽捻張洛行襲得樹圍攻蒙城。

以兩江總督怡良暫署欽差大臣，督辦江南軍務。

8,19（七，一九）總兵張國樑援江南金壇，遣都司馮子材入城，助遊擊李鴻勳守。

8,20（七，二〇）國宗韋俊督軍萬餘出武昌分屯雙鳳山，小龜山，賽湖隄等處，接應翼王石達開援軍。另戰船二十餘趨魯家港。提督楊載福督水師禦之。

國宗楊柳清自江西寧都州占領廣昌（“廣昌縣志”“建昌府志”均作 8,18）。

8,22（七，二二）燕王秦日綱，丞相陳玉成，李秀成等圍攻金壇等，日綱中流彈死（通常多謂日綱死於楊韋之難，李濱“中興別記”卷二十八謂金壇圍解後搜獲太平軍文卷，日綱確創斃於是日）。

8,23（七，二三）命江南提督和春往江南軍營，以壽春鎮總兵鄭士魁接辦安徽軍務。

邊錢會

秦日綱死

國宗楊柳清（一作輔清）合江西邊錢會破南豐。

貴州齋匪羅光明占領古州。總兵桂林死之。

8,24（七，二四）國宗楊柳清合邊錢會占領江西新城，知縣諸葛槐在籍知府楊堃等死之，建昌府知府何栻敗傷。

大成洪德王陳開遣平東王梁培友等圍攻廣西梧州府。

擒張洛行張得樹等敗察哈爾都統西凌阿，河北鎮總兵崇安於安徽蒙城，再占雉河集（先是崇安大殺蒙亳紳民，誣以通匪）。

命候補三品京堂袁甲三調度豫皖間剿匪軍事。

8,25（七，二五）同知吳坤修重克江西新昌。

8,26（七，二六）護軍參領舒保率馬隊援武昌，擒斬兩司馬李光發於魯家港。

8,27（七，二七）檢點賴裕新遣軍出江西瑞州府城，合奉新援軍，分二隊襲攻圍攻之江楚軍，知縣劉騰鴻，參將普承堯，都司彭山岷，滕加洪，李新華等卻之。

國宗楊柳清合邊錢會棄江西新城走瀘溪。

惠潮嘉道彭玉麟督水師與太平軍（黃文金）戰於江西南康府，未有勝負。

記名道劉于濬督水師守備李鴻泰，李逢春等敗太平軍於江西臨江口，得船九號。

8,28（七，二八）翼王石達開督衛天侯黃

張洛行再占
雉河集

石達開
敗胡林翼

玉崑，丞相張遂謀，曾錦謙等分路進逼武昌，國宗韋俊，洪仁正亦率大隊出城，水陸約七八路，夾擊湖北巡撫胡林翼軍。道員李續賓督同知蔣益澧，參將朱品隆，都司趙克彰，李續燾，訓導蔣澤雲等合護軍參領舒保馬隊，擊敗韋俊，斬獲千餘。遊擊張榮貴，都司何紹彩，瞿定國，及提督楊載福，都司李濟清，周清元等亦分別拒敗石達開軍於魯家港塘角青山（“賊情彙纂 謂明日玉崑戰歿，恐不可信，見 1857,11,23 註）。

東王楊秀清遣軍出天京破觀音門清軍。

記名道劉于濤水師再敗太平軍於江西臨江府城下，燬船二十餘號，獲米船十餘號。

同知吳坤修重克江西上高。

8,29(七,二九)國宗楊柳清合邊錢會下江西瀘溪。大成平靖王李文茂等占領廣西平南(改名武城)，殺知縣李載文。

8,30(八,一)指揮黃某，糾合江西臨江，奉新，安義，武寧之黃旗，青旗，紅旗，白旗，藍旗，雜色，鑲旗(花旗，屬廣東三合會)軍約共二萬人，四路援瑞州府，湘軍知縣劉騰鴻，參將普承

堯，都司彭山岷等敗之，斬獲千餘。

8,31(八,二) 廣東三合會練四虎侯攻清遠。

皖南太平軍自涇縣經青陽進占太平縣(即退去)。

貴州齋衆羅光明占領都勻府。

8, 兩廣總督葉名琛殺粵人數萬，誣其與太平軍三合會通(“南海縣志 卷二十亦謂劊子手剪滅日至數百)。

9,1(八,三) 北王韋正(昌輝)自江西(“中興別記”作廬州，當係自江西道經此地)，回抵天京。謀圖東王楊秀清(韋正先與翼王石達開在上游共商殺東王，韋正東返，達開留至上游軍務。又王韜“甕牖餘談 卷六，“記北賊事”，李圭，“金陵兵事彙略”，卷二，謂昌輝於中曆八月初六日回金陵，不知何所據)。

道員李續賓，參領舒保，游擊張榮貴敗翼王石達開軍於武昌魯家港。

9,2(八,四) 將軍石姓(鎮吉?)自九江援瑞州，知縣劉騰鴻劉連捷，參將普承堯，都司彭山岷等卻之。

國宗楊柳清合邊錢會敗前皖南道石景芬，斬訓導郭守謙，占領江西貴溪(許瑤光“談浙”卷一百九，謂此枝太平軍爲干王洪仁玕所率領，非邊

葉名琛殺粵人

韋正回天京

錢會，實誤。仁玕加入太平軍爲 1859 事）。清以吳振械爲四川總督，譚廷襄爲陝西巡撫。

天京內訌，北王韋正（昌輝），及夏官副丞相賴漢英，秋官正丞相羅瓊樹以計刺殺東王楊秀清（此後連日誅殺東王親戚屬員文武大小男婦，約二萬餘人）。

天京內訌

（註）楊韋媾難爲太平天国史上一重大事變。主要原因爲東王權重專橫，不惟其同輩北王翼王等受其威迫斥責，且常假天父下凡，凌辱天王，軍政教三大權實集於其一身。彼此積怨久而且深，終以外患正亟而未發。及天京解圍，東王愈驕，竟逼天王，封其萬歲。此爲事變近因。

“中興別記”卷二十八，於七月二十二日（西曆八月二十二日）條，謂東王要天王以天父意旨當稱萬歲，天王怯其勢，佯喜允之，約期八月十七日（西曆九月十五日）於東王生日晉封號，而密召北王翼王共謀誅之云云。東王何時逼天王封萬歲，雖不能確定，但決不在是日，（即西曆八月二十二日）大約應去天京解圍後不久，即西曆七月間。此書謂天王召北翼二王，李秀成供狀則謂東王封萬歲後，北翼兩王不服，密議殺東王一人。按西曆七月

東王要封萬歲

之後，北翼二王一在江西，一在湖北，無論係天王密召，或二人自商，其間最少亦需二十日左右，北王方能回抵天京。北王東返在西曆九月一日，依此推算，東王要封萬歲，至早當在八月初或七月杪。

北王殺東王

北王之殺東王，多謂係天王密召主使，未必可信，至多只能認爲天王默許：（一）李秀成供狀一再言北翼二王密謀，不言天王密召主使。並云“北王韋昌輝與翼王石達開秦日昌（綱）是齊心在家計議起事之人，後東王威逼太過，此三人積怨於心，口順而心怒，後被北王將東王殺害，原是北王與翼王二人密議。因東王爲天王信任，權太重，要逼天王封其萬歲，那時權柄皆在東王一人手上，不得不封。北翼兩王不服，密議殺東王一人”。是北翼二王素怨東王，早有圖之之心，而天王則信任之。及東王逼封萬歲，天王雖心有不快，出之勉強，似尙無殺之之心，而北翼二王則憤怨愈甚，遂出以最後對付（如認係天王主使，則可認爲秀成有意爲天王出脫，但似無此必要，供狀中對天王表示不滿處甚多）。（二）東王死後，天王仍予以贊頌，如太平天國玖年十月十日詔中云：“天曆三重識東王，降託東王是父皇。爺前下凡空中講，爺今聖旨降託楊，……謝爺降託贖病主，乃龔世人轉天堂。”（三）東王死後，天王特定‘東王昇天節’以作紀念。太平天國己未玖年十月初十日詔：“七月二十

七日是東王昇天節，與正月十三日之太兄昇天節，二月初二日之報爺節，二月二十一日之太兄及天王登極節，三月初三日之爺降節，九月初九日之哥降節，合爲每年六節，註明天曆。同年同月十四日詔亦有“七月念七東昇節，天國代代莫些忘”。足證天王於東王實異常崇禮。（四）東王死後，奏章文告仍照常列署其職銜姓名，一如南王西王。而北王職銜死後均不再列署，而由東王及干王洪仁玕分別兼領或代替。太平天國拾壹年頒行新曆奏章列銜者除東王外，有西王蕭朝貴，南王馮雲山（已死），翼王石達開（已去），干王洪仁玕，忠王李秀成，英王陳玉成，侍王李世賢，贊王蒙得恩，章王林紹璋，輔王楊輔清。東王全銜爲“傳天父上主皇上帝眞聖旨，勸慰師，聖神風，雷，禾乃師，贖病主，左輔正軍師，後師，殿中軍兼右軍，東王楊”，干王全銜爲“開朝精忠軍師殿右軍干王洪，東王所兼“雷師”及“右軍”，與干王之“殿右軍”原屬北王（於此又可知東王之死或出於北王擅殺，北王之死，則確出諸天王意旨）。（五）戊午八年“醒世文”於金田起義歷敘東西南王之功，不及北王。己未九年改刻“天情道理書”有“復差東王佐輔朝綱，救饑贖病，及西王南王昌輝翼王匡扶盛治”，於昌輝直書其名，不稱北王。（六）據“江南春夢庵筆記”天王於“天堂路通”

之石碑上鐫列已死各王爵銜姓名，如東西南英諸王，獨無北王。(七)“朝天朝主圖”中無北王位次。(八)太平天國拾年九月三十一日天王詔爲幼東王(卽東王子)預作九重天廷。西王南王亦均以其子繼任其職，北王子獨無(見 Oliphant, “額爾金出使中日記”，卷二，頁462)。(九)洪仁玕“資政新篇”附論用兵之法，中有云：“東王，西，南，翼王，羅大綱等所以屢戰屢勝者，亦先聲奪人，聞風而竄。不提北王。(十)張汝南“金陵省難紀略”云：“方北賊之窮搜東黨也，洪賊使人謂曰：爾我非東王不至此，我本無殺渠意，而今已拏戮之，此屬又何辜，毋乃傷天父好生心，以寬縱爲宜。(十一)李秀成供狀又云：“天王欲治韋志俊之罪，又經我在天王駕前力保”。志俊爲北王弟，天王何以欲治其罪，雖不可知，要亦可見天王之惡韋氏。

就(二)(三)(四)(五)(六)(八)六事總觀，天王不惟對東王無惡怨，且於身後予以殊典，以示敬禮追念(於北王則反是)，足證秀成供狀中天王信任之不誣，而知東王之死，非天王死之，實乃北王死之。

事變發生日，在民國二十年八月十一日編者未見李濱之“中興別記”以前，已定爲是日(9,2:(一)太平天曆以七月念七日爲東王昇天節，按太平天國

六年七月二十七日即咸豐六年八月初四日，即西曆一八五六年九月二日。(二)同治“鄱陽縣志”卷二十一(頁十五)謂北王韋昌輝於咸豐六年七月下浣(8,21—30)取道鄱陽進往安徽建德。八月二十二日北京得副都統德興阿，詹事翁同書(時在揚州)奏：“據署江浦縣知縣袁瑞麟稟稱，八月初六日(9,4)擒獲賊首偽旅帥譚盛條一名，供出偽北王韋姓於本月初三日自上江敗回，帶有逆船二百餘隻下駛，已由金陵登岸(“方略”，卷一六，頁二〇)。“金陵省難紀略”云：“東賊軍令，凡偽官率衆出而敗回者，不准入城，必待寇他處獲利乃許入。時北賊寇江西敗回，(大約指瑞州之戰，亦不准入，頗懷憤怨，得洪賊函，即晚率三千餘人，遽入庫門，圍東賊宅，自攜數賊入殺東賊及其妻小。……天旣明，函首致天賊。9,1北王入天京，9,2殺東王，正相合。“太平天國野史”“韋昌輝傳”謂昌輝自江西馳歸，先入東王府稱賀天京解圍，秀清以其江西戰敗託厲備至。越日，秀清招昌輝宴，昌輝於席間抽刃戕之。所記情形稍異，而時日大致相符。(三)李秀成供狀云“攻打丹陽，又不得下，……只得把全軍攻打金壇，亦未能得。連打二十餘日，與張國樑戰……攻城未克，然後移營回紮丁角村，離句容二十五里。東王被殺，正是此時之事。按攻丹陽不下事在陰曆七月十三日，進攻金壇

在十四日，移營句容在八月初六日，（中間適二十二日）。東王之死，自在此時，但不能認為即在此日。秀成時不在天京，所得消息乃事後報告（初六日或即其得到消息之日），加之八年以後就記憶追述，自難記其確日，僅能誌其大致。但與初四日相差不過二日。（見367頁）（五）李濱“中興別記 卷二十九，八月初六日條有“僞北王韋昌輝承天王詔，以計刺殺僞東王……””。其所定月日，大約係據天曆七月二十八日推定，依吾人推合，天曆七月二十八日為陰曆八月初五日，但如以天曆甲子與陰曆甲子符合，則誤為八月初六日矣（參看“太平天國曆法考訂”）。（四）陰曆九月間，李續賓自武昌復曾國藩書云：“楊秀清經韋昌輝殺戮，此事傳說已有月餘，似是確耗”。（“李忠武公遺書”，書牘，卷上，頁一七）。核計時日，亦大體相近。惟其致王鑫書則云：“七月二十八日楊秀清經韋昌輝殺戮，想已得聞”（同上，卷下，頁一五）。此月日想為天曆，大約係在武昌附近截獲太平軍文報，所載如是，誤以為陰曆。據“金陵省難紀略”，北王之殺東王，乃在夜晚，翌日始告天王，固可二十七或二十八日兩屬。（六）陰曆九月十一日北京得德興阿翁同書奏：“據派防觀音門總兵陳世忠稟稱，八月十五六等日，見有長髮屍骸不可數計，由觀音門內漂流出江。內有結連網縛，及身穿黃衣黃褂

者。當經探得金陵逆賊內亂，自相戕害，首逆楊秀清已被殺死，並殺楊逆黨與多人。覈與各營縣所報俱符（“方略”，卷一六二，頁二六）。亦可作一種附證。

九月十六日北京得浙江巡撫何桂清奏：“探報金陵賊首於七月二十二日起，閉城自相戕害，首逆楊秀清已被韋逆殺死，凡楊逆黨與均經被殺，一月有餘，尙未開城（“方略”，卷一六二，頁三一）。此月日如係指東王之死，則失之太早，如係指東王逼封萬歲，則又失之稍遲。“中興別記 逼封萬歲於是日之下，或即受何奏暗示。

十月初三日北京得欽差大臣兩江總督怡良奏：“查僞北王韋逆由丹陽敗回金陵，楊逆閉門不納，逆首洪秀泉開門放進，因此起釁，互相戕殺。又楊逆向洪逆索取僞印，意圖并吞，洪逆將韋逆調回，殺死楊逆及其親屬（“方略”，卷一六三，頁六）。此說則爲各種傳聞之并湊，時間先後既誤，事實原因亦欠正確。李慈銘“越縵堂日記補”，丙辰十月二十二日條有云：“賊僞北王楊秀清被僞東王韋政代其位，聞前月某日事也（丙集下，頁六）。則全係轉述，九月初旬，浙撫何桂清始得知天京之變，慈銘在紹興，消息自更遲。且誤將楊韋王號互易。

9,3 (八,五) 捻張洛行等再敗總兵崇安於皖北雉河集。

9,4 (八,六) 地官副丞相李秀成，冬官丞相陳玉成，春官丞相涂鎮興，夏官副丞相陳仕章，及捻李昭壽，因總兵張國樑之壓迫，撤江蘇金壇圍，移營離句容二十五里之丁角村。

9,5 (八,七) 翼王石達開軍自武昌魯家港移營後退，道員李續賓督遊擊張榮貴，護軍參領舒保等乘機進擊，太平軍隊伍大亂，紛紛下走葛店華容。李軍平其大壘十三座，斬獲千數百名。

國宗楊柳清合江西邊錢會經弋陽占領鉛山河口鎮。

9,6 (八,八) 海盜擾廣東上川島。

國宗楊柳清及邊錢會攻江西鉛山，知縣張詔南都司吳廣生敗死。

9, 皖北三河太平軍守將洪成春具文到天京告急，地官副丞相李秀成率部往援。

9,7 (八,九) 安義鎮總兵饒廷選，應江西廣信府知府沈藻楨，自浙江常山統兵二千到廣信助守。

9,8 (八,一〇) 國宗楊柳清合邊錢會占領江西鉛

李續賓敗石達開

山。

授江南提督和春爲欽差大臣，督辦江南軍務。

欽差大臣和春

總兵江長貴復皖南太平縣，太平軍西入羊棧嶺。

9,9 (八, 一一) 國宗楊柳清合邊錢會圍攻江西廣信府，知府沈葆楨，總兵饒廷選禦之（葆楨之妻爲林則徐女，在城中助守）。

邊錢會圍廣信府

指揮艾春榮湖戰死於江西袁州。

9,10 (八, 一二) 湖北按察使李孟羣，副將王國材，參將顏朝斌等力攻漢陽府。

檢點賴裕新屢遣軍出江西瑞州府城撲攻，湘軍同知劉騰鴻，副將普承堯等卻之。

9,11 (八, 一三) 湘軍同知吳坤修克復江西靖安，敗指揮周春。

皖南太平軍自太平經羊棧嶺破黟縣城西走。

9,12 (八, 一四) 皖南太平軍進占祁門，知縣匡森等死之。

9,13 (八, 一五) 命安徽壽春鎮總兵鄭魁士會同巡撫福濟督辦安徽軍務。

國宗楊柳清及邊錢會爲總兵饒廷選，遊擊賴高翔，守備畢定邦所敗，撤江西廣府圍，走興安德與。

安徽來安人葛高培占領縣城，江浦守將檢點吳江助之（翌日退去）。

和春克三河

9,14 (八,一六) 同知吳坤修克復江西安義。

9,16 (八,一八) 江南提督和春, 副都統麟瑞等克復安徽三河 (去廬州府約九十里, 已圍攻十月之久), 擒指揮張大有, 將軍秦標盛等。守將洪成春經巢湖敗走。清參將程智泉戰死。

總兵江長貴克復皖南祁門, 太平軍入江西浮梁一帶。

將軍朱衣點自江西上高到分宜。

和春克廬江

9,18 (八,二〇) 江南提督和春, 都統麟瑞及團練吳長慶克復安徽廬江 (太平軍已占領二年), 擒檢點吳仕文 (政) 黃大合, 將軍高長等 (“廬江縣志” 作 9,21)。

9,19 (八,二一) 都統都與阿, 提督孔廣順等破湖北黃州團風, 太平軍東走。

總兵張國樑, 副將王浚攻破鎮江寶堰, 進至句容行鄉鎮。

9,20 (八,二二) 總兵傅振邦, 明安泰, 副將秦如虎, 遊擊虎坤元克復江南高淳東壩。

命將前幫辦揚州軍務之侍郎雷以誠發往新疆效力贖罪。

傅振邦克高淳

9,21 (八,二三) 總兵傅振邦等克復江南高淳。

已革山東巡撫張亮基發往安徽, 隨同福濟辦理軍務。

9,23 (八,二五) 兵部尚書魯某率軍自江西義寧進

至湖北通山咸寧交界，知縣黃鍾鳴拒卻之。

國宗楊柳清（輔清？）合邊錢會自江西德興進占安徽婺源。

9, 25（八，二七）檢點賴裕新出江西瑞州，合奉新援軍，分三隊撲攻，湘軍同知劉騰鴻，知縣劉連捷等卻之。

湖廣總督官文督軍擊退來援漢陽府之太平軍。

9, 26（八，二八）檢點傅忠信自江西吉安府到永新，留先鋒李雅（阿）鳳守府城，（忠信擬援袁州府）。

9, 28（八，三〇）國宗楊柳清占領皖南休寧，進攻徽州。

9, 29（九，一）翼王石達開部（潮匪即天地會）占領江西樂平（即去）。

9, 30（九，二）候選知府李元華，知州林蘭，克復安徽無爲州。

10, 翼王石達開與丞相曾錦謙，張遂謀自武昌洪山回抵天京（曾國藩奏黃玉崑亦自江西回，不可信，時玉崑已死），責北王韋正濫誅，勸免殺東王楊秀清親屬部黨。韋正頓生他心，欲併殺達開，達開得悉，縋城而去，走往安慶。韋正即殺達開全家。

石韋衝突

(註)此事發生時間，約在陰曆八九月之交，是年(陰曆)十月初三日北京得兩江總督怡良奏：“洪逆將韋逆調回，殺死楊逆及其親屬。僞易(翼)王石達開聞信趕回，與韋逆又起爭端，石逆逃赴上江，糾集黨與，欲圖報復(“方略”，卷一六三，頁六至七)。又陰曆九月間李續賓復曾國藩書有云：“邇來並聞石逆與韋逆不睦，石往張家祥處投誠，以三十檢點爲質，收復九江安慶爲進見爲之偕”(李忠武公遺書，書牘，卷上，頁一七)。核計時日，怡良之得此消息，至遲當在九月二十五日左右，續賓之得知此事，亦不出是月。是此事之發生，最少當在九月二十日以前。

“中興別記”謂九月二十七日達開始得天王圖殺東王密詔。旋聞韋昌輝大誅東黨，疾馳還江寧，咎昌輝太酷。“金陵省難記”謂天王畏昌輝之偏，急使人召達開，達開歸，城局已三月，隻身入，與昌輝語不和。此二說於時間上均不可信，以失之太遲。

10,1(九,三)湖北襄陽高二仙亂起，攻樊城。
曾國藩自南昌至瑞州勞師。

10,2(九,四)湘軍同知李元度遣舉人陳大力等自
江西撫州克復宜黃(一作9,29)。

總兵壽山，阿隆阿等敗贛州附近太平軍及土

寇。

10,3 (九,五) 湖北提督楊載福率水師營官王明山，周清元等擊燬自九江安慶護糧西上之太平軍船隻百五十餘號於蘄州，進至田家鎮。

10,4 (九,六) 國宗楊柳清戰死於徽州，副將周天受解徽州圍。

江西撫州太平軍出城撲攻江楚軍營，互有傷亡。

總兵張國樑督軍攻江南句容，守將周勝富卻之。

欽差大臣和春自皖北三河起程赴江南。

10,5 (九,七) 編修李鴻章克安徽巢縣東關。

10,6 (九,八) 江西撫州太平軍乘勢分路襲攻，斃江軍營官知縣耿光宣。

10,7 (九,九) 湘軍同知李元度部舉人陳大力，守備劉長培，彭元坤等克復江西崇仁。

湖北提督楊載福率水師自田家鎮回駐沙口。

10,8 (九,一〇) 廣州中英“亞羅 划艇事件”起。

提督鄧紹良攻寧國府，守備陳再受戰死。

10,9 (九,一一) 軍略余子安，檢點黃天用，指揮黃陽巢潤章屢出江西撫州襲城外同知李元度林源恩等軍，元度等頗爲所苦，退紮四五里許以自保。

10,10 (九,一二) 湘軍道員王鑫率部自長沙北防岳州。

天地會大成王洪德陳開，平東王梁培友及黃全義
占領廣西貴縣，毀神像。（陳開封全義為咸國
公）。

10,11（九，一三）太平天国進士陶金湯擾皖南祁
門（10,15 敗走）。

10,13（九，一五）襲職夏官丞相周勝富自句容分
路襲攻，總兵張國樑督副將王浚，參將李若珠敗
之於吉利村。

總兵傅振邦，參將虎坤元，李定泰等直抵江南溧水
城下，敗太平軍，斬獲千計。

太平天国兵部尙書魯某繞道湖北崇陽進至咸寧汀泗
橋，圍咸寧縣城。

捻張洛行部五旗逼安徽宿州，占領濉溪口（此枝爲
北路）。

10,14（九，一六）太平軍三千餘人（潮匪）自安
徽祁門入江西景德鎮，經樂平，安仁，至東鄉，
趣許灣，援撫州，合城內守軍夾擊湘軍同知李元
度，林源恩，都司唐德陞等，斷其與南昌交通道
路。

10,15（九，一七）江西撫州守將軍略余子安指揮
巢潤章黃陽及援軍大破湘軍同知李元度等，陷其
大營，斬同知林源恩，都司唐德陞，及兵勇四
百，元度突圍走崇仁。

提督秦定三大破安徽桐城太平軍營壘，截獲糧

湘軍敗於撫
州

車。

10,16 (九,一八) 欽差大臣督辦江南軍務和春自皖北抵揚州，即渡江赴丹陽。

江西太平軍再占上高，斬知縣傅自銘，守備詹榮清。

兵部尚書魯某攻湖北咸寧不下，撤圍東南走。

10,18 (九,二〇) 曾國藩自瑞州還至南昌。以撫州軍敗，省城戒嚴。

南昌戒嚴

10,23 (九,二五) 江西臨江太平軍援袁州，湘軍道員劉長佑，知府蕭啓江迎擊敗之，獲其油鹽彈藥。

10,24 (九,二六) 總兵江長貴敗太平軍於皖南休寧，斃楊國宗(東王之侄)。

10,25 (九,二七) 江西太平軍占新淦。

10,26 (九,二八) 總兵音德布克復安徽和州。

10,27 (九,二九) 安徽巡撫福濟，總兵鄭魁士，督副都統麟瑞，總兵吉順，嵩瑞，副將札隆武，遊擊江忠信，編修李鴻章等攻克安徽巢縣，斬獲數千，燬船千餘。尚書林某，指揮黃某等均死之，將軍周雍和，旅帥林壹分被擒。

福濟克巢縣

10,28 (九,三〇) 皖南太平軍復占黟縣。

11,29 (一〇,一) 提督秦定三敗地官副丞相李秀成於安徽桐城，擒檢點韋某，丞相藍某，指揮黃某，將軍范某多人。

- 10,30 (一〇,二) 知府李元華克安徽無爲州。
 檢點傅忠信自江西吉安府合龍泉，永新安福，臨江軍到分宜，營彬江。
- 10,31 (一〇,三) 命西安將軍福興自江南赴江西會辦軍務，以和春署理江寧將軍(福興與張國樑不合)。
- 11,1 (一〇,四) 前江西巡撫張芾，總兵江長貴，副將周天受克復休寧。
 同知曾國華，劉騰鴻等分軍再克江西上高。
 檢點傅忠信援江西袁州，道員劉長佑拒之，忠信受傷(駱秉章奏，稱忠信死於11,10,不可信)。
- 11,2 (一〇,五) 安徽廬江知縣何輝級，擒斬將軍徐漢章。
- 11,3 (一〇,六) 副將周天受克復皖南黟縣。
- 11,4 (一〇,七) 江西太平軍再占崇仁(同知李元度軍先期撤貴溪)。
- 11,5 (一〇,八) 江西太平軍再占宜黃(一作11,7)。
- 11,6 (一〇,九) 湖北襄陽寇史繼策占領河南鄧州。
 江西太平軍(監軍冷某)占領金谿。
- 11,7 (一〇,一〇) 檢點賴裕新遣軍三枝撲攻江西瑞州城外湘軍，爲自上高回營之朱祖貴，黃澤遠等拒敗。
- 11,8 (一〇,一一) 翼王石達開自安慶渡

江過池州，青陽太平，本日進入涇縣境內，東討北王韋正（達開衆約四萬人，大約武昌洪山軍亦在內）。

11,9（一〇，一二）嚴旨責令欽差大臣湖廣總督官文，湖北巡撫胡林翼乘金陵楊韋石等內闕，克復武漢，移師東下。

11,10（一〇，一三）翼王石達開圍攻皖南涇縣。國宗韋俊遣軍自武昌渡江，知縣李光榮礮擊敗之。

副將顏朝斌攻漢陽沌口，擒總制朱長清（春）。道員王鑫，同知張運蘭克復湖北通城，斬金十二副將軍張庸中，擒協理官魯三元。

命福建提督秦定三自桐城北上，會同河南巡撫英桂剿捻（12,8 仍令留桐城）。

11,11（一〇，一四）地官副丞相李秀成與提督秦定三在桐城連戰十餘日，不利（秀成遣捻李昭壽招降張洛行龔得樹等。捻衆與太平軍正式合作）。

李秀成援桐城

太平軍與捻

捻張洛行圍攻徐州府（二日後撤圍走）。

11,12（一〇，一五）武昌城內糧缺，本日後國宗韋俊遣軍出城突攻（韋俊爲韋正之弟，大約此時已得知天京內闕，韋石尋仇事）。

11,13（一〇，一六）地官副丞相李秀成敗斬參將

江忠信（忠源族弟，年二十四）於安徽桐城，總兵鄭魁士本日由巢縣往援。

檢點傅忠信等援江西袁州，爲道員劉長佑同知蕭啓江等所敗，退回分宜。

欽差大臣和春自江南丹陽移營句容。

11,15（一〇，一八）副將普承堯，同知曾國華，劉騰鴻，都司萬泰，滕加洪等四路猛攻江西瑞州城，檢點賴裕新拒敗之。

同知吳坤修力攻江西奉新，把總王吉昌陣亡。

11,16（一〇，一九）翼王石達開占領皖南涇縣，知縣崔琳，都同梁宏元，馬興國均死之。另枝自上游乘船下駛。

欽差大臣和春，幫辦軍務張國樑力攻江南句容，守將龔職夏官丞相周勝富敗之，和春中傷，參將李鴻助陣亡。

11,17（一〇，二〇）清廷聞韋正石達開失和，達開出走，命曾國藩豫籌招撫處置達開之法（12,14國藩奏覆，主立功贖罪，獻城爲質。又國藩致書達開招降，或在此時。李元度亦有書致達開勸降）。

江西建昌府太平軍守將（總制？）所派之監軍朱興運到瀘溪任事（時建昌守將應爲龔炎休）。

11,19（一〇，二二）道員劉于濬督水師克復江西新淦。

和春移營句容

招撫石達開

江西宜黃等處太平軍援建昌府，敗閩軍副將張從龍軍於大安橋，斬把總蘇廷美等。

皖捻龔得樹自亳州逼太和，清侍衛穆騰阿等敗之（此枝爲南路捻）。

11,20（一〇，二三）豫天侯陳玉成與提督鄧紹良，副將周天受大戰於皖南寧國府夏家渡，不利（翼王石達開本日自涇縣來援。據李秀成供狀，玉成此時已封成天豫，據胡林翼奏，玉成初封豫天侯，成天豫之封在後，似可信，今從之）。

11,21（一〇，二四）江西建昌府守軍張三和合宜黃一帶援軍大破圍城之閩贛軍，閩軍副將張從龍，琳潤，張大雄等突圍潰走。

閩贛軍敗於建昌府

湘軍道員劉長佑遣軍收復江西分宜（太平軍先走），斷袁州外援。

11,22（一〇，二五）江西建昌府太平軍張三和攻破城外清軍營盤，斬閩軍副將陳上國，守備伍連青，通判呂文忻，閩贛軍紛潰。

同知曾國荃率兵二千自長沙取道萍鄉，援江西。

曾國荃援江西

11,23（一〇，二六）鄂軍知府唐訓方參領舒保大破襄陽一帶土寇朱中瑞黃其中等，擒前陷河南鄧州之史繼策。

湖北提督楊載福率水師參將王明山，遊擊周清元，

陳金鼐，李濟清等攻燬武昌鮎魚套，漢陽南岸嘴太平軍戰船二十餘隻，糧船三十餘隻（是役後武漢太平軍戰船僅餘十二號）。

總兵鄭魁士提督秦定三敗地官副丞相李秀成於桐城東門。

貴州提督孝順，雲南總兵巴揚阿克貴州都均府，敗齋匪。

11,24（一〇，二七）江西袁州守將春分（官）副侍衛李能通書使喻春榮降於道員劉長佑。

太平軍張天燕洪春發攻江蘇浦石磧。

11,25（一〇，二八）皖捻張洛行襲得樹復合，屯於皖北雉河集，曹市集。

11,26（一〇，二九）道員劉于濬，知縣康國器督水師敗太平軍於江西臨江。

11, 天王以北王韋正（昌輝）“勢逼大重，”“亂殺文武大小男女，”得知翼王石達開大軍東逼，與“各衆內外，合朝同心，”共誅韋正，“人心大定。”即將其首級，解至寧國府，交達開驗看。旋達開即回天京，“合朝同舉……〔其〕機理政務，衆人歡悅”（李秀成供狀。達開回京掌政，大約在十一月杪）。

天王誅韋正

(註)據曾國藩是年十一月十七日(陰曆)奏覆江西軍情摺引十月二十日上諭：“聞楊逆被殺後，石逆不服，逃出金陵，洪逆現懸重賞，購其首級。其自陳云：“據各路探報，石逆糾集匪黨十餘萬人，前往金陵，誓殺洪韋二賊，爲楊秀清報仇。前曾證明東王被殺，非天王主使，清廷及國藩所得報告，未必可靠：(一)達開移師東下，主旨爲報全家被殺之仇，恨怨全在北王；(二)北王首級解至寧國之後，達開卽行入京，足見彼時與天王並無惡意；(三)據李秀成供狀殺東王乃達開與北王密謀，可知其與秀清並無好感；(四)天王懸賞購擊，係北王所爲，彼時北王正專權，逼迫天王出此，自在情理之中。“金陵省難記略”云：“北賊果率衆圍其(翼王)居，搜翼賊不得，疑避洪賊所，遂執妻小去要洪賊，洪力白其無，乃殺之，暴示翼賊反顧偏心罪，懸賞格，有得翼賊者，官丞相，金六百兩”。及後北王被殺，天王“函其頭，啓致翼賊，收滅前賞格，召之還”。

北王韋正之誅，(一)係“出自合朝同心”，東王翼王之黨自更賣力。(二)係出自天王意旨(既憤其專橫殘暴，復逼於翼王)。故於其死後，併其爵銜名位根本削去，不再見之奏章，(“金陵省難記略”謂先是達開縱城走後，北王圍天府索之，鎗礮互施。北王遭擒後，被支解，割其肉方二寸。

似達開逃走後，北王即與天王衝突，而終被誅）。

北王被殺時間，就“金陵省難記略”察之，似在達開出天京後不久，惟細審李秀成供狀，應在達回救寧國之時，即陰曆十月中旬：（一）十月十三日北京得安徽巡撫福濟壽春鎮總兵鄭魁士奏：“逆首石達開現在安桐”（“方略”，卷一六三，頁二六）。計其時日，大約九月杪達開尚在安慶桐城之間。十月初始渡過皖南。（二）十一月初八日北京續得福濟鄭魁士奏：“逆首石達開踞守安慶，久在湖北江西一帶竄擾，最稱兇悍。現雖金陵內亂，洪韋二逆自相仇殺（此亦可證達開出走後天王北王即開始衝突），然上游江楚各郡，皆石逆黨與盤踞”（“方略”，卷一六五，頁二一，至二二）。是韋正被殺消息十月杪皖北已有所聞，則此事發生最遲應在陰曆十月二十日左右。（三）十一月二十二日上諭：“朕聞逆匪石達開已入金陵，將城中逆黨，盡行殺戮，惟洪逆韋逆無下落，未知是否確實”（“方略”，卷一六六，頁五）。又同月二十三日北京得浙江巡撫何桂清奏：“十一月初一日，該提臣（鄧紹良）親至夏家渡督戰，……賊壘十六座悉數踏平。查石達開糾黨從涇縣竄入寧國，……鬼蜮之伎，變幻百出。鄧紹良等探知石達開已往金陵”（“方略”，卷一六六，頁六）。十一月初，李續賓復劉蓉書云：“楊逆伏誅之後，韋逆又死於洪手，石逆已入金陵城。

日昨初二(按係十一月初二)，袁州業已克復”(李忠武公遺書，書牘，卷下，頁六)。凡此均可證十月杪達開已入京，換言之，十月中旬韋正必已伏誅。

11,28 (一一，一) 提督鄧紹良，副將蕭知音，知府仲孫懋等敗豫天侯陳玉成及翼王石達開軍於寧國府夏家渡，圍山，七里岡，毀平營壘十六座(時翼王已往天京)。

以彭蘊章爲大學士，翁心存協辦大學士。

11,29 (一一，二) 江西袁州守軍侍衛李能通黨開城納湘軍道員劉長佑，知府蕭啓江，知縣劉坤一，遊擊劉培元，田興恕軍，擒殿右四十二檢點黃毓生，及指揮楊如松，旅帥李春等。

湘軍克袁州

湖北光化知縣書紳督團勇收復縣城，太平軍合土寇退走。

贛南土寇蕭沅沸占領定南廳。

11,30 (一一，三) 侍衛穆騰阿，總兵崇安，副將朱連泰追擒張洛行龔得樹至安徽蒙城曹市集。

12,1 (一一，四) 鄂軍知府唐訓方，鹽道常恩，參將舒保再敗襄陽土寇張文治於樊城。

擒張洛行等敗侍衛穆騰阿，總兵崇安於蒙城曹市集，斬遊擊德祿，佐領松志。穆亦受傷。

擒敗清軍

廣東三合會陳金剛，練四虎侯，陳帶等大破清遠兵勇，圍攻縣城，知縣程兆奎自盡（明年三月解圍。金剛今年初在湘南失敗，走連州，又回清遠）。

12,2（一一，五）地官副丞相李秀成自安徽桐城夜襲總兵鄭魁士營，斬副將蕭同福，遊擊葛茂永。鄂軍總兵德恩克復老河口，擒邱添祿，及元帥楊玉奎，雷正洪，劉輝基，總制胡友明，監軍華貴，指揮雷政富等。

援黔湘軍肅清銅仁府亂。

12,3（一一，六）以晏端書爲浙江巡撫（何桂清以病免）。

12,4（一一，七）檢點李同，將軍黃光耀等敗江西武寧團勇，占領縣城。

12,5（一一，八）鄂軍知府唐訓方等圍攻襄陽府楊家集（土寇及太平軍根據地）。

12,6（一一，九）湘軍千總張金壁克江西建昌縣（尋又被占，12,29再克復）。

12,7（一一，一〇）鄂北土寇趙邦壁占領隨州（12,24同知李光榮率川勇平之）。

12,8（一一，一一）湘軍經歷鄭奠及知縣冒溶克復江西武寧，檢點李同將軍黃光等敗走。

湘軍道員王鑫，遊擊朱南桂斬擒總制章再培先鋒胡老貴於湖北崇陽。

命壽春鎮總兵鄭魁士會同河南巡撫英桂剿辦捻匪，福建提督秦定三仍留安徽桐城，會同安徽巡撫福濟督辦南路剿匪事務。

12,9 (一一, 一二) 潮州鎮總兵壽山贛州鎮總兵阿隆阿克復江西崇義。

命勝保發往安徽軍營，交巡撫福濟差遣委用。

12,10 (一一, 一三) 同知曾國荃(自萍鄉來) 合前副將周鳳山(自萬載來) 克復西西安福，敗監軍李明友(鳳山前自贛回湘募勇，謀援吉安，湖南巡撫駱秉章亦遣國荃率勇二千入贛，吉安知府黃冕，前湖北布政使夏廷樾繼之)。

曾國荃克安福

江西太平軍再占樂安，知縣高學易死之。

12,12 (一一, 一五) 國宗韋俊遣軍約二萬人出武昌，分四路進攻，背城決戰，湖北巡撫胡林翼命同知邢高魁率參將朱品隆，都司李續燾，楊德武，訓導李景湖，鄒漢章等各路禦拒，卻之(韋俊自上月二十九日至昨日常於夜間出城襲營)。

12,14 (一一, 一七) 都司畢金科，林保，岳炳榮，把總朱洪章等敗自皖南來之太平軍於江西饒州陶溪渡。

12,16 (一一, 一九) 同知曾國荃，副將周鳳山，都司蕭浮泗，陳光浮連敗自江西吉安援安福之太平軍於大汾里田。

12,17 (一一, 二〇) 江西奉新太平軍與湘軍同知

吳坤修，副將曹承堯連日激戰。

湖北土寇占領安陸府。

12,19 (一一，二二) 湖北巡撫胡林翼，湖北提督楊載福，記名道李續賓攻武昌。載福水師先斷攔江鐵鎖，盡毀其剩存戰船（參將周清元傷卒）。國宗韋俊（即韋志俊，韋十二），洪仁正洞開各門，七道並出，林翼等督同知邢高魁，參將張榮貴，周寬世，朱品隆，遊擊何紹彩，張寅恭等迎擊敗之，乘勝克復武昌，斃太平軍約萬餘，擒檢點古又新，賴集興，指揮周宏元，將軍陳得高，鄧世俊，黃開發，及總制軍帥旅帥典官等五十四人，先鋒黨與八百餘人（武昌不守原因，其一被圍已久，外援復絕，其二或以天京內亂，韋正誅後，韋俊爲正弟，感覺不安，無心再守。又韋俊退出武昌後，不久即入江西）。

欽差大臣湖廣總督官文 湖北按察使李孟羣，總兵楊昌泗，王國才，副將顏朝斌，翼長巴揚阿，平海等克復漢陽，斃丞相（尙書？）鍾某（大約秋官副丞相鍾廷生），

胡林翼克武昌

官文克漢陽

指揮劉滿，及軍士二千餘，擒將軍，師帥，旅帥，兩司馬五百餘人。

湘軍道員王鑫，同知張運蘭等擒協理熊正良，傅雲魁於湖北通城。

12,20 (一一，二三) 胡林翼遣道員李續賓，統陸師遊擊何紹彩，張寅恭，參將朱品隆等三路東追，進至樊口。提督楊載福統水師順流而下。

將軍朱依點率軍二千自江西新喻西進，湘軍道員劉長佑派隊拒之於分宜(衣點自新淦來)。

安徽軍知府李元華克復潛山。

12,21 (一一，二四) 署湖北提督楊載福道員李續賓水陸師合克湖北武昌縣。

秋官副丞相鍾廷生，殿右二十檢點辛(章)成金(武漢管帶水營頭目)，指揮李積芳，范勝，潘金水，胡新法被湖北江夏縣(武昌)團練擒獲。(二十五日被殺)。

12,22 (一一，二五) 湖北提督楊載福，江寧將軍都興阿合克湖北黃州府。

都司畢金科等再敗太平軍於江西饒州線洲。

12,23 (一一，二六) 楊載福都興阿克復湖北蘄州，固宗韋俊退廣濟黃梅。

道員李續賓，知府邢高魁，參領富新克湖北大治。

李續賓克大治

知縣劉繁克復湖北蘄水。

浙江提督鄧紹良力攻安徽寧國府，奪妙高山（時豫天侯陳玉成應李秀成召，離寧國往樅陽商解桐城圍）。

12,25（一一，二八）楊載福率水師參將王明山李濟清等進至鄂東廣濟龍坪，太平軍戰船六十號迎擊不利，沈燬三十餘號。

武昌克復，命胡林翼補授湖北巡撫，並賞給頭品頂帶，楊載福李續賓亦各有升賞。

從胡林翼奏，准仍照曾國藩原定章程，每勇每日支銀一錢五分，長夫每月支銀二兩四錢。

12,26（一一，二九）湖北提督楊載福率水師進至九江，奪燬太平軍船隻約百號。

道員李續賓王鑫克復湖北興國州。

檢點熊國才，土寇高二仙，張瞎子等占領湖北房縣。

12,27（一二，一）曾國藩自南昌赴吳城鎮晤道員彭麟。

12,28（一二，二）浙江提督鄧紹良，道員胡元博克復安徽寧國府，斃丞相朱鳳魁（守城之‘潮匪’先走，復自婺源入江西）。

江寧將軍都興阿，提督孔廣順，營總多隆克復湖北廣濟。

李續賓克興國

鄧紹良克寧國府

12,29 (一二,三) 湘軍千總張金壁，從九段起，
把總李華榮再克江西建昌縣。

知府李元華克復安徽潛山(已失四年)。

12,30 (一二,四) 道員劉長佑自江西袁州進至分
宜，將軍朱衣點退新喻，扼寶山。

廣西天地會黃鼎鳳黃全義(屬洪德王陳開)屠貴縣
西山村數千人。

此
页
空
白

1857——咸豐七年丁巳，太平天国丁巳七年。

1,1 (一二,六) 江西太平軍退出瑞昌，記名按察使李續賓復之，擒探花舒三崎。

探花

1, (一二,初) 豫天侯陳玉成，地官副丞相李秀成在皖北安慶府樅陽商定戰略（由秀成繪定，進攻圖式，與玉成細講），以清軍提督秦定三對面備防甚嚴，決出奇兵制勝。秀成仍回桐城，玉成由樅陽東下。

陳李樅陽之會

1,2 (一二,七) 記名按察使李續賓遣軍收復江西德安。

湘軍候選知縣劉拔元，訓導胡兼善自湖南桂東援江西，克崇義，敗天地會王明經（一作 1,6）。

劉胡援江西

1,4 (一二,九) 道員劉長佑率知縣劉坤一及投誠之李能通，克復江西新喻，將軍朱衣點退羅坊。

記名按察使李續賓率軍萬人抵九江城下。

江寧將軍都興阿率翼長多隆阿，總兵王國才，都司石清吉克復湖北黃梅。

1,5 (一二,一〇) 知府李元華克復安徽太湖。

武昌鹽法道常恩，四川松潘鎮德恩，參將舒保敗鄂

北太平軍及土寇於房縣，擒檢點熊國才。

魯軍敗捻於山東金鄉，擒捻首王方雲王三托盤嘴。

1,6 (一二, 一一) 鄂北太平軍及土寇(張一瞎子)占領竹山。

17 (一二, 一二) 鄂北太平軍及土寇(高二仙, 馮二典, 張老六)棄房山。

湘軍同知趙煥聯克復江西永寧，擒協理王起盛。

湘軍知府蕭啓江克復江西上高。

1,8 (一二, 一三) 記名臬司李續賓提督楊載福水陸軍開始攻九江。

皖南太平軍自南陵經石埭黟縣占祁門(1,12總兵江長貴復之, 太平軍走浮梁)。

1,9 (一二, 一四) 山東捻破鉅野(尋即退去)。

湘軍同知趙煥聯克復江西新淦。

鄂北太平軍及土寇(高二仙等)占領保康。

1,11 (一二, 一六) 豫天侯陳玉成自皖北樞陽東下, 占無爲州, 敗知州葉藩, 下湯頭鎮及運漕, 合自天京西來之逆天侯陳仕章占巢縣, 大敗總兵札隆武於東關。

李續賓攻九江

陳玉成占無爲

總兵傅振邦虎嵩林副將魯占鰲力攻溧水，參將永清等陣亡。

1,13 (一二,一八) 署湖北提督楊載福，記名臬司李續賓環攻九江六晝夜，貞天(忠貞)侯林啓容拒退之(或稱啓容爲勤王，按係1863年追封)。

皖捻龔得樹猛攻安徽蒙城。

西安將軍福興到江西玉山。

1,14 (一二,一九) 湘軍都司余星源，千總胡國安江西永新知縣俞昌克永新及蓮花廳。

1,15 (一二,二〇) 曾國藩自江西吳城鎮到九江，晤楊載福李續賓。

湘軍道員劉長佑敗殿左五十五檢點程瀛將軍朱衣點於新喻羅坊，斬獲數百，進規臨江(衣點卽回新淦)。

1,16 (一二,二一) 安徽太平軍再占潛山。

1,18 (一二,二三) 欽差大臣和春督總兵張國樑，明安泰力攻句容，敗太平軍於南門。

湘軍知縣劉拔元等克江西上猶。

1,19 (一二,二四) 武昌鹽法道常恩，陝西延綏鎮總兵龍澤厚，參領舒保克復湖北竹山。

湘軍參將劉培元奉曾國藩檄，自江西上高往援吉安府。

- 1,20 (一二,二五) 鄂北太平軍及土寇棄保康,知縣方兆科復之。
- 1,21 (一二,二六) 以馬新貽爲安慶知府(原任李續賓)。
- 1,23 (一二,二八) 曾國藩自九江回抵南昌。湘軍參將鮑超統新勇五營(卽霆軍),進駐湖北小池口。
- 1,25 (一二,三〇) 貞天侯林啓容約湖口梅家洲援兵乘舊除夕日圍攻清軍,臬司李續賓督參領富新,參將朱品隆,周寬世,遊擊趙克彰,李續燾,何紹彩,及劉連陞,蔣凝學,蔣澤雲,朱希廣等,與水師副將李朝斌力戰破之,擒將軍劉松綢,旅帥徐天方等。
- 1,26 (一,一) 捻髻得樹與清軍戰於亳州洪家廟,斬副將珠隆阿。捻髻義亦戰死(“亳州志”作1,16)。
- 1,27 (一,二) 統領都司畢金科自江西饒州往攻景德鎮。
- 1,29 (一,四) 太平軍敗湘軍於江西景德鎮,擒斬都司畢金科(年二十五。金科與江藩耆齡不協,耆齡計激陷之)。
- 1,30 (一,五) 湘軍知府吳坤修攻克江西奉新(“南康府志”誤爲2,9)。
- 江寧將軍都興阿,湖北提督楊載福督參將鮑超(霆

畢金科敗死

軍)，翼長多隆阿，都司石清吉等猛攻鄂東小池口，傷亡二百餘人，擒元勳檢點蕭某，指揮陳某。

1,31 (一,六) 豫天侯陳玉成逆天侯陳仕章自安徽巢縣折而西進，占領廬江，敗副將鮑雲翥，斬都司彭萬鎰，守備洪鍾，留軍把守，即引兵上淠河攻大關，包過桐城之後，謀斷清軍糧道（“廬江縣志”作1,29）。

2, 国宗韋俊自江西瑞州府臨江府上援吉安府。

2,1 (一,七) 鄂北太平軍及土寇破興山，進向宜昌府。

欽差大臣和春敗鎮江太平軍吳如孝部。

水師總兵吳全美攻破蕪湖雙港，千總劉德清死之。

2,2 (一,八) 以慶端為福建巡撫。

太平軍自蕪湖渡江敗總兵音德布於和州螺絲灣，斬守備何玉堂等。

2,6 (一,一二) 皖捻張隆（即張元龍）等圍攻安徽懷遠（旋為總兵珠克登等所敗）。

道員劉于濬自西樟樹鎮遣平江勇攻蛟湖，失利。

西安將軍福興到江西廣信。

陳玉成占廬江

桐城之戰

- 2,7 (一,一三) 豫天侯陳玉成,地官副丞相李秀成圍攻提督秦定三總兵鄭魁士營於安徽桐城。
- 2,8 (一,一四) 總兵壽山,阿隆阿合團勇克江西南康潭口,天地會黨(檢點何名標應在內)敗走。
- 2,11 (一,一七) 鄂北太平軍及土寇高二仙,馮二典,張二瞎子等自竹山,房縣,保康經興山,占領宜昌府。
- 會國藩自南昌赴奉新,率候補知府吳坤修進圍瑞州府城。
- 江西軍克峽江,守將劉梁楨退走。
- 2,12 (一,一八) 豫天侯陳玉成占安徽桐城孔城,斷總兵鄭魁士糧道。
- 2,14 (一,二〇) 鄂北太平軍及土寇大破湖北軍於宜昌府,斬候選直隸州知州李光榮。
- 2,16 (一,二二) 檢點何名標自江西信豐攻雲都(時信豐正被圍攻)。
- 2,17 (一,二三) 以剿捻失利,召察哈爾都統西凌阿回京。命勝保幫辦剿捻事宜。
- 贛東太平軍攻饒州府,斬都司林保。
- 2,18 (一,二四) 鄂北太平軍及土寇退出宜昌府城,總兵景輝復之。
- 2,19 (一,二五) 豫天侯陳玉成圍攻安徽桐城曹勝勇營盤。

同知李元度部彭斯舉克復江西弋陽。

2,20 (一, 二六) 提督張國樑督軍攻江南句容，逼抵城下，斬獲千餘，都司程翔蛟戰死。

豫天侯陳玉成自安徽桐城呂城三路進攻福建提督秦定三，壽春鎮總兵鄭魁士，副都統麟瑞。

2,21 (一, 二七) 湘軍知府蕭啓江自江西上高進軍瑞州，敗總制艾得勝，監軍姜萬祥等。

鄂北太平軍及土寇自宜昌占遠安。

皖南太平軍(古隆賢?)占領祁門(尋退去)。

2,24 (二, 一) 豫天侯陳玉成，地官副丞相李秀成合安慶援軍大破福建提督秦定三，壽春鎮總兵鄭魁士，副都統麟瑞等於桐城，定三等分退六安廬州，玉成秀成三路追擊(關於桐城之戰，“風鶴實錄”所誌月日與官方奏報頗有出入，茲從奏報)。

2,26 (二, 三) 江寧將軍都興阿提督孔廣順，總兵王國才，營總多隆阿，參將鮑超等大破自安徽宿松太湖西上之太平軍(天王塔鍾英，擣天侯陳某，“黃州府志”謂擣天侯爲陳玉成，誤)於湖北黃梅。國宗韋俊合江西新淦等守將朱衣點援瑞州，湘軍知府蕭啓江，參將田興恕等，敗之於鶯哥嶺(陰崗嶺)，復退回新淦。

陳李桐城之捷

贛東太平軍自弋陽進占鉛山，南走建昌府。

2,27 (二,四) 陳玉成李秀成占領安徽舒城，(一作3,3)，候補道恩錫戰死。

曾國藩之父曾麟書卒於湖南湘鄉。

2,28 (二,五) 江蘇邳州幅匪馬文敗副將苗樟於山東沂州蘭陵鎮。

3,1 (二,六) 鄂北太平軍及土寇占領湖北荊門州(三日後退走)。

陳玉成李秀成敗斬陝安鎮總兵郝光甲於安徽舒城。

督辦三省剿匪事宜英桂，及袁甲三，勝保會於安徽亳州，商剿捻軍事方略。

3,2 (二,七) 欽差大臣和春遣總兵傅振邦，副將魯占鰲，李定泰，米興朝等進攻江南溧水，敗自天京來援之太平軍。

廣西天地會范亞英(阿陰)占領北流，知縣蕭煊死之(洪德王陳開，大洪王陳金剛曾先後封亞英爲榮國公，曾國公。明年二月亞英改北流爲銅州府)。

3,3 (二,八) 地官副丞相合天侯李秀成捻李昭壽占領安徽六安州，殺知州尹堯唐，敗提督秦定三，進向三河尖，會張洛行等(一作3,10,六安舒城人民投秀成者數萬)。

1857 (咸豐七年)

李秀成占舒城

剿捻

李秀成占六安

四川涪州教匪劉文豐占據州城（尋退）。

3,4（二，九）捻張洛行圍攻河南固始，知縣張曜及光州知州鄭元善禦之。

3,5（二，一〇）記名按察使李續賓掘濠困九江，貞天侯林啓容，遣軍出城襲擊，失利。

3,6（二，一一）曾國藩在江西瑞州府軍營得知父訃。

3,9（二，一四）提督楊載福敗太平軍戰船於九江段窯灣。

安徽六安州知州金寶樹，參將喜瀛，守備趙霖等攻六安城，均戰死。

3,10（二，一五）鄂軍知府唐訓方，知縣唐協和連破鄂北土寇於襄陽府南漳縣之武安堰。

國宗韋俊（志俊）自江西新淦進援臨江府。

陳玉成李秀成占領安徽壽州迎河集。

3,11（二，一六）豫天侯陳玉成合天侯李秀成合捻占領安徽正陽關。

貞天侯林啓榮遣軍出九江，合安慶援兵攻李續賓，斃守備陳德華等。

3,12（二，一七）國宗韋俊將軍朱衣點援江西臨江府，與湘軍道員劉長佑戰於太坪墟。

鄂北太平軍及土寇占領河南內鄉（明日南陽鎮總兵邱聯恩及鄂軍參領舒保敗之，復折回湖北）。

江西景德鎮太平軍進占安徽婺源，浙江參將師長鏞

陳李占正陽關

戰死(長鑣死於二日前。一說婺源失守在3,22)。

3,13(二,一八) 豫天侯陳玉成合捻圍攻安徽壽州，署廬鳳道金光筋力守禦之。

贛南軍克復安南廳，斬軍帥凌紹光。

3,14(二,一九) 幫辦剿匪事宜勝保率軍援河南固始。

3,15(二,二〇) 昇平天國鎮南王朱洪英及傅中榮，宋正元(均屬天地會)占領廣西柳州府(一作3,23)，與占據興安靈川之黃金亮馬廷科相連結。

國宗韋俊將軍朱衣點大破湘軍道員劉長佑知縣劉坤一於江西臨江府太坪墟，陷其營盤，長佑等重傷，潰退新喻分宜。

豫天侯陳玉成督軍力攻安徽壽州南關。

清撤余萬清幫辦江南軍務，仍留鎮江帶兵攻剿。

3,16(二,二一) 曾國藩偕弟國華自江西瑞州回湖南湘鄉，奔父喪。

江南軍總兵傅振邦，副將魯占鰲，米興朝攻破溧水城外太平軍營壘，斃靠天侯馮得昌及檢點指揮多人。

3,17(二,二二) 豫天侯陳玉成，合捻包圍安徽壽

陳玉成攻壽州

天地會占柳州

曾國藩回里奔喪

州猛攻，道員金光筋，知州黃元吉，知縣李霖遣勇出城擊挫之。

3,18 (二,二三) 地官副丞相合天侯李秀成合捻李昭壽，龔得樹（即龔瞎子），蘇天福（即蘇老天）占領安徽霍邱，即交與得樹等為根據地。

李秀成及捻
占霍邱

皖南池州青陽太平軍敗參將蕭知音，占石埭。

江西永豐樂安太平軍占寧都州。

吉安府知府黃冕（湘軍）克峽江，守將劉梁楨敗走（劉於去年四月代龔炎休守峽城）。

3,21 (二,二六) 豫天侯陳玉成攻安徽壽州不下，撤兵南去，將軍吳守剛，先鋒楊得應，張振（定）邦等戰死。

陳玉成
壽州圍

逆天侯陳仕章自安徽巢縣攻占柘皋，敗副都統穆克登額，進攻廬州。

勝保及副都統穆騰阿等敗捻張洛行，解河南固始圍，洛行東回安徽正陽關。

3,22 (二,二七) 以曾國藩丁父憂，給假三月。所帶湖南兵勇暫交其弟曾國華統率。

合天侯李秀成及捻李昭壽，龔得樹等圍攻安徽穎上。

鄂軍知府唐訓方，參領舒保大破鄂北土寇高二仙，

張文治於棗陽璩家灣，斬文治。

廣東惠州天地會翟火姑戰死於江西信豐。（一說
1865 火姑尙健在，此據“贛州府志”）。

3,23（二，二八）廣西匪張文光陷永福。

3,24（二，二九）曾國藩及國華回抵湖南湘鄉（國
荃旋亦自吉安歸）。

太平軍退出皖南婺源，都司王夢麟復之。

3,25（二，三〇）國宗石某（鎮吉？）自江西寧溪
鐵牛關進占福建光澤縣，斬知縣蔣仁瑞（“邵武
府志”作 2,12）。

江西定南廳姚世恩敗死於天花寺。

3,26（三，一）以提督銜鄖陽鎮總兵署湖
北提督楊載福接統曾國藩前帶水師兵
勇，惠潮嘉道彭玉麟協同調度。

3,29（三，四）江西太平軍占領弋陽。

江西臨清府太平軍撲攻新喻，爲道員劉長佑所敗，
總制趙必得等被擒。

總兵傅振邦虎嵩林攻溧水城，偏南門。

3,30（三，五）皖北太平軍占領含山。

3,31（三，六）國宗楊輔清，楊義清，禱
天侯胡壽階自江西瀘谿入雲際關，占領
福建邵武府，殺糧道王訓芳，知府婁

楊輔清占邵
武

浩，同知王健，知縣孫翹江，毀廟宇神像，迫幼童入館，設女館繡花館，立鄉官，命人民入貢。

4,1(三,七)鄂軍候補道唐訓方，參領舒保肅平襄樊，擒高二仙等。

4,2(二,八)總兵周天受克皖南石埭(一作4,4)。

4,3(三,九)副都統多隆阿，參將鮑超敗鄂東小池口之太平軍，斃殿左一檢點林姓，殿右三十八檢點李姓。據“賊情彙纂”，卷二，殿左一檢點爲林錫保)。

4,5(三,一一)命提督秦定三統所部黔軍赴江南大營(定三在皖北與鄭魁士不協)。

4,6(三,一二)欽差大臣德興阿督總兵鞠殿華等分道攻瓜洲東西兩岸，小勝。

4,8(三,一四)欽差大臣和春，提督張國樑督總兵李若珠，明安泰，副將王淩等攻句容，獲勝。廬州城內湖南兵及楚廣勇索餉搶劫，安徽巡撫福濟墮馬受傷，失去關防。

國宗石某(鎮吉?)自福建光澤占泰甯(旋入江西，國宗楊義清來據)。

4,9(三,一五)副都統多隆阿，提督孔廣順，副將王國才敗丞相鍾姓，檢點楊姓於安徽宿松獨山，破其七壘，擒殿左四十三檢點李兆禹。

以耆齡代文俊爲江西巡撫，龍啓瑞爲布政使。

4,10(三,一六)湘軍參將鮑超攻湖北黃梅孔壠驛不利，受重傷。

4,11(三,一七)道員劉長佑，同知劉坤一敗太平軍於江西新喻陽江橋，克復羅坊。

4,13(三,一九)國宗楊輔清占領福建崇安，建陽。

豫天侯陳玉成自安徽壽州入六安，卽南趨。

4,14(三,二〇)湘軍道員王鑫率軍(老湘營)至江西新喻。

4,17(三,二三)江西臨江太平軍再援瑞州，攻鶯哥嶺(陰崗嶺)，湘軍知府蕭啓江，參將田興恕，楊恆升，普承忠復敗之。

4,20(三,二六)湖廣總督官文，巡撫胡林翼派按察使李孟羣帶勇二千五百人，自武昌東援安徽廬州。

4,22(三,二八)國宗楊輔清圍攻福建建寧府(今建甌)。

4,24(四,一)禱天侯胡壽階自福建邵武府占領寧化。

道員王鑫劉長佑進軍江西臨江之太坪墟。

4,26(四,三)江西軍參將遮克敦布攻萬安，斃將軍陳寶林。

4,27(四,四)豫天侯陳玉成占領安徽英山，進向

王鑫軍入江西

楊輔清攻建寧

陳玉成占英山

鄂境（胡林翼奏李壽成即秀成，亦在軍中，恐係傳聞）。

廣西匪張文光陷橫州。

閩浙總督王懿德出駐延平督師。

4,29（四，六）勝保敗捻張洛行，克皖北柳溝。

4,30（四，七） 禱天侯胡壽階合閩粵土寇（千刀會）占領汀州府，殺知府延英，同知朱式璟。

胡壽階占汀州

5,1（四，八）豫天侯陳玉成分軍五路趨湖北蘄水，敗防軍於鷄鳴河。

5,2（四，九）湘軍副將周鳳山克江西吉水。

5,3（四，一〇）合天侯李秀成及捻李昭壽等攻安徽潁上不下，退回六安州。

5,4（四，一一）安徽布政使李孟羣，蘄州知州彭應鯉克復安徽英山。

5,5（四，一二）以何桂清署兩江總督，怡良以病免。

江督何桂清

5,7（四，一四）福建長汀知縣龐立忠率兵勇克復汀州。

道員王鑫劉長佑梯攻江西臨江，不下，傷亡頗多。

5,9（四，一六）總兵傅振邦虎嵩林分攻江南溧水，擒將軍戴復生。

署廬鳳道金光筋克復安徽正陽關（“壽州志 作4,14。

尋復爲捻所占領）。

勝保及侍衛穆騰阿，副將樂善敗捻襲得樹，克復河南固始方家集。

5,10（四，一七）福建清流知縣曹紹曾督鄉勇克復縣城。

5,11（四，一八）江西永豐知縣章激督練勇克復縣城。

國宗楊輔清以地雷崩炸福建建寧府城垣數丈，知府劉翊宸拒之。

5,12（四，一九） 豫天侯陳玉成督大軍分道入鄂東黃梅，廣濟，蘄州，蘄水，羅田，破鄂軍於蘄州張家塆，斬同知李景湖，守備張鵬高，楊高桂，千總何得升，把總胡得禮等。

5,15（四，二二）豫天侯陳玉成軍三路攻湖北廣濟，副都統多隆阿却之。

皖南太平軍再占銅陵。

5,16（四，二三）豫天侯陳玉成逼湖北蘄州，青石嶺守軍潰走。

禱天侯胡壽階破福建連城（尋退出）。

5,17（四，二四） 豫天侯陳玉成與江寧將

陳玉成入湖北

軍都興阿及多隆阿王國才戰於湖北廣濟，敗績，失壘二十一座。

5,18 (四,二五) 勝保敗擒龔得樹於皖北洪河趙家集。

5,19 (四,二六) 署福建按察使趙印川遊擊畢定邦等連敗國宗楊輔清於建寧。

5,22 (四,二九) 欽差大臣和春力攻句容，參將滿祿守備劉忠信戰死。

5,23 (五,一) 國宗楊輔清撤福建建寧府圍(一作5,21)。

5,24 (五,二) 江西湖口梅家洲太平軍敗水師副將李成謀(提督楊載福部)，獲船十八號，斬都司易景照，守備張宏升，周德昌等二十一員，水勇百五十人。

5,26 (五,四) 浙江餘杭人胡萬成叛據縣城(6,2亂平)。

江西軍勇克復甯都州。

5,27 (五,五) 鄂軍候補道唐訓方，合陝軍延綏鎮總兵龍澤厚攻克湖北均州武當山，擒黃大成等。襄鄖肅清。

廣西寇陷南寧府。

5,28 (五,六) 湘軍道員劉長佑王鑫進軍江西臨江府城外，開鑿長壕以困之。

5,30 (五,八) 廣西寇(三合會?) 楊秀全(即楊西安)·張龍祥, 陳亞吼等陷平樂府, 知府招敬常, 知縣華元超死之。

5,31 (五,九) 勝保督侍衛穆騰阿, 總兵邱聯恩等再敗擒張洛行龔得樹於湖南固始方家集。

6,1 (五,一〇) 安徽布政使李孟羣督遊擊張得勝, 參將趙鴻舉等連敗豫天侯陳玉成軍於湖北蘄州羅田間。

福建提督秦定三自皖北率軍到江南句容。

6,2 (五,一一) 翼王石達開因天王猜忌, 及安王洪仁發, 福王洪仁達排斥, 私離天京, 走東梁山。本日自皖南銅陵渡江。

(註)李秀成供狀, 於翼王出走原因, 解說頗為明白, 略云: “後翼王回京, 合朝同舉翼王機理政務, 衆人歡說, 主有不樂之心, 專用安福兩王, ……二人……挾制翼王, 是以翼王與安福王三人結怨, 被忌抑制出京”。李續賓當時所得報告, 亦可與此互證, 是年六月(陰曆)復王鑫書云: “前月石逆至彭澤(見6,16), ……據本地(九江)探卒稱, 客商有自下游回者, 言金陵各偽王忌石逆之能交結人心, 石逆每論事則黨類環繞而聽, 各偽王論事, 無

石達開出走

肯聽者，故忌之，有陰圖戕害之意，石逆逃至東梁山地方，是處賊皆石黨，勸令皆散去，其黨不肯，仍從石逆在安慶。石逆不願橫行，故無動作（李忠武公遺書，書牘，卷下，頁一八）。

貞天侯林啓容親出九江，督兵戰記名臬司續賓，失利。

6,3 (五,一二) 豫天侯陳玉成攻撲湖北黃梅提督孔廣順總兵王國才各營，副都統多隆阿却之。

6,4 (五,一三) 禱天侯胡壽階占領福建武平，殺知縣陳應登。

6,5 (五,一四) 福建練勇克復光澤。

總兵傅振邦督兵連毀溧水城外太平軍壘。

6,6 (五,一五) 大寧平靖王（一作太平王）李文茂（三合會）占領廣西藤縣。

6,7 (五,一六) 福建遊擊畢定邦克復安陽。

6,8 (五,一七) 福建太平軍占清流（6,20 退去。又占歸化連城）。

6,9 (五,一八) 翼王石達開經安徽無爲州（“中興別記 誤作蕪湖。‘方略’卷一七六，頁六作無爲）往安慶，沿途張貼告示，傳諭各軍，謂天王疑忌太甚，懼害出走（達開擬往說陳玉成李秀成同去，另圖發展，不果）。

石達開告示

6,11 (五,二〇) 豫天侯陳玉成與江寧將軍都興阿，副都統多隆阿，參將鮑超連戰於鄂東黃梅大河鋪，走蘄州望天畷。

檢點程瀛督大隊於夜北突出江西臨江府西南兩門，謀越長濠，湘軍道員劉長佑部分路堵擊，互有殺傷。

清總兵傅振邦，李志和，周天培，副將虎坤元克復江南溧水。

6,12 (五,二一) 湘軍道員王鑫率所部自江西臨江府往援吉安府。

6,13 (五,二二) 曾國藩奏請終制 (本月二十六日上諭不允)。

袁甲三攻克亳州王圩捻壘。

6,15 (五,二四) 湘軍道員王鑫敗太平軍於江西吉安府。

6,16 (五,二五) 翼王石達開屯軍於安慶彭澤一帶。

參將遮克敦布克復江西萬安，監軍陳寶林退走。

勝保督總兵邱聯恩，樂善敗捻張洛行，龔得樹，克其皖北根據地三河尖。洛行走霍邱，依李昭壽薛小，留韓狼子守正陽關。

石達開屯軍
皖贛間

捻失三河尖

6,17 (五,二六) 豫天侯陳玉成軍與清都興阿,多隆阿,鮑超戰於鄂東黃梅十里鋪,不利。

總兵傅振邦副將虎坤元克江蘇句容湖塾。

6,18 (五,二七) 湘軍道員王龔,同知張運蘭敗太平軍於江西吉水周家嶺,斬殿左七十五檢點盧三友,將軍沈元悅,及平東王何勝權(一作何勝枚,土寇),都司易普照等戰死。

6,19 (五,二八) 福建歸化縣知縣韋侃克復縣城(一作6,2)。

6,20 (五,二九) 豫天侯陳玉成軍與鄂軍知府邢高魁等連戰於鄂東蘄州望天畝,不利,丞相唐姓,指揮黃姓死之。

湘軍卽選知府蔣益澧奉湖南巡撫駱秉章命率軍三千餘人援廣西,本日到全州。

蔣益澧援廣西

6,22 (閏五,一) 鄂軍知府邢高魁,彭應鯉,朱啓仁攻克鄂東蘄州張家塆,擒指揮謝亞霖等,敗陳玉成軍。

6,23 (閏五,二) 總兵普德布復皖北含山。

6,25 (閏五,四) 擒韓狼子大敗勝保於皖北正陽關,廬鳳道金光筋死之。

擒敗勝保

鄂軍知府邢高魁等敗豫天侯陳玉成於蘄州黃士岡。

6,26 (閏五,五) 廣西練勇克復平南(陰曆七月間復爲大寧洪德王陳開部所占領)。

楊輔清入江西

6,28 (閏五, 七) 大寧平靖王李文茂及羅華觀攻梧州府。

國宗楊輔清等退出福建邵武府走江西。

6,30 (閏五, 九) 署福建臬司趙印川, 參將畢定邦克復邵武府。

7,1 (閏五, 一〇) 國宗楊義清禱天侯胡壽階自江西寧都州西援吉安府, 爲湘軍道員王鑫敗於沙溪, 壽階死之 (壽階於金田起事時已加入太平軍)。

7,2 (閏五, 一一) 鄂軍知府邢高魁, 彭應鯉, 朱啓仁及副都統舒保再戰豫天侯陳玉成軍於鄂東蘄州青石嶺。

7,4 (閏五, 一三) 檢點程瀛屢出江西臨江府城襲擊, 均不得手。

7,5 (閏五, 一四) 侍衛伊興額博崇武擒捻李月於河南永城, 克其根據地王家溜子 (‘永城縣志’作 6,13)。

7,12 (閏五, 二一) 提督張國樑合總兵傅振邦圍攻江南句容。

國宗楊義清將軍蕭復勝等由江西寧都再援吉安, 道員王鑫再敗之於永豐韶源, 上固, 守備胡文應戰死。

7,13 (閏五, 二二) 國宗楊輔清自福建入江西新城 (黎川), 福建提督鍾寶三收復泰寧。

7,14 (閏五,二三) 檢點(?) 古隆賢自皖南石埭攻黟縣, 爲總兵江長貴所敗。

7,15 (閏五,二四) 湖北巡撫胡林翼自武昌東赴黃州。

翼王石達開部朱衣點敗江西軍都司伍聯奎於新淦(聯奎尋敗死)。

7,16 (閏五,二五) 提督張國樑, 總兵傅振邦克復句容, 大敗龔職夏官丞相周勝富(江南大營尋自淳化鎮向天京進逼。二困天京。“句容縣志”守城者爲丞相屠某)。

二困天京

湘軍訓導胡兼善誘擒太平軍將林預言, 及投歸太平軍之武舉鍾起鳳, 廩生鍾毓靈, 監生陳邦烈, 舉人張謙, 與鍾有漢, 羅齋公, 劉金輝, 劉相桂等, 克復江西龍泉。

7,17 (閏五,二六) 湘軍道員王鑫, 知縣王開化, 及王文瑞復敗國宗楊義清於江西寧都, 斬金三十六將毛福富, 炎三十六將軍蕭復勝, 及土四十一總制廖姓。土四十七總制曹姓, 救出婦孺難民近萬。

福建提督鍾寶三收復建寧縣。

7,18 (閏五,二七) 豫天侯陳玉成率衆數十萬(內多皖北飢民)分道由鄂東黃梅, 廣濟, 蘄州, 蘄水西趨, 大破知府邢高

陳玉成敗鄂軍

魁，彭應鯉等於蘄州望天畝，各軍潰退巴河黃州（胡林翼亦抵黃州）。

7, (閏五月) 國宗石鎮吉自江西撫州趨新淦，援臨江府。鎮吉或作正紀，“嘉應州志”卷三一，頁三一，謂其本姓陳，爲翼王石達開弄僮，因冒石姓，恐不可信。“貴縣志”有“其弟鎮吉云云（卷六，頁二〇），是鎮吉確爲達弟。

7,21 (六，一) 湘軍同知張運蘭(王鑫部)敗木三十五正將軍伍福勝及江西寧都，會黨頭目謝芸標於廣昌古夏，擒總制楊光裕。

7,22 (六，二) 豫天侯陳玉成由鄂東蘄州廣濟分軍撲攻黃梅十里鋪，江寧將軍都興阿，總兵王國才，參將鮑超却之。

7,23 (六，三) 湘軍道員王鑫敗老國宗楊義清，七國宗楊輔清於江西廣昌，斬殿右一百五十二檢點張宗相，殿左一百零三指揮曹信照，殿右一百零四指揮陳耀南。

7,26 (六，六) 曾國藩奏請開去兵部侍郎署缺，並瀝陳歷年辦事艱難竭蹶情形（一，雖居兵部堂官之位，事權反不如提鎮；二，與督撫有主客之分，難以呼應靈通；三，州縣猜疑，所出號令難以取信）。

實授何桂清爲兩江總督，以張國樑爲湖南提督。

王鑫敗楊輔清

曾國藩之困難

- 7,31 (六,一一) 欽差大臣和春, 提督張國樑, 督兵攻鎮江銀臺山, 都司周顯親戰死。
- 8,1 (六,一二) 清遊擊賴高翔, 都司馮日坤克復江西樂平。
- 8,6 (六,一七) 老國宗楊義清, 七國宗楊輔清分自江西寧都新城援吉安府, 湘軍道員王鑫再却之於廣昌。
- 吉安府太平軍守將丞相翟明海, 先鋒李雅(阿)鳳大破湘軍副將周鳳山, 參將劉培元, 知府黃冕, 趙煥聯, 鳳山等退泰和安福。
- 安徽布政使李孟羣督參將得勝, 趙鴻舉敗擒張洛行, 克復霍山。
- 湘軍道員王鑫克復江西樂安。
- 8,8 (六,一九) 准兵部侍郎曾國藩開缺守制。
- 檢點賴裕新, 總制周春, 嚴守和率衆三千自江西瑞州府經上高新喻南趨吉安府(本月十一日守和被擒)。
- 8,10(六,二一) 鎮江太平軍吳如孝自摩旗山出攻, 斬都司王瑞圖。
- 8,11 (六,二二) 福建漳州軍道員英樸攻寧化, 擒將軍張梁材, 軍帥陳得生(本月十五日克寧化城)。
- 安徽亳州鄧圩姚圩等處擒內訌, 擒首李寅被擒, 袁甲三及總兵史椿榮朱連泰乘機克復各圩。

湘軍敗於吉安

曾國藩開缺守制

8,13(六,二四) 貴州安義鎮總兵王國才及訓導吳炳等戰死於鄂東黃梅霍港。

8,15(六,二六) 豫天侯陳玉成督隊自鄂東黃梅北山大河舖撲攻廣濟十里舖，都統多隆阿，參將鮑超分率騎步軍，都司胡友亮率水師敗之，燬壘三座，燒船百餘號，擒斬千餘。協領密雅明阿戰死。

江西知縣伊世堂克復都昌。

福建道員英樸克寧化，太平軍入江西石城。

廣西貴縣三合會黃三(鼎鳳)陷賓州，殺知州翟景福(是冬改爲臨浦州)。

8,18(六,二九) 記名按察使李續賓自九江渡過江北羅昌驛，督朱品隆，周寬世，蔣凝學，彭友勝，趙克彰各營，會同江寧將軍都興阿馬隊，敗陳玉成部於廣濟，盡燬童司牌兩岸太平軍營壘十九座。續賓復回南岸。

命三品頂帶許乃釗幫辦欽差大臣和春軍務。

8,20(七,一) 副都統多隆阿，參將鮑超督馬步軍五路攻鄂東黃梅黃臘山，踏毀太平軍營壘四十八座，斬殺數千。守備何有貴，陶忠泰等戰死。

豫天侯陳玉成部撲攻鄂東黃州巴河，鄂軍都司左光培，參將何紹彩等水陸軍却之。

多隆阿敗陳玉成

許乃釗幫辦軍務

8,21 (七,二) 水師總兵吳全美李德麟擒檢點張大來等於鎮江鮎魚套。

勝保及副都統德楞額，總兵樂善等敗捻韓狼子於正陽關附近。

8,22 (七,三) 江西廣昌都司騰霄克復南豐。

8,25 (七,六) 國宗洪春元自贛東逼婺源，敗浙軍遊擊楊金榜，斬知府畢大鈺。

軍略余子安自江西撫州遣軍占進賢。

8,27 (七,八) 國宗楊輔清楊義清及洪某(仁正?) 自江西撫州趨樂安，湘軍道員王鑫禦之。

8,28 (七,九) 提督鄧紹良，副將貴廷芳敗蕪湖太平軍於繁昌五里亭，擒兩司馬陳起鵬。

8,29 (七,一〇) 國宗洪春元進至徽州府清華街，道員王夢齡卻之。

副都統勝保派千總陳萬金等克安徽霍邱，擒張金桂，張洛行，襲得樹均走正陽關。

勝保克霍邱

8,31 (七,一二) 湖北巡撫胡林翼督知府李續宜，參領舒保，遊擊孫昌凱，左光培等水陸各軍攻豫天侯陳玉成軍於黃州孫家嘴。

9,1 (七,一三) 湘軍總兵李定太克復江西進賢。湘軍知州劉騰鴻，副將普承堯，道員吳坤修等攻江西瑞州府，斃將軍黃光，騰鴻戰死(年三十八歲)。明日克府城。檢點

劉騰鴻戰死
湘軍克瑞州

賴裕新走新淦。

9,2 (七,一四) 湘軍道員王鑫再敗國宗楊輔清楊義清於江西樂安崇仁間之太平市林頭,獲輔清之洋表千里鏡等物(歐陽昱“見聞瑣錄”前集卷一,記“林頭戰事”中之“蓋天侯楊國忠”,應即輔清或義清,國忠即國宗之誤)。

9,4 (七,一六) 檢點傅忠信自江西吉安府進攻永豐,湘軍同知張運蘭敗之,斬指揮徐子義,擒水五十二正將軍羅深仁。

9,5 (七,一七) 允河南巡撫英桂自皖回省剿匪,以勝保暫行督辦三省剿匪事宜。

援桂湘軍知府蔣益澧江忠濬,敗土寇馬廷科(即陳永秀),克復廣西興安。

9,6 (七,一八) 胡林翼督知府李續宜,參領舒保,糧道唐訓方,同知唐協和,參將何紹彩再破陳玉成軍於湖北黃州蘄水間之馬家河,大石港等處。

9,11 (七,二三) 豫天侯陳玉成軍新得安徽援兵,三路反攻湖北蘄水。胡林翼督李續宜,舒保,唐訓方,何紹彩又破之,斬斃數千。玉成部折回皖境。

翼王石達開(?)遣張朝爵譚體元先後自安慶進攻皖南石埭,總兵周天受卻之。

王鑫再敗楊輔清

陳玉成退回安徽

命勝保幫同河南巡撫英桂辦理剿匪事宜。

9,13 (七,二五) 命江甯將軍都興阿幫辦欽差大臣
官文軍務。

皖南太平軍占領南陵。

9,15 (七,二七) 江西太平軍再占南豐, 知縣孫效
曾死之。

9,18 (八,一) 命袁甲三速赴安徽正陽關, 接辦剿
匪事宜 (原任勝保病假)。

9,21 (八,四) 湘軍道員王鑫病故於江西樂安, 年
三十三歲, 所部老湘營由同知張運蘭, 知縣王開
化分領。

王鑫卒

福建陸路提督楊載福會將軍都興阿, 副都統多隆
阿, 參將鮑超, 及按察使李續賓水陸師環攻鄂東
之小池口。

9,26 (八,九) 廣東天地會陳金剛自清遠來占領廣
西懷集, 稱南興王 (後稱大洪王)。

9,28 (八,一一) 廣東天地會平東王梁培友攻破廣
州府。

10,1 (八,一四) 以湖南逼近黔粵, 賊氛未息, 命
曾國藩即在本鄉團練籌防。

總兵周天受克復皖南南陵。

10,2 (八,一五) 湘楚軍楊載福, 李續賓, 及都興
阿等水陸師克鄂東小池口, 豫天侯陳玉成部完全
退入皖境, 湖北肅清。胡林翼即進抵九江。

湖北肅清

豫捻王三辯子，陳太安，蕭況陷南陽府賒旗店，
（河南巡撫英桂自許州往剿）。

10,4（八，一七）國宗石鎮吉自江西撫州經峽江再
援臨江府，破湘軍道員劉長佑軍，湘軍退羅坊。

10,5（八，一八）翼王石達開自安慶經建
德入江西，抵景德鎮，會集各部，分路
南進，占領樂平，入萬年。

合天侯李秀成遣捻李昭壽自皖北六安州進援正陽關
之張洛行，副都統勝保等敗之於迎河集。

10,6（八，一九）合天侯李秀成合皖捻龔得樹自六
安州進占舒城，知縣甘文瀾敗走。另枝敗安徽布
政使李孟羣軍於蘇家埠。

10,9（八，二二）國宗石鎮吉敗湘軍副將普承堯，
同知劉坤一於江西新喻羅坊，承堯等退英崗嶺
（鶯哥嶺）。

廣東懷集寇陷開建。

10,10（八，二三）副都統勝保命安徽鳳臺知縣李
霖招撫該縣生員壽州團練長苗沛霖。

10,11（八，二四）太平軍自天京東攻高資接鎮
江，副將張玉良，周天培，馮子材等逆擊卻之。

10,12（八，二五）國宗石鎮吉進逼江西臨江大坪，
結營四十餘座。

10,13（八，二六）湘軍補用道劉長佑，知府蕭啓

石達開自皖
入贛

石鎮吉敗湘
軍

苗沛霖

江，同知王勳，參將田興恕，敗國宗石鎮吉於江西臨江府太平墟，鎮吉退羅坊，回阜田。

太平軍汪永隆自天京東攻龍潭。

副都統勝保督副將慶瑞，參將格洪額，都司黃開榜攻克安徽正陽關。擒張洛行韓狼子南走六安州，魏蘭耿萬金等戰死。

10,11 (八,二七) 袁甲三抵安徽正陽關(勝保北上，旋又奉旨折回)。

10,15 (八,二八) 總兵李定太克復江西東鄉。

10,16 (八,二九) 鎮江守軍吳如孝連日出城突襲，爲提督張國樑，副將王浚所擊退。

10,18 (九,一) 湖北巡撫胡林翼自九江回武昌。

10,20 (九,三) 合天侯李秀成及捻攻占安徽舒城桃鎮(桃溪鎮)。

10,21 (九,四) 翼王石達開軍占領江西安仁。降天豫何益生，希天侯胡有容戰死於樂平。

10,23 (九,六) 總兵史榮椿等攻克安徽亳州韓圩，斬擒首王允功等。劉老淵，羅和尚北走河南甯陵商邱(旋又折回亳蒙)。

10,24 (九,七) 豫擒崔大標，蕭況，陳太安，王三辯子圍攻河南確山，爲總兵龍澤厚，總管格棚額，德楞額，伊里紉阿，雙慶所敗，西走。

10,25 (九,八) 湘軍提督楊載福，臬司李續賓，道員彭玉麟水陸各軍齊攻江西湖口，敗檢點黃文

金等，擒總制陳中理，焚奪船隻千餘號。都司羅勝發戰死。

湘軍克湖口

10,26 (九,九) 湘軍楊載福，李續賓，彭玉麟水陸師血戰克江西湖口及梅家洲，擒斬二千餘人，湘軍亦傷亡九百餘（外江內湖湘軍水師已阻絕三年，至是始復合）。

湘軍同知張運蘭，王開化，都司楊虎臣敗指揮胡洪順（國宗石鎮吉部）於江西吉水阜田。

10,31 (九,一四) 江西臨江太平軍檢點張發紀等屢突圍，均被道員劉長佑擊退。

陳玉成與李秀成

10, 天王封豫天侯陳玉成爲又正掌率，合天侯李秀成爲副掌率（正掌率爲蒙得恩。又玉成進封成天豫，大約亦在此時或此前）。

11,1 (九,一五) 知府張清元，知州葉潘，參將李元，先後擒擒首張老慶，張景全，朱喜元，卜廣太等於安徽宿州西南。

11,3 (九,一七) 副都統勝保復折回皖北正陽關。翼王石達開軍敗同知李元度，圍攻江西貴溪。

11,5 (九,一九) 副都統多隆阿，副將鮑超敗太平軍於安徽太湖涼亭河。

11,7 (九,二一) 合天侯副掌率李秀成及擒李昭

壽，張洛行，與自巢縣來之先鋒黃和錦，進至廬州府之二十里鋪，紮營七座。總兵鄭魁士，副都統麟瑞，總兵吉順，札隆武，嵩瑞分頭抵禦（嵩瑞擒指揮陳上林，斬將軍楊萬福）。

湘軍提督楊載福，臬司李續賓進攻江西彭澤，大敗守將賴桂英，載福進逼望江。

山東巡撫崇恩到沂州剿幅匪。

11,8（九，二二）湘軍臬司李續賓克復江西彭澤（賴桂英已守五年）。

湘軍提督楊載福敗丞相曾姓（陳玉成自安慶所遣）於安徽馬當浹華陽鎮，燬船數百號。

安王洪仁發自天京東援鎮江，屯石埠橋，龍潭，下蜀街。

11,9（九，二三）湘軍提督楊載福，副將李成謀水師克復安徽望江，敗自安慶來援之指揮藍承先（藍成春？）。

11,10（九，二四）國宗楊義清楊輔清合翼王石達開部攻江西貴溪。

湘軍楊載福克復安徽東流。

總管德楞額，總兵龍澤厚敗豫捻陳太安等於河南南召。

廣東軍克復開建。

11,11（九，二五）湘軍楊載福水師衝過安慶，攻破樅陽鎮壘五座，燒船八十餘號。

李續賓守彭澤

洪仁發援鎮江

11,12 (九,二六)遊擊聶桂榮,知府馬新貽克安徽舒城桃溪鎮。

11,13 (九,二七)湘軍楊載福破安徽大通。

捻龔得樹大破安徽布政使李孟羣於六安州,占領獨山鎮,孟羣退麻埠。

11,14 (九,二八)湘軍楊載福李成謀克安徽銅陵,燒船百餘號。

總兵鄭魁士督副將蕭開甲,把總周盛波敗太平軍及捻於安徽舒城上派河。

11,16 (一〇,一)湘軍提督楊載福副將李成謀水師攻克安徽無爲泥汊(定海總兵李德麟統紅單船攻七月未下),回船西返。

11,17 (一〇,二)江西景德鎮之太平軍攻占皖南祁門(旋即退出)。

11,18 (一〇,三)江南軍提督張國樑等分攻鎮江沙洲,摩旗山,虎頭山,遊擊多隆額等戰死(吳如孝欲合高資援兵,未果)。

湘軍同知李元度擊走圍攻江西貴溪之固宗楊義清,楊輔清。

湘軍道員蔣益禮,江忠濬圍攻廣西平樂府(明日擒斬監軍師帥旅帥等數千人)。

總管德楞額等追擊豫捻至盧氏,擒崔大標。蕭況,陳太安,王三辯子西走陝西。

11,19 (一〇,四)翼王石達開部棄江西安仁南進,

捻敗李孟羣

楊載福克泥汊

敗湘軍副將周鳳山於東鄉，斬道員帥遠燁。

11,21 (一〇,六) 皖南道石景芬及饒州知府馮洵克江西浮梁，太平軍退祁門建德。

11,22 (一〇,七) 勝保由安徽潁州進駐三河尖，防捻西趨。

11,23 (一〇,八) 副掌率李秀成，侍天福李世賢，及捻李昭壽自安徽廬州府東出昭關，逼近和州，下救鎮江。

知府張運蘭，王開化，趙煥聯，同知曾國荃等敗提督軍務翼貴丈黃玉崑於吉安府。

(註) 玉崑似死於是役。“駱文忠奏稿”云：“十月……初八日之戰，張運蘭等所部都司銜守備朱惟堂，藍翎訓導胡兼善分三路圍剿水東撲營之賊於瓦窰，……陣斬偽丞相鄭姓偽指揮鄧姓，而奪其偽印一顆。賊首衣繡龍袍，戴紅緞繡龍風帽，著紅緞龍鞋者，正乘黃呢大轎，在後督戰，經湘勇攢矛刺斃，並碎其轎。據朱惟堂等稟稱，生賊供指係偽國宗石逆之衣物，解臣衙門呈驗，比認視賊帽，前沿有白緞長條，紉綻甚密，拆看中有繡字，乃“太平天朝提督軍務翼貴丈”偽銜也。或所斬爲逆目黃錫（玉崑），亦未可定”（卷七，頁六八一—六九）。

黃玉崑死

- 11,24 (一〇,九)翼王石達開部敗總兵李定太於江西東鄉，進至撫州。
- 湘軍提督楊載福水師自安徽回抵江西湖口。
- 11,26 (一〇,一一)侍衛穆騰阿等敗捻龔得樹，克安徽六安州獨山。
- 11,28 (一〇,一三)湘軍提督楊載福自湖口移營彭澤，防北岸華陽鎮之又正掌率陳玉成軍。廣西匪張文光陷廣東靈山。
- 11,29 (一〇,一四)副掌率李秀成及捻李昭壽占領安徽和州，總兵音德布全軍潰敗，退守官渡。豫捻陳太安，蕭況等入陝西武關（知縣施作霖戰死），進圍商南（復由富水關折回河南內鄉）。
- 11,30 (一〇,一五)國宗韋俊（志俊）自江西浮梁都昌助檢點黃文金反攻湖口。
- 12,1 (一〇,一六)湘軍候選道李續宜九江到湖口，迎擊國宗韋俊，檢點黃文金。
- 12,3 (一〇,一八)翼王石達開到江西進賢，道員劉于濬彭玉麟水師禦之。
- 江西臨江府守將檢點程瀛遣總制陳保泰請降於湘軍道員劉長佑（明日又遣元帥陳本熾總制許見機獻印三百餘顆）。
- 12,4 (一〇,一九)湘軍總兵普承堯知縣黃秉珍克復江西吉水。

李秀成占和州

湘軍候選道李續宜督副將周寬世，趙克彭，都司黃澤遠，敗國宗韋俊檢點黃文金於江西湖口附近。

12,5 (一〇,二〇) 防守江西臨江府之指揮聶才堅，檢點張發紀，將軍(指揮)易自能殺私通湘軍劉長佑之殿左五十五檢點程瀛，總制陳保泰等。總制許見機，元帥甯正(金)魁(明年一月爲長佑所殺)，陳本熾，將軍汪永清逃出，降於長佑(“臨江府志”謂程於今日降劉，明日被殺，此據劉長佑“稟牘”)。

12,6 (一〇,二一) 以李續賓爲浙江布政使。

翼王石達開自江西進賢繞道南進(達開曾到撫州，徵各縣童生前往考試)。

撫州考試

12,9 (一〇,二四) 占據廣西平樂府之楊秀全(西安)爲同黨張龍祥所擒(龍祥降)。

12,10 (一〇,二五) 指揮聶才堅等自臨江府致翼王石達開之乞援文，及達開與國宗韋俊來文，均被湘軍截獲。

12,11 (一〇,二六) 副掌率合天義(侯?)李秀成，侍天福李世賢，及捻李昭壽援鎮江，與提督張國樑相持於高資。

李秀成援鎮江

12,12 (一〇,二七) 以楊載福爲福建陸路提督。

12,13 (一〇,二八) 翼王石達開到江西豐城，遍貼告示，謀援臨江府(旋到新淦，爲劉于濬康國器

水師所阻，轉向南走，改援吉安）。

國宗韋俊合江西鄱陽援軍進至彭澤泰坪關，復爲湘軍候選道李續宜所敗（大約韋俊即應陳玉成約回皖北）。

12,14（一〇，二九）欽差大臣和春，提督張國樑，督副將張玉良，馮子材等大破下援鎮江之副掌率合天義李秀成，侍天福李世賢，及捻李昭壽於高資下蜀，毀平營壘卡房四十餘座。

12,15（一〇，三〇）安王洪仁發援鎮江，提督張國樑再敗之下蜀。

12,17（一一，二）欽差大臣德興阿及翁同書，鞠殿華成明敗江蘇瓜州太平軍。

廣西知府鄭延禧克平南（明年陰曆四月復爲大甯洪德王陳開部所占領）。

12,20（一一，五）翼王石達開抵吉水，援江西吉安，前隊爲湘軍知府張運蘭，王開化，知縣胡兼善，參將朱南桂所敗，忠貞報國敦天燕張姓，春官又副丞相元勳張姓，翼殿右十承宣譚姓，承宣承尉李太有，楊兩萬，將軍羅再田等死之。

12,22（一一，七）翼王石達開督隊親攻江西吉水，知府張運蘭等再敗之，後二旂刑審職同檢點張春

和春敗李秀成

石達開敗於吉水

珊，指揮李而植，翼殿左二十一指使陳姓，殿右三十八軍承宣謝姓等均死之。

12,23 (一一，八) 湘軍候選道蔣益澧及江忠濬攻克廣西平樂府，擒監軍軍帥多人。參將黃輔鼎游擊彭玉山等戰死。

蔣益澧克平樂

豫捻蕭況王三辮子自河南內鄉走嵩縣，清總管德楞額等追擊，擒王三辮子。蕭況走臨汝。

12,24 (一一，九) 江南提督張國樑，總兵虎坤元占領南京鎮江間之龍潭，再收鎮江援軍。

命大同鎮總兵鞠殿華幫辦欽差大臣德興阿揚州軍務。

12,27 (一一，一二) 欽差大臣和春，湖南提督張國樑，及總兵王浚，李若珠，余萬清，明安泰，虎嵩林，副將張玉良，戴文英，周天培，馮子材，攻克鎮江。合天義(?) 李秀成救出守將吳如孝軍，走回天京。

和春克鎮江

欽差大臣德興阿，幫辦軍務翁同書，總兵鞠殿華，成明，及水師總兵陳國泰，陳世忠攻克瓜州，擒總制蕭禮方，胡有慶，元勳陸有太等。

德興阿克瓜州

12,29 (一一,一四)英法聯軍陷廣州。

12,30 (一一,一五)翼王石達開再攻江西吉水，
湘軍知府張運蘭等再卻之。

成天豫陳玉成軍自安徽宿松撲攻湖北蘄州，湘軍糧
道唐訓方卻之(玉成此時應爲成天義)。

12,31 (一一,一六)成天豫陳玉成軍(倚天侯陳
仕榮)自安徽太湖西趨，副都統多隆阿，副將鮑
超敗之，斬殺三千餘人(時殿右一百零二檢點周
姓，丞相唐姓等自天京經太平府蕪湖過江至安慶
應援，衆約四萬)。

1858——清咸豐八年戊午，太平天国

戊午八年。

1,2 (一一,一八) 安徽布政使李孟羣督知府袁懷忠敗擒張洛行，龔得樹，再克霍山，(尋成天豫陳玉成等自太湖一帶北來，復占領之)。

魯南郟城一帶幅匪瞿三禿子，孫大旺擾海州。

1,3 (一一,一九) 以瓜州克復，賞德興阿等騎都尉世職有差。

1,5 (一一,二一) 以鎮江克復，賞和春二等輕車都尉世職，張國樑騎都尉世職有差。

1,6 (一一,二二) 翼王石達開攻江西吉水不下，經永豐，峽江，新淦，退回撫州。

1,8 (一一,二四) 江南軍提督張國樑，總兵李若珠進紮南京(天京)高橋門，副將張玉良進紮鍾山龍脖子，總兵傅振邦虎嵩林逼秣陵關。江南大營復振 (欽差大臣和春大營在滄波高橋兩門之間。旋於城西城南城東一帶寬掘長濠，堅築高壘，自水西門迤東，歷通濟太平諸門，北達七里洲，綿亘百餘里，經年始成，俗稱萬里長濠)。

總兵邱聯恩擒豫捻王三辮子於河南伊陽。

逼攻天京

長濠

- 1,19 (一二,五) 貴州燈花教首劉儀順起事，占領思南府，殺知府福奎。以白布裹首（是謂“白號之亂”）。
- 1,21 (一二,七) 提督張國樑進逼南京朝陽門，副將張玉良攻占北固山。
- 1,22 (一二,八) 湘軍道員劉長佑，蕭啓江，同知劉坤一，知縣江忠義，參將田興恕，會水師道員劉于濬攻克江西臨江府，擒將軍總制，監軍元勛，功勛，經歷，通侍等頭目百餘人。檢點張發紀等北走，（1,24 指揮聶才堅在瑞州被擒）。
- 1,25 (一二,一三) 成天豫（義？）又正掌率陳玉成，定天福（一作定天燕）國宗韋俊（志俊）退出安徽霍山，合捻北進，皖軍知府袁懷忠，知縣王自範收復縣城（玉成留受天福葉芸來，倚天侯陳仕榮屯太湖宿松。）
- 江西太平軍占領零都。
- 1,27 (一二,一五) 江南軍總兵傅振邦虎坤元攻江甯秣陵關，都司闕明德等戰死。
- 2,1 (一二,一八) 成天豫陳玉成，定天福韋俊與副都統勝保戰於三河尖（擬入河南往湖北德安一帶

湘軍克臨江府

陳韋入河南
攻固始

- 招軍回援天京)。
- 2,2 (一二·一九) 貴州白號教匪占領印江。
- 2,5 (一二,二二) 成天豫陳玉成, 定天福韋俊與捻韓狼子圍攻河南固始。
- 2,8 (一二,二五) 江西臨江府敗走之檢點張發紀入湖北興國州, 爲湘軍副將周寬世所敗, 折回武寧(三四月間被擒)。
- 2,9 (一二,二六) 侍衛伊興額, 總兵史榮椿, 及練總苗沛霖攻破安徽渦淝一帶黑藍二旗捻首劉二老淵(卽劉狗, 原名玉淵)等所據之七圩。
- 2,10 (一二,二七) 捻張隆(卽張元龍), 任乾, 夏仲(以上藍旗), 李允, 陸連科(以上白旗)自安徽六安州北走壽州, 逼臨淮(均屬張洛行)。
- 2,14 (一,一) 安徽太平軍(受天福葉芸來倚天侯陳仕榮丞相韋朝綱?)西進湖北蘄州, 湘軍糧道唐訓方却之。
- 2,16 (一,三) 江南軍提督張國樑, 副將張玉良, 周天培, 馮子材破天京神策門, 太平門外太平軍。
- 2,17 (一,四) 成天豫陳玉成, 定天福韋俊轟場河南固始城牆數丈, 守軍王庭蘭及知縣張曜力戰禦之。

捻首

袁甲三自皖北正陽關移軍霍邱三河尖（防陳玉成等）。

2,19（一，六）總兵邱聯恩擒豫捻陳太安於河南裕州（今方城）。

2,21（一，八）安徽潁州會黨王庭楨，李朝仕等勾通太平軍，進攻河南沈邱（旋平）。

2,22（一，九）安徽宿松太平軍（受天福葉芸來倚天侯陳仕榮？）進至湖北蘄州風火山，清副都統多隆阿破之。

國宗楊閏清楊玉清自江西撫州攻臨江府，敗湘軍副將田興恕於洪姑塘潭埠墟。

李秀成秉政

2,25（一，一二）合天義副掌率李秀成督軍分出天京太平門，神策門，及下關，清提督張國樑，副將張玉良，馮子材却之，遊擊張成伍等戰死（時秀成獨秉國政，保林紹璋爲地官又副丞相，調京任務）。

石達開東進

2,26（一，一三）翼王石達開自江西撫州，進賢，東鄉東進廣信，擬入浙江，留軍略余子安守撫州（天王曾數次派人到撫州請援）。

2,28（一，一五）侍天福李世賢合捻李昭壽由當塗攻寧國府，占領黃池灣沚。

3,3（一，一八）翼王石達開進至江西貴谿鷹潭，

湘軍同知李元度等拒之。

成天豫陳玉成等再炸河南固始城牆，復爲知縣張曜及參將張得勝等擊退。

3,7 (一, 二二) 安徽宿松太湖之太平軍倚天侯陳仕榮及拱天豫某復進入湖北蘄州境內，翼長多隆阿再破之，踏毀營壘十餘座。

陳仕榮入湖北

欽差大臣德興阿督軍逼攻浦口江浦。

3,9 (一, 二四) 江西都昌知縣尹世堂敗死。

3,10 (一, 二五) 翼王石達開自江西貴谿入弋陽。

3,11 (一, 二六) 翼王石達開趨鉛山，清西安將軍福興禦之於河口鎮。

3,13 (一, 二八) 湘軍道員蕭啓江，劉于濬，同知劉坤一克復江西新淦（劉長佑因病已於昨日回籍，其叔坤一代領其軍）。

3,14 (一, 二九) 檢點賴裕新及朱衣點退往崇仁。

江南軍直隸通永鎮總兵虎坤元（嵩林之子）攻江寧秣陵關，中槍陣亡（年二十七歲）。

虎坤元陣亡

3,15 (二, 一) 翼王石達開占領江西鉛山，西安將軍福興遁走。

3,16 (二, 二) 江寧秣陵關太平軍分路出攻，總兵李若珠，副將戴文英，遊擊馬德昭等敗之。

3,18 (二, 四) 倚天侯陳仕榮（時永）入安徽潛山水吼嶺，擊潰鄉勇。

石達開攻廣豐

3,19 (二,五) 翼王石達開敗清軍於江西廣信府，斬福建遊擊賴高翔，進圍廣豐（“求闕齋弟子記謂3,18達開占廣豐”）。

3,20 (二,六) 成天豫陳玉成，定天福韋俊與副都統勝保，安徽藩司李孟羣戰於河南固始，檢點陳得彬，將軍劉聚得被擒。

翼王石達開軍過江西玉山東去。

3,22 (二,八) 倚天侯陳仕榮，丞相韋朝綱復自安徽太湖西進，入湖北蘄州境，湖北糧儲道唐訓方敗之於安仁河。

3,23 (二,九) 成天豫陳玉成，定天福韋俊再炸塌河南固始城牆，知縣張曜復却之。

3,25 (二,一一) 倚天侯陳仕榮，丞相韋朝綱進至湖北蘄州黃泥畷，為湖北糧儲道唐訓方，都司梁洪勝所敗，朝綱及正典尉周時選，木八將軍胡尙直均被擒。

江南軍克秣陵關

3,28 (二,一四) 江南軍總兵李若珠，周天培，副將劉季三，戴文英攻克江寧秣陵關，（3,9 已開始激戰）。

湘軍知府張運蘭，同知王開化，總兵普承堯克江西樂安。

湖北軍敗陳仕榮

倚天侯陳仕榮復自安徽太湖西進，湖北糧儲道唐訓方督知縣丁銳義，都司余際昌大破之於南陽河，平壘二十九座，斬獲千餘（官書謂仕榮戰死，

不確。仕榮屢次西進，意在接應陳玉成韋俊）。成天豫陳玉成，定天福韋俊屢炸河南固始城牆，終未得攻入。

8,29 (二,一五) 江南軍提督鄧紹良，總兵傅振邦攻克安徽宣城灣沚鎮，敗侍天福李世賢。

3,30 (二,一六) 國宗楊義清楊輔清自贛東占領福建崇安岑陽關（此軍來自鉛山，二楊時似與石達開合作）。

檢點賴裕新及朱衣點自江西崇仁反攻新淦，道員蕭啓江敗之於麻嶺，走撫州（旋東去合翼王石達開大隊）。

湘軍提督楊載福，藩司李續賓水陸軍環攻九江。貞天侯林啓榮禦之。

3, (二月中旬) 副掌率合天義李秀成強請出天京，調度援軍，天王准奏。天京政務由正掌率贊天安蒙得恩，益天福李春發，地官又副丞相林紹璋掌管，不准安王洪仁發，福王洪仁達理事。秀成即出南門往蕪湖李世賢軍中，商定世賢敵南岸，秀成敵北岸（此條係參酌李秀成供狀及“欽定剿平粵匪方略 卷一九三而成”）。

4,1 (二,一八) 湖北羅田知縣崔嗣馨克復安徽英

李秀成出天京及其布置

山。

4,2 (二,一九)侍天福李世賢圍攻安徽南陵，總兵周天受禦之。

4,4 (二,二一)匡宗楊輔清楊義清占領福建浦城，知縣韓湛，劉芳雲死之。

4,5 (二,二二)江南軍總兵李若珠占領江寧三板橋。

翼王石達開敗總兵饒廷選副將周萬遠於江西廣豐大南橋。

4,6 (二,二三) 密雲副都統勝保，安徽布政使李孟羣，總兵樂善，知縣張曜解河南固始圍，斃籲天侯卜占魁等。成天豫(義?)陳玉成，定天福韋俊(志俊)南入湖北，擒韓狼子東回安徽(六安)。

4,7 (二,二四)貴州思南府燈花教胡勝海起事於思南府火堡，以黃布裹首(是謂“黃號”教匪，亦奉劉儀順爲教主)。

4,9 (二,二六)總兵李若珠克復江寧大勝關。

4,11 (二,二八)浙江布政使李續賓(湘軍)開始挖地道，轟炸九江城牆。

4,12 (二,二九)翼王石達開敗浙江軍遊擊楊國正於江西廣豐清湖。

陳韋經豫入鄂

國宗楊輔清占領福建松溪政和（一作4,5）。

4, 合天義李秀成率陳坤書，蕭招生（蘇招山），吳定彩，陳炳文等精兵五千餘人分二路由蕪湖及東梁山渡過江北，齊集含山（據“方略”卷一九一，頁一，秀成渡江，似在4,13—14左右）。

4,14（三，一）江南軍提督張國樑，總兵戴文英，李若珠等會攻江寧七橋壑，印子山，逼近雨花臺。

4,15（三，二）翼王石達開撤江西廣豐圍，進占浙江江山，（一作4,14）守軍遊擊楊國正豫遁。

江西軍參將遮克敦布克復雩都。

4,16（三，三）安徽軍副將惠成，鮑雲翥，參將錫昌克復和州。

天京雨花臺，印子山，七橋壑太平軍迭攻江南大營，張國樑却之。

4,17（三，四）湘軍道員張連蘭，知府王開化收復江西宜黃，太平軍棄城走（“宜黃縣志”作4,22，此據秉章奏）。

4,18（三，五）翼王石達開逼近浙江衢州。

4,19（三，六）湘軍道員張連蘭克復江西南豐。

湘軍道員蕭啓江，知府劉坤一，王開化克復江西崇

李秀成屯含山

石達開入浙江

仁。

4,20 (三,七) 翼王石達開圍攻浙江衢州, 清將軍福興總兵饒廷選禦之, (越日總兵周天受江長貴到)。

4,22 (三,九) 成天豫又正掌率陳玉成, 定天福韋俊自河南商城分攻湖北羅田之松子關, 銅鑼關, 及麻城之五斗坳, 長林關。安徽布政使李孟羣回六安州。

翼王石達開軍占領浙江常山。

4,23 (三,一〇) 湘軍同知李元度自江西貴溪移軍玉山。

4,24 (三,一一) 成天豫(義)陳玉成, 定天福韋俊敗湖北軍游擊李曙堂於麻城嚴家河, 占領麻城。

4,25 (三,一二) 調湖北提督德安往安徽廬州, 會同巡撫福濟辦理軍務, 調壽春鎮鄭魁士赴江南軍營(魁士與福濟不和)。

4,26 (三,一三) 副都統舒保副將趙克彰等進援湖北麻城。

4,28 (三,一五) 翼王石達開軍占領浙江開化。

5,1 (三,一八) 湘軍道員蕭啓江知府劉坤一進軍江西撫州上頓渡。

5,2 (三,一九) 藍旗捻張隆(元龍), 任乾, 白

陳章占麻城

旗捻李允，占領安徽五河。劉天福等進擾宿州，睢寧，及徐州東路。

水師總兵李德麟收復安徽銅陵。

5,4 (三, 二一) 合天義副掌率李秀成破安徽昭關，敗游擊聶桂榮。

国宗石鎮吉（一作進級或正紀，屬翼王）自浙江龍游越青萌嶺，占領遂昌。

湘軍道員張運蘭，知府王開化等斃指揮蘇祝增（屬翼王）於江西建昌府，破磁圭墟。

5,6 (三, 二三) 国宗石鎮吉占領浙江松陽，知縣張士超死之。

江西太平軍自瀘谿鐵外關占領福建光澤（此枝似係国宗楊輔清部，但“邵武府志”則云爲黑旗，又似係石達開部）。

5,8 (三, 二五) 合天義李秀成占安徽和州，擊潰副將鮑雲翥，惠成軍。

李秀成再占和州

浙江布政使李續賓（湘軍）轟塌九江東門城牆，貞天侯林啓榮却之。

道員吳棠黃元吉克復安徽五河，捻張隆任乾敗走。

5,9 (三, 二六) 江西新城知縣文明收復縣城。

5,10 (三, 二七) 太平軍自福建光澤占領邵武府。

国宗石鎮吉占領浙江處州（清總兵周天受到武義）。

石鎮吉占處州

- 合天義李秀成率亞天福占領安徽全椒。
- 成天豫陳玉成，定天福韋俊敗湘軍副將鮑超（靈營）於湖北麻城黃土崗，斬都司胡達，鮑超受傷。道員李續宜到麻城應援。
- 欽差大臣德興阿部總兵鞠殿華，成明自江浦援和州。
- 5,11（三，二八）合天義李秀成，占領安徽滁州。
- 5,12（三，二九）道員（六合知縣）溫紹原，總兵安勇（德興阿部）攻克江浦，斬國宗洪仁昌（卽洪麻子）。
- 浙江布政使李續賓轟塌九江南門城牆，復被拒退。
- 廣西艇匪（三合會陳開部？）占領平樂府。
- 5,13（四，一）合天義李秀成占領安徽來安。
- 5,14（四，二）湘軍道員李續宜督副將張文煥，周寬世，參將何紹彩，朱品隆，黃日勝，同知蔣凝學，會同副都統舒保馬隊猛攻湖北麻城，毀平南路各壘，殺斃數千，擒指揮石元亨，總制陳天發，將軍李天開等。陳玉成，韋俊亦猛烈抗拒，陣斃張文煥，及都司謝國俊，千總熊世定等。
- 5,15（四，三）副都統勝保，侍衛穆騰阿等環攻安徽六安州，擒張洛行等禦之。
- 以英榮署河南巡撫（英桂病）。

李秀成占滁州

李續宜攻麻城

5,17 (四,五) 江西吉安太平軍出城猛攻,同知曾國荃敗之。

5,18 (四,六) 命漳州鎮總兵周天受督辦浙江防剿事宜 (“越縵堂日記補”誤天受爲天培)。

周天受

湘軍知府王開化,同知王文瑞,參將朱南桂斬殿左三前隊雄猛元戎職同丞相廖雄高,殿右三百一十二指揮廖亞清等於江西南豐。

5,19 (四,七) 浙江布政使李續賓以地道轟塌九江東南城牆一百餘丈,督副將李續燾,沈俊德,雷風雲,成大吉,李長林,參將劉連升,蕭慶衍,王載駟,李集賢,朱希廣,李登梗,唐義訓,遊擊黃澤遠,知縣蕭積仰等,會同福建提督楊載福,惠潮嘉道彭玉麟水師攻克九江府城。貞天侯林啓容及元戎李興隆等以下一萬七千餘人均死之 (啓榮據九江已四年餘)。清都司朱春堂,劉正南,千總謝芝輝,葉定海等亦戰歿。

李續賓克九江

國宗石鎮吉 (翼王石達開部) 大敗總兵周天受,明安泰於浙江處州銀場,天受等潰退金華。

5,20 (四,八) 國宗石鎮吉占領浙江縉雲。

李秀成之困難

5,21 (四,九) 幫辦江北軍務侍郎翁同書，副都統富明阿，穆克登阿攻克安徽來安，合天義李秀成退回滁州（旋交滁州與捻李昭壽鎮守，自與部將陳坤書，吳定彩，蘇（蕭）招生，譚紹光，陸順德守全椒。時天京被困，其母亦在內，秀成日夜焦慮，各將領均願拚死解救京都。當即逐日操演人馬，欲先掃清江浦浦口，隔江通信，以安京內人心）。

江西太平軍乘南豐，道員張運蘭遣軍復之。

知縣蔣澤春攻克廣西平樂府，艇匪走。

5,23 (四,一一) 福建軍副將賈開泰，參將顧飛熊克復光澤。

欽差大臣湖廣總督官文，湖北巡撫胡林翼奏陳東征計畫（以李續賓九江得勝之陸師先清皖北，再及江南，以楊載福等之水師先清安慶，分討金陵）。

5,24 (四,一二) 湘軍知府王開化，同知胡兼善，參將朱南桂等敗指揮王德益，檢點盧姓於江西南豐，擒典旗官劉紹孚，先鋒沈廷英（5,30又擒耿忠先鋒劉夢熊）。

國宗石鎮吉占領浙江永康。

5,25 (四,一三) 勝保，袁甲三及侍衛穆騰阿，副都統明慶攻克安徽六安州，副都統楚勒剛阿，遊擊亮志戰死。捻張洛行，襲得樹北走正陽關（洛

胡林翼東征計畫

勝保克六安

行叔玉明被擒)。

貴州黃號教匪占領婺川。

5,26 (四,一四) 成天豫陳玉成等分軍繞道占領湖北黃安。

國宗石鎮吉占領浙江武義。

渠帥李旺保(廣匪)與防守江西撫州之主將余子安不合,東走建昌府。

5,27 (四,一五) 副都統海全總兵英貴攻克安徽和州烏江。

5,28 (四,一六) 黑旗捻(一作藍旗)劉二老淵(即劉狗,李月舊部)自江蘇碭山豐縣擾魯豫之交。

5,29 (四,一七) 官文胡林翼賞加太子少保銜。

5,30 (四,一八) 廣東提督崑壽克復廣西梧州,大成(三合會)平東王梁培友及羅華觀等退走(崑壽進克藤縣)。

粵軍克梧州

6,1 (四,二〇) 湘軍道員蕭啓江,劉于濬,知府劉坤一克復江西撫州府,先鋒(指揮)黃陽(“廣匪”),監軍王維朋內應,軍略余子安走金谿。

湘軍克撫州

副都統舒保,副將趙克彰攻湖北黃安,毀壘五座。

6,2 (四,二一) 捻張洛行,龔得樹,合張隆占領

安徽懷遠。

命浙江布政使李續賓赴本任應援（未果行）。

6,4（四，二三）國宗石鎮吉占領浙江雲和。

翼王石達開軍破浙江衢州東門清軍營壘。

江西餘干知縣黃振成收復江西東鄉，太平軍棄城走。

6,5（四，二四）合天義李秀成率部將陳坤書，譚紹光，吳定彩，蘇招生，陸順德，陳炳文及精兵五千由安徽全椒下大劉村安營，擬自橋林進攻江浦浦口，援救天京。德興阿拒之。

江西太平軍入福建，占領建寧縣。

湘軍道員張運蘭，知府王開化，同知王文瑞，胡兼善，參將朱南桂，克復江西建昌府，太平軍棄城走，丞相胡玉堂，指揮胡雙海被擒。

6,6（四，二五）欽差大臣德興阿，總兵鞠殿華，及副都統富春馬，步軍大破合天義李秀成軍於江浦大劉村，毀營十三座。秀成部折損二千餘人，退進湯泉一帶，自帶數騎轉回全椒（旋行文各鎮守將，擇日齊到樞陽會計。又德興阿奏是役斃太平軍七千

李秀成攻江浦

湘軍克建昌府

德興阿破李秀成

名，擒九百二十名，據秀成供狀，當時秀成全軍不足五千）。

福建提督楊載福水師自九江進駐安慶華陽鎮。

6,7 (四, 二六) 浙江布政使李續賓到湖北黃安(上月二十八日自九江取道黃陂而來)，會同副都統舒保兩路夾攻。

李續賓援湖北

命欽差大臣和春赴浙江督辦江南浙江兩省軍務，總兵周天受幫辦浙江軍務，(是日總兵周天培自江南到金華)。

和春兼浙江軍務

6,8 (四, 二七) 軍略余子安退出金谿縣。

6,9 (四·二八) 浙江藩司李續賓督陣進攻湖北黃安。

6,10 (四, 二九) 廣西賓州代理知州何兆荅克復州城，三合會黃三敗走。

天地會南興王陳金剛大敗廣東軍於德廣州。

6,11 (五, 一) 擒李昭壽(兆受)自天京到滁州，(大約係應李秀成之召)。

6,12 (五, 二) 浙江藩司李續賓會同副都統舒保督同知何忠駿，副將何紹彩，趙克彰，黃勝日等攻克湖北黃安，斃丞相劉姓，先鋒余姓，檢點馬姓。

6,14 (五, 四) 成天豫又正掌率陳玉成，定天福國宗韋俊以湖北黃安不守，即放

陳章自鄂東退

棄麻城東北走。湘軍道員李續宜，副將鮑超追擊敗之。

黑旗捻張隆任乾占領安徽臨淮，道員黃元吉軍敗潰。

6,15 (五, 五) 黑旗捻張隆任乾占領安徽鳳陽府。

6,18 (五, 八) 倚天侯陳仕榮自安徽太湖英山三路西入湖北，擬上援麻城之陳玉成韋俊。湖北糧儲唐訓方督同知丁銳義，游擊張嵩齡，余際昌，都司朱恢三，楊飛雄迎擊，敗之於蘄州界牌石。

6,19 (五, 九) 福建軍知縣趙圻克復建陽。

6,20 (五, 一〇) 湘軍提督楊載福再克安徽東流。

6,21 (五, 一一) 捻趙浩然圍攻河南永城。

6,22 (五, 一二) 成天豫陳玉成，定天福韋俊自湖北麻城退集安徽霍山一帶（招集德安襄陽人馬下救天京之計劃失敗）。

6,23 (五, 一三) 國宗石鎮吉占領浙江宣平。翼王石達開軍占壽昌。

6,24 (五, 一四) 廣西按察使蔣益澧統湘軍克復柳州府，昇平天國鎮南王朱洪英及黃金亮等走貴州古州（一說平靖王李文茂在內）。太平軍（翼王石達開部？）占領福建泰寧。

6,25 (五, 一五) 賞已革兩廣總督徐廣縉五品頂

捻占鳳陽府

陳韋退霍山

湘軍克柳州

帶，隨同勝保辦理軍務。

6,26 (五,一六)中英天津條約簽字(明日中法條約簽字)。

天津條約

6,27 (五,一七)倚天侯陳仕榮復自安徽太湖彌陀鎮西入湖北蘄州邊境，湖北糧道唐訓方，同知丁銳義，游擊余際昌，張嵩齡等復敗之。

6,28 (五,一八) 國宗楊輔清收福建軍於建陽麻沙，斬延建邵道趙印川(時輔清仍假東王楊秀清號，稱東殿)。

官文胡林翼奏李續賓不克赴浙，請改派道員蕭啓江張運蘭前往(本月二十日具奏)。

6,29 (五,一九)湖北糧道唐訓方軍進逼安徽太湖南陽河。

6, 天王族弟洪仁(即洪仁玕)得西人資助，自香港取道廣州南雄過梅嶺入江西。

洪仁玕北上

7,1 (五,二一)命曾國藩馳赴浙江辦理軍務，並令蕭啓江，張運蘭，王開化速赴援。

曾國藩援浙

袁甲三由安徽正陽關到徐州府。

7,2 (五,二二)欽差大臣湖廣總督官文湖北巡撫胡林翼條陳楚軍水陸東征籌度情形。

7,4 (五,二四)成天豫(義?)陳玉成，定天福韋俊因安徽布政使李孟羣軍之壓迫，自霍山移屯

潛山太湖一帶。

7,5 (五, 二五) 太平軍自江西占領福建寧化。

湖南巡撫駱秉章奏請令曾國藩迅速起程，統率江西湘軍，東援浙江。

7,7 (五, 二七) 國宗楊輔清再占福建建陽，參將黃秀戰死。

7,8 (五, 二八) 浙江軍道員段光清克壽昌。

7,9 (五, 二九) 寧波史致芬亂，攻府城。

7,11 (六, 一) 命徐州鎮總兵傅振邦自蕪湖回皖北剿捻 (總兵鄭魁士本日自廬州江南大營)。

7,14 (六, 四) 翼王石達開撤浙江衢州府圍，分向東南兩路退走。

7,15 (六, 五) 湘軍道員李元度，同知彭斯舉收復浙江常山 (翼王石達開部自行退去)。

都統勝保攻安徽鳳陽府，副將張得勝攻懷遠，練總苗沛霖攻龍亢鎮 (屬懷遠)。

7,16 (六, 六) 浙江軍副將陶茂森收復江山 (石達開部南走)。

7,17 (六, 七) 曾國藩自湖南湘鄉原籍赴江西。

7,18 (六, 八) 道員劉長佑自湖南新寧原籍到江西撫州營次 (7,22知府劉坤一離營回湘)。

總兵周天培收復浙江武義永康二縣 (石達開部自退)。

石達開撤衢州圍

廣西北流知縣鄒德潤克復縣城，天地會范亞英退走。

7,19 (六,九) 副將陳開選收復浙江縉雲。

調楊載福爲福建水師提督。

7,20 (六,一〇) 總兵周天培克復浙江宣平。

福建巡撫慶端出駐延平督軍。

7,22 (六,一二) 曾國藩抵長沙，與巡撫駱秉章及左宗棠會商援浙軍事（時宗棠仍在秉章幕中）。

7,23 (六,一三) 國宗石鎮吉放棄浙江處州府城，焚民居三百餘家。

以翁同書代福濟爲安徽巡撫督辦軍務（福濟一再與該省統兵將帥衝突）。

7,24 (六,一四) 福建軍聯甲克建陽。

7,26 (六,一六) 總兵周天培，副將陳開選收復浙江處州府。

7,27 (六,一七) 浙江溫州鎮總兵葉炳忠收復雲和。

7,29 (六,一九) 翼王石達開部（石鎮吉？）自浙江松陽占領龍泉（一作7,25）。

7,30 (六,二〇) 總兵周天受周天培克復浙江松陽。

8, 合天義李秀成會各鎮守將黃文金，李世賢於安徽樅陽，陳玉成亦到（秀成自

翁同書代福濟

二次樅陽之會

全椒來)，會計軍事，各誓一心，訂約會戰，解天京圍。

（註）秀成供狀謂事在太平天曆九月中。惟審其文意， 樞陽之會， 當在破廬州攻定遠及烏衣浦口之戰以前。按廬州之破在陰歷七月十五日，進攻定遠在陰歷八月初五日，烏衣浦口之戰在陰歷八月二十日。是此會當在陰曆六七月間，最遲亦當在七月上旬。又陰曆九月十四日湘軍提督楊載福水師曾攻下樞陽礮壘，在此種情勢之下，樞陽似不宜於舉行重要會議。

8,2（六，二三）命總兵周天受速由浙江援福建。

8,3（六，二四）曾國藩由長沙抵武昌，與官文胡林翼商軍務。

檢點張忠泰（翼王石達開舊部湖北黃陂人）以皖南建德降於湘軍提督楊載福（守建德之主將先為招天豫，後為因天福）。

8,4（六，二五）命浙江衢州鎮總兵李定太幫辦欽差大臣和春軍務，總統浙江剿匪事宜（周天受以調度乖方，縱兵擾民被劾）。

督辦皖南軍務張芾劾前任江南河道總督涇縣潘錫恩慳吝抗捐，紳富效尤。得旨命即捐餉銀數十萬

曾國藩到武昌

兩，以贖前愆，否則從重治罪。

8,8 (六, 二九) 福建軍知府陳維漢克復松溪。

8,9 (七, 一) 福建軍遊擊袁良克復政和。

8,11 (七, 三) 成天豫(義?) 陳玉成, 侍天福李世賢等由安徽舒城三河進攻廬州。

8,12 (七, 四) 曾國藩自武昌到黃州巴河, (曾國華, 李續賓, 彭玉麟先後來見, 商陸師各項章程, 及行軍止營出隊之法。續賓派撥副將朱品隆, 唐義訓湘勇二營爲國藩親兵)。

8,14 (七, 六) 福建軍知府雷瑞先克復寧化。

8,15 (七, 七) 國宗楊輔清楊義清以與翼王石達開不合, 自福建浦城走江西。

8,16 (七, 八) 總統江南諸軍提督張國樑督總兵王浚, 張玉良(攻太平門), 馮子材(襲金川門), 戴文英, 副將馬德昭(擣雨花臺) 分路逼攻南京。

江南軍攻天京

8,18 (七, 一〇) 命曾國藩以援浙江之師移援福建。

翼王石達開入福建浦城崇安, 屯星村黎源。總兵周天受周天培收復浙江龍泉。

石達開入福建

8,19 (七, 一一) 國宗楊輔清楊義清入江西廣豐, 敗湘軍平江營守備彭大壽知縣夏宏江, 進圍縣城(輔清擬由皖南進援天京)。

擒李昭壽（兆受）在安徽滁州清流關向都統勝保通款（昭壽在數月前已有降意，勝保曾獲其全家，未加害）。

曾國藩自黃州抵九江，晤楊載福，（明日到湖口）。

胡林翼丁母憂。

8,23（七，一五）前軍主將陳玉成，左軍主將李世賢及吳如孝攻占安徽廬州府，斬總兵蕭開甲，游擊黃國堯，知府伍成功。安徽布政使李孟羣潰退六安州，知府馬新貽匿避獲免。

國宗楊輔清撤江西廣豐圍，進攻玉山，湘軍道員李元度拒之。

8,24（七，一六）前軍主將陳玉成遣吳如孝由廬州北進，占領店埠梁園。後軍主將李秀成自安徽全椒進向烏衣東葛。

（註）據秀成供狀，秀成封後軍主將約在陰曆九月，但據“欽定剿平粵匪方略”卷二百零一，頁三三，八月十四日勝保奏，有“後軍主將李壽成”云云，壽成即秀成。是秀成及陳玉成楊輔清等之封主將，當在是時之前。李世賢之封左軍主將，當亦在

陳玉成占廬州

五軍主將

1858（咸豐八年）

此時，“方略”，卷二〇三，頁二二，九月初四日勝保奏有“偽前軍主將陳玉成暗結後軍主將李壽城，右軍主將李士顯等潛由舒桐襲取廬郡 云云，“右軍主將李士顯 當爲左軍主將李世賢之誤。至中軍主將，則爲楊輔清，惟或較陳李等稍後。右軍主將，應係韋俊。“粵匪方略”，卷二二一，頁六，咸豐九年七月初三日，勝保奏報安徽盱眙戰事云：“粵逆陳四眼狗於上月糾同逆首偽主將李受懲韋志俊悉銳撲犯盱眙”云云（參看1859,6,26）。李受懲卽李秀成，韋志俊卽韋俊。志俊亦主將之一。以資格論，亦爲當然，俊爲韋正（昌輝）之弟，正本右軍主將，以之授俊，亦復合理，如楊輔清之主中軍。至劉官芳原屬俊部，及俊降清軍，官芳不從，反戈攻之，因繼俊任右軍主將。

民國二十五年十二月二十八日補註：近見于王洪仁玕供辭，證明右軍主將確爲韋俊，而中軍主將爲蒙得恩。楊輔清之任中軍主將，大約當在一八五八至一八五九年之交。仁玕供云：“戊午年乃封陳玉成爲前軍主將，李秀成爲後軍主將，李世賢爲左軍主將，韋志俊爲右軍主將，蒙得恩爲中軍主將，兼正掌率，掌理朝〔政〕，稍可自立”（見“逸經”第二十期）。

安徽巡撫翁同書潰退安遠。

8,26 (七,一八) 國宗楊輔清力攻江西玉山, 總制胡先祥死之。

8,27 (七,一九) 胡林翼丁母憂, 以官文暫行兼署湖北巡撫。

8,28 (七,二〇) 命總兵李定太周天受等統歸曾國藩調度援閩。

廣東三合會大洪王(南興王)陳金剛部元帥鄭金自廣西懷集信都圍攻賀縣。

8,29 (七,二一) 曾國藩自湖口到南昌。

湘軍同知曾國荃力攻江西吉安府, 幾克之。

總兵周天培收復福建浦城。

8,30 (七,二二) 翼王石達開敗福建軍總兵林向榮等, 占領建陽。

國宗楊輔清撤江西玉山圍, 趨德興。

8,31 (七,二三) 命蒙古都統勝保爲欽差大臣, 督辦安徽軍務, 安徽巡撫翁同書幫軍務, 太僕寺卿袁甲三督辦三省剿匪事宜。並命江寧將軍都興阿, 浙江布政使李續賓自湖北援安徽。

湘軍道員張運蘭擒檢點張其相(石達開部)於江西建昌府。

9,1 (七,二四) 曾國藩自南昌赴贛東。

國宗楊輔清大敗浙江軍於江西德興及浙江開化間, 斬參將胡定國, 同知劉福林, 知縣湯世銓。

胡林翼丁憂

剿擒統帥

- 9,3 (七, 二六) 以胡興仁代晏端書爲浙江巡撫。
- 9,4 (七, 二七) 國宗楊輔清自江西德興攻安徽婺源黃瓜尖嶺, 敗參將丁文尙, 斬千總周占雄。
- 9,5 (七, 二八) 浙江布政使李續賓江寧將軍都興阿進攻安徽太湖。受天福葉芸來拒之。
- 9,6 (七, 二九) 翼王石達開軍放棄福建崇安, 清遊擊王興業復之。
- 9,7 (八, 一) 白旗捻孫癸心, 李允, 陸連科敗清副都統伊興額等於安宿州之鐵佛寺, 占領黟溪口, 斬參將玉祿常瑞。伊興額退蕭縣。
- 9,9 (八, 三) 湘軍道員劉長佑率部自江西撫州府到新城。
- 9,10 (八, 四) 湘軍同知曾國荃, 道員趙煥聯等水陸環攻江西吉安府。
- 9,11 (八, 五) 吳如孝及捻龔得樹占領皖北藕塘鎮, 進攻定遠, 敗副都統穆騰阿。
- 江西太平軍(石達開部)敗道員劉于濬於景德鎮。
- 9,12 (八, 六) 國宗楊輔清自江西德興進占安徽婺源(擬東援天京, 清總兵江長貴阻之。又洪仁玕此時應在輔清軍中)。
- 9,13 (八, 七) 翼王石達開軍前隊經略楊在田自福建光澤經鐵牛關入江西, 占領瀘溪。湘軍道員劉長佑部參將鄧在富, 守備盧秀峯, 何益發潰退。

湘楚軍東征

(楊在田在太平軍中資格頗老)。

9,14(八,八) 曾國藩抵贛東鉛山河口鎮,擬由分水關進福建崇安。

總兵周天受周天培收復福建建陽。

白旗捻孫葵心,陸連科,黑旗捻蘇天福占領江蘇豐縣,入山東境,進攻單縣(未下)。

9,15(八,九) 經略楊在田(翼王部)占領江西金谿。

湘軍同知曾國荃,道員趙煥聯,副將劉培元猛攻江西吉安府,殲滅自城內衝出之太平軍約二三千人。

9,16(八,一〇) 江西吉安府太平軍進占崇仁。

江西景德鎮太平軍(大約係國宗楊輔清部之另一枝)攻皖南祁門,將軍蕭明奎先鋒黃亮德戰死。

太僕寺卿袁甲三軍收復江蘇豐縣。

9,17(八,一一) 前軍主將陳玉成自安徽滁州烏衣進攻浦口,占領東葛西葛,與欽差大臣德興阿,總兵鞠殿華等相持。

湖北巡撫胡林翼以丁憂自武昌回湖南益陽原籍。

9,18(八,一二) 曾國藩奏於湖口建立湘軍水師昭忠祠,於湘鄉建立忠義祠。

9,19(八,一三) 經略楊在田自江西金谿進占安仁。

曾國藩到贛東

陳玉成攻浦口

9,20 (八,一四) 擒孫葵心, 蘇天福, 劉二老淵等
撤山東單縣圍, 進占城武, 知縣彭鳳翹死之。

擒入山東

9,21 (八,一五) 曾國藩以江西安仁被占, 後方緊急, 自河口鎮退駐弋陽, (昨日已派道員張運蘭等往安仁攻勦)。

湘軍同知曾國荃, 劉騰鶴, 總兵普承堯, 道員趙煥聯, 副將劉培元, 及遮克敦布攻克江西吉安府, 擒先鋒李雅(阿)鳳, 副將軍吳大發 (丞相翟明海已先為雅鳳所殺)。

曾國荃克吉安

9,22 (八,一六) 浙江布政使李續賓, 江寧將軍都興阿, 督副都統多隆阿, 總兵鮑超, 副將趙克彰, 朱希廣, 何紹彩, 李續燾, 參將石清吉, 謝永祜攻克安徽太湖, 守將受天福葉芸來退回安慶。

李續賓克太湖

擒孫葵心, 蘇天福, 劉二老淵等占領山東曹縣。曹州鎮總兵多隆武屯兵定陶, 不敢前進 (擒明日棄城走)。

翼王石達開軍放棄福建邵武府, 焚學宮, 全部分趨江西閩南 (汀州)。清福建軍都司武明良收復府城。

9,25 (八,一九) 湘軍道員張運蘭, 知府王文瑞,

江忠義攻克江西安仁，經略楊在田敗北走，擬入皖南。

翼王石達開部林彩新，周春，李積，譚星等花旗自福建邵武入江西新城，湘軍道員劉長佑力禦之，捻師帥羅喜（9,27再爲長佑所敗。時國宗石鎮吉，石鎮常，經略余子安等亦自福建浦城崇安邵武一帶謀入江西）。

調英桂爲山西巡撫，恆福爲河南巡撫。

9,26（八，二〇）前軍主將陳玉成，後軍主將李秀成破欽差大臣德興阿，幫辦軍務總兵鞠殿華，及欽差大臣勝保之馬軍於安徽滁州烏衣。

經略楊在田敗湘軍主簿吳國佐於江西萬年，斬營官劉本傑。

江西太平軍自崇仁再占宜黃，知縣傅培峯死之（卽克）。

9,27（八，二一）前軍主將陳玉成，後軍主將李秀成進至小店，擊敗自江南來援之總兵馮子材，直下浦口，前後夾擊，再破欽差大臣德興阿軍，斬總兵安勇，副將陳昇，副都統烏爾恭額，台斐音

陳李破江北
大營

保，知府孔繼鏞，宣維祜。德興阿登江口師船走揚州。江北大營破，隔江與天京通信（二解天京圍）。

二解天京圍

浙江布政使李續賓督副將趙克彰，何紹彩等克復安徽潛山，斬獲頗衆。

清總兵朱連泰等收擒孫葵心（白旗），劉二老淵（黑旗），李大喜（黃旗）於安徽亳州附近，協領德隆阿戰死。

9,28（八，二二）經略楊在田占領西樂平。

江南軍總兵馮子材自浦口敗回江南。

9,29（八，二三）前軍主將陳玉成占領江蘇江浦。

陳玉成占江浦

9,30（八，二四）後軍主將李秀成合擒薛之元占領安徽天長。

國宗楊輔清進至安徽石埭黃土嶺，總兵江長貴等卻之。

湘軍道員劉長佑再敗花旗林彩新，李積，周春，譚星等於江西新城。

10,1（八，二五）副都統多隆阿總兵鮑超攻克安慶石碑。

10,2（八，二六）國宗楊輔清再攻石埭黃土嶺，指揮葉文才戰死（輔清即復折入江西。大約洪仁玕此時或在此前離輔清軍入湖北）。

國宗石鎮吉石鎮常自福建入江西新城，復爲道員劉

長佑所敗，渠帥李旺保，郭先爽，師帥源接宗等被擒。

10,3 (八, 二七) 曾國藩自江西弋陽拔營赴雲際關援閩。

擒張洛行等擊潰陝軍總兵龍澤厚於安徽懷遠渦河。

10,4 (八, 二八) 後軍主將李秀成及擒薛之元占領江蘇儀徵。

10,5 (八, 二九) 曾國藩抵江西鉛山雙港，聞翼王石達開軍大隊攻新城，遂駐營。

10,6 (八, 三〇) 德興阿退至揚州。

10,7 (九, 一) 湘軍道員劉長佑敗國宗石鎮吉於江西新城橫村。

湘軍布政使李續賓督軍進攻安徽桐城。

10,8 (九, 二) 湘軍道員李元度自江西回籍。

10,9 (九, 三) 後軍主將李秀成占領揚州。總兵鞠殿華，毛三元，海全，副都統富明阿不戰而逃，欽差大臣德興阿走邵伯（揚州知府黃欽鼎被擒不降，秀成贈銀三百五十兩釋之）。

以籌辦湖南防務出力，賞在籍郎中左宗棠四品卿銜。

10,10 (九, 四) 命徐州鎮總兵傅振邦幫同袁甲三辦理勦匪事宜。

10,11 (九, 五) 國宗石鎮吉，石鎮常為湘軍道員

李秀成占揚州

劉長佑所阻，復自江西新城折回福建，自建寧縣南趨。

10,13 (九,七) 浙江布政使李續賓督總兵李續燾，副將趙克彰，周寬世克復安徽桐城。

李續賓克桐城

曾國藩抵江西金谿。

10,14 (九,八) 浙江臨海人王彝霞陷寧海。

10,15 (九,九) 楚軍副都統多隆阿，總兵鮑超攻克安慶集賢關，提督楊載福水師亦平毀北門近城四壘。

楚軍初攻安慶

江南軍提督張國樑到揚州萬福橋，進攻府城。

曾國藩抵江西建昌府，擬由杉關入福建。

曾國藩到建昌府

10,16 (九,一〇) 命直隸大名鎮總兵毛三元幫辦欽差大臣德興阿江北軍務，又命和春移駐鎮江，防揚州太平軍。並促山東兵迅赴清江。

命相夔翁心存爲大學士，官文以湖廣總督協辦大學士，周祖培以吏部尙書協辦大學士。

10,18 (九,一二) 翼王石達開部檢點傅忠信，先鋒何名標（一作文彪）自福建汀州占領江西瑞金，進向會昌。

石達開軍入江西

廣東三合會南興王（大洪王）陳金剛部元帥鄭金攻占廣西賀縣，殺知縣王康濟，都司何瀛。

閩北太平軍占領順昌，署延建邵道袁績懋死之。

10,19 (九,一三) 安徽軍副都統麟瑞，及江蘇清江軍道員赫特赫訥擊退撲攻蔣壩三河集之後軍主將李秀成軍。

10,20 (九,一四) 提督楊載福督副將王明山，陳金鼐，李朝斌等攻破安徽樞陽各壘，敗殿右武佐將吳福得，旋天侯黃文升。

10,21 (九,一五) 江南軍提督張國樑督總兵李若珠，遊擊馮觀勝，黃靖及淮揚道郭沛霖克復揚州（李秀成以兵少不守）。

命甘肅西寧鎮總兵成明幫辦欽差大臣德興阿江北軍務。

10,22 (九,一六) 浙江布政使李續賓留副將趙克彰等守桐城，督軍進攻舒城。

10,23 (九,一七) 湖南提督張國樑克復江蘇儀徵，進援六合，被阻於陳板橋。

總兵周天培克福建延平洋口及順昌縣。

擒張洛行，襲得樹再敗總兵龍澤厚，都司黃開榜於安徽懷遠。

10,24 (九,一八) 前軍主將陳玉成督藍承先（宣）等攻占江蘇六合。江南軍翼長道員溫紹原，宣化鎮總兵羅玉斌，同知

張國樑克揚州

陳玉成占六合

知縣李守誠，都司夏定邦均死之（玉成因安省告急，撤兵西去，並奏請天王調後軍主將李秀成同往，留前軍巡討黃門安守六合）。

左軍主將李世賢軍自安徽太平府占領江蘇溧水，知縣周硯銘死之，防軍總兵虎嵩林潰退溧陽。世賢進攻秣陵關。

翼王石達開部棄閩北泰寧入江西，知縣萬巖復縣城。

擒襲得樹圍攻安徽壽州，李大喜逼近江蘇徐州。

浙江布政使李續賓督總兵李續燾，副將李存漢，趙克彰，參將黃勝日，謝永祜克復安徽舒城，擒指揮石其祥。進向三河。

10,27（九，二一）國宗石鎮吉，石鎮常棄福建寧化南走（此後鎮吉等暫與翼王石達開之大隊分離）。

10,28（九，二二）提督張國樑總兵李若珠自江北還江南大營（以溧水失守）。

廣西布政使蔣益澧率湘軍進攻占據廣西賀縣之三合會陳金剛（明年九月益澧軍潰敗）。

10,29（九，二三）總兵張玉良督軍攻江南溧水。援黔湘軍副將田興恕敗貴州齋匪羅光明及廣西三合

李世賢占溧水

李續賓克舒城

會黃金壳於貴州黎平府。

10,30 (九,二四) 欽差大臣勝保克復安徽天長，
擒李昭壽內應。

曾國藩遣道員張運蘭進向福建杉關，蕭啓江進向汀
州，本日起繼續拔營。

11,1 (九,二六) 李昭壽以安徽滁州全椒
降於勝保，所部均雉髮，改稱豫勝營
(昭壽改名世忠，授參將，弟昭奎改名元忠)。

湘軍知府曾國荃自江西吉安府到建昌府，晤曾國
藩。

天京太平軍突出反攻未遂。

11,2 (九,二七) 擒張洛行自安徽懷遠東占五河，
知縣狄融死之。

11,3 (九,二八) 擒劉大老淵(學淵)李大善攻徐
州。

巡撫銜浙江布政使李續賓統湘軍前隊五
千抵紮安徽舒城廬州間之三河鎮，進攻
廬州(太平軍於三河築城一座，磚壘九座，憑河
設險，屯米糧軍火，以接濟廬州天京，由吳定規守
之)。

11,4 (九,二九) 總兵戴文英王浚破江寧秣陵關
附近之祿口。

11,5 (八,三〇) 擒劉天福自江蘇蕭縣北入山東嶧

李昭壽降於
勝保

三河之役

境內，敗魯軍。

11,7(一〇,二) 浙江布政使李續賓督湘軍運同丁銳義，同知金國琛，總兵李續燾，副將李存漢，彭祥瑞，周寬世，黃勝日，楊德武，劉人和，參將張嵩齡，彭友勝，遊擊李運絡，都司張養吾。府經歷劉運會，毛有銘於黎明出隊進攻廬州府三河鎮。

前軍主將陳玉成自江蘇六合江浦經安徽巢縣廬江，晝夜兼程進援三河，直趨白石山，金牛鎮，抄李續賓軍後路。並命吳如孝（胡林翼等報告謂係李世賢，李秀成供狀則作吳如孝，並未提及世賢。又據皖南方面報告，此時世賢當在寧國府一帶）會合捻衆（胡林翼等報告謂係張洛行，洛行此時在懷遠一帶，大約爲屬於洛行之龔得樹）自廬州隔斷舒城援軍。陳玉成李續賓開始大戰，續賓攻破三河鎮九座磚壘，參將蕭意文，都司胡在位以下千餘人戰死，玉成軍亦傷亡數千。

續賓飛調桐城潛山一帶駐軍星夜來舒城接應（未及到防，一說被阻）。

11,8（一〇，三）皖南鎮總兵江長貴攻克青陽陵陽鎮。

英國公使額爾金（Elgin），艦長 Barker, Osborn（奧斯本）等（共六艦）自上海溯江西上，考察沿江通商口岸。

11,9（一〇，四）捻張隆等分自安徽鳳陽，懷遠攻破定遠大廟清營，斬參將賽沙布等。

11,11（一〇，六）捻張洛行放棄安徽五河，復回懷遠。

11,12（一〇，七）江南軍總兵張玉良，戴文英，馮子材攻克溧水。

11,14（一〇，九）前軍主將陳玉成逼攻浙江布政使李續賓軍大營於安徽廬州三河。

後軍主將李秀成抵安徽廬江白石山，爲陳玉成後援。

11,15（一〇，一〇）清巡撫銜浙江布政使李續賓遣湘軍同知金國琛，府經歷毛有銘，運同丁銳義，副將楊得武，劉神山，參將彭友勝，張嵩齡，遊擊李運絡，都司張養吾，及副將劉人和馬隊於

英使額爾金
西上觀察

隨李夾攻李
續賓

黎明進攻舒城金牛鎮，敗前軍主將陳玉成軍於樊家渡，王家祠堂，衝過金牛。玉成自督大隊由左路包抄，乘霧自後殺出，李運絡，張嵩齡，張義晉等營相繼潰走，彭友勝，劉神山，及遊擊胡廷槐，饒萬福均戰死，勇丁死傷大半，隊伍星散，歸路被阻。李續賓自領親兵並飛調副將彭祥瑞，周寬世，李存漢，黃勝日等營接應衝盪。

後軍主將李秀成得知金牛開戰，即自白石山引本部人馬進向三河邊近助戰（金牛去白石山二十五里），吳定規亦自三河城內衝出。陳玉成見援軍已到，氣爲之壯，環繞李續賓軍撲攻，斬遊擊鄒玉堂，杜廷光，守備趙國幹等，逼近牆壘，攻破七營。總兵李續燾，副將彭祥瑞越壘衝出，玉成進據其壘，挖斷河隄，斷續賓歸路。是夜三更續賓戰死（李秀成供狀謂係自縊。年四十一歲）。同知曾國華（與續賓

李續賓曾國華戰死

爲兒女姻親)，何忠駿，何裕，董容方，知縣王揆一，楊德闇，縣丞李續藝，訓導吳立蓉，萬斛源，參將朱恢三，周福高亦均死之。湘軍精銳盡喪。副將李存漢，道員孫守信，運同丁銳義，縣丞劉運會等仍堅守中右營孤壘，以待桐城援軍（是役玉成之功居多，秀成並未接戰。又續賓軍連克數城，勇丁傷亡既多，又有私獲，已無鬪志）。

11,16（一〇，一一）湘軍同知曾國荃自江西建昌府回湖南湘鄉。

11,18（一〇，一三）前軍主將陳玉成，後軍主將李秀成攻破廬州三河湘軍中右營壘，斬道員孫守信，運同丁銳義，縣丞劉運會，守備蕭廷玉均戰死，副將李存漢突圍走桐城，（李續賓全軍除死亡外，多半爲玉成所有。後忽中途襲殺玉成軍數十人，玉成令盡屠之）。

陳玉成李秀成分二路自三河南進，玉成繞舒城出大關，秀成經廬江到界河，

齊趨桐城，（舒城湘軍副將謝永祜聞三河之敗，即棄城自小路走桐城）。

11,20（一〇，一五）英使額爾金乘艦到南京，與太平軍發生衝突，英軍死一人，傷二人，太平軍死二十三人。

江南軍總兵李若珠，戴文英，馮子材等連破南京西南各壘，占領江寧鎮，擒銅天侯。

國宗石鎮吉石鎮常等棄福建汀州府走連城，福建軍總兵富勒興額收復府城。

11,21（一〇，一六）英軍艦擊毀浦口太平軍礮壘，南京太平軍停止礮轟，英艦即西上。

安徽太平府太平軍水師統將熊光明(Hiung Kwang Ming)致書英國軍艦，請協攻清軍水師。英使額爾金覆書拒絕，並責南京礮擊事件（太平天曆爲十月十三日）。

11,23（一〇，一八）英使額爾金到蕪湖。羨天燕胡姓（胡鼎文？）致書詢來意。（太平天曆爲十月十五日），英使遣威妥瑪(T. E. Wade)俄理範(L. Oliphant)等上岸晤之（除胡外尚有一丞相名Hwany Yuh Ching大約爲黃文金。但文金地位實高於鼎文，此處則謂黃次於胡。又謂胡曾在廣州作過買賣。見 Oliphant 書，卷二，頁229—230,233）。

英使到天京
（英艦與太平軍衝突）

英使到蕪湖

前軍主將陳玉成，後軍主將李秀成在安徽桐城呂亭驛商議進兵，秀成由孔城進斗鋪，玉成直趨桐城。

11,24 (一〇,一九) 前軍主將陳玉成大破湘軍總兵趙克彰，及副將李存漢，沈俊德，蕭慶衍，朱希廣，謝永祜，彭祥瑞，劉人和，參將趙友材等，存漢，友材及知縣謝嗣湘，府經歷李景均，訓導朱瞻雲，縣丞王濟美，副將雷風雲，李集賢，游擊賴由海，蕭倬雲，彭協和，周魁亮，都司婁國見，楊正春，賓世興，守備沈榮發，彭稱陶，蕭復勝，董怡習均死之。玉成即會合後軍主將李秀成占領桐城。

11,25 (一〇,二〇) 白旗捻孫葵心，黑旗劉老淵等逼河南歸德府，清同知馮景戰死。

翼王石達開部自江西瑞金會昌進入安遠，圍攻縣城。

11,26 (一〇,二一) 英使額爾金等到安慶，復與太平軍衝突。

11,27 (一〇,二二) 前軍主將陳玉成，後軍主將李秀成兩路自安徽桐城南進。江寧將軍都興阿以軍心震動，恐被抄襲，撤安慶圍軍(多隆阿鮑超)，由石碑退駐宿

英使到安慶

安慶解圍

松太湖，玉成跟蹤前進，秀成亦連收潛山太湖二城。

11,30 (一〇,二五) 左軍主將李世賢連破安徽寧國府附近清營，斬游擊曹興隆，鄭士騶，北逼灣沚鎮。

湘軍總兵鮑超自安慶退至太湖二郎河。

12, 天王詔西洋番弟(致英使額爾金)，敘說太平天国宗教理論，歷史使命，歡迎前來，並詢羅孝全(I. J. Roberts)是否同到(此詔係七言韻文，共百八十二句。另有一書，對上月二十日南京砲擊事件表示歉意。由林紹璋送至蕪湖，均於英使自漢口東返時由該地太平軍守將轉到)。原文見“逸經 第二十三期，譯文見 Oliphant 書卷二，頁334—340及 Brine 書，頁229—236)。

天王詔英使

12,1 (一〇,二六) 前軍主將陳玉成遣部將李四(仕)福自安徽桐城青草壩進至潛山黃泥港，自由石碑前進，擬夾攻宿松。江寧將軍都興阿馬軍迎擊，先敗李四福，復督記名副都統多隆阿再破玉成大軍於荊橋，毀壘三十餘座(玉成卽至太湖與後軍主將李秀成會商)。

捻孫葵心，劉老淵擾河南太康，通許，尉氏，扶溝，逼近開封。

浙江臬司段光清平寧波史致芬亂。

12,2 (一〇,二七) 捻孫葵心等陷河南周家口，即東走。

翼王石達開大隊自江西瑞金進向會昌。

12,3 (一〇,二八) 中軍主將楊輔清攻占江西景德鎮 (中軍主將原爲蒙得恩，大約於是年年底以之授輔清)。

12,5 (一一,一) 副掌率後軍主將合天義李秀成致書李昭壽，責其反覆無義，說以利害，勸令速歸 (太平天曆十月二十七日)。

12,6 (一一,二) 英使額爾金到漢口。

捻孫葵心等因徐州鎮總兵傅振邦，南陽鎮總兵邱聯恩，編修袁保恆之夾擊，自河南陳州槐店復回安徽。

12,7 (一一,三) 江西軍都司清平收復瑞金。

皖南鎮總兵江長貴屢敗太平軍於青陽附近。

12,9 (一一,五) 廣西三合會黃三 (甯鳳) 再陷賓州。

12,11 (一一,七) 前軍主將陳玉成約後軍主將李秀成自安徽太湖分路進兵，再攻宿松，與總兵鮑超，副都統多隆阿戰於太湖二郎河，花涼亭，大敗。玉成軍死傷萬餘，營壘盡失，成天侯韋廣新戰

楊輔清占景德鎮

李秀成責李昭壽

英使到漢口

多鮑敗陳李

歿，秀成力守六營，夜間衝陣而去，與玉成同回太湖（玉成即回安慶，秀成亦往巢縣黃山，休養度歲）。

12,12（一一，八）左軍主將李世賢軍自安徽寧國府東進水陽鎮，江南軍總兵戴文英，副將朱承先，游擊馮觀勝敗之。

英使額爾金離漢口東返。

英使東返

12,13（一一，九）擒蘇天福（黑旗），劉天祥（藍旗）再占江蘇豐縣。

12,14（一一，一〇）左軍主將李世賢圍攻安徽寧國府灣沚鎮提督鄧紹良軍大營，自江南來援之直隸通永鎮總兵戴文英戰死，所部潰退寧國府。右軍主將固宗韋俊攻安徽建德赤頭關，練勇拒之。

12,15（一一，一一）左軍將李世賢攻破浙江提督督辦寧國軍務鄧紹良之大營於寧國府灣沚鎮，紹良死之。世賢軍三路分向江蘇高淳，秣陵關，江寧鎮東進。

李世賢破鄧紹良（紹良死）

皖南婺源太平軍破副將王夢齡之滿山營壘。

以李續賓軍三河敗覆，命曾國藩移師援皖。

曾國藩援皖

12,17（一一，一三）胡林翼自湖南益陽原籍回湖北巡撫任（三河軍覆，清廷一再敦迫）。

擒蘇天福劉天祥自江蘇豐縣進擾山東單縣，金鄉，

捻入山東

距野，鄆城，嘉祥。

12,20 (一一，一六) 三品京堂督辦皖南軍務張芾遣副將王夢麟等屢攻婺源。

12,26 (一一，二二) 英使額爾金過安慶，派威妥瑪上岸，質問上月二十六日礮擊事件。

12,27 (一一，二三) 英使祕書威妥瑪晤安慶太平軍守將，守將對上月南京安慶兩次礮擊事件解釋誤會，充分道歉。威妥瑪告以不久英船即往長江往來航行(時陳玉成尙在城內)。

英使額爾金過蕪湖，接太平天國書，對上月天京礮擊事件解釋誤會，表示歉意。又接晉天燕兼工部又正冬官事務朱雄邦照會，轉來天王頒行“西洋番弟”御詔(Oliphant 書卷二，頁334，作普天燕，“逸經”第二十三期所錄照會原文，稱額爾金爲“籟”欽差，普與籟當爲晉與額之形誤，但籟額聲亦近)。

12,28 (一一，二四) 翼王石達開占領江西南安府之南城(即水城)。

12,29 (一一，二五) 英使額爾金過天京，遣威妥瑪(Wade)李泰國(Lay)，俄理範(Oliphant)，韋烈亞力(Wylie)上岸，與益天福李春發會晤。春發贈以來年新曆

英使與太平
軍之交涉

等書。以後英船通過天京，應先通知
(天京吸食鴉片者約三分之一)。

湘軍道員劉長佑部分起自江西撫州建昌
府拔營回湖南 (長佑本人於明年 1,2 由撫起
程)。

此
页
空
白

1859——咸豐九年己未，太平天国已

未玖年。

1,1 (一一, 二八) 英使額爾金自漢口回抵上海(此行對太平軍印象甚惡，認為終必失敗)。

英使印象

1,2 (一一, 二九) 湖南巡撫駱秉章參劾永州鎮樊燮違例乘輿，私役弁兵，冒領兵糧等劣跡(1,14 上諭革職)。

1,3 (一一, 三〇) 翼王石達開占領江西南安府(老城)。清知府葉球，知縣黃榮庚死之(據云所部分五支，一翼府宰制陳亨容，〔檢點〕傅忠信，軍略〔先鋒〕何名標〔文彪〕，一為渠帥，〔經略〕蕭壽璜，蔡次賢，一為尚書周竹歧〔竹坡〕，李遇隆〔遇際〕，一為軍略〔宰制〕賴裕新，黃玉發，一為承宣劉逸才，元宰張遂謀，約共七八萬人，築城於新城墟，開壕列柵，設望樓百餘座。各首要屯住池江。按童容海〔大鑼〕時為達開部主力，攻占南安府城者即容海)。

石達開占南安府

胡林翼到武昌(明日復任湖北巡撫，督辦軍務)。

1,5 (一二, 二) 曾國藩遣道員張運蘭自江西建昌府進攻景德鎮(時福建情勢緩和，運蘭及蕭啓江已折回江西)。

- 1,7 (一二, 四) 添設河南歸德鎮總兵及信陽協副將(爲便於剿捻)。
- 1,8 (一二, 五) 左軍主將李世賢軍占領安徽涇縣(明日清總兵周天受克之)。
- 1,11 (一二, 八) 湖北巡撫胡林翼自武昌出駐黃州, 整頓軍務(先是道員李續宜已到黃州, 收集三河桐城收潰兵軍, 約得七千餘人)。
- 1,12 (一二, 九) 翼王石達開部軍略賴裕新占領江西崇義(一作1,15)。
- 1,14 (一二, 一一) 編修李鴻章謁曾國藩於江西建昌府, 因留幕中。
- 1,15 (一二, 一二) 翼王石達開部攻江西安遠不下, 西走信豐贛州。
- 1,18 (一二, 一五) 以鄭魁士爲浙江提督, 督辦寧國軍務。
以熊天喜署壽春鎮總兵。
- 1,19 (一二, 一六) 江寧將軍都興阿病假(先後三個月), 命記名副都統多隆阿總統前敵(一說都爲多所迫)。
- 1,20 (一二, 一七) 湘軍道員張運蘭, 王文瑞, 主簿吳國佐到江西景德鎮。
- 1,21 (一二, 一八) 三河戰死之浙江布政使李續賓追贈總督, 優加褒卹。

胡林翼駐黃州

李鴻章初入曾幕

多隆阿總統前敵

湘軍劉長佑部在湖南醴陵遣撤。

1,22 (一二,一九) 中軍主將楊輔清敗湘軍道員王文瑞，主簿吳國佐於江西景德鎮，斬守備李冠羣，朱正魁等（張運蘭與國佐不睦，失期未至。曾國藩尋令國佐撤營回湘）。

1,24 (一二,二一) 廣西荔蒲寇張羔友再占永安州，殺知州章國棟（去年曾經占據一次）。

1,26 (一二,二三) 浙江餘姚人黃春生黃來昌等抗租據城。

1,27 (一二,二四) 欽差大臣德興阿，總兵鞠殿華，成明攻破六合太平軍營壘。

1,23 (一二,二五) 以徐有壬代趙德轍為江蘇巡撫。

1,30 (一二,二七) 中軍主將楊輔清與湘軍道員張運蘭王文瑞戰於景德鎮，不利。運蘭等斬指揮楊大鵬，郭正雲，張明萬，東殿後營將軍李正龍，鄧見光，陳金龍等。

2,2 (一二,三〇) 督辦甯國軍務浙江提督鄭魁士督各軍逼甯國。

2,6 (一,四) 督辦三省剿匪事宜太僕寺卿袁甲三以在徐宿一帶剿匪未著成效，被罷免，改以徐州鎮總兵傅振邦督辦三省剿匪事宜，副都統伊興額幫辦，（甲三與欽差大臣勝保不睦）。

2,7 (一,五) 湘軍道員蕭啓江抵江西贛州，防翼

楊輔清敗湘軍於景德鎮

袁甲三罷

王石達開軍。

2,12 (一,一〇) 國宗石鎮吉石鎮常自福建連城南趨，福建軍總兵豫祺，副將王捷元參將袁良收復縣城。

2,13 (一,一一) 中軍主將楊輔清敗湘軍道員張運蘭，王文瑞於江西景德鎮。

2,15 (一,一三) 國宗石鎮吉石鎮常占領福建龍巖州。

2,18 (一,一六) 湘軍道員蕭啓江進至江西南康縣。

2,20 (一,一八) 湘軍道員蕭啓江督知府劉獄昭，參將胡中和，梁萬貴，遊擊秦華祝，毛治祺，都司唐星照敗翼王石達開軍宰制陳亨容，尙書李遇隆等，克復江西南安新城墟，斬慶天侯多人（“大庾縣志”作2,19）。

2,22 (一,二〇) 翼王石達開督軍大敗道員蕭啓江湘軍及知縣周慶榕田勇（贛南團練，按田派出，約四萬餘人）於江西南安池江，斬都司龍復勝（“大庾縣志”作2,20）。

協領關保，知縣張汝梅，遊擊滕家勝大敗捻張洛行於安徽泗州，追至五河（“泗虹合志”作1,22，誤。又袁甲三奏，洛行兄敏行是役敗死，不可信）。

石鎮吉占龍巖

2,25 (一,二三) 國宗石鎮吉石鎮常放棄福建龍巖州，西南走粵邊。

2,26 (一,二四) 湘軍道員蕭啓江克復江西南安池江，小溪，長墟等地。

浙江提督鄭魁士，副將朱承先敗左軍主將李世賢軍，克復安徽甯國府灣沚鎮。

2,27 (一,二五) 軍略賴裕新(翼王部)退出江西崇義。

2,28 (一,二六) 曾國藩奏通籌全局摺，主三路進兵，夾江東下。北岸添足馬步軍三萬人，由都興阿，李續宜，鮑超任之，南岸添足馬步軍二萬人，自率張運蘭，蕭啓江任之，中流水師萬餘人，由楊載福，彭玉麟任之。江西軍務亦分南北兩路，者齡管南邊，自管北邊(本月十三日具奏。湘軍缺少馬隊，國藩於是摺中力主添練。並謂去年十一月十五日三河之敗，今年一月二十二日景德鎮之挫，均係敵軍馬隊衝鋒所致)。

江浦太平軍守將答天豫薛之元(三元)以城降於參將李世忠(即李昭壽。之元原名薛小，亦擒首，曾與昭壽合作，降後更名成良)。

翼王石達開部宰制(軍略)賴裕新，傅忠信，余子安，(一作喻子和)軍略何名標率右一二三四旗自江西入湖南桂陽縣，大破湘軍候補總兵劉培元，參將彭定太等。

曾國藩三路
東征計畫

薛之元降

石達開軍入
湖南

三困天京

3,1 (一,二七) 國宗石鎮吉石鎮常占領廣東大埔。

3,2 (一,二八) 參將李世忠進屯浦口，斬懷天福某（三困天京。時後軍主將李秀成在安徽巢縣黃山，得悉江浦之變，立即來救，但已無及）。

中軍主將楊輔清再敗湘軍道員張運蘭，王文瑞於江西景德鎮，斬遊擊喻福慶都司易福陞等。

翼王石達開部軍略賴裕新，何名標，宰制傅忠信，余子安占領湖南桂陽縣。

3,4 (一,三〇) 翼王石達開軍陸續自江西南安府西趨湖南。道員蕭啓江督湘軍營官朱桂秋，胡中和，劉獄昭，梁萬貴等會同贛南田勇乘勢進攻南安府城。

3,5 (二,一) 皖南鎮總兵江長貴，衢州鎮總兵李定太克復安徽婺源，中軍主將楊輔清軍悉回江西。

3,6 (二,二) 國宗石鎮吉石鎮常等圍攻廣東嘉應州（“嘉應州志”卷三一，“髮逆石鎮吉之變”月日多與其他記載不合，茲以嘉應平寇記為準）。

3,7 (二,三) 翼王石達開軍全部自江西南安府分兩路西入湖南。湘軍道員蕭啓江會同田勇收復府

城。

3,8 (二, 四) 前軍主將陳玉成再占安徽六安州，進攻廬州官亭安徽布政使李孟羣軍大營。

3,9 (二, 五) 欽差大臣督辦江北軍務蒙古都統德興阿革職，江北軍務改由欽差大臣和春節制。

江北大營撤

3,12 (二, 八) 翼王石達開部軍略賴裕新，宰制傅忠信，余子安占領湖南興甯（一作宜章）。

3,13 (二, 九) 後軍主將李秀成自安徽巢縣黃山進攻江浦浦口。江南軍提督張國樑遣總兵李若珠等迎擊。

翼王石達開部軍略賴裕新，宰制傅忠信等占領湖南宜章（一作興甯）。

3,14 (二, 一〇) 湘軍道員蕭啓江會同江西軍總兵遮克敦布解贛南信豐城圍（已被圍三月）。

3,15 (二, 一一) 後軍主將李秀成會同左軍主將李世賢軍（自蕪湖來）六路撲攻浦口江浦。提督張國樑及總兵李若珠，周天培，遊擊賴鎮海，薛成良敗之。固天福洪方，立天豫莫興被擒（秀成不得已請援於前軍主將陳玉成）。

李秀成敗於浦口

翼王石達開部軍略賴裕新，何名標，宰制傅忠信，余子安，占領湖南郴州。

捻孫葵心，劉天福占領河南甯陵，知縣龍德昭死之

捻入河南

(明日葵心等棄城走)。

3,16(二,一二) 曾國藩自江西建昌府移營撫州。
胡林翼自湖北黃州移營上巴河。(一作4,14)。

3,17(二,一三) 翼王石達開部軍略賴裕新, 宰制傅忠信等占領湖南桂陽州(右四旗大軍略何名標即何文彪, 原係粵贛間土寇屬天地會, 已隨翼王五年, 因與賴裕新不睦, 抵桂陽後率所部花旗二萬人西走道州, 擬入廣西)。

道員劉子潯(淳)張運蘭敗中軍主將楊輔清於景德鎮, 斬指揮吳大吉。

3,19(二,一五) 前軍主將陳玉成大破前署安徽巡撫布政使李孟羣軍於廬州官亭, 斬參將潘羅成, 知縣高堃衛, 縣丞李綸田, 守備馬錫祿, 朱清珍。

翼王石達開部軍略賴裕新等占領湖南嘉禾。

國宗楊義清自皖南婺源進占建德。

3,20(二,一六) 曾國藩到江西撫州府駐營。

前軍主將陳玉成破廬州官亭清營, 擒前署安徽巡撫李孟羣, 斬州同張湘甲, 府

石達開占桂陽

何名標脫離石部

陳玉成擒李孟羣

經歷周壽嵩，縣丞沈麟圖（孟羣後死於廬州，年三十歲）。

翼王石達開部國宗石鎮吉石鎮常攻占廣東嘉應州城。知州文晟死之（一作4, 6）。

石鎮吉占嘉應

捻孫葵心（白旗），劉天福（藍旗），李大喜（紅旗一作黃旗）圍攻河南歸德府。

3,21（二，一七）布政使銜道員劉長佑奉到湖南巡撫駱秉章札委總統知府劉坤一，江忠義各軍，禦翼王石達開（時秉章及左宗棠已募軍四萬。此札係3,14所發，長佑時在新甯）。

劉長佑禦石達開

3,22（二，一八）副都統多隆阿敗亮天燕於安徽太湖，斃承天侯。

提督張國樑攻占江浦雙陽圍，蕭家圍。

捻孫葵心，劉天福占領河南睢州。

3,23（二，一九）捻孫葵心劉天福棄河南睢州西走，總兵邱聯恩追之。

提督鄭魁士，總兵蕭知音，副將吳再升攻破皖南黃池北岸各壘。

3,25（二，二一）國宗石鎮吉石鎮常軍進攻廣東興甯。

擒孫葵心，劉天福圍攻河南西華。

以英榮爲河南巡撫。

3,26 (二, 二二) 前軍主將陳玉成自安徽廬州梁園進攻護城，圍總兵吉順余成蛟（應後軍主將李秀成之請，下救浦口）。

以甯古塔副都統富明阿幫辦欽差大臣和春軍務。

3,28 (二, 二四) 湘軍道員張運蘭獲勝於江西景德鎮。

3,29 (二, 二五) 前軍主將陳玉成敗欽差大臣勝保於安徽廬州護城，斬已革南陽鎮總兵柏山。

擒孫葵心，劉天福大破南陽鎮總兵邱聯恩等於河南舞陽北舞渡。聯恩及參將福瑞等戰死，營總蘇克金重傷，兵勇潰退許州。

3,31 (二, 二七) 命翰林院編修李鴻章等赴安徽軍營交副都統伊興額差委（鴻章時仍在曾國藩幕中）。

4,1 (二, 二八) 國宗楊義清（宜清）敗湘軍知府劉騰鶴於安徽建德，騰鶴及都司曾貽仁，守備李錫福等死之。

4,2 (二, 二九) 後軍主將李秀成連日與提督張國樑等戰於江浦，未得手。

4,3 (三, 一) 國宗石鎮吉石鎮常等棄廣東嘉應州，經興寧，羅浮沿贛粵邊境西趨（一作4,17）。

陳玉成敗勝保

擒破清軍於舞陽

石鎮吉自嘉應西走

九江總兵普承堯攻安徽建德，擒總制謝細貞。
擒孫葵心，劉天福自河南舞陽東走，圍攻陳州府
旋由鹿邑回安徽亳州）。

4,5 (三,三) 前軍主將陳玉成敗欽差大臣勝保總
兵吉順等，斬知府顏懷忠等，占領安徽廬州府護
城鎮，引軍東援浦口。

陳玉成再敗
勝保

4,6 (三,四) 翼王石達開部右一二三旗軍略(宰
制)賴裕新等攻湖南永州府，湘軍道員劉長佑自
祁陽來援(長佑於4,4到祁)。

4,7 (三,五) 前軍主將陳玉成逼近江浦，提督張
國樑令各軍嚴防。

4,8 (三,六) 命副都統伊興額督辦河南防剿事宜。
翼府後二旗宰制余子安攻占湖南江華。

湘軍道員劉長佑督知府江忠義，知縣席寶田，副將
李明惠，游擊江忠朝敗軍略賴裕新等於湖南永州
府。

4,9 (三,七) 以捻擾河南，命科爾沁親王僧格林
沁派兵赴黃河北岸，擇要駐紮防堵。

知州苗沛霖(練總)，副將博崇武敗捻陸連科於安
徽澮河南岸袁家集。

4,10 (三,八) 翼王石達開軍(似係宰制余子安)
占領湖南嘉禾。

4,11 (三,九) 湘軍道員劉長佑，知府江忠義，副
將余星元李明惠參將楊恆升等敗翼王石達開部二

三旗軍略（宰制）賴裕新，宰制傅忠信等於湖南永州府，二旗大軍略蕭發勝（一作蕭華），蕭高麟溺斃（據云翼王入蜀，係用發勝及內五旗宰制陳亨容之謀）。長佑部守備王榮光戰死，永州解圍。

4,14（三，一二）翼府內五旗宰制陳亨容率一四五旗反攻湖南永州府，復爲劉長佑敗之於菱角塘。

4,15（三，一三）前軍主將陳玉成，後軍主將李秀成撲攻江浦浦口。江南軍提督張國樑督總兵李若珠，周天培，熊天喜等力拒，副將鄭朝棟，遊擊張占魁戰死。

湘軍道員張運蘭，王文瑞督副將黃萬友，陳品南，遊擊劉松山，楊虎臣，朱紹輝與中軍主將楊輔清軍於江西景德，小捷。

4,16（三，一四）翼王石達開督元宰張遂謀，光天燕張遂儒進攻湖南祁陽。湘軍知府王勛，副將余星元等截擊，斬將軍汪洞喜。

4,17（三，一五）江南軍提督張國樑遣總兵李若珠，馮子材進攻江浦九洑州。

安徽軍知州茅念劬，守備趙春和，已革副將盧又

陳李攻江浦

石達開攻祁陽

熊，克復六安州，（一作4,21）守軍黃英兆走霍山，（尋被擒）。

4,19（三，一七）中軍主將楊輔清復敗湘軍道員張運蘭等於景德鎮，斬千總易執圭。

4,22（三，二〇）翼王石達開督元宰張遂謀，光天燕張遂儒敗湘軍知府劉坤一，王助，副將余星元等於湖南祁陽。

安徽知州茅念劬知縣王自籟克復安徽霍山。

天王洪秀全族弟洪仁玕自廣東經江西湖北安徽到達天京，極得天王歡心，封干天福（天曆三月十三日）。

洪仁玕入天京

（註）洪仁玕親筆供辭云：“甲寅(1854)由上海洋人不肯送予進南京，其上海城內紅兵不信予爲天王之弟，乃在夷館學習天文曆數。是冬返回香港，仍習天文，授教夷牧。……一連四年在香港。己未年(1859)，洋人助路費百金，由廣東省到南雄，過梅嶺，到饒州蔡康業營。八月內與天朝輔王（楊輔清，時尚未封王）在景德鎮打敗仗，棄行李一空。由饒州到湖北黃梅縣，知縣覃瀚元請予醫其姪頭瘋之症，得有謝金。在壠坪辦貨物下江南，於三月十三日到天京，蒙我主恩封福爵，二十九日封義爵加主將，四月初一日改封開朝精忠軍師頂天扶朝綱干王”。

審其文意，仁玕於一八五九年之離粵北上，是年

入京時間與經過

陰曆八月與楊輔清在景德鎮作戰，一八六〇年春到南京。按仁玕離粵，應在一八五八年，到達南京，確爲一八五九年。(一)洪仁玕之“資政新篇”刻於太平天國己未九年(1859)，是時其職銜爲“欽命文衡正總裁開朝精忠軍師干王”。(二)己未九年九月九日天試，由仁玕主持，並改正文武秀才舉人等諸名目(見“欽定士階條例”頁九)。(三)己未九年十月初七及十四日天王改曆詔旨係因仁玕之奏請而發(見“太平天國有趣文件十六種”及“太平天國叢書”第三冊)。(四)李秀成供狀：“今封王者，其爲洪仁玕，九年之間來京，格外歡喜，到京未滿半月，封爲軍師，號爲干王”。(五)在仁玕供辭中另一處亦云“己未年，予由粵東到天京。又云“己未冬，與忠王議解圍攻取之策”。(六)據西人記載，一八五四年仁玕自上海折回香港後，加入倫敦佈道會(London Mission Society)，旋被任爲宣教師，時爲一八五五至一八五八年。一八五八年六月，仁玕又離香港，遵陸北上。當是年十二月英使額爾金時知其在附近某鎮中，曾託英船攜帶一函，致其香港師英人 John Chalmers，告以近況，正設法前往南京。一八五九年春到達，不數日，天王卽封之爲干王(見 Brine, *The Taeping Rebellion in China*, P. 241)。(七)楊輔清咸豐八年十月二十八日(1858, 12, 3)攻占景德鎮，十二月

十九日（1859,1,22）開始與湘軍相戰，九年六月十五日（1859,7,14）敗走皖南祁門，仁玕何能於八月與之在景德鎮相會。反之，九年七八月間，輔清實在贛東北一帶活動（王韜“甕牖餘談”卷七，謂仁玕於七年入江西，失之太早）。

總之，仁玕實於一八五八年六月自廣東北上入江西，初至饒州，八九月間與楊輔清相會，後輔清戰敗，仁玕入湖北，時約在十一二月間。曾託英艦致書香港英教士，述近況。一八五九年二三月間，在黃梅爲知縣覃瀚元之姪醫頭瘋，得謝金（瀚元廣西藤縣人，咸豐初年任蘄州州判，黃岡縣丞，張德堅編“賊情彙纂”時任采訪。後曾三任黃梅知縣，第一次六年至七年，第二次自九年至同治元年，第三次自同治十二年至光緒元年。見“黃州府志”卷十一。仁玕與之相見，當在其二次任黃梅知縣時）。旋於壠平（屬黃梅）辦貨物東下，入天京。

4,23（三，二一）翼王石達開部中軍宰制陳亨容圍攻湖南道州，大經略蕭壽璜圍攻寧遠。

徐州鎮總兵傅振邦知府苗霖攻破安徽澮河南岸畢圩，擒黑藍旗擒首任乾。

4,24（三，二二）翼王石達開部軍略賴裕新，宰制傅忠信率右一二三旗宰制余子安（志扶）率後二旗占領湖南東安，知縣李佑文死之。

張國樑敗陳
李

4,25 (三,二三) 擒張隆 (即鍾天福張元龍) 以安徽鳳陽府縣及臨淮關三城降於欽差大臣勝保 (一作4,27尋又叛去)

4,27 (三,二五) 江南軍總統提督張國樑督總兵周天培, 李若珠, 馮子材敗前軍主將陳玉成後軍主將李秀成, 毀平江浦九洑州各壘。

4,29 (三,二七) 翼王石達開部後二旗宰制, 余子安 (一作喻子和) 圍攻湖南新寧, 湘軍江忠義, 江忠淑禦之, (江忠源父墓被掘)。劉長佑攻東安以作牽制。

4,30 (三,二八) 前軍主將陳玉成自江浦東攻六合, 謀解城圍, 副都統富明阿總兵張玉良拒之, 玉成進戰不利 (富明阿張玉良中傷。遊擊洪祿戰死)。

中軍主將楊輔清復與湘軍道員張運蘭王文瑞戰於江西景德鎮, 互有傷亡 (輔清部較重)。

5,2 (三,三〇) 翼王石達開部軍略賴裕新, 朱衣點棄湖南東安入廣西全州, 招引土寇, 並追擊脫逃之右四旗大軍略 (一作宰制或渠帥) 何名標 (即名彪, 文彪)。

5,3 (四,一) 翼王石達開敗湖南永州鎮總兵周寬世湘軍於祁陽。

前軍主將陳玉成以解江蘇六合圍不成，引軍東北進，聲稱攻打揚州（意在分六合兵力）。

以副都統關保代伊興額督辦河南防剿事宜。

5, 藍大順（即藍朝貴，一作朝桂或朝柱）李永和（即李短搭），藍二順起事於雲南昭通府大關廳。

藍大順與李永和

5,4（四，二）調王慶雲為兩廣總督，黃宗漢為四川總督。

5,5（四，三）湘軍道員劉長佑敗宰制（檢點）傅忠信於湖南新寧藍廟，獲其馬，斃將軍郭連三，賴正陶，及地道總制某。

5,7（四，五）翼王石達開部宰制傅忠信，余子安（志扶）等大敗湘軍總統道員劉長佑於湖南新寧，進攻寶慶府。

5,8（四，六）天王封洪仁玕為義爵（干天義？），加主將（天曆三月二十九日）。

擒孫葵心劉二老淵（劉狗）復自亳州北攻歸德府。

5,10（四，八）翼王石達開部宰制傅忠信等逼寶慶府，副將田興恕禦之（達開擬在寶慶會集各軍，以取荊州，進據四川）。

石達開軍逼寶慶

5,11（四，九）前軍主將陳玉成圍攻揚州府。

天王封洪仁玕為“開朝精忠軍師頂天扶朝綱干王”（天曆四月初一日）。

洪仁玕封王

陳玉成斬德安

5,12(四,一〇)江南軍總兵張玉良,副將馬德昭自六合到揚州。

5,13(四,一一)前軍主將陳玉成自揚州進占安徽天長,斬湖北提督德安,破參將李世忠。

副將田興恕敗翼王石達開軍於寶慶七架坡。

5,15(四,一三)擒劉天福,劉天祥等圍攻山東嶧縣。

5,16(四,一四)安徽廬州團練周盛波周盛傳等連破儀天福趙廣勳於董崗方夏村。

5,19(四,一七)擒劉天福等撤山東嶧縣圍西走。

5,20(四,一八)翼王石達開部軍略賴裕新,朱衣點自廣西全州合天地會黃金亮滿金科折回湖南,逼武岡州,湘軍知府江忠義禦之。

5,21(四,一九)翼王石達開自湖南祁陽西趨,進向寶慶府。

調勞崇光為廣東巡撫,以曹澍鍾繼鏗西巡撫。

5,22(四,二〇)翼王石達開部中軍宰制陳亨容,大經略蕭壽璜攻湖南道州寧遠不下,繞廣西全州復入湖南,本日進攻新寧,牽制湘軍道員劉長佑,知府劉坤一援寶慶府,長佑等敗之。

5,23(四,二一)以陳玉成軍有北趨形勢,命僧格林沁撥得力馬隊一千名前往徐州防堵。

5,24(四,二二)翼王石達開及元宰張遂謀,光天燕張遂儒等進至寶慶府,合宰制余

石達開到寶慶

子安（志扶），傅忠信圍攻府城。

以慶端爲閩浙總督，羅遵殿爲福建巡撫。

5,25（四，二三）翼王石達開部軍略賴裕新，朱衣點撤湖南武岡州圍。

5,26（四，二四）前軍主將陳玉成敗副將成興於安徽天長，進攻舊鋪勝保大營，並分軍攻大雩山，營總薩布等卻之。

5,27（四，二五）副都統穆騰阿總兵張得勝攻破天長汶澗。

5,28（四，二六）湘軍道員劉長佑，知府劉坤一再敗翼王石達開部宰制陳亨容等之前一二三旗於湖南新寧，擒侍衛夏元有。

提督傅振邦，知府苗沛霖擒藍旗擒首陸連科於安徽蒙城板橋。

以蔣益澧爲廣西布政使。

5,29（四，二七）湘軍知府曾國荃自湖南湘鄉到江西撫州，晤曾國藩。

英王陳玉成自安徽天長南路南進，屯江蘇六合東北之靈巖山，八埠橋一帶。

5,30（四，二八）翼王石達開部國宗石鎮吉石鎮常經廣東連平州及贛粵邊境入湖南臨武境。大司馬羅炳榮被擒。

湘軍道員張運蘭，王文瑞，及江西軍道員劉于濬再攻江西景德鎮，小勝。

寶慶之戰

6,1 (五,一) 國宗石鎮吉等圍攻湖南藍山。

6,2 (五,二) 前軍主將陳玉成謀攻六合，與提督鞠殿華戰於儀徵東溝，師帥郭再廷被擒。

6,3 (五,三) 翼王石達開督元宰張遂謀，軍略賴裕新，朱衣點，宰制傅忠信，余子安，光天燕張遂儒等猛攻湖南寶慶府，湘軍道員趙煥聯，總兵周寬世，副將田興恕力禦。大戰開始（達開自攻城南，戰興恕，裕新攻城西，戰水師，忠信攻城東，戰煥聯寬世）。

翼王石達開部軍略何名標合廣西富川賀縣獍曾羅亞誨（即羅嘉德）折回湖南，攻江華。

6,4 (五,四) 翼王石達開部國宗石鎮吉石鎮常屢攻湖南藍山，寧遠不下，西趨道州，將軍鄒三被擒。

安徽軍參將承惠，守備宋慶與擒劉狗（二老淵）戰於蘇豫交界之兩河口，都司楊春林死之。

6,6 (五,六) 湖北巡撫胡林翼致書湖廣總督官文奏請調曾國藩入蜀，授以總督，防堵石達開部入川。

6,9 (五,九) 翼王石達開部國宗石鎮吉軍略何名標等占領湖南永明。

- 6,12 (五,一二) 曾國藩遣知府曾國荃統湘軍吉字等十一營五千八百人自江西撫州赴景德鎮助攻，記名道李鴻章同行（“曾忠襄公年譜”作6,11）。
- 6,13 (五,一三) 命湖北提督周天受督辦安徽寧國軍務，浙江提督鄧魁士改赴欽差大臣和春江南軍營（魁士與浙撫胡興仁不睦）。
- 6,15 (五,一五) 提督鞠殿華，副將朱承先連敗英王陳玉成軍於六合儀徵之間，肅清六合東路。
- 6,17 (五,一七) 道員趙煥聯，總兵周寬世，田興恕與翼王石達開戰於寶慶五里牌，不利，東路被隔斷。
- 6,21 (五,二一) 從湖廣總督官文，命曾國藩即日統軍前赴四川夔州扼守，（胡林翼官文原冀授國藩以總督，結果僅有此命）。
- 6,22 (五,二二) 湖北荆宜施道李續宜奉湖北巡撫胡林翼命，統軍萬人自黃州武昌往援湖南寶慶（先是翼王石達開軍入湘，官文胡林翼於三四月間已先後調撥參將趙福元等馬步軍千餘，並派總兵王明山，陳金鼐，知府蕭翰慶，副將孫昌凱水師四營，礮船一百餘號往援。復調水師副將劉國斌，游擊曾紹霖防常德辰州，水師游擊左光培及已革總兵李續燾防澧州）。
- 湘軍知府曾國荃抵江西景德鎮，援張運蘭。

周天受督寧國軍務

命曾國藩入川

楚軍援湖南

6,23 (五,二三) 前軍主將陳玉成復自江蘇六合儀徵折回天長, 進攻盱眙。

6,24 (五,二四) 從湖南巡撫駱秉章請, 命道員李續宜統帶寶慶府東路各軍 (劉長佑統帶西路各軍, 以東路急, 亦派軍改由東路進援)。

6,26 (五,二六) 前軍主將陳玉成, 右軍主將國宗韋俊敗欽差大臣勝保, 占領安徽盱眙, 知縣許垣死之。

中軍主將國宗楊輔清自督大隊與湘軍道員張運蘭, 知府曾國荃等大戰於江西景德鎮。

湘軍道員劉長佑, 知府劉坤一, 江忠義自湖南武岡州進援寶慶府, 翼王石達開命宰制陳亨容, 經略蕭壽璜自新寧追擊, 擾其後路。

捻襲得樹園攻安徽定遠, 清副都統宣明阿却之。

6,28 (五,二八) 中軍主將國宗楊輔清撲攻湘軍道員張運蘭營。

6, 前軍主將又正掌率陳玉成進封英王。

(註) 洪仁玕供辭云: “[予]於三月十三日到天京, 蒙我主恩封福爵, 二十九日封義爵加主將, 四月初一日改封開朝精忠軍師頂天扶朝綱干王”。又云: “己未年, 予由粵東到天京, 我主天王念予少有聰慧, 陞封各爵。繼封英王忠王等, 各有奮興之

陳玉成封王

志（“逸經”，第二十期）。

李秀成供狀云：“又改各王之號，此是天王失算。前封東西南北翼各王，自殺東北之後，永不封王。今封王者，其爲洪仁玕，九年之間來京，格外歡喜，到京未滿半月（按實不只半月），封爲軍師，號爲干王，降詔天下，要人悉歸其制。封過後未見一謀。天王見各舊功臣久扶其國，心中不忍。……天王見封其弟兩月之久，一事無謀，已知愧過，難對功臣，故先封陳玉成爲英王”。

據此可知陳玉成之受封英王，時在洪仁玕封王後約兩個月。仁玕封王爲天曆九年四月初一日，即一八五九年五月十一日之事，是玉成封王當在七月。按咸豐九年六月勝保奏云：“粵逆陳四眼狗（玉成）於上月糾同逆首僞主將李受懲（秀成）韋志俊悉銳撲犯盱眙，經臣督兵擊敗南竄，該逆遂分股勾結捻首龔瞎子（得樹）廬逆吳如孝會攻定遠，自率各僞主將帶領死黨數萬分撲來安滁州。其攻犯來安者，偪城紮營，自初三至初六無日不至濠外猛撲”（“剿平粵匪方略”，卷二二一，頁六）。當陰曆五月二十六日攻盱眙時曰“糾同逆首僞主將”，是玉成與“主將”職位相若，及六月初三日攻來安滁州，則曰“自率各僞主將”，是玉成職位此時已高於主將，換言之，即已封王。約略計之，玉成封王，當在六月杪，去洪仁玕之封王約後一個多月。封王之後，所

謂“前軍主將 卽以之授吳如孝。

7,1(六,二) 中軍主將楊輔清督馬步全軍戰湘軍道員張運蘭，王文瑞，知府曾國荃於江西景德鎮，斬都司李印典，守備向其昌，陳玉才。國荃督副將朱品隆，唐義訓，參將張勝祿，遊擊蕭孚泗等却之。

翼王石達開部軍略何名標及賀縣獵匪羅嘉德破湖南江華嶺東營，斬守備向東昇。

欽差大臣勝保督營總烏勒興阿，副都統富勒德恩布，總兵張得勝，同知丁承鈞克復安徽盱眙。

豫捻蕭況擾河南泌陽。

7,2(六,三) 英王陳玉成攻安徽來安，另軍攻滁州。

翼王石達開敗湘軍知府劉嶽昭及副將何紹彩等於湖南寶慶府，破洪橋營。

7,4(六,五) 湘軍道員劉長佑，江忠義，知府劉坤一等率軍抵湖南寶慶府嚴塘。

7,7(六,八) 前軍主將吳如孝自廬州助捻龔得樹，再攻定遠，敗清總兵吉順，札隆武，惠成，副將盧又熊，及副都統麟瑞。安徽巡撫翁同書退駐廬橋鎮（前軍主將原爲陳玉成銜，大約玉成封王後卽授如孝）。

7,8(六,九) 曾國藩奏留翰林院編修李鴻章襄辦

軍務（6,2具奏）。

廣西天地會南興王（大洪王）陳金剛棄懷集，走據賀縣。

7,13（六，一四）中軍主將國宗楊輔清以戰事不利，退出江西景德鎮，走入浮梁城。

7,14（六，一五）湘軍知府曾國荃率副將朱品隆，參將張勝祿，遊擊蕭孚泗，知縣張岳齡，道員張運蘭率參將劉松山，文恆久，朱紹輝，遊擊黃萬友，都司易開俊，張廣勝，道員王文瑞率副將唐義訓，遊擊朱寬義，喻吉三，彭大壽，都司吳盡臣分中左右三路攻克江西浮梁，中軍主將楊輔清走皖南祁門。

曾國荃敗楊輔清

副將李世忠連敗圍攻安徽滁州之英王陳玉成軍（世忠於7,4自來安水口到滁）。

7,16（六，一七）英王陳玉成親自督軍圍攻滁州，李世忠却之。

幅匪霍三禿子等攻山東費縣。

廣東軍克復廣西懷集（一八五七年八月失陷）。

7,17（六，一八）前軍主將吳如孝，及捻龔得樹，立天侯蘇天福攻占安徽定遠，總兵吉順，惠成敗潰，前淮揚道郭沛霖，知縣周佩濂死之。

吳如孝占定遠

曾國藩奏所部兵勇無多，程途太遠，人地生疏，不克入蜀。

7,18 (六,一九) 湘軍道員李續宜抵安化藍田，援寶慶府。

廣東軍克復開建(一八五七年十二月失陷)。

7,19 (六,二〇) 翼王石達開部軍略何名標，因宗石鎮吉石鎮常及廣西獵酋羅亞誨(嘉德)占領湖南江華。

7,21 (六,二二) 江蘇六合西門外太平軍之買賣街售賣洋槍食物，葛塘集一帶太平軍來者甚多，總兵張玉良乘機進攻。

7,23 (六,二四) 安徽巡撫翁同書為前軍主將吳如孝，擒龔得樹，蘇天福所迫，自定遠爐橋鎮走壽州，依練總知府苗沛霖。

中軍主將楊輔清攻破皖南石埭七都之清軍營盤，敗副將吳偉奇。

7,24 (六,二五) 總統湖南寶慶東路軍務荆宜施道李續宜到高家衝，晤臬司劉長佑，會商進軍方略，並令寶慶以東各營出隊牽制。

擒龔得樹合太平軍攻安徽明光鎮，欽差大臣勝保總兵張得勝禦之。

7,25 (六,二六) 翼王石達開親督余子安，傅忠信，賴裕新各軍包抄湖南寶慶府高家衝，與湘軍道員李續宜，臬司劉長佑激戰於藍江鋪，清水塘

六合買賣街

李續宜到寶慶

(達開限余子安等於三日內破湘軍營壘)。

7,27 (六,二八) 湘軍道員李續宜自寶慶高家衝西渡, 命副將劉培元率水師從水路進攻, 同知金國琛及毛有銘, 郭鵬程, 于高勝等馬步軍越山前進, 毀平田家渡至清水塘壘卡四十三座。

湘軍道員張運蘭統所部三千餘人自江西景德鎮拔營, 取道南昌臨江袁州回湘, 以援寶慶(時湘軍因湘南之戰, 思歸急切, 不能制止)。

命浙江提督鄭魁士駐紮江南高淳東壩一帶, 辦理防剿事宜。

7,28 (六,二九) 翼王石達開督軍略賴裕新, 宰制傅忠信等襲寶慶府北湘軍營盤, 道員李續宜督同知金國琛, 副將蕭慶衍, 沈俊德, 梁作楫, 遊擊劉山清, 府經毛有銘等合總兵田興恕, 劉培元水陸各軍破之, 燬平壘卡約二百座, 斬獲萬餘。軍務戴振聲, 張裕亮, 邱禧太, 指揮高玉和被擒。

國宗石鎮吉, 軍略何名標自湖南江華進入廣西恭城平樂。

促曾國藩赴援四川。

7,30 (七,一) 湘軍知府曾國荃自江西景德鎮回抵撫州府。

7,31 (七,二) 命曾國藩到湖北後與官文等妥商進紮地方, 相機入川。

江西湘軍思歸

寶慶會戰

擒蘇天福死

8,3(七,五)翼王石達開部因宗石鎮吉,軍略何名標等攻廣西平樂府,廣西布政使蔣益澧督湘軍敗之,北走灌陽。

8,5(七,七)曾國藩自江西撫州取道南昌赴湖北。欽差大臣勝保部營總克蒙額斬立天侯蘇天福(黑旗擒首)及其弟天書於安徽定遠梁家岡。

8,6(七,八)中軍主將因宗楊輔清破皖南郭村清營,敗副將王恩榮,逼太平縣。

江南水師總兵李德麟攻安徽大通荻港,擒指揮羅開文。

8,8(七,一〇)曾國藩自江西撫州到南昌。

8,9(七,一一)擒圍攻安徽亳州,總兵朱連泰等敗之。

8,10(七,一二)湘軍道員李續宜,臬司劉長佑,及知府劉坤一,道員趙煥聯,副將田興恕,同知金國琛等分路進攻,與翼王石達開軍大戰於寶慶府賀家坳,龍安橋,白楊鋪等地。

8,11(七,一三)提督周天受敗中軍主將楊輔清於皖南涇縣。

8,13(七,一五)翼王石達開親攻寶慶賀家坳湘軍大營,道員李續宜迎擊敗之,斬渠帥胡德孝,統戎陳麗江。達開命宰制陳亨容,經略(渠帥),蕭壽璜南趨新寧。

曾國藩自南昌北上,李瀚章李鴻章從行。

8,14 (七,一六) 翼王石達開撤湖南寶慶府圍，南走東安。湘軍按察使劉長佑及副將田興恕，道員趙煥聯，知府江忠義等敗之於龍安橋，九鞏橋，白楊鋪等地，斬左旗宰制黃立英，檢點陳明友，擒將軍蔡光遠，周子福，王智明，李定發，提審孫子安，通傳許以祥等。

石達開撤寶慶圍

8,15 (七,一七) 道員劉長佑追翼王石達開軍至寶慶府白倉大臨橋。

8,17 (七,一九) 曾國藩到江西湖口，晤提督楊載福臬司彭玉麟。

翼王石達開到湖南永州寶慶間之蘆洪市，趨東安。

8,19 (七,二一) 軍帥蕭前太，師帥沈太一在安徽舒城爲知縣甘文瀾所擒。

8,20 (七,二二) 英王陳玉成攻安徽滁州不下，撤圍去。

翼王石達開部國宗石鎮吉石鎮常等自湖南江華永明西全部入廣西。湘軍同知魏喻義，知縣黃淳熙等追擊敗之。

督辦河南防剿事宜關保抵安徽亳州剿捻。

8,21 (七,二三) 江南軍提督李若珠攻六合。

8,23 (七,二四) 翼王石達開軍自湖南東

石達開軍入廣西

安新寧陸續入廣西。湘軍臬司劉長佑追至白芽市（達開本人尙在東安）。

安徽天長太平軍分隊援江蘇六合，總兵張玉良迎擊，守備馮啓貴戰死。

8,24（七，二六）湘軍道員蕭啓江劉坤一擒翼王石達開部先鋒馬繼昌，將軍楊家廷於湖南東安。

8,25（七，二七）翼王石達開部大軍略周學韓，統戎黃士周，蕭祖貴，周本成降於臬司劉長佑。

8,26（七，二八）命福建陸路提督李若珠代副都統富明阿幫辦欽差大臣和春軍務。

8,27（七，二九）翼王石達開部國宗石鎮吉石鎮常等圍攻廣西桂林。巡撫曹澍鍾固守。

8,28（八，一）曾國藩自江西湖口赴湖北，並命副將朱品隆等由陸路西上。

8,29（八，二）廣西布政使蔣益澧到桂林省城應援。

8,30（八，三）幅匪洪佃一，邱春，于洛占領山東嶧縣韓莊。

8,31（八，四）擒劉二老淵（狗）率黑藍旗擒自安徽亳州入河南鹿邑，永城。

9,2（八，六）廣西布政使蔣益澧敗國宗石鎮吉等於桂林馬貴橋大墟。

石鎮吉圍桂林

9,3 (八, 七) 太平軍襲破浦口清防軍守備李玉龍營。

9,6 (八, 一〇) 翼王石達開軍前隊到廣西平南(或係石鎮吉部前隊)。

9,7 (八, 一一) 曾國藩抵湖北黃州府, 晤胡林翼(國藩以未得川督, 亦不願入川作客)。

9,9 (八, 一三) 命曾國藩緩赴四川, 改援安徽, 暫住湖口(時石達開南入廣西, 川局稍緩, 胡林翼又以國藩未得川督, 因說官文奏留經營安徽)。

曾國藩改援安徽

湘軍知縣黃淳熙, 參將陳品南敗翼王石達開部軍略何名標及獵匪羅嘉德於湖南江華嶺東。

9,10 (八, 一四) 廣東連州寇張清觀應翼王石達開召, 進至湖南宜章, 敗湘軍李輔朝等。

捻孫葵心, 李大喜, 劉天祥自安徽懷遠東進, 直逼欽差大臣勝保大營。

9,11 (八, 一五) 英王陳玉成部占領安徽霍山, 敗巴革知府袁懷忠。

9,13 (八, 一七) 廣西布政使蔣益澧敗翼王石達開軍於桂林拓木墟, 魏家渡。

9,14 (八, 一八) 前軍主將吳如孝合捻襲得樹攻占安徽盱眙明光鎮, 總兵張得勝退盱眙。

9,15 (八, 一九) 道員蕭啓江援廣西, 督副將胡中

和，梁萬貴，參將蕭慶高，朱桂秋，游擊何勝必，唐星照，李金揚敗翼王石達開軍於興安塘埠，百子鋪，達開部西趨。

9,16 (八,二〇) 英王陳玉成與右軍主將國宗韋俊在安徽和州衝突。

中軍主將國宗楊輔清敗總兵江長貴，米興朝於安徽石棣夏村，破其營壘。

進士

太平軍陶金湯（太平天國所取進士，自江南來，衆約三千，自稱，統領太平天國全軍都督。屬翼王石達開部，1856年十月在皖南活動）合廣西寇張羔友據永安州（金湯尋爲羔友所殺。羔友據永安州先後四年，至一八六〇年十二月被殺）。

9,19 (八,二三) 曾國藩自湖北黃州府抵武昌，晤欽差大臣湖廣總督官文，商軍務。

前軍主將吳如孝擒龔得樹再敗安徽軍總兵張得勝，占領盱眙，（尋卽退出），進逼三河衡陽。

翼王石達開自廣西靈川甘石鋪西走義寧縣，龍勝廳。

9,22 (八,二六) 翼王石達開部軍略何名標（文彪）復自廣西折回湖南，圍攻江藍廳城。

9,24 (八,二八) 副都統多隆阿督參將雷正綰，楊朝林，穆正春攻克安慶石牌，擒霍天燕石廷玉。

翼王石達開抵廣西永福。湘軍臬司劉長佑到全州，道員蕭啓江到桂林附近。

湘軍按察使劉長佑奉湖南巡撫駱秉章令，自東安拔營援廣西。

劉長佑援廣西

9,25 (八, 二九) 前軍主將吳如孝擒龔得樹再攻安徽盱眙，總兵張得勝，副將格洪額敗之，如孝受傷 (勝保奏稱如孝戰歿，不確)。

9,26 (九, 一) 湘軍知州黃淳熙，副將陳品南解湖南江藍廳圍，軍略何名標北走藍山。

9,28 (九, 三) 曾國藩離武昌回黃州府巴河。

援廣西湘軍劉長佑到廣西興安駐營。

9,29 (九, 四) 湘軍道員蕭啓江，廣西布政使蔣益澧，參將蕭榮芳敗翼王石達開部國宗石鎮吉於桂林文昌門，啓江軍觸地雷，傷亡五百餘。

9,30 (九, 五) 曾國藩抵湖北黃州巴河，晤胡林翼，商四路援皖。林翼撥派兵勇十營隸國藩。

曾胡商援皖

10,1 (九, 六) 同知黃淳熙，副將陳品南收翼王石達開部軍略賴裕新於湖南江藍廳牛尾嶺。

白藍黑三捻旗首孫葵心，劉天祥，劉二老淵(狗)，雷彥，李大喜由河南永城進至江蘇蕭縣碭山間 (旋又折回河南虞城夏邑一帶)。

湖北軍參將余際昌統軍三千進駐安徽英山霍山間大楓樹嶺，禦英王陳玉成部崇天福藍承先(宣)。

10,3 (九, 八) 湘軍同知魏喻義，知府陳士杰，副將何紹彩大破翼王石達開部右四旗大軍略何名標於湖南藍山，斬渠帥劉順禧，統戎何鳴盛，檢點

何名標消滅

鄧開喜，擒軍師（軍帥？）李和尚，凌世福，統戎毛紹榮，指揮許宏量，降渠帥李大成。名標中傷（10,5名標被擒）。

藍李入川

藍大順李永和（滇匪）占領四川筠連。

調羅遵殿爲浙江巡撫，以瑞瓚爲福建巡撫。

10,4（九，九）翼王石達開軍自桂林入永寧州境。

桂林解圍

10,5（九，一〇）翼王石達開部國宗石鎮

吉等撤桂林圍西南趨永福永安（達開西走，鎮吉趨武宣入貴縣）。

10,6（九，一一）遇天豫陳侍達等在安徽桐城爲清同知疏長庚所擒。

藍大順李永和占領四川高縣。

10,7（九，一二）以勞崇光爲兩廣總督，調耆齡爲廣東巡撫，以惲光宸爲江西巡撫。

10,8（九，一三）以援廣西之湘軍記名臬司劉長佑爲廣西按察使（本日廣西布政使蔣益澧被學政李載熙劾，以道員降補，11,16長佑授布政使）。

英王陳玉成合捻龔得樹自安徽盱眙，天長攻揚州，敗總兵馬德昭於司徒廟，斬參領雙喜等。

藍大順李永和占領四川慶符。

10,11（九，一六）英王陳玉成及捻龔得樹攻揚州府，進至三汊河。

10,13（九，一八）江南軍提督李若珠，副將朱承

先自六合援揚州府。

10,14 (九,一九) 湘軍道員張運蘭, 王文瑞自湖南進攻廣東連州之三合會豆皮春林八(與太平軍通), 擒其總制徐明鳳。

10,15 (九,二〇) 翼王石達開及元宰張遂謀, 地台右宰輔石蔡清, 戶部大中丞蕭壽鏞(璜), 禮部大中丞周福歧, 兵部大中丞李遇隆, 工部大中丞品玉衡, 吏部尙書孔之昭, 戶部尙書李嵐谷, 精忠大柱國朱衣點占領廣西慶遠府。

石達開占慶遠

英王陳玉成乘提督李若珠, 副將李承先東援揚州, 回兵襲攻六合紅山窰李若珠大營。

藍大順李永和圍攻四川敘州府, 斬千總趙三元。大順進向富順。

10,16 (九,二一) 曾國藩奏進兵安徽, 須分四路: 一由宿松石牌以規安慶, 一由太湖潛山以取桐城(以上循江而下之南二路), 一由英山霍山以取舒城, 一由商城六安以規廬州(以上循山而進之北二路)(本月十二日具奏。梅英杰“胡文忠公年譜”卷三謂四路征皖之策定於九月辛卯, 卽10,20誤)。

曾國藩四路圖皖策

10,18 (九,二三) 天京開天試, 干王洪

天試

仁玕任文衡正總裁，蒙得恩任又副總裁

（副總裁爲陳玉成），李春發黃期陞分任正

副總閱官（太平天曆爲九月九日）。

10,19（九，二四）捻姜台凌（卽江太林），李大
喜攻安徽太和不下，西入河南沈邱。

藍大順占據四川富順弔黃樓，敗斬副將馬天貴。

10,20（九，二五）捻孫葵心劉二老淵（狗）圍攻
河南睢州，敗副都統關保部副將承惠，進逼杞縣
蘭封。

10,22（九，二七）右軍主將韋志俊（卽韋俊）
及國宗韋以琳自安徽池州請降於湘軍水
師提督楊載福。

（註）時國宗楊輔清楊義清屯住建德，輔清義清
爲東王楊秀清弟，志俊爲北王韋正弟，以琳爲其
姪，彼此有殺兄深怨，加之近年來，志俊陷於失
意，以其過去資望職權之隆重，今則地位反出陳
玉成下，且復與玉成齟齬失和，憂懼抑鬱，因而
納降。

10,23（九，二八）英王陳玉成大敗自江南援六合之
總兵馮子材，副將張威邦，田宗揚，及總兵朱承

捻入河南

韋俊降

先於陵子口，六合解圍。

擒孫葵心，劉二老淵攻河南杞縣通許，進及尉氏。

10,26 (一〇，一) 擒趙浩然攻山東曹縣。

清營總常海副將盧又熊收復安徽霍山。

會國藩核定馬隊營制章程。

湘軍馬隊

10,27 (一〇，二) 道員曾國荃統湘軍吉字營到湖北黃州巴河，晤曾國藩。

10,28 (一〇，三) 湘軍道員張述蘭，王文瑞，參將劉松山再敗三合會豆皮春林八，擒斬丞相毛世惠，將軍鄢合龍（旋平之），參將彭聲發創死。

中軍主將楊輔清逼皖南涇縣，斃游擊申明照等。

擒孫葵心，劉二老淵攻撲河南新鄭許州，進至舞陽北舞渡。

10,29 (一〇，四) 湘軍提督楊載福道員彭玉麟遣總兵李成謀，副將李朝斌，千總李楚材（楚材原係太平軍指揮，去年九月投降）水陸軍往安徽池州府受國宗韋志俊降。

欽差大臣勝保遣副都統穆騰阿，游擊黃開榜進攻安徽懷遠。

10,30 (一〇，五) 勝保丁憂，命署漕運總督袁甲三署欽差大臣督辦皖省軍務（昨以勝保酒色行樂，奏報不實，曾命和春何桂清密查，並保員候簡）。

袁甲三代勝保

命吏部侍郎文祥，匡源在軍機大臣上行走。

陳李六合之捷

11,1 (一〇,七) 英王陳玉成，後軍主將李秀成攻破江蘇六合紅山窰清軍大營，陣斃三千人。幫辦江北軍務福建提督李若珠突圍走揚州。

中軍主將楊輔清進攻安徽涇縣，南山嶺，斬副將石玉龍。

國宗韋志俊遣劉官芳，古隆賢，賴文鴻，黃文金等東襲蕪湖，以獻清軍。

貴州燈花教首何得勝攻開州，連破練勇，陷省城（後被擊退。得勝自稱武安王）。

11,2 (一〇,八) 湘軍同知曾貞幹（國葆）統新募鄉勇到湖北黃州府。

11,3 (一〇,九) 劉官芳，古隆賢，賴文鴻，黃文金等回戈反攻安徽池州，韋志俊及湘軍千總李楚材，參將劉正隆拒之。

11,5 (一〇,一一) 捻孫葵心，劉二老淵自河南舞陽東折，合自鄆城西來之李大喜姜台凌攻臨穎，爲副都統關保等所敗，卽向東南走。

英王陳玉成軍再攻揚州，總兵馬德昭禦之。

11,6 (一〇,一二) 雲南寇李花夫陷四川高縣。（李花夫似卽李永和）。

命太原鎮總兵田在田赴雲南提督傅振邦徐州軍營，幫辦三省剿匪事宜。

左軍主將李世賢自安徽和州渡江趨太平府金柱關，丹陽鎮，青山，進攻黃池（世賢曾在江浦助李秀成陳玉成）。

11,8（一〇，一四）安徽軍臬司王庭蘭，副都統麟瑞，穆騰阿，總兵滕家勝，游擊黃開榜克復懷遠，敗自廬州來援之太平軍。擒張洛行，得龔得樹接應，南走定遠臨淮（主臨淮軍者爲太軍錢得勝）。

劉官芳，古隆賢，黃文金等力攻安徽池州，韋志俊及湘軍總兵李成謀，千總李楚材，副將李朝斌等卻之。

翼王石達開部先鋒周春等率花旗萬餘人，屢自廣東連山陽山攻廣西懷集，與天地會之南興王陳金剛鬪。

11,10（一〇，一六）左軍主將李世賢，破太平府黃池清軍營盤，總兵蕭知音潰退新豐鎮。

11,13（一〇，一九）實授袁甲三爲漕運總督，仍署欽差大臣，督辦皖北軍務。

11,15（一〇，二一）英王陳玉成，後軍主將李秀成圍攻浦口，提督周天培，總兵張玉良，馮子材等力戰拒之。

貴州白號教匪（或誤爲石達開部）占領湄潭，據石阡府潮添碼，敗提督蔣玉龍。

11,16（一〇，二二）左軍主將李世賢分軍徧江寧

秣陵關，提督王浚敗之於陶吳鎮，追至朱門，斬丞相孫瑞亨。世賢部退回太平府丹陽，博望。

改定天曆

天王從干王洪仁玕奏，改定曆法，每四十年一輪旋，輪之年每月二十八日（太平天曆爲十月初七日）。

擒孫葵心，姜台凌，李大喜等退出豫境，復回安徽亳州。

11,18（一〇，二四）曾國藩自湖北黃州拔營東下入皖。

曾軍四路

11,20（一〇，二六）曾國藩奏四路進兵援皖，先破安慶，兼攻廬州，第一路由宿松石牌規安慶，國藩自任；第二路由太湖潛山取桐城，多隆阿鮑超任之；第三路由英山霍山取舒城，胡林翼任之；第四路由商城固始規廬州，李續宜任之（本月十一日具奏）。

湖北軍參將余際昌進軍安徽潛山天堂。

翼王石達開軍之一部自廣西慶遠西趨，占領德勝。

陳李江浦之捷

11,21（一〇，二七）英王陳玉成，後軍主將李秀成大敗江南軍署湖北提督周天培，總兵張玉良等於江浦，破毀營盤五十餘座，占領浦口，圍攻江浦，天培戰死（四困天京之小解圍。玉成以安慶告急，扯兵

周天培死

西上，據周盛傳“磨盾記實”至遲陰曆十月底玉成已到廬州。秀成則留守浦口，後天王猜疑秀成，不准人馬渡江回京，李昭壽作書說之，天王恐秀成有變，加封忠王，時當在十二月間）。

李秀成被疑

中軍主將國宗楊輔清爲總兵江長貴，米興朝，副將楊名聲所敗，退出皖南太平石埭之郭村，夏村。太平軍屢攻揚州，提督李若珠，總兵馬德昭卻之。

湘軍道員李續宜軍自湖南回抵湖北黃州（續宜尙未到）。

11,22（一〇，二八）胡林翼自湖北黃州拔營東進援皖，駐軍蘄州陳德園。

胡林翼東征

11,23（一〇，二九）天王再詔解釋改訂曆法及每年六節日之意義（天曆爲十月十四日）。

改定天曆

命胡林翼仍留黃州大營爲後路奇兵，兼各路策應，不可一意進剿。又命李續宜改取安徽英霍。

湘軍知府陳士杰，參將劉松山都司張廣勝易開俊等平廣東連山禾洞天地會，擒總統何觀保，副元帥李榮淑，都督葉亞烟，指揮李石秀，羅元財，將軍曾亞有，曾亞八，獵酋羅亞誨（卽羅嘉德，一作嘉晦）焚死。

翼王石達開部國宗石鎮吉石貴忠等據廣西賓州，擾永淳（賓州原爲三合會黃鼎鳳所占）。

11,27（一一，三）曾國藩自湖北黃州巴河抵黃梅

駐軍。

11,28 (一一,四) 鎮天侯劉姓自安徽舒城桐城西援太湖，湖北軍參將余際昌敗之於潛山。

11,29 (一一,五) 胡林翼遶營皖邊界碑石。

12, 翼王石達開部軍略賴裕新到廣西遷江。(另一枝自武宣入貴縣)。

12,1 (一一,七) 提督張國樑連攻江浦，李秀成拒之，斃千總包廷相。

12,3 (一一,九) 英王陳玉成，受天安葉芸來等自安徽桐城安慶一帶四路西進。

12,5 (一一,一一) 廣西布政使劉長佑部總兵李明惠及團練克廣西雒容。

江南軍提督張國樑援江浦，破北山新卡。

後軍主將李秀成戰不利。

12,7 (一一,一三) 曾國藩自湖北黃梅移營安徽宿松(時共統步隊二十營馬隊一營)。

英王陳玉成軍逼近安徽潛山。

12,8 (一一,一四) 提督張國樑攻破江浦城南各壘。

李永和圍攻四川敘州府城不下，撤圍去。

12,9(一一,一五)中軍主將國宗楊輔清應古隆賢，劉官芳，賴文鴻，黃文金等之約，糾集徽州寧國大軍二萬餘人，再攻池州府城。湘軍布政使銜道員彭玉麟督水師總兵李成謀，副將李朝斌，參

曾國藩移營宿松

將劉正隆，及韋志俊等力戰卻之。

藍大順自四川富順走犍爲五通橋。

12,10 (一一,一六) 提督張國樑再敗後軍主將李秀成於江浦磨盤洲“安徽通志”卷一〇五引“來安縣志”謂秀成於是日由揚州天長掠來安往定遠，不可信)。

12,11 (一一,一七) 胡林翼堅請曾國藩撥軍七千人進駐安徽太湖西北，防止英王陳玉成西進，以固楚疆，大營則仍設宿松(時李榕，朱品隆總理國藩營務處，林翼並致函李榕疏請)。

胡林翼命總兵鮑超，道員唐訓方，蔣凝學各軍分駐安徽太湖附近，均歸副都統多隆阿調度，(鮑與多不睦)諸將以多新貴，均不樂出其下，曾國藩亦力言其不可。胡以兵事喜一而惡二三，定計決以諸軍隸多)。

12,12 (一一,一八) 在皖剿匪之副都統穆隆阿奏稱袁甲三署理欽差大臣，恐勝保所統旗綠各軍解體，請另派滿州大員協帶馬隊。得旨申飭，不得先存滿漢意見。

12,13 (一一,一九) 英王陳玉成進至安徽潛山槎水畝，襲攻天堂鎮，進援太湖。

左軍主將李世賢攻安徽寧國府柏嶺河西，副將榮升，參將朱景山等卻之。

捻越徐州北攻韓莊，屯利國驛，都統德楞額敗退嶧

陳玉成禦會胡

縣。

12,15 (一一,二一) 湖北軍參將余際昌,訓導丁華先及安徽潛山知縣葉兆蘭,敗英王陳玉成軍於潛山槎水畝,追抵龍井關,斬漢天侯,拱天豫。命三品京堂張芾督辦皖南軍務。

12, (中甸) 後軍主將副掌率李秀成進封忠王。

(註)李秀成封王在陳玉成之後。秀成供狀自述封王經過云:“自攻破浦口六合之後,楚軍又由黃梅宿松而來,上路又來告急,前軍主將(陳玉成)扯兵上救,我要保浦口,不能前去。我守浦口日久,內無軍餉,外又無救兵,……主又不問國事,一味靠天,置軍務政務於不問,我在朝實無法處,力守浦口。後又被見疑,云我有投清朝之意,天京將我母妻押到對江,不准我之人馬回京。那時李昭壽有信往來,被天王知道,恐我有變,封我忠王,樂我之心,防我之變。……那時江浦上是張帥之軍屯困,我見時勢不同,輕騎回京奏主,主又不從,在殿上與主辨白,問主留我鎮浦口,則外應救望何人?前軍主將陳玉成在潛太黃宿與楚相敵,不能移動,韋志俊業投清朝,劉官芳賴文鴻古隆賢徒有賢名,未能爲用,楊輔清爲中軍主將,在池郡般家匯東流,亦有曾帥之軍制戰,左軍主將李世賢已在

張芾督皖南軍務

李秀成封王

南陵灣沚一帶”。是秀成封王，在攻破浦口，楚軍東征，玉成西救之後，鎮守浦口，與張國樑相持之時，封王之後，輕騎回京，謀解京圍，彼時玉成與楚軍在皖鄂之間相持，楊輔清在池州東流，李世賢在南陵灣沚。按浦口之破，楚軍(胡林翼部)東征，玉成西救，均為本年(1859)十一月下旬之事，秀成與張國樑在江浦相持為十二月初旬之事，玉成與楚軍在潛山太湖宿松黃梅相敵，輔清與曾軍在池州相戰，李世賢之在寧國灣沚一帶活動，均為十二月中旬之事。約計秀成封王時間，應在十二月初旬。

在供狀之另一處，秀成復述及此事云：“今封王者，其為洪仁玕，九年(1859)之間來京，格外歡喜，到京未滿半月，封為軍師，號為干王。……天王見封其弟兩月之久，一事無謀，已知愧過，難對功臣，故先封陳玉成為英王。後見我日有戰功，對我不住。那時正在浦口鎮守，李昭壽與我有舊情，見天王封陳玉成為王，旁觀不忍，行文勸我投降。來文到案，此時正逢天王侍衛七八人來浦口查看軍營。誰知李昭壽之文未到，先有謠言，傳到京中，天王差侍衛一探軍營，二探我有何動靜。那知李昭壽膽大，特命其親使送文前來，此使舊日在我身邊為護旗，後李昭壽投入大清，渠即隨去，令其帶文前來，被把卡捉住，解送到案。其使云：“爾不必捉我，我專到李老大人處。把卡士卒送到衙

門，合營人衆視之，在其身上拾得文書一件。拿來觀時，那時侍衛同在其場。後侍衛回京，合京人人知我有變，知我同李昭壽舊好，封王不到，謂我定有他變。那時我母亦在浦口（按此與前引“天京將母妻押到對江”一語矛盾），家室亦防我有變。後將中關舟隻盡封，不准我兵來往。那時有人奏到天王耳中，一二十日未見動靜。天王降詔，封我爲萬古忠義，親自用黃緞子書大字四個，稱萬古忠義四字，並賜綢緞前來，封我爲忠王。我爲忠王者，實李昭壽來文之誘，而樂以封之，防我有他心”。按秀成自十月二十一日後鎮守浦口，李昭壽（世忠）旋來文勸降，天王得知，盡封船隻，不准秀成軍渡江，防其有變。中經一二十日，未見動靜，知秀成無他，始封忠王，核審時日，實當在十二月中旬。

12,17（一一，二三）提督張國樑攻毀江浦西北壘二十餘座，敗忠王（後軍主將）李秀成。

12,18（一一，二四）中軍主將楊輔清再合古隆賢，劉官芳，賴文鴻，黃文金等進攻安徽池州。

12,20（一一，二六）中軍主將楊輔清及劉官芳，古隆賢，賴文鴻，黃文金等分爲二枝，一敵湘軍水師總兵李成謀等，一敵旱隊韋志俊，輔清圍攻池州府城，懸立重賞，以購志俊（胡林翼奏謂輔清等“施放洋槍，子落如雨”此爲關於太平軍用洋

槍之最早記載)。

12,23 (一一,二九) 魯南團練敗捻於嶧縣,捻西南走。

12,24 (一一,三〇) 中軍主將楊輔清及劉官芳,古隆賢,賴文鴻,黃文金等奪回安徽池州府城,韋志俊潰退泥灣,(提督楊載福旋調志俊到張溪鎮編遣)。

楊輔清奪回池州

12,27 (一二,三) 提督張國樑自江浦還江南大營。

12,29 (一二,六) 胡林翼,移營安徽英山(曾國藩弟貞幹從之)。

胡林翼移營英山

左軍主將李世賢攻皖南寧國府西河,總兵蕭知音,副將熊廷芳退寒亭。

12,30 (一二,七) 欽差大臣袁甲三督兵進攻安徽臨淮關,鍾天福(捻)張隆(元龍)等拒之(勝保去後,張隆復叛)。

12,31 (一二,八) 以候補總兵田興恕署貴州提督。

此
页
空
白

1860——咸豐一〇年庚申，太平天国

庚申拾年。

1,5 (一二,一三) 湖北巡撫胡林翼派知府金國琛，府經歷吳廷華軍進至安徽霍山黑石渡。

1,7 (一二,一五) 英王陳玉成(四眼狗)抵安徽桐城，征北主將張洛行及龔得樹(龔瞎子)亦自懷遠，定遠，廬州，舒城一帶來會，前隊進抵青草壩。

會胡與陳玉成之戰

副都統多隆阿，道員蔣凝學，商調總兵鮑超靈營全部一併移駐安徽太湖小池驛，迎擊西來之英王陳玉成軍(胡林翼原定多蔣備玉成，鮑及道員唐訓方制太湖城，以固楚疆)。

湖南巡撫駱秉章奏請飭道員蕭啓江軍(時在湘潭)改道馳赴黔蜀之交，阻石達開入蜀，以保四川。並請敕曾國藩酌帶水師前往(1,19 上諭命蕭赴蜀，曾仍留皖)。

蕭啓江援川

1,8 (一二,一六)英王陳玉成，征北主將張洛行，及龔得樹自安徽桐城三路進攻石牌，新倉，小池，援太湖。

1,10 (一二,一八) 欽差大臣督辦安徽軍務袁甲三，督副都統穆騰阿，總兵張得勝，川北道苗沛霖攻克安徽臨淮關(擒張隆李允仍據鳳陽)。

袁甲三克臨淮

靖東主將劉瑒琳自安徽太湖突圍，湘軍道員蔣凝學敗之。

1,12 (一二,二〇) 曾國藩派總兵朱品隆，主事李榕領軍十營，自安徽宿松進駐太湖，與道員唐訓方三面圍攻（應胡林翼之請）。

左宗棠出湖南巡撫駱秉章幕，（時以革職之永州鎮總兵樊燮構宗棠於鄂督官文，秉章及胡林翼力解之。宗棠憂讒畏譏，遂請去，擬履戎行）。

翼王石達開部宰制陳亨容據廣西遷江之北泗溯河。

1,13 (一二,二一) 英王陳玉成，征北主將張洛行，及龔得樹進至安徽潛山之地靈港東西兩岸，築壘二十餘座，進攻小池驛總兵鮑超靈營。福州副都統多隆阿率道員蔣凝學及協領喀爾庫·西林布，營總金順，巴彥杜楞往援，分路抵禦。

翼王石達開部將鄭喬及中隊將李鴻昭，右隊後永忠先鋒譚星，左隊前精忠先鋒陳榮，中隊前精忠先鋒周春，中隊中赤忠先鋒林彩新，左隊後永忠先鋒陳壽，右隊右耿忠先鋒李積，中隊後永忠先鋒葛耀明，右隊前精忠先鋒朱義德等（花旗）脫離大隊，自廣西折回，經富川入廣東連山廳，先鋒范亞侗被擒（其中當有軍略何名標殘部。譚星，陳榮，周春，葛耀明，陳壽原均廣東天地會，一八五五年十二月間在江西歸達開）。

1,14 (一二,二二) 英王陳玉成，征北主

左宗棠出駱
幕

譚星等與石
達開分

將張洛行，及龔得樹，敗副都統多隆阿，道員蔣凝學於安徽潛山之地靈港，斬副都統銜協領西林布，喀爾庫，參將吳明亮等，多部傷亡千三百人。玉成卽分軍趨太湖小池驛（洛行等以鳳陽被困，大約於此時回援，並請忠王李秀成分兵往救）。

1,15（一二，二三）左軍主將李世賢屢攻寧國府灣沚，提督周天受拒退之。

右軍主將劉官芳及古隆賢等自皖南銅陵青陽連占南陵，涇縣之三里甸，觀嶺，破參將方國淮等營。

1,16（一二，二四）英王陳玉成主力專趨安徽太湖小池驛，更番迭進，圍逼總兵鮑超靈營，日夜環攻。

胡林翼派知府金國琛循安徽潛山東界嶺，青田畝，以援駐營天堂之參將余際昌，兼防陳玉成軍。

李永和攻四川隆昌。

1,19（一二，二七）曾國藩調道員唐訓方軍自安徽太湖赴援小池驛，謀解總兵鮑超靈營參將蘇文彪段福之圍。

1,20（一二，二八）翼王石達開舊部鄭喬先鋒譚星，陳榮，周春，林彩新等（花旗）抵廣東連州，進與北江天地（三合）會陳顯良，陳帶，曾超會合。

陳玉成敗多隆阿

圍鮑超

1,22 (一二,三〇) 副都統多隆阿道員蔣凝學進軍爲總兵鮑超靈營解安徽太湖小池圍，派參將楊朝林代守靈左營之壘。胡林翼派知府金國琛自松子關躡英山踰潛山之天堂，合參將余際昌軍間道疾趨謀夾擊（此爲山內之軍）。

1,24 (一,二) 欽差大臣袁甲三圍攻安徽鳳陽府。左軍主將李世賢，右軍主將劉官芳及古隆賢等自皖南南陵攻涇縣灣灘，敗游擊黃熊飛。

1,26 (一,四) 以勝保無功，撤去欽差大臣，命往河南督辦剿匪事宜，派副都統關保幫辦。袁甲三仍署理欽差大臣，督辦安徽軍務，巡撫翁同書仍幫辦外，並加派副都統穆騰阿幫辦軍務。雲南提督傅振邦督辦徐宿一帶剿匪事宜，仍令太原鎮總兵田在田幫辦。都統德楞額督辦山東剿匪事宜，乾清門三等侍衛哈勒洪額幫辦。

湘軍道員唐訓方自安徽太湖新倉移營小池驛，援鮑超。

1,28 (一,六) 忠王李秀成與干王洪仁玕商定戰略，強請出京，謀解長圍，天王允准。秀成將浦口軍務交黃子隆陳贊明接鎮，即自浦口動身前往蕪湖。

(註) 洪仁玕述此次解圍戰略云：“張家祥(國

剿捻統帥

李秀成出天
京赴皖南

樑)四面築長城圍裹京都，僅通浦口一線之路，車運北岸糧米，以濟京用。己未年，予由粵東到天京，我主天王念予少有聰慧，陞封各爵，繼封英王忠王等，各有奮興之志。忠王三次面口，(予?)畫策，予曰：‘此時京圍難以力攻，必向湖杭虛處力攻其背，彼必返救湖杭，俟其撤兵遠去，即行返旆自救，必獲捷報也。’乃約英王虛援安省，而忠王侍王即偽裝纓帽號衣，一路潛入杭湖二處。”(“逸經”，第二十期，“干王洪仁玕親筆供辭”)。

李秀成動身日期，乃參酌其本人供狀及九洑洲之戰而推定。供狀云：“主(天王)見我無可再留，准我出京。當即將浦口軍務，交與黃子隆陳贊明接鎮，自浦口動身到蕪湖，三四日之間，浦口城外靠大江邊營盤，概行被張帥(國樑)之軍攻破，九洑洲亦已失守。此時京城又困，此是五困京城矣。……十年正月初二日，由蕪湖帶領人馬到南陵”。據此，浦口沿江營盤之失，九洑洲之破，事在秀成離浦口後之三四日。按張國樑於本年 1,31 攻破沿江太平軍壘卡二十餘座，翌日克九洑洲，上湖三四日，即 1,28。至天曆十年正月初二日，則當西曆 1860,2,10,彼時秀成已由蕪湖到南陵。

英王陳玉成破湘軍道員唐訓方於安徽太湖小池驛，
訓方軍潰不成營(時靖京主將劉瑯琳已出太湖，

在銀珠塔一帶助玉成作戰)。

1,31(一,九)江南軍總統張國樑督提督王浚,總兵張玉良,馮子材,黃靖,副將楊福增,水師總兵黃彬,陳國泰,副將曾秉忠,水陸並進,破浦口沿江壘卡二十餘座,敗守將黃子隆陳贊明。

廣西布政使劉長佑,道員劉坤一,總兵李明惠克復柳州府,斬五營主帥崔昌,元帥馮天喜,瑞龍令王山公,將軍李火秀,梁慶等(崔昌等似爲昇平天國鎮南王朱洪英部。一說爲翼王石達開部)。

2, 李永和占四川富順自流井(尋西北走)。

2, 翼王石達開部軍略賴裕新攻廣西南寧府,國宗石達德攻思恩府,石鎮吉自賓州西趨。

2,1(一,一〇)江南軍總統張國樑,督王浚,張玉良,馮子材等攻克江浦九洲洲,南京合圍(五困天京)。

胡林翼致書總兵鮑超,必要時放棄安徽太湖小池驛,以全實力(意在反激鮑超。本日鮑超曾獲小勝)。

2,2(一,一一)翼王石達開部軍放棄廣西柳城(達開時仍在慶遠)。

英王陳玉成部崇天福藍承先(宣)攻安徽潛山仰天庵,高橫嶺,爲湘軍知府金國琛,參將余際昌,訓導丁華先所破。承先死之。

清以慶廉代英榮爲河南巡撫。

湘軍克柳州

石達開克軍
攻南寧

五困天京

2,3 (一, 一二) 忠王李秀成 (一說係古隆賢) 督安徽太平府, 金柱關, 裕溪口, 東西梁山各路礮船下援天京浦口, 爲清水師總兵吳全美所阻。捻孫葵心, 王懷義, 劉天福, 攻河南鹿邑, 清副都統關保敗之。

2,4 (一, 一三) 英王陳玉成部靖東主將劉瑜琳棄安徽太湖銀珠塔, 走小池驛, 潛山城。副都統多隆阿派兵到安徽太湖小池驛, 助總兵鮑超, 鑿道始通。

2,8 (一, 一七) 欽差大臣和春奏報洪秀全(天王) 詔令長江上游太平軍下援金陵(天京)。

天王詔援天京

2,10 (一, 一九) 英王陳玉成軍敗湘楚軍知府金國琛, 參將余際昌, 訓導丁華先於安徽潛山紅長山, 觀音巖。

忠王李秀成率陳坤書, 譚紹光, 陸順德等自安徽蕪湖到南陵(天曆正月初二日)。

實授袁甲三爲欽差大臣督辦安徽軍務。

2,13 (一, 二二) 鍾天福張元龍(即捻首張隆)在安徽鳳陽府爲欽差大臣袁甲三部總兵張得勝所誘擒, 甲三克府城。

袁甲三克鳳陽

湘軍主事李榕及曾貞幹擊敗安徽太湖城內突出之太平軍。

2,14 (一, 二三) 道員吳坤修, 劉子淳, 總兵普承堯克復安徽建德。

翼王石達開舊部鄭喬，先鋒譚星、陳榮，周春，林彩新等自廣東連州經樂昌，仁化，始興合三合會（天地會）鎮國公陳顯良，正元帥陳帶，副元帥曾超進向南雄州。

2,15（一，二四）駐安徽霍山之湖北軍府經歷吳廷華，游擊陶茂林，都司梁洪勝敗舒城太平軍，斃丞相張天福（天福似爲銜號）。

2,16（一，二五）左軍主將李世賢合右軍主將劉官芳，及古隆賢，賴文鴻等大破湘軍副將楊名聲，方國淮，及知府陳炳元，占領安徽涇縣，岡天燕賴文和陣亡。

副都統多隆阿，總兵鮑超，朱品隆，道員唐訓方，蔣凝學，及佐領金順，副將趙克彰，朱希廣等湘楚軍大敗英王陳玉成，征北主將張洛行，及龔得樹於安徽太湖小池驛，擒庶天侯麥烏富，軍帥，旅帥，巡查汪遂林，陳得勝，曹正太等（據本年 5,13 忠王致洛行書，此時洛行應在鳳陽附近）。

胡林翼奏道員蕭啓江軍已行抵常德，卽行入川，協剿土匪，停止援皖。

2,17（一，二六）知府金國琛，參將余際昌，訓導

李世賢占涇縣

多鮑破陳玉成

啓江援川

丁華先，知縣葉兆蘭，及副將蕭慶衍，沈俊德夾攻英王陳玉成軍於安徽潛山之紅長山，廣福寨，銀珠塔，擒丞相葉榮發，指揮傅得高，將軍舒春華（胡林翼奏報作今日，書牘則作昨日，似以前者近是）。

欽差大臣袁甲三督副都統穆騰阿，總兵張得勝克復安徽鳳陽縣，擒丞相張先，軍帥趙玉奇等（張先等於 2,14 被擒）鄧政明降（以上均擒首）。

副都統多隆阿，總兵鮑超，朱品隆，及道員唐訓方，蔣凝學等湘楚軍分中東西三路進攻安徽太湖羅山衝，小池驛。多朱二路敗英王陳玉成於羅山衝，鮑唐一路亦大勝於小池驛，毀壘百數十座，斬殺數千，奪獲鎗礮尤多（內有二千五百觔夷礮一尊）。游擊徐勝祿，都司陳士富，易長春陣亡。

多鮑再捷

安徽太湖城內太平軍守軍棄城走，湘軍主事李榕及曾貞幹即收復城池。

2,18（一，二七）貴州教匪何得勝合貴定龍里苗匪再佔省城。

2,19（一，二八）副都統多隆阿，道員蔣凝學，及副將趙克彰，朱希廣，知縣葉兆蘭克復安徽潛山，都司王定和，守備蔣貴祿等陣亡。

安徽軍總兵鮑雲翥，副將于昌麟，副都統薩薩布，參將馬升平，攻克安徽定遠爐橋。

征北主將張洛行部占領江蘇桃源（今泗陽），進逼清江浦，敗都司德興。

2,20（一，二九）左軍主將李世賢右軍主將劉官芳占領皖南旌德，分軍占太平石埭（一作2,18）。

2,21（一，三〇）征北主將張洛行部占領江蘇清江浦，河道總督庚辰退守淮城。淮海道吳葆晉，通判沈鴻，副將舒祥等死之。

2,22（二，一）忠王李秀成自安徽南陵經寧國府青弋江，高橋，水東進向廣德州（時清提督周天受守寧國府城，防秀成攻打，不敢出城）。

左軍主將李世賢占領安徽寧國縣。另枝（劉官芳？）占績溪。

2,24（二，三）忠王李秀成占領安徽廣德州，留部將陳坤書，陳炳文守之，自率譚紹光，陸順德，吳定彩等入浙江。謀解天京圍。

江南軍總統提督張國樑會總兵劉季三，熊天喜，水師陳國泰克復江寧壽德洲，七里洲，上關，下關，守將秦禮國，謝茂廷，袁復清，黃長發內應。

天京試選各省提考官，干王洪仁玕命正副總閱官李春發黃期陞撰勸戒士子文。

搶占清江浦

李秀成占廣德入浙江

張國樑逼攻天京

選提考官

以劉源灝爲貴州巡撫。

廣東天地會南興王陳金剛，元帥陳帶，及練四虎，周豆皮春攻四會（6,5 去）。

2,25（二，四）江南軍攻破江寧上河，守軍退江東門，天京勢危。

2,28（二，七）右軍主將劉官芳（？）自皖南績溪撲攻徽州，敗副將余永椿。

2,29（二，八）三品京堂張芾，總兵江長貴，知府劉兆璜，都司江長泰擊敗進攻徽州之太平軍，斬企天侯鄧傳意（一作3,29誤）。

忠王李秀成侍王李世賢占領浙江安吉（世賢封王約在今年一二月間，時與秀成自皖南分道入浙）。

3,2（二，一〇）忠王李秀成侍王李世賢破衢州鎮總兵李定太於浙江安吉梅溪。

3,3（二，一一）忠王李秀成攻占浙江長興四安鎮，大破參將周天孚。

3,4（二，一二）忠王李秀成侍王李世賢敗江南軍，斬都司李培基於浙江長興虹星橋，進占長興（一作3,5）。

（註）胡長齡“儉德齋隨筆”記太平軍此次占領長興後情形云：“十八日（3,10），〔自湖州〕退歸長興，由是長興之東門不啓。然四鄉愚頑，尙有斂錢

市豬羊魚酒進貢者。自派貢之名起，而寓居殷富，無一不被其逼勒，甚至縛其夫以脅其妻，烙其父以劫其子，必使盡出所藏而後已”（“長興縣志”，卷三七，頁一九）。

皖南鎮總兵江長貴，知府劉兆璜克復績溪（一作4,2）。

3,5(二,一三)安徽軍道員張學醇，副都統克明額，及總兵田在田克復江蘇清江浦，擒張洛行部西走。

3,6(二,一四)英王陳玉成自皖西經廬州全椒撲攻滁州（玉成自安慶來，謀解天京圍，先攻滁州，絕後顧憂）。

翼王石達開部回宗石鎮吉，石鎮常，石鎮發，石鎮全，宰制陳玉麟，及黃貴生（翼王甥）圍攻廣西百色廳。

3,7(二,一五)忠王李秀成率譚紹光，陸順德，吳定彩等本部人馬六七千人由廟西（妙西）趨武康，日夜進向杭州（所部均冒清軍旗幟號衣）。

道員張學醇總兵田在田等再敗擒於江蘇桃源。

3,8(二,一六)忠王李秀成軍之一枝去浙江安吉，占孝豐。

3,9(二,一七)忠王李秀成占領浙江武康，進敗

陳玉成攻滁州

石鎮吉攻百色

李秀成趨杭州

李世賢攻湖州

清浙江按察使段光清於餘杭。

侍王李世賢，攻湖州，不下。

安徽軍副將李世忠，知州李元忠，及副都統全福等擊退圍攻滁州之英王陳玉成軍。

3,10 (二,一八) 江南軍總兵張玉良及浙江提督鄭魁士分自江寧宜興援浙江。

忠王李秀成軍前隊抵杭州西北之良渚(時杭州城內尙不知)。

3,11 (二,一九) 忠王李秀成軍到杭州攻武林錢塘等門(誘分江南大營兵力)。

3,12 (二,二〇) 安徽軍知縣甘文瀾擊敗英王陳玉成部於舒城。

3,13 (二,二一) 忠王李秀成軍於杭州城外萬松等嶺徧插旗幟，以爲疑兵。

3,14 (二,二二) 滇寇藍大順李永和占領四川名山(一作4,9)。

3,15 (二,二三) 安徽軍副將李世忠知州李元忠克復全椒，守軍唐喜青(一作唐得華，杜宜魁殺亞天福及傅天侯楊映斗，煥天侯范得和，渥天侯黃銀亮以降)內應。英王陳玉成進軍圍攻。

3,16 (二,二四) 皖南太平軍營天義李遠繼撲攻南陵。

欽差大臣湖廣總督官文，湖北巡撫胡林翼遣知府蕭

翰慶率湘軍合韋志俊部東援浙江（本月五日浙江巡撫羅遵殿曾函林翼請援）。

江南軍總兵張玉良抵蘇州，進援浙江。

3,17（二，二五）忠王李秀成敗臬司段光清總兵米興朝於杭州觀音塘（興朝自徽州來援，前日抵富陽，縱兵劫掠，與鄉民仇殺）。

3,19（二，二七）忠王李秀成督譚紹光，吳定彩，陸順德等以一千二百五十名先鋒攻占杭州，守軍盡潰（自清波門轟塌城垣而入）。浙江巡撫羅遵殿，署布政使糧道王友端，鹽運使繆梓，杭嘉湖道葉堃，寧紹台道仲孫懋，杭州知府馬昂霄，仁利知縣李福謙，副將魁麟，候補道陳炳元，程葆安，許煊，及在籍兵部右侍郎戴熙均死之。杭州將軍瑞昌，副都統來存，佐領傑純力守滿城（時清軍劫掠，杭人與之爲仇，日事修怨，聚衆圍殺，城破時居民爭起殺官兵）。總兵米興朝退富陽，李定太走嘉興，臬司段光清走海寧。

3,21（二，二九）幅匪萬甲申等圍攻山東沂州府（旋爲道員黃良楷等擊退）。

李秀成初破
杭州

- 3,22 (三,一) 曾國藩探明安慶城內外太平軍情形，定進攻之計。

輔王楊輔清自皖南池州經青陽到涇縣，進逼寧國府城。

- 3,23 (三,二) 總兵張玉良率江南軍經蘇州湖州到杭州大關武林門。

3,24 (三,三) 忠王李秀成以總兵張玉良抵杭州(據云秀成誤玉良爲張國樑)，誘分江南兵之計已售，且滿城又未攻下，湖州寧國尚有清軍，恐歸路被斷，即製造旗幟，用作疑兵，以壯聲勢，引軍退出。玉良收復杭州(秀成謂軍退一日夜，玉良始敢入城。又是役杭人死者云有六萬)。

李秀成退出杭州

左宗棠自長沙抵襄陽，入京會試，得胡林翼書，止其北行(宗棠即東返晤林翼)。

左宗棠

- 3,25 (三,四) 忠王李秀成自杭州進向餘杭。總兵張玉良追至萬松嶺橫山。

廣東天地會南興王陳金剛進擾德慶州。

- 3,26 (三,五) 湘軍道員李續宜自湖南湘鄉到安徽宿松，晤曾國藩，商進兵(上月國藩與胡林翼函商，安慶一路國藩任之，桐城一路續宜任之，舒霍一路林翼任之，多隆阿暫留備援。此時改以續

曾胡東征軍布置

宜備援，駐青草壩，而以多當桐城一路）。

湘軍總兵鮑超傷病請假回四川夔州原籍。

3,28 (三,七) 忠王李秀成過浙江臨安，循天目山北趨孝豐（張玉良軍以貪圖杭州財物，未再追擊）。

3,29 (三,八) 營天義李遠繼率皖南涇縣，青陽，繁昌，蕪湖太平軍三路攻南陵，副將陳大富敗之。

安慶守將張朝爵合皖南太平軍經權陽北趨，桐城團紳同知毓長庚敗之，斬国宗楊姓及洪球琳，（一說事在 2,29）。

3, 翼王石達開舊部（花旗）殿左中隊將李鴻昭，右隊將鄭喬及先鋒譚星，陳榮，周春，陳壽，李積，林彩新，葛耀明，朱義德與天地（三合）會鎮國公陳顯良，元帥陳帶。副元帥曾超自廣東北江（英德）致書廣州英法水陸軍統帥，首述起義由來，次謂即統兵前來，共展鴻圖，不必驚惶（太平天曆爲二月）。

3, 滇寇藍大順，李永和連占四川眉州，邛州，青神等城。

4,2 (三,一二) 命欽差大臣和春兼辦浙江軍務，肅州鎮總兵候補提督張玉良總統援浙諸軍，專辦浙江軍務。以江蘇布政

使王有齡署浙江巡撫（杭州失守消息到京）。

4,3（三，一三）侍王李世賢撤浙江湖州圍，西回安徽廣德州。

捻孫葵心，王懷義進至河南蘭封，通許，逼開封。

捻逼攻開封

勝保督兵禦之。

4,4（三，一四）忠王李秀成過浙江孝豐入安徽廣德州（浙軍即收復孝豐）。

英王陳玉成圍攻安徽全椒，游擊朱元興等禦之。

4,5（三，一五）輔王楊輔清破安徽寧國附近之紅林橋，斬清副將榮陞。

江南軍總兵熊天喜，劉季三，曾秉忠（水師），克復浙江長興（侍王李世賢部自退）。

4,6（三，一六）翼王石達開部國宗石鎮吉，石鎮常，石鎮發，石鎮全，宰制陳玉麟，及黃貴生圍攻廣西百色廳不下，爲右江鎮總兵富順，同知陶兆恩所敗，鎮常戰死（鎮吉，玉麟，貴生折回慶遠府，在安定被擒。又國宗石達德先亦在思恩府被擒）。

石鎮吉敗死

4,7（三，一七）洪德王陳開遣軍（三合會）圍攻廣西柳州府城。

陳開

4,8（三，一八）忠王李秀成會輔王楊輔清，侍王李世賢，右軍主將劉官芳，定南主將黃文金，平西主將吳定彩，求天

建平大會

義陳坤書，營天義李遠繼，及賴文鴻，古隆賢等，占領安徽建平（今郎溪一作4, 11），即於此共商天京解圍戰略。

4,9（三，一九）捻攻河南項城，不下。

賞胡林翼病假一個月。

4,10（三，二〇）四川軍克復蒲江，滇寇藍大順等退。

4,11（三，二一）忠王李秀成，輔王楊輔清，侍王李世賢等在安徽建平會議完畢，分路進援天京，本日輔清占領江蘇高淳東壩，敗浙江提督鄭魁士，斬都司匡興仁（據“宜興荆谿縣志”定南主將黃文金當在此路）。督辦河南軍務蒙古都統勝保敗捻孫葵心王懷義於新鄭，葵心等西走密縣（旋南趨禹州許州）。

4,12（三，二二）輔王楊輔清占領江蘇高淳，留黃有才守之。

湘軍道員劉嶽昭，副將陳品南克復廣西富川，敗賀縣天地會黨陳金剛。

4,13（三，二三）侍王李世賢，右軍主將劉官芳占領江蘇溧陽。知縣尙納布，都司徐龍彪死之。

4,15（三，二五）廣西布政使劉長佑，總兵李明惠

楊輔清占高淳東壩

李世賢上溧陽

敗艇匪（天地會洪德王陳開部），解柳州府圍（已被圍三十餘日）。

侍王李世賢軍攻江蘇宜興，總兵劉季三卻之。

4,16（三，二六）侍王李世賢軍逼江蘇常州府，牽制清江南軍東路（旋即退去）。

曾國藩調湘軍吉字等營拔赴安慶。

4,17（三，二七）侍王李世賢圍攻江蘇金壇，參將艾得勝等力守。

捻孫葵心王懷義攻河南遂平，總兵承惠等進擊（挫折而東走）。

4,18（三，二八）輔王楊輔清定南主將黃文金占領江蘇溧水。清總兵魯占鰲，知縣張毓林戰死，提督鄭魁士走鎮江。

楊輔清占溧水

總兵熊天喜，米興朝克復安徽廣德州。

4,19（三，二九）副將劉成元自揚州，參將周天孚自浙江到金壇。

4,20（三，三〇）江西太平軍進占浙江遂安。

4,21（閏三，一）英王陳玉成自安徽全椒南走，援天京。

陳玉成援天京

翼王石達開部宰制曾廣依，余子安（一作余志扶）等自廣西慶遠府西趨占領思恩河池，進攻南丹土州。

皖南太平軍攻破寧國府寒亭參將馮開得營。

總兵馬德昭曾秉忠等拒退侍王李世賢軍於常州府陽

溧埠。

4,22 (閏三,二) 侍王李世賢撤江蘇金壇圍。
已革總兵米興朝,參將方國淮,游擊田宗興克復安徽建平。

總兵承惠敗擒孫葵意等於河南許州。

4,23 (閏三,三) 侍王李世賢占領江蘇句容,副將梁克勛退走。忠王李秀成亦自溧陽經赤山來。

輔王楊輔清,定南主將黃文金占領江寧秣陵關。

浙江遂安太平軍進占昌化。

4,24 (閏三,四) 英王陳玉成撤安徽全椒圍。
總兵張玉良自杭州回抵常州,兩江總督何桂清留之
(一作4,26)。

4,25 (閏三,五) 四川軍克復名山,滇寇藍大順李永和退走。

4,27 (閏三,七) 忠王李秀成自江蘇句容赤山(東路左翼),侍王李世賢自句容城(東路右翼)進攻江南大營,直逼淳化鎮(雄黃鎮),進至馬鞍山猛撲長圍,與幫辦軍務江南提督張國樑相戰。

李世賢占句容

楊輔清占秣陵關

李秀成破淳化鎮

浙江太平軍由昌化占分水。

總兵承惠敗擒孫葵心等於河南柘城。

4,28 (閏三,八) 忠王李秀成侍王李世賢平西主將吳定彩大敗清江南提督張國樑, 攻破淳化鎮。

4,29 (閏三,九) 輔王楊輔清定南主將黃文金自江寧秣陵關進向天京城南雨花臺(南路左翼), 右軍主將劉官芳, 求天義陳坤書北逼高橋門(南路右翼), 英王陳玉成, 前軍主將吳如孝, 靖東主將劉瑜琳(由西梁山渡江“思痛記謂玉成自江浦渡江, 此據秀成供狀。閏三月初六日和春等奏稱, “東西梁山金柱關等處亦報有江北匪船接續南來, 志在合併攻突”(“方略, 卷二三五, 頁一三)是玉成確係於東西梁山一帶渡江)。自江寧鎮東趨頭關, 板橋, 善橋, (西路)。

5,1 (閏三,一一) 天京城內太平軍自上方安德等門, 分路出擊。

副都統關保, 道員鄭元善敗擒孫葵心王懷意於河南太康, 擒回亳州。參將桂喜戰死。

5,2 (閏三,一二) 忠王李秀成自金陵姚巧門進紮荆山尾, 侍王李世賢進至北門紅(洪)山(幕府山支派), 燕子磯, 右軍主將劉官芳, 求天義陳坤書由高橋門而來, 輔王楊輔清定南主將擊天義黃文金

天京附近大會戰

進至南門雨花臺，英王陳玉成，前軍主將吳如孝，靖東主將劉瑄琳自板橋，善橋，頭關而來，五路並進（一作十道）。欽差大臣督辦江南軍務和春，幫辦軍務江南提督張國樑，湖北提督王浚等分督各隊於清波門陳家橋一帶抵禦。投降清軍之韋志俊克皖南石埭。

5,3（閏三，一三）命曹澍鍾赴四川督辦軍務，以劉長佑代為廣西巡撫（一作5,2）。以張玉良為廣西提督。

湘軍援浙道員蕭瀚慶，及知府蘇式敬，降將韋志俊克復安徽太平縣。

總兵江長貴，游擊黃朝生克復安徽旌德。

總兵李定太克復浙江分水。

5,4（閏三，一四）英王陳玉成靖東主將劉瑄琳前軍主將吳如孝等自江寧上河毛公渡等處搭造浮橋數道，攻天京城外牆，城內出兵應之（是日風雨交作）。

捻劉天祥，劉狗，孫葵心，王懷義大敗川北鎮總兵王鳳祥於亳州柘城間，斬鳳祥及副將王慶長。

5,5（閏三，一五）英王陳玉成，靖東主將

劉瑯琳，前軍主將吳如孝（西路），輔王楊輔清，右軍主將劉官芳，定南主將擎天義黃文金（南路），攻破天京西南長圍，清營火起，總兵黃靖，副將馬登富，守備吳天爵等戰死。提督張國樑斷城東南之上方橋，擬固守東北半壁（是日風雨愈大）。

陳玉成破天京西南長圍

援浙之湘軍道員蕭瀚慶及韋志俊克復安徽石埭。

浙江太平軍由分水占領淳安。

5,6（閏三，一六）（一）忠王李秀成，平西主將吳定彩（東南路），（二）侍王李世賢（東北路），（三）英王陳玉成，靖東主將劉瑯琳，前軍主將吳如孝（西路），（四）輔王楊輔清，右軍主將劉官芳，定南主將黃文金，求天義陳坤書（南路）於晨間攻破天京城東小水關清營，欽差大臣和春，幫辦軍務許乃釗，湖北提督王浚退往鎮江，幫辦軍務江南提督張國樑殿後。江南大營再陷。天京

天京二次大解圍

二次大解圍（天曆三月二十七日。時江南軍餉不繼，擬每四十五日發一月糧餉，兵勇私布傳單，不肯力戰。加之兵力分散，調援浙江者約一萬三千人，調防高淳溧水宜興者亦約萬人，均被阻隔，不得回救，和張又復不和，王浚弄權，終至潰敗）。

5,10（閏三，二〇）浙江太平軍敗總兵李定太於淳安橋西。

5,11（閏三，二一）以天京解圍，干王洪仁玕，英王陳玉成，忠王李秀成，侍王李世賢，輔王楊輔清，右軍主將劉官芳等登朝慶賀，並商議進取策略。英王主救安慶，侍王主取閩浙，干王忠王主取長江下游。天王從干王忠王議，即命忠王東攻蘇常，限一月回奏（天曆四月初一日）。

（註）洪仁玕供辭云：“四月初一日登朝慶賀且議進取良策。英王意在救安省，侍王意在取閩浙，獨忠王從吾所議云：‘爲今之計，自天京而論，北（西）距川陝，西（北）距長城，南距雲貴兩粵，俱有五六千里之遙；惟東距蘇杭上海，不及千里之

遠，厚薄之勢既殊，而乘勝下取，其功易成。一俟下路既得，即取百萬置火輪二十個，沿長江上取。另發兵一枝，由南進江西，發兵一枝由北進蕪黃，合取湖北，則長江兩岸俱爲我有，則根本可久大矣”。乃蒙旨准，即依議發兵，覺爲得手（逸經，第二十期）。

李秀成供狀與仁玕所述略異，謂解圍之後，天王並未令“見駕”。但揆諸情理，則以仁玕說爲可信，而所議戰略，及玉成世賢意見，亦均與後來事實，當日情勢符合。惟秀成謂天王限其於一月內東取蘇常，則似可信。供狀云：“自此六解京圍，亦未降詔獎勵，並未令外戰臣見駕，朝臣亦是未見。我主不問政事，只是教臣認實天情，自有昇平之局。自後息兵三日，天王嚴詔下頒，命我領本部人馬去取蘇常，限我一月回奏。人生斯世，既爲其用，不得不從，當排隊伍，擇日行軍”。

又戰略決定之後，李秀成李世賢楊輔清即會同定南主將黃金文及陳玉成部靖東主將劉瑄琳聯合東征，右軍主將劉官芳折回皖南，玉成本人則渡過江北，往攻揚州。

欽差大臣和春及許乃釗，王淩退往丹陽，留提督張國樑守鎮江。

以毓科代輝光宸爲江西巡撫。

李秀成書

5,12 (閏三, 二二) 總兵江長貴, 副將吳再升, 陳大富, 知府顏培文克復安徽涇縣。

5,13 (閏三, 二三) 忠王李秀成自天京致書征北主將張洛行, 告以京圍已解, 特命平西主將吳定彩, 前軍主將吳如孝前來鳳陽援助。另諭定天豫康玉吉凡事聽定彩等鋪排調遣 (洛行等時在鳳陽, 玉吉當係太平軍嫡系。太平天曆爲四月初三日)。

5,14 (閏三, 二四) 江南提督張國樑退往丹陽, 總兵馮子材, 副都統巴棟阿留守鎮江。

5,15 (閏三, 二五) 忠王李秀成, 侍王李世賢, 輔王楊輔清, 定南主將黃文金靖東主將劉瑄琳自天京經句容, 進向丹陽 (瑄琳大約於蘇常一帶折回)。

句容情形

(註)“續纂句容縣志”記此次太平軍占據句容後情形云: “四月踞城賊復出僞示安民, 設僞鄉官, 苛派稅斂, 悍賊四出, 爲害閭閻。……

五月賊燬句容曲山宮觀。 “茅山自西漢迄今數千年, 靈貺照耀寰宇, 六年 (1856) 賊至, 頭沈沈不能上。至是……賊遂將山上下宮觀數十區, 投諸一炬。……

燬廟

“十月賊燬寶華山銅殿, 並拆各殿宇梁棟, 運至金陵。……累月不輟” (卷一九, 下, 頁二五 ——

二七)。

5,16 (閏三,二六)以江南大營失陷,命荊州將軍都興阿迅速統帶馬步各隊,馳赴皖北,防太平軍北趨。又命曾國藩胡林翼等亟籌進取。

欽差大臣袁甲三督兵攻征北主將張洛行於安徽定遠,直逼城下。

道員李元度到安徽宿松晤曾國藩,國藩派令總理營務處。

調薛煥爲江蘇布政使。

5,17 (閏三,二七)道員曾國荃到安徽宿松,曾國藩令督軍攻安慶集賢關(又兵部郎中左宗棠亦於是日自英山晤胡林翼後來見國藩)。

曾國荃攻安慶

5,18 (閏三,二八)總兵吳全美水師合知州毓長庚團練連破安徽蕪湖對岸之礮礮營壘,守將陳芸桂降。

忠王李秀成等進抵丹陽。

湘軍水師總兵李成謀等擒疏附彭長勝於池州李陽河。

四川軍敗滇寇藍大順李永和,擒斬其統領王和尚,總統李興發,解峨眉圍。游擊阿烏土北等戰死。

5,19 (閏三,二九)忠王李秀成,輔王楊輔清,侍王李世賢,靖東主將劉瑯琳等攻

占領丹陽

占丹陽，幫辦江南軍務江南提督張國樑溺死河中，湖北提督王浚，壽春鎮總兵熊天喜，副將蔡其榮，知縣方濟泰等陣亡，欽差大臣和春，幫辦軍務許乃釗奔常州，副都統魁玉走江北泰州（秀成收埋國樑尸首）。

5,20（閏三，三〇）欽差大臣和春，幫辦軍務許乃釗率十二騎退至常州府。太平軍前隊到呂城。

5,21（四，一）兩江總督何桂清自常州走蘇州，擊傷跪留紳民十一人（一說十九人或云死一人傷十三人），各軍縱火劫殺。提督張玉良令焚附郭民舍。

侍王李世賢部值天義盛明文，及迦天義黎姓（黎立新？）再攻江蘇金壇，總兵蕭知音等守之。

命曾國藩酌度情形，相機東下。

5,22（四，二）忠王李秀成，輔王楊輔清，侍王李世賢逼攻常州。欽差大臣和春中傷退蒞墅，提督張玉良，總兵馬德昭退無錫（潰兵沿途搶掠，玉良部有內應秀成者）。

天京太平軍進攻鎮江府，總兵馮子材等拒之。

5,23（四，三）江蘇布政使薛煥派道員吳煦知縣劉郇膏請援於上海英法領事，助

張國樑死

何桂清東走

滬吏請援於英法

防上海。(時英領事爲密迪樂 T. T. Meadows, 法領事爲 D. Edan)。

功天福陳得才等自安徽廬州進援定遠之張洛行，爲欽差大臣袁甲三所敗。

貴州提督田興恕部(湘軍)副將沈宏富敗白號教匪於石阡府六井山。

兩江總督何桂清以在蘇州被拒，不得入城，走常熟。

湘軍水師總兵李成謀參將丁泗濱擒齊天福楊又青，丞相朱貴方，檢點黃遠招，指揮郭長春，將軍郭朝愛，承宣許貴官於安徽池州烏沙。

5,25(四,五)忠王李秀成部作書勸常州人歸降。上海士紳向英法領事乞援。請英法軍助防上海城。

5,26(四,六)忠王李秀成，輔王楊輔清，侍王李世賢占領常州府，居民自殺及被殺者頗多(輔清卽南趨)。

英王陳玉成督六合天長各軍三路進攻揚州瓜州，邱伯，提督李若珠遣副將王萬清率水師防邵伯，參將詹啓綸帶馬隊自三岔河抄擊，副都統海全，副將劉成元分路抵禦。

欽差大臣，督辦江南軍務，江寧將軍和

占領常州

陳玉成攻揚州

和春卒

春卒於無錫滄墅關（一作5,24,誤。又李秀成供狀謂和春係自縊，江蘇巡撫徐有壬奏謂係因傷嘔血而死）。

英國公使普魯斯 (Bruce) 法公使布爾布塗 (de Bourboulon) 布告保衛上海，維護商業。（是日上海當局又派四明公所董事楊坊向英法領事請援）。

5,27（四，七）英法軍開始在上海附近布防。

翼王石達開部宰制曾廣依，余子安等占領廣西泗城府，由西隆渡紅水趨貴州興義府，另枝由西林攻雲南廣南府。

貴州提督田興恕部副將沈宏富，劉吉三，周學桂再敗石阡府之白號教匪於甕溪。

隆天福賴文鴻（“廣德州志 作賴文洸，應係文鴻之誤）自浙邊西來，合丁店九占皖南建平。

兩江總督何桂清自江蘇常熟走上海。

5,29（四，九）忠王李秀成部進攻江蘇無錫。提督張玉良及自宜興來之總兵劉季三敗之於高橋。秀成軍傷亡數千。

5,30（四，一〇）忠王李秀成自率親軍護將由惠泉山而下，合佐將營天義李遠繼等力攻無錫西門，敗提督張玉良，總兵

英法防上海

石達開軍入貴州

占領無錫

劉季三，占領縣城，玉良等敗退蘇州，所部多降。秀成以濟天福黃和錦及四百三十四丞相樊玉田守錫城。

(註)施建烈“紀縣城失守克復本末”記無錫占領後情形云：“賊入城後，即出示各鄉，言弔民伐罪，秋毫無犯。越日而四出剽掠，謂之打先鋒。婦女被虜，更迭姦淫，多或十餘人，少或四五人，謂之打水泡，死則棄諸道路，其不死者，藏諸密室，幽而姦之，或據爲妻，僞王以上曰王娘，以下曰真人奶奶。

打先鋒

“賊舉鄉人爲鄉官，分軍師旅帥，凡所欲，悉令若輩取諸民。戶給門牌。或所欲不遂，即出打先鋒，故鄉民輸將恐後。厲雙福者，邑泉橋人，嘗應童子試，賊首〔濟天福〕黃和錦入城，迎拜馬首，爲僞軍帥，肆虐於西鄉”（頁二一三）。

鄉官

“五月，守賊黃和錦上表於洪逆，其略云：狗官叨天父天兄天王恩庇，打破無錫，金匱，計城廂內外離城五里之地，共殺男婦老幼妖民十九萬七千八百餘口，請天恩降敕封刀云云（頁三）。

“〔十一年〕五月，黃和錦升僞濟天義，責鄉官設局徵錢糧，僞董資緣無錫由僞監軍小面華，二局設堰橋，金匱由僞監軍黃順元，局設東亭，凡刑名錢

徵錢糧

考試

穀事皆理之，僞董染指，餘臭頗贍。

“七月賊勒鄉官舉行僞試，令曰不應試者斫其首，資餽試者，按圖報名”（頁五一六）。

英法兩國公使宣布保衛上海租界，並以此事報告英法政府。

右軍主將劉官芳等再占皖南建平，分五路攻寧國府。

清總兵田在田游擊苗景開（苗沛霖部）擒斬捻首李大喜，任虎（任乾之子），攻克其宿州蒙城間之根據地閻圩（一作 5,27）。

5,31（四，一一）英王陳玉成攻揚州不下，爲清提督李若珠，副都統海全，副將劉成元，參將詹啓綸所敗，撤圍西去。

5——6（四月）王宗壹天將洪仁正，傑天義賴文光占領江蘇江浦，以爲天浦省（天王以庇天義李長春，天浦文將帥障天義陳士承，天浦武將帥報王秦日富守之）。

6,1（四，一二）忠王李秀成侍王李世賢進抵蘇州閶門，居民多來迎接，並於門首張貼字樣，痛詆清軍。

輔王楊輔清軍占領江蘇宜興（明日輔清自常州來）。

(註)“宜興荆谿縣新志”記太平軍占領宜荆後措施情形云：“秋八月，賊出偽榜趣貢”。“諸團悉敗，賊亦厭兵，稍稍安靜，不復出城肆掠。賊將湯惟攸來據城，出示安民，趣令貢獻。各鄉設立軍師旅帥百長司馬，置局曰鄉官局，自旅帥始。總其事者曰監軍，立局城中，爲鄉官局總匯。民有訴事者，杖責牢禁不少貸。每鄉軍帥二三人，師旅帥以次遞增。初設門牌，令每戶納錢。其後偽將劉佐清來代，劉視諸賊性稍馴，約束部下，不令出城，但令鄉間納糧。索糧冊，莫肯出，或得志書一部獻之，悉其田賦，遂令各區獻冊，按戶征搜，莫得遁隱。然是時賊方攻浙江，流寇尙少，四野耕種，得不失時。而溧陽之賊，至宜興荆谿境敲磚煎硝，數里輒設哨館。……

鄉官

糧冊

“凡賊有取求，多下鄉官局，資應之費，皆按畝苛派。……賊過站不論多少，循途供給，晚宿村上，雞鶩皆盡，初僅宰豕，繼乃殺犬。又盡毀祠廟，取材爲偽署，脅民運入溧陽城。四處皆設釐卡，初祇鎮市，後設鄉間，米盈石，布成匹，皆稅之，人莫敢忤。市最盛者爲大浦，左右設卡尤密，商賈雲集，交易日數十萬金，賊以爲通省都會，流賊亦不敢擾，難民依大浦者，化居皆得厚利，一人在市，餘悉坐視，然薪桂米珠，久而食盡”。(卷五，“咸豐同治年間粵寇記”，頁一一——一二)。

釐卡

占領蘇州

翼王石達開自廣西慶遠府南進，抵忻城土縣。

捻龔得占領安徽來安，知縣陳銑死之。

6,2(四,一三) 忠王李秀成侍王李世賢占領蘇州，清提督張玉良潰兵粵人候補道員李文炳(即李紹熙，1853 曾從劉麗川在上海起事)，候補知府何信義，周五等內應。江蘇巡撫徐有壬，代理按察使朱鈞等死之。秀成收降五六萬眾，並資送清文武官員出城，任其自去(蘇城積存均運往天京。旋改蘇州為蘇福省。文炳授為江南文將帥，主理崑山事)。

忠王李秀成分軍占領江蘇江陰。

英王陳玉成再攻安徽全椒。

曾國藩奏兵力單薄，不能舍安慶以趨蕪湖(5,21曾有是諭)。並請簡用左宗棠(左宗棠仍在國藩營中)。

美人華爾(Frederick Townsend Ward)得四明公所董事候選道楊坊(寧波人上海巨商，商號為大記 Ta-kee)，及蘇松太道吳煦之贊助，募集外人，組洋槍隊(初僅

華爾組洋槍隊(常勝軍)

呂宋卽馬尼刺人百名)，期保衛上海，奪回附近各城。軍需由上海官商供給。法爾思德 (Edward Forrest) 白齊文 (Henry Andrea Burge vine) 爲其副 (均美人)。駐松江廣福林訓練。

(註)西人記載，謂太平軍於本日下午松江，並謂華爾於是月初次往攻，失敗，退回上海。7,16 再度襲擊，始克之。據中國官方報告及松江府志，松江之失，實在 7,1 日。大約西人所謂華爾之敗，或卽在太平軍進攻松江，行抵廣富林之時。戰敗之後，重返上海募兵，共得馬尼刺人約二百名，Vicente Macanaya 亦在內，另英美人約三十名。

6,3 (四，一四) 提督張玉良自蘇州到杭州。

6,4 (四，一五) 廣東軍副將哈芬，知府段喆，都司方輝，敗翼王石達開舊部鄭喬，先鋒譚星，陳榮，林彩新及三合會陳顯良等於清遠圓仔墳，蛇灣，水車岡等處。

湘軍水師李成謀及韋志俊攻破池州殷家匯，擒承天福，格天燕，郵天侯等。

6,5 (四，一六) 命荊州將軍都興阿督辦江北 (揚州) 軍務，與欽差大臣督辦安徽軍務袁甲三聯

都督阿督江
北軍務

絡。

命籍隸江浙皖豫等省官員統籌辦理團練方法，使與官兵聯爲一氣。

英王陳玉成部靖東主將劉瑋琳軍到常州（據“海虞賊亂志”，自陰曆四月至八月，玉成本人似在常州）。

6,6（四，一七）翼王石達開部宰制曾廣依等斬貴州游擊梁獻廷，攻貞豐州。

6,7（四，一八）輔王楊輔清自江蘇宜興進占浙江長興，（一作 6,3 或 6,13. 此據胡長齡，“儉德齋隨筆”）。

左宗棠自安徽宿松別曾國藩回湘募勇。

命福建提督李若珠等嚴防江面，勿令太平軍北渡。

6,8（四，一九）翼王石達開自廣西慶遠府經忻城本日抵遷江湖河，精忠大柱國軍略朱衣點攻環山村（民國“貴縣志”卷十七，謂達開於咸豐九年十一月回駐貴縣，設翼王府於水源街，部衆數萬）。

廣西軍知府榮林，知縣況逢春收復廣西慶遠府。

江蘇常熟知縣周沐潤督團練克復江陰。

道員曾國荃部十三營相繼入安慶集賢關。

以曾國藩署兩江總督（何桂清革職），卽統率所部兵勇，取道寧國，廣德，建

石達開抵遷江

曾國藩署兩江總督

平，徑赴蘇州，以保東南（時北京尙不知蘇州已失）。

6,9（四，二〇）命兵部郎中左宗棠以四品京堂候補，隨同曾國藩襄辦軍務。

左宗棠襄辦軍務

輔王楊輔清大敗援浙之湘軍道員蕭翰慶於浙江湖州府同心橋，翰慶及參將吳修考，游擊鄧茂先，都司李斌彪死之。

蕭翰慶敗死

兩江總督何桂清請援於上海英法公使。

6,10（四，二一）拏問已革兩江總督何桂清。並令署總督曾國藩統帶各軍兼程前進。

命廣西提督張玉良署欽差大臣，督辦江南軍務。以魁玉署江寧將軍。

張玉良署欽差大臣

6,11（四，二二）總兵饒廷選（閩軍），知府彭斯興（湘軍），副將王夢麟克復浙江淳安，太平軍西入徽州境。

提督楊載福力攻安徽池州，參將劉德亮死之。

6,12（四，二三）英王陳玉成自天京行文前軍主將吳如孝，征北主將張洛行自安徽定遠，壽州，潁州，六安，霍邱西趨湖北（此文本日在安慶附近爲湘軍截獲）。

6,13（四，二四）忠王李秀成以蘇州鄉民日夜搶擄，出示招撫無效，卽親赴民間安撫，次第順服（掩埋屍八萬三千餘具）。

李秀成安撫蘇民

侍王李世賢占領江蘇吳江。

6,14 (四,二五) 侍王李世賢占領江蘇平望 (“平望續志”作 7,15), 提督江長貴中傷, 潰退浙江嘉興府。

輔王楊輔清軍退出浙江長興。

6,15 (四,二六) 侍王李世賢再敗提督江長貴, 占領浙江嘉興府 (知府張玉藻棄城逃走) 求天義陳坤書, 朗天安(?) 陳炳文守之。

(註) 據李秀成供狀, 似秀成曾躬與是役。又據供狀, 陳炳文爵銜爲朗天義。按天曆辛酉十一年十月初三日即一八六一年十一月三日, 秀成自杭州與其子姪書中有云: “嘉興之兵已到, 朗天安亦來”, 是彼時炳文尙爲朗天安, 此時決不能爲朗天義。又據顧深“虎穴生還記”, 謂麻天安陳玉書“每月到狼天義處聽令, ……狼天義現居嘉興”。顧深所記者爲一八六一年十二月以後事, 於此又可知炳文之進爵天義, 大約在一八六一年十一至十二月間。

忠王李秀成軍占領江蘇崑山陽新。

道員苗沛霖總兵博崇武連日攻破安徽宿州之解溝五溝, 擒擒首李四喜等。

6,16 (四,二七) 援川之湘軍總統布政使銜記名按

李世賢占嘉興

陳炳文

苗啓江卒

1860 (咸豐一〇年)

察使蕭啓江病故於成都（所部由都司彭忠信，同知王沐管帶）。

6,17（四，二八）忠王李秀成軍占領江蘇太倉州。英王陳玉成撤安徽全椒圍，南回天京。

6,18（四，二九）以兵勇潰退，蘇州失陷，革張玉良職，命杭州將軍瑞昌總統江南軍務，署湖北提督江長貴幫同辦理。

命江蘇布政使薛煥，暫署兩江總督。

6,19（五，一）清以薛煥爲江蘇巡撫。

輔王楊輔清自江蘇宜興西去（“安徽通志”引“旌德縣志”謂陰曆四月間輔清在皖南，似可信）。

翼王石達開部宰制曾廣依，余子安（志扶）等占領貴州永寧州，知州周繼學戰死。

6,20（五，二）提督楊載福督韋志俊，李成謀，劉正隆，彭楚漢等攻破安徽樞陽，斬連天福萬宗勝。

定南主將黃文金自常州到宜興。

湘軍道員蔣益澧（上年益澧因事由藩司降補道員）進攻占據廣西賀縣之天地會大洪王陳金剛，斬其兵部尚書安定侯王鼎新，鎮國公黃三元等。

忠王李秀成通告嚴禁蘇州太平軍滋擾。

6, 忠王李秀成致書上海英國全權大臣，申明攻取松江上海之必要，請來蘇州面商一切，以敦盟好（太平曆爲五月。書中曾說及占有崑山太倉常熟嘉興江陰等處，揣其時日，約在6,20左右）。

李秀成致英使書

曾國藩三路
圖江南

6,21 (五,三) 兩江總督曾國藩奏安慶城圍不可遽撤，擬即移駐江之南岸，分兵三路，一路由池州進規蕪湖，與楊載福彭玉麟水師聯絡，一路由祁門至旌太，進圖溧陽，與張芾周天受等軍聯絡，一路分防廣信玉山，以至衢州，與張玉良王有齡等軍聯絡（本月二十九日到京。胡林翼勸曾起二軍，一出杭州，一出淮揚。曾則務持重，不以爲然）。

湖北巡撫胡林翼奏保道員沈葆楨，李元度，兵部郎中左宗棠，候選知縣劉蓉，順天府丞毛昶熙，湖北藩司嚴樹森，道員毛鴻賓，戶部員外郎閻敬銘等（本日曾國藩亦有摺請起用沈葆楨仍辦江西廣信防務）。

6,22 (五,四) 忠王李秀成軍占領江蘇嘉定（越日又去）。

上海美國領事館翻譯 Jenkins 到蘇州（爲商務事），即去。干王洪仁玕致書上海英教士艾約瑟（J. Edkins），邀請來蘇。另有書致英法美領事密迪樂（T. T. Meadows）等均交其帶回（英公使普魯斯不允密迪樂收受）。

6,23 (五,五) 輔王楊輔清再占安徽廣德州，總兵

洪仁玕致外人書

米興朝敗退浙江孝豐（“廣德州志”卷六〇誤爲侍王李世賢）。

隆天福（？）賴文鴻，再占安徽涇縣，斬總兵李嘉萬，都司蔡湘。古隆賢攻老灘，敗都司張忠泰（降將）及副將楊名聲。

翼王石達開部宰制曾廣依余子安等自貴州永寧州占廣順州。

左宗棠自安徽宿松到長沙募軍。

6,25（五，七）貴州苗教匪敗湘軍於餘慶之壽溪，副將田興奇死之。

6,26（五，八）忠王李秀成軍退出江蘇太倉嘉定。巡撫薛煥復之。

上海知縣劉郇膏舉辦團練。

6,27（五，九）以勝保畏葸無能，命卽來京，以河南巡撫慶廉督辦河南剿匪事宜，仍以副都統關保幫辦。命順天府丞毛昶熙爲督辦河南團練大臣，南汝光道鄭元善幫辦。

道員李元度自安徽宿松回湖南平江募勇。

6,28（五，一〇）安徽軍總兵李世忠，副都統全福，參將蔣立功擊退圍攻滁州之太平軍。

6,29（五，一一）輔王楊輔清棄安徽廣德州，進攻寧國府。

從胡林翼奏，命曹澍鍾毋庸辦理四川軍務，並詢左宗棠能否勝任。

左宗棠募勇

命道員沈葆楨迅赴江西，聽候曾國藩差委。並允左宗棠劉蓉各募勇六千。

貴州軍游擊賀萬年等克廣順州。

6,3 (五, 一二) 傑天義賴文光及周文嘉占領江蘇青浦，即設立鄉官，按戶造冊，按田輸捐。

翼王石達開部宰制曾廣依，余子安（志扶），朱洪新，張遇恩自貴州廣順州占領歸化廳。

占領松江

7,1 (五, 一三) 忠王李秀成部認天義陸順德，皎天侯黃子隆（？）挺天豫劉得功（？）等占領江蘇松江府。婁縣知縣卞乃譚死之。

貴州軍知府周夔克永寧州。

曾國藩赴祁門

7,3 (五, 一五) 曾國藩自安徽宿松起程取道安慶赴祁門。調總兵鮑超霆字營五千人，總兵朱品隆，副將唐義訓部二千人，及遊擊楊鎮魁部一千人隨赴南岸。留道員曾國荃主安慶圍攻軍事。

定南主將黃文金自江蘇宜興北去赴江陰。

7,4 (五, 一六) 定南主將擎天義黃文金及丞相方得勝再占江蘇江陰。

總兵李明惠（湘軍屬劉長佑）斬廣西柳州三合會（艇匪）首建安公陳保。

7,5(五,一七)曾國藩奏預籌水師三支,淮揚一支,以保鹽場及裏下河,寧國一支,以圖蕪湖,太湖一支,以攻蘇州。

是督張玉良進攻浙江嘉興府,

忠王李秀成遣佐將營天義李遠繼到江蘇宜興鎮守,
(九月遠繼去,湯惟攸及佐將劉佐清相繼代之)。

貴州苗教匪陷修文,逼省城。

7,6(五,一八)何致祥以安慶守將亮天福唐正才紹介,受忠王李秀成委任,回湖北廣濟,結合孫興榮,周金魁等,招兵辦糧,約期於本月十六日在蘄州河岸舉事,夾攻湖北軍大營。本日事洩被獲。

7,7(五,一九)忠王李秀成軍再占吳江平望(7,2曾爲湖州趙景賢所克)。

7,8(五,二〇)曾國藩到安徽望江華陽鎮,晤彭玉麟。

命楊載福彭玉麟水師均歸曾國藩調遣。

翼王石達開部宰制曾廣依等敗貴州軍於歸化廳,斬知府周夔,參將全興。

7,9(五,二一)曾國藩到安徽東流黃石磯,晤楊載福曾國荃曾貞幹。

派前戶部右侍郎杜翻爲山東督辦團練大臣。

7,10(五,二二)以饒廷選代鄭魁士爲浙江提督。太平軍再占安徽含山。

7,12(五,二四)以嘉興府知府張玉藻棄城逃避,

1860(咸豐一〇年)

命卽正法。

7,13 (五,二五) 浙江湖州在籍道員趙景賢率都司李桂材等再克江蘇吳江平望鎮。

提督李若珠奏, 薛成良(之元) 叛變, 已在高郵王家港殲滅。

左宗棠函胡林翼, 力辭入川(宗棠志在東下平吳。一說宗棠與蕭啓江舊部不洽)。

7,15 (五,二七) 忠王李秀成通告不侵犯上海外人, 前隊進逼七寶鎮, 上海團練禦之。

天朝九門御林開朝勳臣后將主將軍政司甘永勝戰死於江蘇吳江黎里。

湘軍道員蔣益澧, 劉嶽昭督高連陞, 王月亮, 李金陽等攻克廣西賀縣, 擒安平侯何亞稅。天地(三合)會首南興王(大洪王)陳金剛走廣東開建(金剛據賀縣已二年)。

命葉兆蘭署理安慶府知府, 總督宿松等八縣團練(胡林翼之請)。

7,16 (五,二八) 華爾, 白齊文, 法爾思德率上海洋槍隊, (一稱綠頭軍), 與候補道張景渠, 州同應寶時攻克松江府, 洋槍隊陣亡六十二人, 中傷一百零一人。曾國藩抵安徽建德。

7,17 (五,二九) 派大理寺卿晏端書爲江北督辦團

1860 (咸豐一〇年)

左宗棠辭入川

李秀成軍逼上海

華爾克松江

練大臣(淮海徐道吳棠幫辦)，在籍內閣學士龐鍾璠署江南督辦團練大臣。

7,18(六,一)輔王楊輔清及古隆賢，賴文鴻等圍攻安徽寧國府。

翼王石達開軍之一部(大約係左旗後旗)自廣西橫州渡江東北走。

7,21(六,四)曾國藩自安徽建德拔營赴祁門。

7,22(六,五)傑天義賴文光再占江蘇嘉定。

英王陳玉成自天京經宜興出浙江長興，本日占領安吉(一說玉成自寧國府來)。

派前任漕運總督邵燦為浙江督辦團練大臣，道員史致諤幫辦。又派江蘇按察使湯雲松幫辦江南團練。

太平天国御林忠義宿衛軍忠王李秀成覆書上海英教士(倫敦佈道會)艾約瑟(J. Edkins), 楊篤信(G. John, 即楊格非)告以開朝精忠軍師干王洪仁玕已到蘇州(蘇福省)，請來面商一切(太平天曆為六月十二日上月干王已有書致艾約瑟)。

7,25(六,八)派在籍前任左副都御史王履謙幫辦浙江團練，並督辦勸捐事宜。

忠王李秀成部占領江蘇吳江黎里。

7,26(六,九)四川軍敗滇寇藍大順，克天全州。

7,27(六,一〇)命彭蘊章勿庸在軍機大臣上行走

李秀成致書
英教士

(蘊章曾保何桂清)。

7,28 (六,一一) 曾國藩抵安徽祁門駐營。

英王陳玉成占領浙江於潛(五日後退出)。

翼王石達開部宰制曾廣依等自歸化廳再占廣順州

(時余子安即志扶一作忠扶已爲部下所殺)。

英國公使普魯斯致書英教士艾約瑟,對清軍及太平軍不作左右袒。

7,30 (六,一三) 蘇松太道吳煦派參將李恆嵩自上海率勇(約萬人)至松江府廣福林,助洋將華爾攻青浦(此時華爾部除馬尼刺人二百名外,歐美人已達一百名)。

7,31 (六,一四) 派在籍翰林院修撰劉繹爲江西督辦團練大臣,吉南贛寧道沈葆楨,安肅道劉于濬幫辦。

翼王石達開部觀天燕童容海(童大鑼)據廣西遷江良塘(旋合軍略朱衣點彭大順脫離是開,折回柳州)。

貴州軍收復修文,敗苗教匪。

8,1 (六,一五) 忠王李秀成以江蘇青浦守將周文嘉告急,自蘇州率軍往援(守青浦者尚有一英人 Savage)。

派候補內閣學士桑春榮爲順天直隸督辦團練大臣。英公使普魯斯致書英外相羅塞爾(Russell)詆譏太平軍。

英使意見

英使詆太平軍

8,2(六,一六) 忠王李秀成大破洋將華爾白齊文，及參將李恆嵩(即李藹堂)軍，解青浦圍。華爾中五傷，所部洋槍隊死傷三分之一，礮船被俘(秀成供狀謂殺死洋兵六七百人，得洋槍二千餘條，大礮十餘條，洋刀三百餘口，舟隻數百餘條，云云，未免誇張。青浦縣志作8,5)。

英王陳玉成自浙江於潛進占臨安，逼餘杭富陽。英國教士艾約瑟，楊篤信等應忠王李秀成邀，自上海到蘇州(7,30離上海)，晤干王洪仁玕，談宗教問題。

曾國藩奏左宗棠不宜入蜀，請仍令督勇來皖。

8,3(六,一七) 川北道苗沛霖部攻克程圩捻巢，皖北沙河兩岸肅清。

江寧將軍巴棟阿，總兵馮子材，及副將馮日坤，陶茂森敗逼攻鎮江之太平軍於橋頭等地。

英國教士艾約瑟楊篤信等再晤干王洪仁玕於蘇州(時有一外國商人自上海來，仁玕得知其前致各國領事書並未拆閱，英法軍已決定防守上海，頗憤慨)。

8,5(六,一九) 英王陳玉成占領浙江餘杭，進至杭州賣魚橋。

李秀成敗華爾

英教士到蘇州晤洪仁玕

陳玉成攻杭州

英國教士艾約瑟楊篤信等離蘇州回上海（此行對于王洪仁玕印象頗好）。

8,6（六，二〇）英王陳玉成攻杭州，總兵劉季三拒卻之（“談浙 卷二，頁三十，謂玉成並未攻城）。

胡林翼奏左宗棠難勝督辦四川軍務之任並請以廣西巡撫劉長佑前往（6,21林翼已有是請）。

8,8（六，二二）道員曾國荃督湘軍逼近安慶集賢關。

命各省軍營裁汰驅逐兩粵兵勇，毋令入伍，免與太平軍勾結。

8,9（六，二三）英王陳玉成軍退出浙江餘杭（玉成時患病），清總兵劉季三收復城池。

洋將白齊文，法爾思德率洋槍隊，合參將李恆嵩，及華爾新在上海所募之英法德義希臘人九十八名，再攻江蘇青浦，復為忠王李秀成所敗，歐人死者約百名，失去槍礮頗多（恆嵩幾被俘），退回松江府。

8,10（六，二四）實授曾國藩為兩江總督，並命為欽差大臣督辦江南軍務，所有大江南北水陸各軍均歸節制。

李秀成再敗華爾

欽差曾國藩

(註)時潛太爲楚軍多隆阿李續宜，淮上爲袁甲三，鎮江爲巴棟阿，揚州爲李若珠，清淮爲王夢齡，上海爲薛煥，杭嘉爲瑞昌張玉良，寧國爲周天受，徽州爲張芾，廣德爲王有齡所主之江長貴米興朝，彼此不相通聯。

清軍分布情形

以成都將軍東蕪兼署四川總督。

翼王石達開部軍略賴裕新合廣西宣化土寇李青錠圍攻南寧府(達開時住武緣)，左江道吳德徵，左江鎮色克精阿拒之(“劉武愼公年譜”卷三，謂達開屯兵南寧時，謀就撫，不成，未知是否屬實)。

石達開軍再攻南寧

川寇藍大順李永和進擾四川崇慶，成都戒嚴。

8,12(六,二六)忠王李秀成再占松江府(西人記載謂是時松江未陷，由洋將法爾思德白齊文拒守，但薛煥奏報，“松江府志”，“婁縣續志”，馮桂芬“顯志堂稿”均云松江於是日失守。王萃元“星周紀事”作明日)。

8,13(六,二七)命湖南巡撫駱秉章卽赴四川督辦軍務(曾國藩主留左宗棠襄辦江皖軍務，官文胡林翼舉劉長佑，以廣西軍務吃緊，故改派秉章)。

命駱秉章入川

命安徽按察使毛鴻賓總辦皖北軍務。

8,15 (六, 二九) 英王陳玉成軍退出浙江富陽新城境。

提督張玉良，總兵馬德昭，參將羅大春力攻浙江嘉興，炸塌城牆五丈。求天義陳坤書，朗天義陳炳文拒卻之。

李秀成進攻
上海

8,16 (六, 三〇) 忠王李秀成以上海外人來引，清軍內通，偕干王洪仁玕引軍自青浦松江前進，占領泗涇。

英使阻李攻
上海

英國公使普魯斯自上海致書忠王李秀成（由上海英領事署翻譯福禮賜 R. J. Forrest 送往未達），勸勿攻上海，否則迎擊。

總兵劉季三，參將劉志仁收復浙江臨安（英王陳玉成以病已於兩日前出城）。

8,17 (七, 一) 命曾國藩派兵往援安徽寧國府。忠王李秀成軍完全退出松江，其大隊自泗涇進至上海西南之七寶（堡），虹橋，法華鎮。

李秀成致書
三使

8,18 (七, 二) 忠王李秀成致書上海英法美各國公使，聲明兵到上海，不擾外人，請懸黃旗，以便識別（太平天曆為七月九日）。

圍攻上海

忠王李秀成軍（據普魯斯報告，不過三千人）

抵上海徐家匯（一天主教徒及一法教士被誤殺），占領羅家灣，逼上海西南兩門。英參將 Gascoigne, Budd, 法參將 Favre, 以英法軍千二百人固守。以大風雨，秀成軍停止進攻（法軍焚附城民房，火五日不息）。

翼王石達開部宰制曾廣依等分軍自貴州永寧過鎮寧，安順，安平，龍里東趨，合本地教匪及三合會黨（平靖王李文茂？）攻占貴州獨山州，知州侯雲沂死之。

8,19（七，三）忠王李秀成部蔡元隆，部永寬三面圍攻上海，焚江海關，進逼法租界，爲英法軍所敗，內應無望（薛煥殺通敵清軍）。

英法軍敗李秀成

曾國藩奏保道員李鴻章，請授江北地方實缺，興辦淮揚水師。並請授水師副將黃翼升以淮揚鎮總兵。

命曾國藩由淳安嚴州赴援浙江。

8,20（七，四）忠王李秀成軍再攻上海城，逼近英租界，復爲英軍及義勇隊所敗，黃浦江軍艦（Pro-neer 號）發砲助戰，秀成受傷。

英王陳玉成由浙江孝豐進占安徽廣德州，提督江長

貴敗退浙江吉安，游擊黃占超江國霖戰死，總兵米興朝敗退泗安（玉成即赴江蘇常州）。

川北道苗沛霖（練總）收復皖北肥河以南捻圩六十餘處。

李秀成退兵

8,21（七，五）忠王李秀成軍爲英法軍所敗，攻上海不下，退至徐家匯。致書英美葡各國領事（無法國），責其不守中立，痛詆法人失信（據云法人曾有到蘇州約其進攻上海者，恐未必可信）。並云彼到上海，在與外人商定條約。彼此原屬同教，此次事出誤會，仍望保持友好關係（太平天曆爲七月十二日）。

英法軍占大沽

英法聯軍攻占天津大沽北岸礮臺。

擒劉狗（二老淵），雷彥收清副都統關保於亳州鹿邑間，斬協領依興阿，參將羅仲保。圍鹿邑縣城。

命曾國藩體察情形，進兵蘇常。

8,23（七，七）英法聯軍占領天津。

李秀成援嘉興

8,24（七，八）忠王李秀成退出上海，取道松江青浦，往援浙江嘉興府。同時撤松江圍（洋將法爾思德謂忠王部將 Savage 戰死）。

8,25（七，九）復命提督張玉良幫辦浙江軍務。

再催曾國藩由徽州嚴州轉戰而東，保全浙省，再圖江蘇。

8,28 (七, 一二) 忠王李秀成部陶金會由江蘇松江攻占浙江嘉善，以全左泉爲楓涇師帥。

總兵馮子材督軍攻江蘇丹陽不下。

曾國藩奏俟各軍到齊，先救寧國，以安皖南，再圖江蘇。

8,29 (七, 一三) 翼王石達開部宰制曾廣依等進攻貴州定番州，清總兵巴揚阿克復歸化廳。

川寇藍大順李永和大敗官兵於四川崇慶。

8,30 (七, 一四) 提督江長貴合浙江湖州民團(道員趙景賢所派)克復安徽廣德州。

總兵承惠知府張曜敗捻劉狗，雷彥，宋喜元於河南鹿邑，捻折回安徽亳州。

8,31 (七, 一五) 忠王李秀成攻占浙江平湖。

命督辦皖南軍務副都御史張芾來京，所有軍務統歸曾國藩辦理。

8, 美國教士 J. L. Holmes 到天京，晤章王林紹璋，並曾見贊王蒙得恩父子，王長兄洪仁發，王次兄洪仁達，幼西王蕭有和(年約十二或十四歲)等。

美教士到天京

天王詔旨對歐美各國詞語倨傲，並謂天父天兄天王爲一體，天王子幼主爲萬國之主。對其宗教，尤爲不滿，大起外人及新教徒之反感。

9,1 (七,一六)副都統多隆阿進營安徽桐城之西，
守軍(純天燕豫天燕)出城襲擊，不克。

侍王李世賢部值天義盛明文及遡天義黎姓(黎立
新?)攻占江蘇金壇，參將周天孚。艾得勝，知
縣李淮，縣丞沈世樑，游擊蘇坤，守備馬得勝，
外委王文榮內應，總兵蕭知音走鎮江。

9,2 (七,一七)翼王石達開部後旗數萬(大約係
譚體元等)脫離大隊，自廣西柳州東泉進攻雒
容，中渡，東趨義寧，擬折回天京。

副都統多隆阿督軍環攻安徽桐城。

9,3 (七,一八)忠王李秀成自浙江平湖到嘉興府，
浙軍即復平湖(“嘉興府志 謂平湖之復在 9,13,
“平湖縣志 則作今日)。

9,4 (七,一九)欽差大臣袁甲三及副都統穆騰阿，
薩薩布等力攻安徽定遠，征北主將張洛行拒之，
營總富亮等戰死。

命黃巖鎮總兵黃彬統帶鎮揚上下游師船。

忠王李秀成與提督張玉良戰於浙江嘉興。

9,6 (七,二一)江蘇丹陽太平軍自鎮江新豐鎮攻
長江水師，總兵周希濂卻之。

捻姜台凌，劉老淵，劉天福，張敏行逼安徽宿州，
提督傅振邦，道員苗沛霖敗之(9,8副將劉蘭馨
等戰死)。

9,7 (七,二二)副將陳步高克復浙江嘉善。

李世賢部占
金壇

石達開部後
旗脫離

9,8(七,二三) 忠王李秀成遣侍王李世賢進向浙江石門，斷提督張玉良軍後路，大破玉良，斬參將張天祿，解嘉興府圍。玉良中傷，兵勇多降（玉良軍多潮勇）。

李秀成敗張玉良

翼王石達開軍之一部自粵北連侵湘南，均被擊退。翼王石達開部宰制曾廣依，主將余明富，余成義等占領貴州定番州，知州恩常，副將善寶，學正何廷杰等死之（一作 8,9）。

9,9(七,二四) 安王洪仁發福王洪仁達奏上“王長次兄親目親耳共證福音書（天曆七月三十一日）。

福音書

侍王李世賢占領浙江石門。知縣李宗謨死之。

翼王石達開部左旗武衛軍正統戎周志公，魯子宏，內五旗大軍略觀天豫鄭忠林等脫離大隊，逼近桂林，自靈川與安東趨，擬回天京。廣西巡撫劉長佑派軍截擊（衛輝應部七千降）。

河南開歸陳許道張運蘭自湖南率部三千到安徽祁門。

9,10(七,二五) 翼王石達開部正統戎周志公，魯子宏，大軍略觀天豫鄭忠林，渠帥黃周親，承宣姚盛甫，總領周元霄，劉一順在桂林附近降於廣西巡撫劉長佑。餘部（大約由汪海洋率領）東走湖南永明，江華，道州。

擒劉狗，宋喜元，蘇立楞眼（天才）楊興太敗總兵

擒入河南

承惠於河南柘城高辛集，道員張曜力戰卻之。
9,11（七，二六）侍王李世賢占領浙江桐鄉。

桐鄉情形

（註）“桐鄉縣志”記太平軍占領桐鄉後之設施情況云：“十一年辛酉三月又有鍾姓僞官來設館，並立軍帥師帥等名目，招邑之無賴者充之。設局斂錢，按殷戶淺錢，解送郡城踞逆僞聽王陳炳文（按咸豐十一年炳文尙未封王）稍違其意，卽加縲紲。其市上列肆，按生意之大小派出月捐，店捐，股捐。復率賊黨至各鄉擄掠，名曰打先鋒。是年踞逆公然徵銀收漕，有陳張兩胥吏，獻徵冊於賊，故得按籍而稽，無敢匿者。每畝收白米二斗，又錢七百，折價每石六千二百文。十一月二十八日，杭省再陷，賊勢益張，公然考試文武童生，無賴子竟有投試者，不過數人而已。同治元年壬戌正月，賊拆毀城隍廟，木料解至嘉興，造僞聽王府（按炳文此時或係甫封王。卷二〇。頁八一—九）。

又云：“庚申十一月初九日。僞武經政司魏逆擁衆至〔青〕鎮，僞軍帥吳某爲前驅，遂於北市作土城踞焉。外築濠塹，內闢園第，皆拆巨室之材爲之。踞賊出僞示，索鄉民進貢銀米豬羊等物，給小旗一方，書“太平天國安民鄉”字樣。於是四鄉博徒土棍及地保皆——作爲鄉官。乘機嚇詐荼毒鄉民。賊禁雍頭，犯禁者輒——被罰。盡毀廟中神佛像

每食必持咒拜天（卷一——二〇，頁一〇）。

又云：“避鄉者仍歸鎮賊，服飾無分貴賤，夏日短衣跣足，雖頭目有僞爵者亦然，冬則穿裘緣以雜飾，厮養或衣婦人衣，有喜慶事則以帛裹首，黃爲上，紅次之，黑又次之（卷二〇頁一一）。

副都統多隆阿督副將雷正綰。參將趙旣發，陶茂林，姜玉順，王可升，游擊梁洪勝等猛攻安徽桐城。純天燕，豫天燕力戰卻之，斃游擊許應城，張朋山，守備胡世明等。

9,13（七，二八）湘軍道員張運蘭抵安徽徽州，取道旌德，進援寧國府。

9,15（八，一）侍王李世賢部（自浙江來）助輔王楊輔清等圍攻安徽寧國府。

擒劉狗。宋喜元等圍攻河南陳州府及周家口不下，西南走上蔡汝陽。

曾國藩自安徽祁門到黟縣漁亭，巡視營壘。

9,16（八，二）定南主將擎天義黃文金（黃老虎）佐將營天義李遠繼等自江蘇江陰無錫進占常熟昭文，敗江南團練大臣龐鐘璠。

（註）“海虞賊亂志”云“黃老虎果於初更到縣，李逆接着說：‘小弟探得芝塘梅星兩處民團已經齊集，專俟任陽勇到，一併殺向城來，特請大哥定

常熟情形

計’。黃老虎忙與李逆掌燈上馬，同出東門，環城四望，大笑而回，打館昭文署中。四更後步賊齊到，乃出令六門把守，黎明黑旗隊開刀，將城內人家，挨戶嚴搜，老男老女，合置一處。少壯男人，分派各館當差，年輕婦女，擇大宅安處，當心看守。幼男幼女，立即殺死。可口之物，及金銀珠寶值錢東西，一應解我，不許私藏一些。倘遇嘔強者，概殺無論。妖頭人家，逢男開膛，逢女輪姦。抑或美貌如花者。不許擅行遺漏，解我當面。留爲把酒取樂之用，違令者斬。城門守將。不許私放一人。各門出哨十里，□旗爲界。倘有妖來。立即稟報。兄弟們先有獲着，合我意者，解到陞爵重賞。

“李逆上前道：‘小弟昨日進城，獲一會姓妖頭，押他到家，訊供不吐，喝令開膛，入內搜着寶銀幾隻，女人無見，其餘東西，不暇搬取。寶銀現存弟處，少頃奉上’。黃逆笑曰：‘些少物件，何庸提起，今後我二人和同歡樂。這地方必有大好處也’。說罷天已向辰，命大堂擺酒，李逆道：‘大哥海量。取大碗來’。黃逆道：“不消，如今非暢飲之時，小杯尚須慢飲，不過借此敘坐而已，倘有急報，即可出仗，東勇未散，諒必發作，”（頁一五——一六）。

忠王李秀成到浙江桐鄉（明日又去，卽回蘇州）。

飲酒

9,17 (八,三) 曾國藩令副將宋國永統鮑超部霆營自安徽太平縣拔隊進攻涇縣,以援寧國府。

曾國藩奏請令駱秉章暫緩入川。俾左宗棠軍來皖。

9,18 (八,四) 定南主將黃文金自江蘇常熟攻占福山,斬總兵葉萬青,另枝攻太倉,斬已革鎮洋知縣吳樑。

翼王石達開部宰制曾廣依等自貴州定番進至青巖,逼貴陽省城。

石達開部逼貴陽

翼王石達開舊屬後旗占領廣西興安。

9,19 (八,五) 求天義陳坤書,朗天安陳炳文部自浙江嘉興府再占平湖。

定南主將擎天義黃文金,佐將營天義李遠繼在江蘇常熟出示安民。

安民告示

(註)“海虞賊亂志”云:“初五日,城中黃李二逆六門懸偽安民示,其略云:‘爾常昭鄉城百姓,本屬仁厚可嘉,無奈被勇棍王元昌所惑,夏秋間大吃其苦。今王元昌諒不能再惑爾等,是以逃遁他方,不敢出頭。我蘇福省(蘇州)忠王千歲,洞悉情由,命封刀入城,秋毫無犯。前日白場出隊,突因東妖膽攫我鋒,以至玉石俱焚。殊深惋惜。今後爾等欲歸家安業者。只須按圖備辦豬羊油鹽等物,擇一二確實之人,按旗前導,旗上大書“納貢”二

字，後面緩敲鑼鼓，擡着物件，送進城來，我給予路憑，爾等歸後，即行寫明人數，具册投呈，我即給發門牌，張掛門首，我弟兄見之，不敢吵擾，爾等居安如舊，老幼男女，高枕無憂。若然（仍？）恃頑不睬。立即放出大隊，踹爲平地，鷄犬不留。我言及早，爾行勿遲，急切凜遵，勿違，特示’”（頁一九）。

9,20（八，六）安徽石埭太平軍攻破太平甘棠清副將余永椿，參將袁國祥等營盤。

捻破清軍

擒劉狗，宋喜元等大敗河北鎮總兵承惠於河南汝陽，承惠及同知田玉梅，副將王榮烈，百順，苗玉榮等均戰死。

蘇松太道吳煦請援於英國公使普魯斯。

吳凌雲

9,21（八，七）廣西天地（三合）會延陵王吳凌雲占領太平府（今崇善），知府劉作肅死之（據“鎮邊縣志”，凌雲曾稱東魯王）。

湘軍道員李元度自湖南領軍到安徽祁門。

9,22（八，八）清帝以英法聯軍進逼，自北京走熱河。

左宗棠軍東征

四品京堂左宗棠自長沙統王開化，劉典等軍由醴陵出江西赴皖南。

湘軍道員張運蘭進抵安徽旌德，援寧國府，爲隆天福賴文鴻所阻。

9,22——30 (八,八——一六)脫離翼王石達開之左旗後旗(大約爲譚體元汪海洋等)相繼由廣西龍虎關經湖南永明抵道州江華,湘軍副將周達武,李金陽,王永章截擊,陳安昇等四千人降(9,25),餘東走入江西。

9,23 (八,九)輔王楊輔清侍王李世賢攻占安徽寧國府北竹塘,斬清副將朱景山。

9,25 (八,一一)命曾國藩袁甲三等剋日派兵赴北京(勝保之請)。

陳李會於蘇州

忠王李秀成約於此時自嘉興回抵蘇州,英王陳玉成亦自常州前來,共商大計。

(註)天王頒到嚴詔,命李秀成赴上游,北圖中原,似欲乘英法軍進攻北京之機,留美學生粵人容闈即曾以此策說之。秀成不欲行,旋得湖北江西各處投誠文書,因即覆奏。謂招集此部人馬之後,再行遵詔北行。

據秀成供狀云:“張玉良不敢再戰。亦自逃回杭州。〔嘉興〕解圍已定,我亦班師回省息兵。此時七八月間,以近省之民,亦有安好,亦有未安好,此外尚有難民,當即發糧發餉,以救其寒……是以蘇屬百姓之念我也。自解嘉郡圍之後,回省正是八

月中旬，天王嚴詔頒到，命我赴上游。

又據“海虞賊亂志”云：〔八月〕初八日梅物搶盡，……福山長毛朱逆知梅里芝塘各大鎮被土匪焚掠殆盡，遂據實情形，具稟城毛，黃（文金）李（遠繼）二逆。見稟大怒曰，‘豈有此理，膽敢放肆，本該勦滅無遺，奈各圖納銀貢物，又遲循良，此間百姓好歹懸絕，只好申詳常州英王，蘇州忠王，看他如何主意。我們此時大家謹守，待回令一到，同奉而行’。於是遣使投稟。適僞英王到蘇會話，同見此稟，皆曰，‘黃李二將工夫進矣，若前次遇着此事，並不前來請令。如今不擅動怒，卻有王者之度也。……’常熟去蘇州約一日程，黃李稟到，當在陰歷八月初十日左右，彼時英王已至，秀成供狀，亦明言於中旬回省，兩王相會後，英王即折回天京，於八月十六日渡江北進。核計道程，時間，事實，大致相符（頁二一——二二）。

9,26（八，一二）輔王楊輔清，侍王李世賢，及古隆賢，賴文鴻攻占安徽寧國府。已革湖南提督周天受，皖南道福咸，知府顏培文，知縣王乃晉等均死之。

9,72（八，一三）先鋒譚星，陳榮，周春，林彩新

楊李占寧國府

等合天地會陳帶，曾超自廣東入江西經信豐攻安遠。

副都統多隆阿督軍開挖地道以攻安徽桐城，守軍突襲，斃副將楊得武，游擊張朋山，守備胡世明等。多隆阿即撤隊。

9,28 (八,一四) 忠王李秀成軍 (似即定南主將黃文金) 占領江蘇太倉州及鎮洋縣。

占領太倉

(註)“太倉州志”記太平軍占領太倉州後設施情形云：“敵每陷城邑，初至，日出焚掠，謂之打先鋒。各鄉無賴子斂民間財物以獻。謂之進貢。納其獻，乃出示安民，即以爲僞官，駐於各鄉鎮。以其鄉之人也，謂之鄉官，有軍帥，師帥，旅帥，百長，司馬之目。每取於民，特爲耳目。計畝造冊，着佃收糧。沙溪鎮軍帥韓吉廷恐嚇需索，民尤不勝其擾” (卷一四，頁一九)。

田賦

9,30 (八,一六) 英王陳玉成軍自天京九洑洲新江頭渡江北進，前隊到儀徵，提督李若珠禦之 (玉成本人大約已自蘇常到天京)。

皖南道李元度統湘軍三千抵安徽徽州府，接辦防務。

以李世忠誘斬叛變之參將薛成良 (即薛之元，七月

1860 (咸豐一〇年)

叛於揚州) 薛之和兄弟功，授爲江南提督。

川寇藍大順自四川蒲江入丹陵縣(10,29 北去)。

10,2(八,一八)以翟誥署湖南巡撫。

侍王李世賢自安徽寧國胡樂司進至績溪叢山關及樓下。

浙江平湖太平軍又退去。

10,3(八,一九)侍王李世賢敗皖南道李元度湘軍

於安徽績溪叢山關，斬營官同知童梅華。

荊州將軍都興阿統馬步軍千餘取道安徽英山，霍山，六安，壽州前往揚州，督辦江北軍務。

10,4(八,二〇)湖南綏靖鎮總兵鮑超自四川夔州回抵安徽祁門。

總兵米興朝克復浙江平湖。

10,5(八,二一)湘軍道員張運蘭與侍王李世賢軍戰於安徽績溪之楊溪，敗之(明日運蘭仍回旌德)。

江蘇常熟福山太平軍(朱某)及崑山太平軍(李某)奉忠王李秀成命，出隊梅里芝塘，冲通岡升路，挨戶嚴搜沿路兩邊十里內人家。(到芝塘者爲新任丞相陶某，紀律甚佳，在梅里打館之朱某，爲黃文金部最爲兇惡)。

10,6(八,二二)侍王李世賢占領安徽績溪。

10,7(八,二三)忠王李秀成以常熟太平軍在岡升一帶吵擾不堪，特自蘇州發提牌三十，各執令

李世賢敗李元度

李秀成軍紀

箭，騎快馬提回大隊。

10,8 (八,二四) 侍王李世賢，率國宗楊雄清，掄(輪)天義練業坤及通天義(進天義范汝增?)，贊天義(寶天義黃呈忠?)進攻徽州，敗湘軍道員李元度，斬守備張裴文，圍政府城。

10,9 (八,二五) 侍王李世賢國宗楊雄清占領安徽徽州府。湘軍道員李元度敗走浙江開化。

李世賢占鄣州

10,9 (八,二六) 英王陳玉成攻占安徽定遠鐘橋，破清軍尹善廷營。

陳玉成西征

曾國藩飛調總兵鮑超自安徽太平回軍漁亭，道員張連蘭自旌德回軍黟縣。遏侍王李世賢軍西進。

10,11 (八,二七) 江蘇丹陽太平軍(侍王李世賢部大約係自金壇來)圍攻鎮江。

忠王李秀成以定南主將擎天義黃文金，統下擅違限期，不先申稟，令回安徽蕪湖，以忠殿承宣棟天燕錢桂仁代守江蘇常熟昭文，限本日交割(英王陳玉成亦派詳天福侯得隆來監守，民事歸錢，軍令屬侯。又文金將城中老男老女放出，年輕婦女仍收入姊妹館，有力壯男，盡挈西行)。

黃文金西調

10,12 (八,二八) 侍王李世賢國宗楊雄清占領安徽休寧(世賢即折回浙江)。

10,13 (八,二九) 英法聯軍占領北京。

羅孝全到
天京

美國教士羅孝全（即羅孝1, J. Roberts）到天京，極受天王優遇（羅孝全於天王措置，頗多不以爲然。一說羅於10,31 到天京。按羅係陽曆九月到上海，旋至蘇州晤忠王）。

10,14（九，一）英王陳玉成圍攻安徽壽州，巡撫翁同書，總兵慶瑞禦之。

平西主將吳定彩，前軍主將吳如孝，合征北主將張洛行，及龔得樹圍攻安徽鳳陽府，道員張學醇副將吳秀等卻之。

懷天燕錢桂仁及詳天福侯得隆於江蘇常熟各鎮，立卡收稅，並催寫門牌，按戶繳費（量力多寡，並無板數），分三限領牌納費。

10,15,（九，二）英王陳玉成軍洪天福，康天福（均爵名）攻安徽六安州。道員李元華及同知潘鼎新，千總劉銘傳督團練敗之於金家橋，擒丞相張開和，檢點吳化鳳。

10,16（九，三）侍王李世賢自安徽徽州入浙江淳安。

總兵馮子材擊退圍攻鎮江之太平軍（侍王李世賢部）。

10,17（九，四）總兵黃彬，副將郭定猷合江蘇通州知州張富年民團克復江陰，擒丞相李添壽。

布政使李續宜率湘軍四營到安徽祁門，援曾國藩。

門牌費

10,18(九,五)四品京堂左宗棠率湘軍自南昌東進。

忠殿承宣慊天燕錢桂仁在江蘇常熟徧貼告示，派設鄉官，寫花戶冊⁸

(註)“據海虞賊亂志” 11,2(九,二〇)後，“以昭文地界，分前後中左四營，常熟地界分前後中右四營，每營一軍師(帥)，五軍(師)帥，二十五旅帥，一百二十五卒長，六百二十五兩司馬，三千一百二十五伍長。軍帥請當地有聲價者充當，師帥以書役及土豪充當，旅帥卒長以地保正身夥計分當，惟兩司馬伍長硬派地着中殷實者承值，凡有役賦不完結者，都責任他身上。

“出偽示，着旅帥卒長，按田造花名冊，以實種作准，業戶不得掛名收租，各分疆界。起房捐店捐，開張者領店憑，有船者領船憑，水陸要路，立卡收稅。封墳樹宅樹充公用，各手藝當差。居民留髮。如有一項違示者，定按軍令。完現年漕米，補完現年下忙銀兩，限到年一併清割。幸是年秋收大熟，各項皆能依示。惟收租度日者，及城中難民無業無資者，甚屬難過，(按此係實行耕者有其田)。

“次年(咸豐十一年)二月，錢侯二逆懸牌。於三月三日考試文武生童，發偽札，飭各師旅帥，每師名下選考文者五名，武者一名。李賊奴每日啓子

常熟情形

鄉官

田租與稅捐

考試

一次至五次，不應，乃轉請王姓土豪具札來勸，子遂作書以絕之。

“四月間，幼弟渭清梅里歸來云，今番白茆東岸，因每畝辦折紅粉七十文，紅粉者，火藥也，民衆駭異，攢罵僞職。……五月，時有蘇州衛十餘人到陸家市來收軍租，夜宿篁多廟，傳軍催按額清還。各佃以完辦銀米，無力再還租籽，堅執不肯，吵鬧一日，各佃情竭，夜持農具，進廟暗扑，僅活一人，逃城聲報。……六月間，陳塘壩各農以師旅帥收銀浮數，乃鳴鑼圍聚二三百人，到西周市講話。……十月中，周巷橋民以僞職收漕過倍，將收者綁縛剖腹抽腸掛樹。……

“同治元年……二月……分派統下頭目散往各鎮，將廟中神佛像移置別處，大殿改作天父堂，排書案，羣毛執刀列兩行，拘農民，具限期，每畝賦役折價，漲價至二千零六十文。農民何力完辦，到麥熟有未清者。僞職代坐天父堂，着司馬伍長交出欠戶，當堂行杖，命聽差隨至其家，將所收麥子蠶豈，盡行拏出，作價抵償。老幼男女，見此情狀，泣淚如雨。蓋麥子蠶豈。農家磨麥炊飯炒豈，加油鹽作菜食之，以耕耘禾苗也，今被拏去，奚能種熟田畝，是以不勝哀戚。更有貧戶無春熟者，責成司馬伍長墊賠，不足，關鎖黑牢。黑牢者，揀廟中幽僻之室，另砌一間。白日無光，又無桌櫬，推入其

軍租

天父堂

賦役折價

中，外面看守牢固，俟他熬苦不過，送信到家，將衣服器皿抵償賠數，再出差錢，及開鎖之費”。
頁三五——三九）。

10,19 (九,六) 曾國藩奏請於必要時於己與胡林翼二人中飭派一人帶兵北上入援。

10,20 (九,七) 侍王李世賢，進天義范汝增掄（輪）天義練業坤占領浙江嚴州府，斬副將封九貢（世賢尋又折回皖南。提督張玉良軍反攻府城，無功）。

英王陳玉成攻安徽壽州不下，撤圍南走
（所部三枝，一回定遠，一趨廬江，一赴六安）。

10,21 (九,八) 英王陳玉成軍再攻安徽六安州，總兵吉順會同道員李元華，同知潘鼎新，千總劉銘傳團練復卻之。

捻姜台凌，張敏行，趙浩然，劉天福自運河折回徐州，西入山東。

10,22 (九,九) 賴文鴻攻占安徽旌德，以其弟賴鴻和守之（尋爲輔王楊輔清部所逐）。

10,23 (九,一〇) 英王陳玉成軍攻安徽舒城，不下。

天王以李春發爲京畿總管，黃期陞爲眞神殿大學士，殿前左正使（太平天曆九月十四日）。

捻入山東

京畿總管

10,24 (九,一一) 翼王石達開部宰制曾廣依等爲貴州提督田興恕所敗,自貴陽青巖東南趨。

中英北京條約簽字(明日中法條約簽字)。

10,26 (九,一三) 捻姜台凌趙浩然等圍攻山東濟寧州。

10,27 (九,一四) 江西軍總兵阿隆阿,廣東軍都司方耀援江西安遠,與先鋒譚星,陳榮等戰。

命江西吉南贛寧道李瀚章幫辦團練事宜。

10,28 (九,一五) 左宗棠率湘軍抵江西樂平。

10,30 (九,一七) 總兵吉順,惠成等解六安州圍。

10,31 (九,一八) 捻姜台凌等占領山東濟陽,進攻泰安。

駱秉章交卸湖南巡撫準備入川督辦軍務。

10, (初旬) 忠王李秀成留求天義陳坤書主持蘇省軍民事務(大約坤書此時已任副掌率後軍主將),即由蘇州前往天京。(一)奏陳不欲北上,天王怒責不允,秀成強行不顧,堅持先赴江西湖北接應降民。(二)在府中會集王兄王弟囑多買米糧,勿存銀兩,以防皖省不固,湘軍來困。復將此意啓奏天王,天王責其懼死,云“朕天生真命主,不用兵而定太平一統。秀成無法,(三)囑蒙得恩,林紹璋,李春發堅守天京江東門雨花臺營寨(時合城文武遵秀成言,購買米糧。彼時

北京條約

捻攻泰安

陳坤書守蘇州

李秀成在天京之布置

天王之自信

洪氏出令，非洪氏票不能買糧，不得出京，無錢概不發票。得票買糧回京，復徵重稅，是以人多不肯買糧入京）。

10, (下旬) 忠王李秀成出天京經安徽太平府，蕪湖，繁昌，進上石埭，黟縣（楊載福奏10,31秀成軍已到三山夾一帶，11,16曾國藩已得知秀成到太平縣附近，似係其前隊）西入江西湖北。英王陳玉成則自皖北入鄂北，輔王楊輔清，定南主將黃文金沿長江南岸趨贛北，侍王李世賢經徽州進贛東，右軍主將劉官芳攻祁門，牽制曾國藩大營，共分五路（西征計畫定於本年五月十一日，其戰略則似決於九月蘇州之會，一說在六月。應以九月爲是）。

11,2(九,二〇) 四品京堂左宗棠率湘軍到江西景德鎮。

以毛鴻賓爲江蘇布政使，李續宜爲安徽按察使。

捻劉二老淵（玉淵）占領山東鄆城。

太平軍水師礮船自江蘇宜興占浙江長興夾浦，另枝自餘杭來占長興城。

11,3(九,二一) 湘軍水師副將李朝斌參將丁泗濱截擊忠王李秀成軍察天豫於安徽隔湖。

李秀成西征

僧格林沁剿捻

容闓及英教士往天京

11,4 (九, 二二) 捻姜台凌張敏行等占領山東蒙陰 (旋東南走)。

川寇藍大順經四川彭縣 (自丹陵來) 攻什邡城。

11,5 (九, 二三) 以捻衆北入山東, 命科爾沁親王僧格林沁, 侍郎瑞麟剿辦直隸山東河南各匪。

11,6 (九, 二四) 粵人容闓 (中國最早之留美學生) 偕英教士楊篤信 Griffith John 等自上海往南京視察。

檢點汪玉發在安徽盱眙竹鎮集爲副將格洪額所擒。總兵曾秉忠, 副將向奎水陸攻江蘇青浦, 被周文嘉拒退, 皆中創。

11,7 (九, 二五) 捻劉二老淵攻山東曹縣。

11,8 (九, 二六) 提督楊載福部副將何瑞祥, 劉正隆截敗忠王李秀成軍於安徽三山夾, 秀成軍走繁昌。又副將李朝斌等擒穰天燕李落花, 丞相宋桂玉, 檢點劉玉元, 將軍江興文於白茅鷲, 運漕。

幼東王

11,9 (九, 二七) 天王詔爲幼東王預作九重天廷 (太平天曆九月三十一日)。

英教士楊篤信等自上海到蘇州, 晤守將劉某 (劉肇均?), 受其招待。

11,11 (九, 二九) 侍王李世賢敗已革提督張玉良等於浙江嚴州府, 西占壽昌, 東占桐廬 (旋均爲浙軍克復)。

湘軍總兵鮑超督余大勝, 唐仁廉, 婁雲慶, 鄭陽

和，道員張運蘭督劉松山，易開俊，劉光明，陳青雲會攻安徽休寧，連破數卡。

道員李元華督千總劉銘傳，同知潘鼎新等圍練擊走英王陳玉成軍於六安州。

11,13 (一〇，一)翼王石達開舊部軍略朱衣點，彭大順，觀天燕童容海自廣西融縣占領湖南綏寧，知縣吳熊死之(英王陳玉成時正擬自安徽六安英山進攻湖北，約朱彭等進攻湖南，互相呼應)。

童容海等脫離石達開

容閱及英教士楊篤信等自蘇州抵丹陽，據云沿途太平軍與人民相處甚得，秩序頗佳。

江南情形

11,14 (一〇，二)翼王石達開舊部左旗後旗(汪海洋等)自江西瑞金，廣昌，南豐圍攻建昌府(明日北趨)。

川寇藍大順自四川什邡東走，進攻潼川府。

湘軍提督楊載福督水師總兵李成謀，副將李朝斌，李濟清，丁泗濱，何瑞祥，及陸師千總尹昌景，韋以琳援安徽南陵。

11,16 (一〇，四)忠王李秀成自天京抵安徽蕪湖。侍王李世賢占領浙江新城，總兵劉季三退富陽。

翼王石達開舊部軍略朱衣點，彭大順等占領湖南城步，知縣安和死之。

翼王石達開舊部先鋒譚星，陳榮，周春，林彩新等爲清江西軍布政使林福祥，總兵阿隆阿，廣東軍

都司方耀所敗，撤江西安遠圍。進占廣東平遠。湘軍道員張運蘭陣斃將軍汪懷忠於安徽休寧迪祥湖。

總兵曾秉忠統福建長龍船水師克復江蘇金山楓涇。11,17（一〇，五）湘軍水師提督楊載福，總兵李成謀等援出安徽南陵守軍總兵陳大富及人民十餘萬（旋安置於東流）。賴文鴻等即占領南陵縣城。

11,18（一〇，六）忠王李秀成自安徽蕪湖截擊由南陵退出之湘軍提督楊載福等，載福卻之。

英教士楊篤信及粵人容閔等到天京，寓美教士羅孝全處。

11,19（一〇，七）忠王李秀成部（周文嘉？）進攻江蘇松江廣福林，敗副將向奎，總兵曾秉忠來援，忠王部走寶山羅店，尋退回青浦。

軍略朱衣點等圍攻湖南武崗州。

英教士楊篤信及容閔晤于王洪仁玕，閔向仁玕建議七事：改善軍隊組織，設立軍事及水師學校，建設良好政府，創辦銀行，釐訂教育制度，設立實業學校。

11,20（一〇，八）侍王李世賢遣進天義范汝增掄天義練業坤自浙江嚴州府回安徽徽州，西援休寧。提督張玉良，總兵李定太參將韓廷貴乘機攻

克嚴州府城。

侍王李世賢占領浙江臨安，進攻富陽，斬副將劉芳貴。

湖南軍知州張士寬，同知何鍾秀克復綏寧。

親王僧格林沁，侍郎瑞麟抵直隸河間府剿捻。

11,21 (一〇,九) 侍王李世賢占領浙江富陽，斬候補提督直隸通永鎮總兵劉季三，都司張順等。進占餘杭。

劉季三敗死

湘軍道員江忠義參將黃仁遺敗軍略朱衣點等，解湖南武岡州圍。

干王洪仁玕再與容閔商談前日所論七事，頗表贊同，(又數日仁玕擬留容閔在太平天國政府任職，容閔未允)。

11,22 (一〇,一〇)翼王石達開舊部軍略朱衣點，彭大順，觀天燕童容海棄湖南城步東走。

11,23 (一〇,一一) 侍王李世賢自浙江富陽進逼杭州。浙軍復富陽。

李世賢逼杭州

諭曾國藩，薛煥，王有齡，袁甲三等籌議俄國撥兵在水路會擊及採辦臺米洋米運津是否可行(國藩薛煥贊同，甲三反對。俄人恐英人得勢，因亦欲參加，以作對抗)。

11,26 (一〇,一四) 英王陳玉成糾合龔得樹，孫葵心等進至安徽桐城西南之挂車河，望鶴墩，香

陳玉成援安慶

舖街，尊上庵，棠梨山，紮營四十餘座，謀解安慶城圍。清福州副都統多隆阿督參將趙既發，都司藍斯明等禦之。

侍王李世賢分二隊撲攻杭州。清副都統傑純，副將文瑞吳再升，布政使麟趾拒之。

進天義范汝增，掄天義練業坤自浙江嚴州淳安入昌化，過昱嶺關，趨徽州。

11,27 (一〇,一五) 杭州將軍瑞昌，副都統傑純，浙江提督饒廷選，布政使麟趾，副將文瑞，吳再升擊退逼攻杭州之侍王李世賢軍。

湘軍總兵鮑超，道員張運蘭大捷於安徽休寧萬安街。

11,28 (一〇,一六) 浙江軍副將吳再升，文瑞克復餘杭。侍王李世賢北走。

侍王李世賢部掄天義練業坤，進天義范汝增自安徽徽州解子藥大礮入休寧城濟軍（即本月二十日自浙江嚴州派來之援軍。據曾國藩奏世賢本人此時似已到徽州）。

翼王石達開舊部軍略朱衣點，彭大順，觀天燕童容海占領湖南東安，殺知縣趙榮祺（旋東南趨道州，永明，湘軍道員江忠義追之）。

11,29 (一〇,一七) 湘軍總兵鮑超道員張運蘭再

瑞昌敗李世賢

鮑超攻休寧

攻安徽休寧，燬壘二座。

翼王石達開舊部左旗後旗（汪海洋譚體元？）自江西建昌府攻鉛山河口鎮，將軍錢得富戰死。

命在籍之前陝甘總督易棠，內閣學士周玉麟，翰林院侍講學士丁善慶幫同湖南巡撫翟誥辦理團練事宜。

11,30（一〇，一八）揆天豫，陳天福（忠王李秀成部）自安徽天長，盱眙，屢攻洪澤湖濱之三河，蔣壩，馬壩，衡陽，總兵安勇鶴齡等卻之（秀成旋調平西主將吳定彩及黃金愛朱興隆來守天長六合）。

侍王李世賢軍圍攻浙江湖州。

山東平原團練圍城抗糧。

12, 太平軍毀江蘇句容寶華山銅殿，並拆各殿宇樑棟，運至天京，累月不輟。

12,1（一〇，一九）忠王李秀成自蕪湖經繁昌，南陵，石埭，太平，由羊棧嶺進向黟縣，謀斷湘軍鮑超張運蘭糧道，解休寧圍，大破游擊趙廷貴，擊潰黟嶺各防，遂自盧村占領黟縣縣城。

侍王李世賢力攻浙江湖州府。副將劉仁福，游擊劉仁祿兄弟（廣東人）謀內應，道員趙景賢斬之，並擒檢點吳大桂，秦步亨。

12,2（一〇，二〇）湘軍總兵鮑超督霆營副將宋國永等會道員張運蘭老湘營敗忠王李秀成軍，斬殺

李世賢攻湖州

鮑超敗李秀成

千餘，克復黟縣。秀成退守盧村。

以嚴樹森爲河南巡撫（前任慶廉與藩司賈臻互參，均撤任），並命毛昶熙督辦河南剿匪事宜。

山東莘縣團練抗糧，焚搶縣署。

12,3（一〇，二一）忠王李秀成與湘軍總兵鮑超，道員張運蘭大戰於安徽休寧柏莊嶺，大敗，折損四千餘人，丞相吳桂先等亦戰死。當卽改由箬嶺赴休寧徽州，取道屯溪進往婺源。

翼王石達開舊部左旗後旗（譚體元，汪海洋？）自江西鉛山河口分走廣信，廣豐，及貴溪，安仁。翼王石達開部宰制張遇恩等攻撲貴州赤土長田，湘軍參將王萬升等卻之。遇恩等趨長寨廳。

命荊州將軍都興阿督辦江北軍務，福建陸路提督李若珠幫辦。

12,4（一〇，二二）湘軍左宗棠部游擊王開琳等敗翼王石達開舊部左旗後旗於江西貴溪周坊，石部改由弋陽北趨。

12,5（一〇，二三）英王陳玉成復率捻龔得樹孫葵心於安徽桐城掛車河之望鶴墩增築營壘。副都統多隆阿督協領溫德勒克西，金順，參將姜玉順等三路進擊，斬獲千餘。

掛車河之戰
開始

12,6 (一〇,二四) 英國教士楊篤信報告, 天王 (幼主名義) 旨允自由佈教。

12,7 (一〇,二五) 安徽按察使李續宜會福州副都統多隆阿拒英王陳玉成等於桐城挂車河。

侍王李世賢攻浙江湖州不下, 撤圍西去, 復入安徽徽州, (曾國藩奏云世賢時在徽州, 或係世賢部將之誤)。

翼王石達開部宰制曾廣依張遇恩及余明富占領貴州長寨廳, 斬同知劉宗元 (一作10,7)。

翼王石達開舊部左旗後旗之一部 (後旗譚體元?) 占領江西德興。

12,8 (一〇,二六) 輔王楊輔清圍攻安徽建德。

英王陳玉成繼續與李續宜多隆阿戰於安徽桐城挂車河小松園。

以總兵田在田暫代提督傅振邦督辦徐宿剿匪事宜。從杭州將軍瑞昌奏, 撤去邵燦督辦浙江團練大臣。

12,9 (一〇,二七) 翼王石達開舊部左旗後旗之一部 (左旗汪海洋?) 經江西廣豐玉山東入浙江。

道員屈蟠等復河口鎮 (據“上饒縣志”, 海洋與童容海爲一枝, 明年七月間始到鉛山, 十月入浙江)。

廣東軍都司長清方耀進攻平遠, 翼王石達開舊部譚星等拒之。

左宗棠到安徽祁門晤曾國藩商軍事 (旋復回江西景德鎮)。

陳玉成敗於
掛車河

12,10 (一〇,二八)安徽按察使李續宜督通判吳廷華,副將周忠容,王載駟,彭炳武,蕭慶衍,總兵胡裕發,副將成得升,知府歐陽正壙,列陣八路,並以同知毛有銘,副將王聯芳等分任策應衝殺,與英王陳玉成,捻龔得樹,孫葵心大戰於安徽桐城掛車河,破棠梨山,尊上庵,逼香舖街。福州副都統多隆阿亦督參將石清吉,曹克忠,趙既發,都司藍斯明,雷正綰,游擊梁洪勝,余福象,副將黃勝日分四路會攻,副都統溫德勒克西,金順,佐領富慶,雙福馬隊繼進。斬獲萬餘,平壘四十餘座。玉成等走廬江,誠天侯陳惟一陣亡,(葵心似亦係是戰受傷身死)。

12,11 (一〇,二九)荊州將軍都興阿抵揚州,督辦江北軍務。

廣西三合會延陵王(東魯王)吳凌雲自太平府進占養利州。

12,12 (一一,一)湘軍左宗棠部道員王開化,訓導楊昌濬,劉典,都司黃少春等克復江西德興。翼王石達開舊部左旗後旗之一部(後旗譚體元?)走入安徽,占領婺源。

翼王石達開舊部軍略朱衣點,彭大順,觀天燕童容海自湖南道州抵江華。湘軍道員江忠義劉嶽昭,同知魏喻義等敗之。朱等東走藍山,臨武,桂陽,宜章,桂東。

川北道（練總）苗沛霖與安徽壽州紳士孫家泰練總徐立壯結怨，壽州練局殺苗部練勇七人，沛霖聲言將攻州城。

苗沛霖

12,13（一一，二）副都統多隆阿臬司李續宜攻安徽桐城不下，即撤隊。

翼王石達開舊部左旗後旗之一部（左旗汪海洋？）攻江西玉山及浙江常山（旋歸併忠王李秀成部）。

12,14（一一，三）定南主將黃文金占領安徽東流（旋為彭玉麟楊載福水師克復）。

輔王楊輔清收湘軍總兵普承堯於安徽建德。

楊輔清西征

湘軍道員王開化等克復安徽婺源。翼王石達開舊部左旗後旗之一部（後旗譚體元？）東走（併歸侍王李世賢部）。

捻姜台凌，張敏行，趙浩然攻江蘇徐州，總兵田在田卻之。

12,15（一一，四）輔王楊輔清，定南主將黃文金占領安徽建德（安慶祁門交通斷絕），湘軍總兵普承堯潰退江西彭澤（曾國藩奏議謂輔清曾參與是役，而其家信則謂輔清並未離寧國府。1861, 3, 22英王陳玉成語英國領事巴夏禮謂江南三軍即忠王，侍王，輔王）。

楊黃占建德

12,16（一一，五）楚軍副將余際昌成大吉攻破安徽霍山三板橋，守備王古先戰死。英王陳玉成部走舒城。

1860（咸豐一〇年）

12,17 (一一,六) 科爾沁親王僧格林沁抵山東濟寧州剿捻。

洋兵助剿匪

12, 19 (一一,八) 曾國藩奏覆上月二十三日上諭，對於外兵助剿應“獎其效順之忱，緩其會師之期”。又云“目前資夷力以助剿濟運，得守一時之憂。將來師夷智以造礮製船，尤可期永遠之利”。湘軍道員劉坤一平廣西柳州太坪陳戊養亂。

黃文金入江西

12,20 (一一,九) 定南主將擊天義黃文金占領江西彭澤(作明日)

忠天安(忠王李秀成部)自安徽天長江蘇六合進攻儀徵，爲總兵黃彬陳國泰，副將詹啓綸所敗。

翼王石達開舊部先鋒譚星，陳榮，周春，林彩新等據福建武平，閩軍進攻不下。

英與寧波口岸

12,21 (一一,一〇) 英國公使普魯斯(Bruce)自天津訓令寧波領事星察理(Sinclair)謂英國無權保衛寧波，只可設法保護英人生命財產。

12,22 (一一,一一) 定南主將黃文金遣營天義李遠繼占江西浮梁，斷安徽祁門曾國藩軍糧道。

翼王石達開軍之一部合廣西三合會黨(平靖王文茂?)自貴州獨山州西南走，折回廣西南丹州。

12,23 (一一,一二) 湘軍水師提督楊載福克復江西彭澤。

准幫辦揚州軍務福建陸路提督李若珠開缺。

侍郎（前大學士）瑞麟抵山東濟寧州剿捻。

12,24（一一，一三）定南主將黃文金圍攻江西湖口。湘軍道員彭玉麟水師先至。力拒之。

安徽練總（川北道）苗沛霖與壽州徐立壯孫家泰互相攻打，並在潁上劫餉銀礮船，通款於英王陳玉成（玉成派余安定，許道奎，趙大治等到沛霖處接洽）。

苗沛霖叛

英教士楊篤信及容閔等離天京回上海（天王子幼主詔各王將善遇教士。先是容閔對太平軍頗抱希望，至是始知其實無建設新中國之能力）。

容閔及英教士去天京

12,25（一一，一四）定南主將黃文金攻江西湖口不下，南占都昌。李遠繼軍亦以湘軍左宗棠部道員王開化，訓導劉典，楊昌濬，副將王明輝，參將丁長勝等之壓迫自浮樑西占饒州府。

湘軍總兵鮑超自安徽休寧西館上援江西景德鎮。

12,26（一一，一五）侍王李世賢自安徽休寧屯溪攻破江灣湘軍副將王夢齡營盤，斬守備馬登榮等。

李劉逼祁門

右軍主將劉官芳及古隆賢，賴文鴻自安徽黟縣攻破禾戍嶺。

定南主將擎天義黃文金退出江西都昌，湘軍副將成發翔即克復縣城。

12,27（一一，一六）侍王李世賢攻破安徽休寧上溪口湘軍副將楊名聲營盤。名聲受傷潰退。

軍略朱衣點，彭大順，觀天燕童容海自湖南入江西，占領崇義。

捻劉二老淵大敗科爾沁親王僧格林沁，侍郎瑞麟於山東鉅野之陽山集及金山，斬副都統格棚額，侍衛德成父子。瑞麟墜馬受傷，走汶上縣，僧格林沁走濟寧州。

12,28 (一一,一七) 右軍主將劉官芳及古隆賢，賴文鴻破安徽黟縣羊棧嶺，桐林嶺，湘軍道員張運蘭部楊鎮魁，黃萬友，朱紹輝却之。

侍王李世賢逼近安徽祁門（時祁門之北為劉官芳軍，西為黃文金軍，東即世賢，曾國藩大營陷於包圍）。

湘軍副將唐義訓，沈寶成，黃惠清，參將陳玉恆等攻克安徽建德（安慶祁門文報復通）。

12,30 (一一,一九) 忠王李秀成抵安徽婺源，進向江西（秀成軍中有西人及黑人，英人哈俐即在內，但旋即折回南京。又侍王李世賢左右亦有西人）。

右軍主將劉官芳等屯軍安徽黟縣盧村，逼攻祁門北路。

軍略朱衣點，彭大順，觀天燕童容海自江西崇義東走。

捻敗僧格林沁

曾國藩大營被圍

太平軍中西人

1860 (咸豐一〇年)

12,31 (一一,二〇) 右軍主將劉官芳及古隆賢，
賴文鴻爲湘軍霆營副將宋國永及老湘營參將黃萬
友，劉松山等敗於安徽黟縣盧村，退出羊棧嶺
外。

上海图书馆藏书



A541 212 0016 0017B

015699

